

# Auß den fürne- mesten Secretis, weiland

des Edelen vnd Hochgelehrten  
Herren Bartholomæi Carrichters / des  
Röm: Kay: May: Herren Maximiliani  
des andern / vnser Allergnedigsten  
Herren / zc. Hoffdoctoris.

- I. Von allerhand Leibs Kranckheiten.
- II. Von Ursprung der offenen Schä-  
den / vnd ihrer Heylung.



Mit Röm: Kay: May: gnad vnd freyhete.

Gedruckt zu Straßburg / durch  
Antonium Vertram.  
M. D C. X.

# Inhalt der Capitel des Ersten Buchs dieser Practick.

|   |                |
|---|----------------|
| Für die Kranckheit/ davon eim die Haar auß-<br>fallen/ folio                | 1              |
| Für Hauptwehe von vberflüssigem Blue  | 10             |
| Hauptwee von kalten Flüssien  | 12             |
| Für die Schloffkranckheit   | 14             |
| So einer nit schlaffen kan  | 16             |
| Wider die Vnsinnigkeit im Kopff   | 17             |
| Für die newe Hauptkranckheit  | 19             |
| Für den Schlag auff der rechten seiten                                      | 22             |
| Für den Schlag auff der lincken seiten                                      | 24             |
| Für den Schlag auff beyden seiten so man nit<br>weiß wohin er troffen hat.  | 26             |
| Für den hinfallenden Siechtagen   | 27             |
| Für flüsse dem hinfallenden siechtage gleich                                | 29             |
| Für Melancholische schwermütigkeit  | 32             |
| Für wütigkeit auß der Melancholia   | 34             |
| Für wütigkeit der Leuht vnd Bihes   | 35             |
| Für empfallene Gedächtnuß   | 36             |
| Für böß Schör/ vnd Ohren prausen  | 37             |
| Für Augen weetagen  | ibid.          |
| Für rote flüssige Augen   | 38             |
| Für den weissen fluß der Augen  | 39             |
| Wann einem ein weisser flam auff den Augen<br>ist von ein streich oder stoß | 40             |
|   | <b>Gewechs</b> |

## Inhalt des ersten Buchs.

|   |         |
|---|---------|
| Gewechs vberm Aug   | ibid.   |
| Weisser stam auff den Augen/ so von ihm selbst<br>gewachsen                           | 41      |
| So ein ein Blutstropffen in ein Aug fallet  | 42      |
| So einer durch eine Kranckheit staar blinde<br>würde                                  | 43      |
| So einem Alten sein Gesicht blöd würde/ oder<br>einer sich mit Brillen verderbt hette | 44      |
| Für den Schwindel/ da keine andere Kranck-<br>heit bey ist                            | ibid.   |
| So etnem etwas in die Ohren käme/ als Flöh/<br>oder Würm                              | 49      |
| So ein das Gehör von kalte flüssen verlege  | 50      |
| Wargen vnderm Angesicht/ darauß gemeinlich<br>der Wolff kompt                         | ibid.   |
| Wargen in der Nasen/ oder Feigwargen  | 51      |
| Apostema des Gehirns/ darauß der Auffsatz<br>kompt                                    | 52      |
| Für Nasen vnd Pocken mahl im Angesicht  | 54      |
| Für rote Flecken im Angesicht/ als wolte einer<br>auffässig werden                    | ibidem. |
| Für gelbe Flecken im Angesicht  | 55      |
| Flecken im Angesicht/ die lang gewehret   | 56      |
| Fistel vnden am Maul oder Hals  | 57      |
| Für den Schärbock   | 61      |
| Halswehe von kalten flüssen   | 63      |
| So einem das Zäpflein empfiel   | 64      |
| A ij  | Feig.   |

## Inhalt des ersten Buchs.

|  |        |
|--|--------|
| Feigwarzen im Halß   | 65     |
| Für die Präune   | 66     |
| So ein Kindbetterin die Präune hee                                 | 68     |
| Präune mit der roten Ruhr  | ibidem |
| Präune mit der Pestilenz   | 69     |
| Verstopfung des Blutkastens  | 70     |
| Apostema der Brust   | 76     |
| Apostema der Linken Seiten/ so volle Brüder<br>überkommen          | 78     |
| Apostema der Rechten seiten  | 80     |
| Von der Lungen   | 82     |
| So sich die Lung blähet von kalten winden                          | 83     |
| So einem die Lung faulet   | 85     |
| Vom auffstossen der Mutter   | 87     |
| So einer Frauen die Mutter abgerissen were                         | 90     |
| Für den weissen Stiß der Mutter                                    | 93     |
| Von der Lebern   | 96     |
| Für das Dreytägig Fieber   | 106    |
| So einem die Gall überschüß in Magen                               | 107    |
| Magenwehe von kalter Feuchtigkeit                                  | 108    |
| Für die rote Ruhr  | 109    |
| Für weiße Ruhr   | 112    |
| So ein der Magen verderbt wer von Schleim<br>Cathar/ oder Gelsucht | 113    |
| Für das Herzklopfen  | ibid.  |
| Für das quartan Fieber   | 117    |
| Für  | 117    |

## Inhalt des ersten Buchs.

|   |       |
|---|-------|
| Für den Sand vnd Lendenstein                          | 120   |
| Für Lähme der Hand vnd Füße                           | 127   |
| So einem das Wils schwind                             | 130   |
| Von Nabel Kranckheiten vnd Brüchen                    | 133   |
| Für Darmgicht   | 136   |
| Für Würm im Leib                                      | 137   |
| Für gemeine Würme                                     | 139   |
| Für weh im Kreuz vom Nierenstein                      | 141   |
| Für die Sciatick                                      | 143   |
| Für die Harnwind                                      | 147   |
| Von entzündung der Scham                              | 147   |
| Vom Affer   | 148   |
| Feigwarzen im Affer                                   | 149   |
| So einer ein Hufft verruckt                           | 150   |
| So einem die Kniescheib weich wird                    | 152   |
| Gesicht im Schenckel                                  | ibid. |
| Rose am Schenckel                                     | 153   |
| Für den heissen Brandt / S. Anthonij Feuer<br>genandt | 157   |
| Für die Pestilenz                                     | 159.  |

## Inhalt der Capitel des andern Buchs.

|  |     |
|--|-----|
| Von vrsprung vnd grunde der alten Schäden/<br>vnd cufferlichen Gebrechen | 1   |
| Vom Korlauffen   | 6   |
| A ij   | Von |

## Inhalt des andern Buchs.

|   |             |
|---|-------------|
| Von Schäden auß schwebelicher art                                     | 8           |
| Von S. Anthonij Feuer   | 10          |
| Von Schäden durch ein wütenden hunds biß                              | 15          |
| So eines von einem wilden Schwein geschädiget würde.                  | 24          |
| Von Schlangen blut  | 24          |
| Vom Krebs   | 26          |
| Von Scrophulis  | 28          |
| Von Zauberey Schäden  | 30. 31. 2c. |
| Von offenen Schäden vnd von Gallfüchtiger Feuchtigkeit                | 42.         |
| So die Adern verstopft werden durch Milch/ Käß vnd dergleichen        | 44          |
| <u>Engündre Gall laufft durch die Arterien in die Schenckel</u>       | 47          |
| Hehlung der weissen Blatern/ welche S. Anthonius Feuer mitbringen     | 50          |
| Brand der Gallen vmb die Nieren                                       | 52          |
| Gallfüchtige Schäden in der Pestilenz                                 | 56          |
| Roter strich von der Pestilenz  | 59          |
| Gifftige Schäden der Gall/ so sie etnem vberstehe                     | 64          |
| <u>Wie der Leib purgieret soll werden von der Gallen feuchtigkeit</u> | ibidem      |
| Gallfüchtige Schäden im Angesicht                                     | 72          |
| Kleine gifftige Schäden vnder den Augen/ Fisteln genandt              | 74          |
| Schäden   |             |

## Inhalt des dritten Buchs.

|  |     |
|--|-----|
| Schäden von Donnerstreich                              | 79  |
| Schäden von grobem schwebelichem Menstruo              | 81  |
| Auffsteigende Gallflüß durch die Arterien in das Marck | 89  |
| Gallfüchtige Schäden von den Franzosen                 | 90  |
| Französischer Schaden in der Nasen                     | 95  |
| Von flüssigen Schäden an Schenckeln vnd Armen          | 98  |
| Schäden von Schlier vnd Kolben                         | 99. |

## Das dritte Buch.

|   |     |
|---|-----|
| Von vrsprung vnd herkommen der gesalzenen Schäden von der Melancholia / Auch deren heylung. | 102 |
| Von krafft vnd tugend der Salzkräuter   | 102 |
| Vnder welches Zeichen ein jedes Kraut gehöre  | 110 |
| Kranckheit von verfälschter Materien  | 112 |
| Für die Därmgicht   | 118 |
| Schäden der Kindbetterin von Schweinen Fleisch  | 127 |
| Für gesalzene Schäden des Angesichts / &c.  | 131 |
| Für alte Schäden von Feigwarzen   | 133 |
| Für gesalzene Schäden von Zanweh  | 139 |
| So einem das Zanfleisch anhüb zu faulen   | 142 |
| Erbgrind  |     |

## Inhalt des dritten Buchs.

|   |         |
|---|---------|
| Erbsünd ein gefalsener schad  | 144     |
| Gefalsene schäden gleich den Warzen im<br>Angesicht / vnd ganzen Leib | 145     |
| Cura dieses schadens an Schenckeln                                    | 152     |
| Gefalsener schad der Kinder von stossen/<br>oder fallen               | 156     |
| Gefalsene schäden in form einer Gabel                                 | 159     |
| Phlegmatische Schäden von wässeriger<br>Feuchtigkeit                  | 160     |
| Cura der Phlegmatischen schäden                                       | 163     |
| Muslicher Bericht vnd Regel des Authoris<br>in allen Kranckheiten     | 165     |
| Gifftiger schade der Zehen vnd Fuß                                    | 174     |
| Cura der Fisteln an eim Knie  | 176     |
| Fistel an der dicken des Schenckels                                   | 179     |
| Fistel am Hals  | 177     |
| Fisteln am vndern Leßzen  | ibidem. |
| Schäden von geronnenem Blut   | 182     |
| Fur Schäden so einem Händ vnd Fuß er-<br>froyen seind.                |         |

Ende des Registers.



I

Das Erste Buch/  
Vonder Leib-  
Arzneij.

Für die Hauptfrancckheit/  
davon einem die Haar auß-  
fallen/ Alopetia genant/  
vnd Optiasis oder  
Winterzeit.

Das I. Capitel.

**D** Emmet Haselwurzel  
vnd kraut / Sonnengürtel  
des wolschmeckenden / Ca-  
millenbluc / jedes ander-  
halb handtvoll / Weinstein / Salz / an-  
derthalb loth / gute frische Lauge fünff  
Dresdner maß / vnd zwey Maß guten  
weissenfirnigen Wein / Laßt es wohl mit  
einander sieden / das ein Maß einsiede /  
Damit wäsche man ihme das Haupe  
gar wohl vnnnd langsam / Darnach mit  
A warmen

## Das erste Buch/

warmen Tüchern zugedeckt / das das  
Haupt von sich selbst trucken werde / vnd  
man gebe ihm dieses nachgeschriebener  
Pulvers / alle Tag ein wenig / Darzu  
nimb Kreuzwursel 2. lot / Alantwursel  
4. lot / Bibenell 6. lot / dises klein gepul-  
vert / Herzwurs 10. lot darzu gethan / 2c.

Frülings vnd Sommerzeit / so nemet  
für Haselwurskrant zur Laugen Quens-  
delkraut zwo handvol.

Im Pulver für die Bibenel wurstel  
nimb Corriquirte Aaron wurstel 6. loth.  
Bibenel werffe man hinweg Sommers  
zeiten. Diese Kräuter sollen alle colligirt  
werden im neuen Hermonden / Brach-  
monden / die ersten 5. oder 6. Tage.

So aber diese Kranckheit mit flechten  
oder mit Zitrigen ankame / so neme man  
Ephew Laub anderthalb handvoll / Agri-  
moni zwo gute handvol / Sengelbaum  
drithalb handvoll / Wolgemut blüe ein  
halbe handvol / sieben kanten voll laugen  
aus frischem fließendem wasser gemacht /  
mit eychener äschen / dises gesotten vnd  
gebrau

gebraucht/ wie oben gebraucht vnd ges-  
 sagt ist/ vnd das pulver gegeben/ das mach  
 also: Nimb braun Scabiosa wurzel 6. lot/  
 die Beer von Ephew 2. lot/ Braunwurs-  
 kel vierthhalb lot. Dife stuck mach zu Pul-  
 ver/ vndereinander gemischt/ davon geb  
 man ihm des morgens nüchtern j. quint.  
 oder mehr/ darnach die Person ist/ vñ des  
 abents wenn er zu Bette gehn will/ ein  
 tag oder 15. nach einander/ bis es gar hin-  
 weg ist/ vnd die voracemelte laugen mach  
allweg den 4. tag widerumb von newem/  
bis der Mensch gar gesund wirdt.

So es aber ein harte zitteriche ist/ so  
 nemet 2. stunden nach dem zwagen vier  
 lot wasser schwebel/ ein maß guten Wein  
 ehig/ laß es ein Tag oder drey auff einans  
 der stehen/ doch das der Schwebel zuvor  
 klein geriben sey/ darnach durch ein Tuch  
 gesigen/ vnd das Haupt (da die zitterich  
 so hart ist) wol damit genest oder gewäs-  
 schen. So aber die flechten oder die Zit-  
 terich den Leib ganz vbergeben hetten/  
 oder vberzogen/ so nemme man Ephew-

A ij laub

laub/ Agrimoni/ Wolgemut/ jedes 4 quater handtvoll/ Wasser vnd guten weissen wein/ jedes 15. maß/ laß steden wol mit einander/ darnach als heiß es der Kranck erleiden mag/ darüber gesezt/ geschwitzet vnnnd zugedeckt/ des morgens ein stunde oder anderthalb/ oder so lang als ers erleiden mag/ vnd nachmittag vmb 2 oder 3 vhr wider darüber gessen/ vnd allemal nach dem Bade sich ins Beth gelegt/ vnd wol geschwitzet/ Alsdan wol abgetrücknet/ vnnnd Scabiosawurz/ die grün ist/ klein geschnitten/ vnd in eyern gessen/ sovil als er kan/ abends vnd morgens/ bis er gesund ist/ vnnnd wo die grosse zittermahl am leib sein/ die reibe mit dem obgemelten Chia/ darinn der schwebel ligt.

Ist es aber der Erbgrind auff dem Haupt/ daven es kompt/ hat grawe gelbe Schüpen/ vnd ligen gar an der haut/ so nimb Salpeter/ Vitriol/ jedes 3 lot/ reib beides klein/ vnd ein seidel guten Rhein Wein darüber gossen/ vnd durch einander gemischt/ in ein Glas gethan/ vnnnd  
wohl

Von der Leib Artney.

5

wohl vermacht/ darnach ein Tag oder vier in die Sonne gestellt/ vnd wirken lassen / Darnach mit einer Federn die schäpen auffgelöst/ vnnnd des gemachten Weins darein gossen oder geschmieret alle wochen 2. mahl. Doch allemahl soll man das Haupt zuvor wäschen mit einer laugen darinnen Braunwurz mit dem Kraut gesotten sey.

Doch so es junge Leut weren/ die nit grobe Artney möchten erleiden/ denselben löse man die schäpen auff/ vnnnd tropffe darein Creuzwurz safft/ so geschicht ihnen nit wehe/ vnnnd heilet gleichwol. Dasselb ein mal oder 6. gethan/ bis es heil ist.

So aber hinden der Kopf gegen dem nacken zu außbreche/ vnnnd flüßhafftig würde/ welches man den weissen grund heist/ welches von einer vndäwigen Leber kompt/ auß dem magen/ so gebe man ihm diß Pulver zu essen/ das mach also:  
Nimb Arontwurz 2. Loth/ Galgant 1. Lot/ Allantwurz ein halb loth/ Pfer. rüch

A iij fern

6 Das erste Buch

fern vier lot / Pulverisier diese stuck alle /  
darvon gebe man ihm zu essen / Vnnd  
nach 6. tagen / so mache ihm diese salbens  
*Vngü:* Nimb Schlehenwurzelrinden ein quint  
lin / Wasserschwebel 3. quintlin / schmalz  
von einem reynen geschnittenen Bärge  
anderthalb loth / darauß mach ein Sal  
be / darnach nimb Pfersichblüe Bletter /  
2. handtvoll / 3. kandel laugen / das wohl  
gesotten / vnnd damit gewaschen / vnnd  
wan das Haupt trucken wirt / mit der ge  
melten Salben geschmiert ganz wol / das  
thu drey Tag oder vier nach einander / er  
wirt gewis gesund.

*Spring  
ling.*

So es aber kleine junge Kinder sein /  
so solle man ihnen gar nichts brauchen /  
sonder ihren Seugammen dis Pulver  
geben zuessen / abends vnnd Morgens.  
Es seye dieser vorigen Kranckheiten eine  
welche es wolle / oder dem Kinde solli  
che Kranckheit einschläge / so nemet berck  
zwibel ein halb loth / Erenswurzel 2. lot /  
Scabiosawurz mit Knoppichten brau  
nen blumen 4. loth / Fenchessamen an  
derts

Von der Leibarkney. 7

Derhalb loth/ diese stück alle klein gepul-  
vert/ vnd vnder einander gemischt/ vnd  
davon der Sengamien Abents vnd mora-  
gens jedes mahl eines halben Guldens  
schwer in der speiß zuessen geben/ seind  
aber die Kinder vber 2. 3. oder 4. jar alt/  
vnd ihnen solliche Kranckheiten oder  
Grind am leibe einschlugen/ so nemmet  
Scabiosakraut/ Petersilgkraut/ Ochsen  
Zungenblüe/ jedes so groß als ein kleines  
Hünerey/ Zigenmilch 2. mäßel/ laß es  
halb einsieden/ verfeime es wohl/ davon  
gebe man dem Kinde zu trincken/ so viel  
als mann kan/ so schlägt es wider auß.

So aber ein apostema darzu schlüs-  
ge/ so gebe man ihm einen halben Löffel  
voll Leinöl/ von den Nesselwurzel rin-  
den/ Vnd des obbemelten trancks law-  
lecht/ wie E. F. G. in dem apostema ge-  
tranck verzeichnet werden finden. Diese  
stück sollen colligiert werden im leisten  
Viertheil des Monns / im Meyen/  
Aprillen / oder Brachmonat / so zu der  
apostema dienen/ Was aber zu Bluts

A iiii reinit

Süß

reinigung dienet/ soll im neuen Hemo-  
monat oder Brachmonat colligiert  
werden.

Für diese Kranckheit/ so viel Leuß das  
rinnen wüchsen/ danntes ist auch ein weiß-  
ser grind dem vorgemelten gleich/ allein  
das es also voll Leuß wirt/ vnnd biswei-  
len der Mensch durch auß/ dann sie kom-  
men von faulem Blut/ vnd warmer fau-  
ler feuchtigkeit/ darumb muß man zum  
ersten der Leber vnd Phlegmatischer feu-  
chtigkeit helfen/ reinigen vnnd purgie-  
ren/ das geschicht also: Nimb Zeitlos/  
zwibeln im Augstmonat/ oder Herbst-  
monat/ so der Mon ober 2 tag voll wer-  
den wirdt / so viel man haben kan/ her-  
mod. Aili genant/ die schneide man mit  
ten von einander/ vnd dörre sie.

Arzneij.

Nemet dieser wurzel 2. loht/ quendel  
(im Hemmonat colligirt am 10. 11. vnd  
12. tag nach dem Newen Monn) zwo  
handvoll/ Pfersichblüe ein handvoll/  
Beystruch mit den blauen blumen 2.  
loht



Von der Leib Arhney 9

loht/ guter laugen fünff maß/ laß es wol  
mit einander sieden/ vnnnd alle tag 2. maß  
darmit gezwaget / Darnach das haupt  
mit warmen Tüchern zugedeckt/ vnnnd  
von ihm selber lassen trucken werden/  
vnd allwegen am dritten Tage ein frische  
Laug gemacht/ bis es heyl ist.

So die krankheit weiter kām/ muß  
man den ganzen Leib darmit wäschen/  
vnd diß Pulver essen/ darzu nemmet roe  
Hünerebeintraut / oder Kreuzwürzel  
2. Lot/ Pfersichkern 6. lot/ Cardobenedi-  
cten 4. lot. Pfrimmensamen 3. lot/ Dise  
stück zu Pulver gemacht/ darff man essen  
in aller speiß/ bis man gesunde wirdt.  
Vnd machet diß Bad/ so der ganze Leib  
anfahet voller Leuß zu werden/ Nemmet  
Zeitlosen/ oder Pflüendwurz/ Vermut-  
kraut / jedes 4. guter handvoll/ Agrimo-  
ni/ Erdtrauch/ Quendel jedes 6. handt-  
voll/ Braunwurzkraut zwo handtvoll/  
Wetterich acht handtvoll/ machet das  
rauß ein Bad/ vnd badet alle tag darin-  
nen / so lang ihr können / am vierdten

A v Tag

Tag mag ein frisches. Diese Kräuter colligiert alle zwen oder drey Tag vor dem vollen Hermonden oder Augustmonat.

**Für das Hauptwehe von  
uberflüßigem Blut.**

**Das 11. Capitel.**

**S**o in Frülingszeit einer Hauptwehe überkäme/ vnd were sanguinischer Natur / so schlage ihm die Median auff der rechten handt/ vnd lasse ihm nach dem die Natur starck oder schwach ist / Darnach nimb Genserichkraut 4. oder 5. Handvoll/ stosse es mit Rosenroßig/ vnd Sals/ vnd also bloß auff die solen der Füße vnd beide Puls gelegte Fingers dick.

So es nicht geschwind nachliesse/ so nembe frisch Genserichkraut/ vnd Rosenwasser/ machet darauß ein Wasser/ vnd legt es auff beyde Schläff/ bis aller Schmerz vergeht/ vnd vernew es alle Tag  
2. mal

*Lang*

2. mal/ vnd gebet ihm speiß zu essen/ die  
da löschet vund durchtreibet/ als dann  
disen Tranck. Quittenblüe j. handvoll/  
Salbenblüe so dick als ein halbes Ey/  
Zudentirschen anderthalb loth/ solches  
in Wasser gesotten in drey maß bis auff  
die Helffte/ davon gebe man dem Kran-  
cken genugsam zu trincken kalt/ bis es  
ihm vergeht/ Sodasselbe auß ist/ so gebe  
man ihm mehr.

Auff dise weisß soll man auch alle hitzige  
Hauptwehe stillen/ allein das man nicht  
lasse/ den Cholerischen Leuten/ doch daß  
das Salz allezeit zu dem Wasser ge-  
nommen werde.

Solch Genserichkraut zu diser Arz-  
ney soll colligiert werden in dem letzten  
viertel desmonds/ es sey was es  
für ein Monat sey/ es gilt  
gleich.

Für den grossen haupt wehtagen  
 von kalten flüssen/ in den Melancho-  
 lischen vnd Phlegmatischen/  
 die schwermütig  
 seind.

Das III. Capitel.

**S**o mache die Zugpflaster auß  
 dem Genserichkraut/ gleich dem  
 vorigen mit weissem Wein be-  
 feuchtiget.

So aber die krankheit so hefftig wäre/  
 soll man die pflaster alle 3. stunden auff  
 Händ vnd Füß legen/ Desgleichen auff  
 die schläffe/ doch das man Saltz zuvor  
 ein stund in wein maceriere/ vnnnd brau-  
 che diese Lauge also bereit.

Nimb Haselwurk kraut/ Meyeron/  
 Beyfuß/ Licorea kraut/ jedes anderhalb  
 Handvoll/ acht kandel voll guter laugen/  
 vnd 2. Kandel firnigen Weins. Damit  
 siede die Kräuter wol vnd langsam/ das  
 es 3. zwerch finger einiede/ vnd laß von  
 sich

sich selbst erkalten/ das ers erleiden mag/  
vnd wäsche ihn darmit. Darnach mit  
warmen Tüchern zugedeckt / vnd laß  
von ihm selbs trucken werden. Das thu  
alle Tag ein mal oder zwey / bis sich die  
franchheit lindert/ abends vnd morgens/  
vnd alle mahl nach dem zwagen/ so gieß  
man newe laugen vber die Kräuter/ doch  
am vierten Tag mache ein frische laugen  
von frischen Kräutern.

Das thu 10. oder 12. tag/ bis dz haupt-  
wehe gar hinweg ist/ Dise Kräuter sollen  
colligiert werden am 9. 10. oder 11. Tag  
des newen Monden im Heymonat.

Darzwischen trinck diesen tranck/ das  
es die wässerige feuchtigkeit vom Haupt  
durch den harn hinweg treibe/ das mach  
also: Nimb Sanct Johanneskraut blüe  
ein kleine handvoll/ einem Mann krausz-  
münz ein halbe handvol / darzu Peters-  
silgsamen j. lot/ Juden Kirschen 2. loht/  
weissen abzogenen wein sibem kandel/ laß  
halb einsieden/ davon trinck alle tag drey  
stärcker trinck/ als morgens/ vesper zeit  
vnd

vnd Abends wann mann will schlaffen  
 gan/ bis es gar hinweg ist/ vnd wan das  
 auß ist/ so mach ein frisches/ vnd brauch  
 dieses gurgelwasser: Nimb Salbeyens-  
 laub / Melissenbletter / jedes ein halbe  
 Handvoll / Bertramwurzel ein loth/  
 Wein vnd Wasser jedes ein kandel/ laß  
 halb einsieden/ davon Gurgel ein hal-  
 ben Löffel voll des Wassers des Tags  
 etlich mahl/ vnd reibe damit das Zan-  
 fleisch gar wol/ vnd sprüze es wider auß/  
 doch das Genserichkraut trag Tag vnd  
 Nacht an den blossen Solen der Füße/  
 bis alle Kranckheit hinweg ist/ darnach  
 ober etliche Wochen magstu es gleich  
 also gebrauchen wie jekund.

**Für die Schlafkranckheit/ da-**  
**ran sich einer zu Todt schlafft/**  
**vnd ihn niemand er-**  
**wecken kan.**

Das IIII. Capitel.

Nimb

**W**imb weiß Senffkörner 8. loth/  
 langē Pfeffer 1 halb lot/ Eigni also  
 es 3 quintel/ Myrren anderthalb quintel/  
 scharpffen efig 3. kadel/ ein kandel weins/  
 laß es einsieden/ verdeckt biß auff den  
 dritten theil/ darinnen so nehet tücher/ so  
 warm ers erleiden kan/ vierfächting die  
 Tücher genommen/ vnd ins genick vnd  
 vmb die schlaffe gebunden/ vnd auch in  
 die Nasen gespriset offtmals/ vnd gebee  
 ihm dieses Trancks zu trincken in einer  
 Stund 4. oder 5. mal/ darzu nembt weiß  
 Senffkörner 4. lot/ Senetbletter 3. lot/  
 langen Pfeffer/ weissen Ingwer/ jedes  
 anderthalb quintel/ 1. kandel Wein/ an-  
 derthalb kandel wasser/ Lavendel wasser  
 4. Löffelvoll/ laßt es halb einsieden/ da-  
 von gebt ihm wie gesagt ist.

So es aber nit durchbrechen wolt/ so  
 geb man ihm 6 Löffel voll 2. mal des tags/  
 vnd lasse nit nach/ biß es durchbrech/ vñ  
 der schlaff gar hinweg ist/ oder nachläßt.  
 Darnach stercke das Haupt mit Rosen-  
 wasser

wasser Rosenesig/ Gänskraut/ darinn  
gemenet/ vnnnd Wolgemut blüe/ Salz  
beyenlaub jedes ein handtvoll/ mit ob-  
bemeltem Rosenwasser vnd Rosen Es-  
sigbefeuchtet.

So er aber wider schlaffen wolt/ so thu  
kein Rosen esig noch Rosenwasser dar-  
zu/ sonder Meyeronöl/ oder Quentelöl.

**F**ür die Kranckheit / da einer  
nicht schlaffen kan/ vnd heist  
zu Latein Comabi-  
liosum.

Das V. Capitel.

**D**arinnen reden die Krancken/ fra-  
gen vil/ bleiben auff keinem ding/  
geben auch auff kein frag Antwort/ Es-  
sen noch trincken nichts/ vnd kompt sie  
vryplüslichen an/ von freyen stücken. Dar-  
zu nimb Eyerklar von acht Eyern allein  
klein geriben j. loht/ Rosenesig j. pfund/  
Genserichkraut 4. handtvoll/ stoss es al-  
les durch



durcheinander / das es werde wie ein weiches Pflaster / vnd legs ihm Pflasters weiß auff die Hand vnd Solen der Füße / So baldt es trucken wirdt / so mach wider ein frisches / vnd öffne ihm die Median auff dem rechten Arm / vnnnd lasse vier vnzen blut darauß / vnd nicht darüber / vnnnd gib ihm dieses Trancks zu trincken. Darzu nimb Lindenblüe / Creuswurzkraut / jedes ein halbe Handvoll / weissen Senff ein lot / Lindeublüewasser ein kandel / Esig j. halb Pfund / Wasser vnnnd Wein jedes ein halbe kandel / laß es den dritten theil einsieden / So die Kranckheit lang geweret hat / so nimb Wasser vnnnd Wein / vnnnd Lindenblüe Wasser / Dürpöl / vnd ein handvoll Pfersichkernblüe darzu / laß halb einsiedē / vnd brauchts wie oben gesagt ist / laß nit nach / biß es vergehet.

**Für die vn Sinnigkeit im kopff /  
von verbrentem Blut / Phre-  
nitis genant.**

W

Das

**N**imb darzu ein maß Lindenblüe/  
 Salbeylüe Pflirsingblüe / Ritten  
 blüe/ jedes ein kleine halbe handts  
 voll/ 4. kandel wasser/ laß es halb einsie-  
 den/ Davon gebe man dem francen zu  
 trincken/ vnd nichts anders/ bis er ge-  
 sund ist/ vnnnd schlage ihm die Pflaster  
 mit dem Rosenwasser/ Genserichkraut  
 vnnnd Salk eingefeuchtet auff die Solen  
 der Füß/ vnd auff die Puls der Hände/  
 vnd auff die Schläffe/ vnd so es trucken  
 wirt/ wider frisches darauff gelegt. So  
 man aber Ritten hat/ so nemme man zwo  
 guter frischer Ritten/ die zerschneidet in  
 sechs oder acht theyl/ siedet es in Wasser  
 wie vorgesagt ist/ vnd machet die zu pfla-  
 ster/ auß dem Genskraut/ auff die Solen  
 der Füße/ vnd auff die Puls der Hände/  
 vnd auff die Schläffe/ vnd Purgiert ihn  
 bisweilen also:

Nemmet Senebletter anderthalb lot/  
 Teutsche Rebarbara/ ein halb loth/ einem  
 Weib drey quintel Fenchelsamen/ einem  
 Mann

Mann ein loth/ Aenissamen/ Wasser ein  
 Randel/ laßt einsieden bis auff den drits-  
 ten theil/ darnach durch ein Tuch gesie-  
 gen/ vnd dem Krancken ein guten trünck  
 zu trincken geben/ zum Purgieren/ vnd  
 fart mit der vorigen Arseney für vnnnd  
 für fort/ So er nicht schlaffen kan/ so  
 nembt schwarz Coriandersamen/ Ni-  
 gella genant/ anderthalb lot/ stoßt es klein  
 das ein muß darauß werde/ Demnach  
 Rosenöl darzu gethan/ vnd machet ein  
 weiches Ruchlein oder Pflaster darauß/  
 das schlaget ihm oben auff den Wirbel  
 des Haupts/ wohl Feucht/ gar in den  
 Wirbel so wirt er natürlich schlaffen.  
 Dis ding soll colligiert werden in dem  
 letzten viertel eines jeden Monats/ So  
 er aber schlafft/ soll er das Pflaster auff's  
 Haupt nicht mehr gebrauchen.

**Für die neue Hauptkrank-**  
 heit jesiger zeit.

Das VII. Capitel.

W ij Nemet

**U**emet zwo kitten ein jede in 8. theil  
 geschnitten/ fünff kandel Wasser/  
 Salbeyblüe ein halb handvoll/ laß  
 halb einsteden/ vnd gebes dem Krancken  
 zutrinken kalt/ wann das auß ist/ so ma-  
 chet ein neues/ So man aber die Kitten  
 nicht hat/ so nimb 8. lot Carden Distel  
 wurzel darfür/ vnd sied es wie zuvor ge-  
 met ist/ vnd machet Pflaster auß Sen-  
 serichkraut/ mit Eßig vnd Saltz/ wie zu-  
 vor offtmals angezeigt ist/ dasselbe auff  
 die solen der Füße/ Puls der hände/ vnd  
 auff die schlaffe gelegt/ alle tag 3. mal die  
 Pflaster vernewere/ bis er gesund ist/ vnd  
 verhüte ihm die Preune/ Darzu nimb  
 Prunellenwasser ein kandel/ vnd lege  
 darein gestossen Kittensafft/ Wann es  
 aber vberhand nimbt/ weiß beerlin/ Lati-  
 nisch Berberis genant/ drey Löffel voll/  
 den Safft davon genommen/ vnd in ges-  
 melte gebrante wasser gelegt/ vnd damit  
 gegurgelt/ vnd auch in Leib genommen.

Nota, Berberis wirt auff Teutsch ge-  
 nant Saurachbeerlin.

So

So er aber nicht schlaffen kan/ so nimb  
Wagenschmer/ die durch die Ardes was  
genrads auftrieben ist/ mach zwey Pfläs-  
sterlein darvon/ da eins eines halben fins-  
gers dick/ vnd eins Fingers lang/ vnd  
zweyer Finger breit ist/ in Rosenöl ge-  
necz/ vnd auff die schlaff geleet/ wohl  
mit Tüchern verbunden/ vnd machet alle  
Nacht ein neues/ bis so lang der natür-  
liche Schlaffwiderkompt.

So er aber gar wütig ist/ so mache  
ihm das Pflaster auff den Wirbel des  
Haupts auß Nigelle samen / zu einem  
muß gerieben/ vnd Rosenöl darnach  
darunder gemenget/ vnd mitten in wir-  
bel des Haupts geleet.

So es aber gar zu hefftig were so pur-  
gire ihn/ Darzu nim Alantwurz j. halb  
lot/ Senecbletter anderthalb lot/ Pfer-  
sigblüe bletter ein halbe Handvoll/ was-  
ser ein mäßel/ laß einsieden bis auff den  
dritten Theil / das noch ein zimlicher  
Trunck sey/ Dasselb durch ein Tuch  
gesiegen vnd aufgedruckt.

B iij

Für

Das erste Buch/  
Für den Schlag auff der  
rechten seiten.

Das VIII. Capitel.

**N**imb Paradeiskörner/ münch Re-  
barbara jedes j. quintel/ Mantrur-  
sel anderthalf quint/ langen Pfef-  
fer ein halb quint/ Senetbletter 2. loth/  
Corrigirt Aaronwurzel j. lot. Dife stuck  
pulverier gar wol klein/ vnd vnder einan-  
der gemischt/ davon gebe man dem kran-  
cken in allen speisen/ Abendts vnd mora-  
gens ein halb quint/ oder den dritten theil  
eines quints/ so viel als er kan/ bis er ge-  
sund wirt/ vnd geb ihm diß aqua fort zu-  
trinken/ das macht also: Nemmet bittere  
schwarze kirschenkern/ die im Feld wach-  
sen 4. lot/ zu einem muß gestossen/ pferfig  
kern/ das inwendig mit dem heutlein 3.  
lot/ auch gestossen weissen Augstein 2. lot  
Singrün blüe vnita per vnita genant/  
zwo guter handvoll/ Lavanderblüe ander-  
halb handvoll/ 2. kandel guten starcken  
Reis

Reimischen Wein/ Rosmarin ein hand-  
 voll/ Weizenkörner dritthalb loth/ diese  
 ding vnder einander gemischt/ doch zu-  
 vor wohl gestossen/ in ein glas gethan/ vñ  
 an die Sonne gesetzt/ wol vermacht/ vnd  
 laßt es durcheinander beissen 4. wochen  
 lang/ darnach im Alembico aufgebrent/  
 vnd dem Krancken eingegeben mit Sch-  
 senzungenwasser/ oder schwarz kirschen  
 wasser/ oder mit Pfersichblüe wasser/  
 alle tag ein löffel voll mit 6. tropffen des  
 wassers/ vnd so es vonnöten ist/ Abents  
 vnd morgens/ vnd gebe ihm diesen tranck  
 darzu: Nimb Judenkirschen j. lot/ Pet-  
 tersilgsamen j. halb lot/ weissen Senff 2.  
 lot/ S. Johannes krautblüe vnd Linden  
 blüe/ jedes ein halb handvoll/ in 3. kandel  
 Wein/ vnd einer kandel wasser halb eins  
 gesotten/ davon gebe man ihm zutrinkeñ/  
 bis er Gesund ist/ vnnd nichts anders/  
 vnd richt ihn auff/ das er für vnd für hoch  
 sitze/ das ihm die Feuchtigkeit nit zum her-  
 zen dringe/ vnd brauchet die vorgese-  
 ten dinge/ bis er gesund wirdt.

B iij Für

Das erste Buch  
Für den Schlag auff der  
Lincken Seiten

Das IX. Capitel.

**N**ymb Senetbletter 2. lot/ Langer  
Pfeffer/ weissen Zimber/ jedes ein  
quint/ zucker ein lot/ diese stuck gepulvert/  
vnd vnder einander gemischt/ darvon  
gebe man einem Menschen/ Abends vnd  
morgens jedes mal j. halb quint/ oder so  
viel als man ihm einbringen kan/ vnd  
dieses nachfolgenden wassers 4. troyffen  
in firmem Wein/ einer schwachen Per-  
son 6. oder 8. troyffen/ mit einem Löffel  
voll wein/ oder mit Vermut wasser/ oder  
Krausmünswasser/ oder Lavandelwasser/  
Rosmarin wasser/ dasselbe wasser mach  
also: Nymb des besten vnd eltesten Ty-  
riac 5 quint/ Andromachi genant/ Mey-  
blümlein 2. handvoll/ Lavandelblüe/ gel-  
ben hanenfuß/ Rosmarinblüe/ jedes ein  
handvoll/ weisse Senffkörner 2. lot. Dis-  
se stuck durcheinander gestossen/ geuß  
zw



zwo Kandel gebranten wein darüber / in  
ein glas gethan / wol vermacht / laß die  
Sonn 14. tag lang wohl digerieren / vnd  
wirken / darnach in einem Alembico auß  
gebrent / das brauchet wie gesagt ist.

So aber einem zuvor der kopff wehe  
thut / der neme dieses wassers 6. tropffen /  
mit einem bislin brots / so trifft ihn kein  
schlag / des wassers so zuvor gesagt.

Vnd welchen er getroffen hat / dem ge-  
be man dises Tranccks zu trincken / Dar-  
zu nemet Pfersigblüe j. handvoll / Biberz-  
nelwurzel / Galgantwurzel / jedes j. halb  
lot / S. Johanskrautblüe / Maurrauten  
jedes ein drittheil einer handvoll / Juden  
kirschen 2. lot / 2. Kandel Wein / vnd an-  
derhalb Kandel wassers / laßt halb ein-  
sieden / vnd ihn genugsam trincken / bis  
das er gesundt wird / doch die vorgenan-  
ten stück darneben gebraucht / vnd  
dieselbigen wol / wie  
gesagt ist.

Sür den Schlag der auff beiden  
Seiten fallet/ vnd man nicht weiß  
wohin er getroffen hat/sonder  
stracks dahin stirbt.

## Das X. Capitel.

**D**En soll man auffrichten/ vnd ihm  
dieses Wassers zutrinken geben/  
wie volget. Darzu nimb Turbith 2. loth/  
Ligni Aloes ein lot/ Larre 3. quint/ weiß-  
sen senff gestossen drey loth/ Agarici oder  
Lerchenschwam 2. quint / hermodacili  
ein quint/ diese stuck pulverier alle klein/  
darüber giesse des nächst hievor gemelten  
Aqua fortis / vnd des andern jedes zu-  
gleich ein halb mäßel voll/ Laß es also in  
der Sonnen digirieren 14. tag/ wol vers-  
macht/ Gib dem Krancken davon j. hal-  
ben Löffel voll zutrinken/ vnd richt ihn  
auff/ vnd streiche ihm die Arm vnd Bein  
vnder sich/ mit warmen henden/ setz ihn  
auffgericht/ vnnd wann er wider zu sich  
selbs kompt/ so gebe ihm des Apstemel  
2. Löffel

2. Löffel voll/ das thue offtermals/ bis er nichts mehr richelt/ vnnnd gebe ihm des Pulvers / wie gesagt ist vom Schlag auff der Lincken seiten.

Für den Hinfallenden  
Siechtagen.

Das XI. Capitel.

**W**Ann der hinfallende Siechtumb einem Menschen von jugent auff geweret hat / vnd doch nicht auß Mutter Leib ererbt hat/ dem gebe man diß Pulver alle Abent vnd morgen j. halb quint/ oder mehr oder weniger/ darnach die Person alt oder jung ist/ mit Lindenblüe wasser/ oder mit Wein/ darinne die Lindenblüe gesotten ist. Nimb Peonienskörner/ vnd ein wenig weisse senffkörner/ Lindenblüe ein handvoll (der Peonienskörner nimb ein loth/ vnnnd der weissen senffkörner ein halb lot) dieses mit zwo Randel Wein halb eingesotten.

Das

Das Pulver macht also: Nemmet Esels  
milch 4. lot/ Maulwerff herb anderthalb  
lot/ kan man aber des nit so viel haben/ so  
nemme man weniger/ die forden Hirnschal  
an der Stirn von einem Mörder oder  
dieb/ 2. lot weisse senffkörner/ 1. lot corris  
giert Regenwürm pulver/ vnnnd Creuz  
wurzel jedes 6. lot. Diese stuck pulverier  
alle mit einander klein/ vnd brauchts wie  
gesagt ist/ Dieses pulver vnd tranck soll  
gebraucht werden 3. Tag vor dem Newen  
Monn / vnnnd fortan alle Tag bis auff  
den andern Tag nach dem vollen Mon.

So aber der hinfallende sichtthumb  
auff Mutter Leibwer/ so kan man ihn auff  
diese weg wol heilen/ So nim zu dem vor  
rigen Pulver/ Bartle pulver 2. lot/ vnd  
brauch wie gesagt ist/ Doch mit Esels  
milch wasser/ also gebrent. Nimb Esels  
milch 2. kandelvoll/ zwo handvoll Creuz  
kraut gestossen/ vnd darein geworff  
fen/ vnd 8. Tag an der Sonnen stehn las  
sen/ darnach außgebrent / Brauch es wie  
gesagt ist/ bis er wider zurecht wirt/ vnd  
nicht

nicht mehr falle/ die Creuswurk soll colligiert werden im ersten Viertel des Neuen Brachmonats/ am 6. Tag.

So dieser siechthumb käme von Zauberrey oder erschrecknuß/ oder falle/ so thu blawe Lilienwurkel dritthalb loth/ Topasy stein ein Lot darzu/ vnd gib es ihm in starck Wasser zutricken/ wie zuvor gesagt ist/ diese stuck also gebraucht/ stillen den hinfallenden Siechthumb / Er sey gleich wie er wolle.

Für die Glässe/ welche dem hinfallenden Siechthumb gleich seind/ vnd auß ansündung der Lungen/ kompt gemeinlich von Verstopffung.

Das XII. Capitel.

**A**rzumim Rosmilch/ Wolffshertz pulver jedes klein/ eines jeden ein loth/ Hirschcreus/ Storckenherz/ jedes ein halb lot/ Pulver diese dingzusammen/ davon

Davon geb man einem menschen f. quintel/ oder ein halbs quintel/ darnach die person ist/ mit Rosmilchwasser/ oder mit Rosmilch/ vnd geb ihm anders nichts zu trincken/ dann Rosmilch darinn Storckenschnabelkraut gesotten sey / So er aber die Fräse gar zu hart hat / so nimb rohe Rosmilch/ vnd gib ihm derselben genugsam zutrincken / mit dem vorgemelten Pulver vnd stoß grüne Kauten gar säfftig/ darüber geuß Roseneßig/ der wol starck sey/ mit ein wenig saltz vermischt/ vnd ihm in die nasen getropfft mit einer Federn/ auch sunst zäpflin gemacht/ darin geneht/ vnd in die Nasen gesteckt gar oft / doch so mann die Fräse zuvor vermerckt / mag man einem Rosmilch zutrincken geben / den Eßig also bereiten/ vnd in die Nasen stecken/ vnd ein sawrteig von Rockenmel/ das alt vnd lind ist/ dem Krancken auff die Lincke seiten/ auff die brust schlagen/ vnd dasselb offtmals/ vnd alsbald er trucken wirt/ ein newes auffgelegt/ vnd die zung auß dem Genßkraut/

Von der Leibartzney. 31

Kraut/ Rosenfig vnd Sals (wie zuvor  
indem Hauptwehetagen gesagt ist) auff  
die Puls der Hand/ vnd auch bißweilen/  
so es von nöten ist/ auff die Schläffe ge-  
legt / vnd so dieselben eintrucken/ wider-  
rumb frisch gemacht.

So aber ein hinfallender siechhumb  
were von einem kalten Fluß/ feuchtem  
fluß/ oder auß einem schweren Blut/ das  
anfang Melancolisch zu werden. So  
nimb Ameissenstein im Augstmonat/ so  
die hundstag auß sein/ 2. lot/ j. halb lot  
Efels milch/ j. quintel fixirten Schwebel  
vnd Sals/ vermisch es vnder einander/  
Darvon gebe man einem gewachsenen  
menschen j. quintel mit Angelicawurzel  
wasser 2. theil/ vnd ein theil Bibenel was-  
ser ein / im neuen vnd vollen Monden/  
wie zuvor gesagt ist/ das wasser mach als  
so: Nimb ein halb pfund Angelica/ vnd  
ein vierling Bibenellwurzel/ die hacke/  
vnd stoffe sie klein/ geuß zwo kandel voll  
alten Reinishen Wein darüber/ thu es in  
ein glas zusammen/ vnd laß es 8. tag stan/  
wohl

wol vermacht / darnach brenne mann es auß im Alembico/ vnd laß in der Sonnen verriechen / davon gebe man dem Menschen zu Trincken ein Löffel voll/ mit dem vorgemelten Pulver offtermals/ vnd sonderlich im abnehmen vnd letzten viertheil des Monns.

**S**ür die Melancholische schwer-  
müdtigkeit.

Das XIII. Capitel.

**S**ie leut fliehen alle fröligkeit vnd kurzweil/ verschliessen sich in die winckel/ zu letzt kommen sie gar von sinnen/ zum anfang hilff ihnen also: Nemet Morgenblümlein/ Bellis zu Latein genant/ Abrauten/ Salbeyblüe/ Braunfleeblüe/ jedes ein halbe handvoll/ 4. kandel weissen Wein/ laß vber die helffe einsieden/ darnach laß kalt werden/ vnd in Sommerszeit anderthalb quint langen Pfeffer klein gepulvert/ in ein tüchlin gebunden/ vnd in tranck gelegt/ Das trinck  
er vnd



er vnd sonst nichts anders einwochen 2.  
3. oder 4. biß er gesund wirdt/ vnnnd was  
sche ihn bißweilen mit diser laugen/ Dar  
zu nimb Haselwurz/ vnd das kraut Mey  
eron / Beyfuß / Eisenkraut / Cicorea/  
Quendelkraut/ jedes anderthalb handts  
voll/Laugen 9. kandel/ laß wol sieden/das  
fast 2. kandel einsiede/ laß von ihm selbs  
erkalten / das ers erleiden kan/ Darnach  
zwage ihm das Haupt langsam/ vnd also  
warm als ers erleiden kan / darnach das  
Haupt mit warmen tüchern zugedeckt/  
vnd von ihm selbs trüctnen lassen.

So sie aber gar zu wütig ist/ so gib ihm  
alle viertel Jahr diser Pillulen 3. die mach  
also: Nimb ein jung schaff das jarig vnd  
gesund ist/ dem hau den kopff im Genick  
in einem streich vnd geschwind ab/ Nimb  
ihn vnd wirff ihn in ein Kessel voll frisch  
Brunnenwasser / laß ihn wol sieden/ vnd  
geschwind / darnach heraus genommen/  
vnnnd hau ihn geschwind enswey/ vnnnd  
nimb das Gehirn heraus/ Darzu nimb  
Zimmetrinden / Muscatblüe/ jedes j. halb  
C loth

Loth/ Nägelin dritthalb quintel/ Mastix  
 j. quintel/dise stuck klein geriben/darnach  
 mit dem geschirz durcheinander gemischt/  
 gleich wie ein wohl bereiter Teig/darauf  
 formier 3. pillulen/ vnd vber den dritten  
 Tag je ein Pillul eingeben/das thut alle  
 viertel Jar einmal 2. oder 3. es wirt besser  
 mit ihm. Doch das er nichts anders trin-  
 cke/ dann des vorgemelten Trancs/ vnd  
 so man den Schafkopff sieden will/ soll  
 man wider hernach nichts darauff thun.

Für die Bütigkeit/ da die Leuth  
 gar Unsinnig seind auß der  
 Melancholia.

Das XIV. Capitel.

**D**iesen gebe man nachvolgenden  
 Tranc/ darzu nim Marienblum-  
 lin/ Creuswurzelskraut/ schwarze  
 Zehenzungenblüe/guten Wein 4. Kan-  
 del/ Haselwurz j. lot/ od haselwurzkraut  
 5. quint/ laß halb einsieden/das gebet ihm  
 zutrins

zutrincken/ vnd nichts anders/ bis er ge-  
sund wirdt/ vnd jedes vierteljahr die ob-  
genanten Pillulen/ bis ihn nichts mehr  
ankompt/ vnd gar gesund ist.

**Für die Bütigkeit so Viehe  
vnd Leuth zugleich haben.**

Das XV. Capitel.

**A**rzu nim des Pulvers/ das mach  
also: Nimb Kreuzwursel/ Kau-  
tensamen/ jedes ein halbes loth/  
Steinzwibel 3. quintel/ rot Hünerdarm  
zwo handvoll/ Eisenkraut/ vnd Neusör-  
lin/ jedes ein Handvoll/ Darauß mache  
ein Pulver/ vnd gebe darvon einem star-  
cken Menschen j. quintel/ Abends vnnnd  
Morgens/ nach gelegenheit der Person  
j. halbes quintel: Nimb auch der obge-  
melten Kräuter/ vnnnd siede sie in Wein/  
vnnnd gebe ihm zutrincken/ bis er gesund  
wirt. Dis Pulver dienet auch dem  
Viehe. Dise Kräuter alle sollen colligierte  
werden im ersten Viertheil des newen  
Monden im Brachmonat.

E ij So

So einem Menschen die gedäch-  
nuß oder Memoria entziele/vnd  
nichts werth were.

Das XVI. Capitel.

**E**S sey auß Kranckheit oder Fülle-  
ren oder sonst/ so nim Haselwurcz  
krautsamen anderthalb lot/ Pfer-  
sigkern dch inwendigen fünffthalb loth/  
bittere Mandelkern/Zudenkirschen jedes  
4. loth/Krausmüß anderthalb handvoll  
braun Bethonien ein handvoll/Braun-  
wurzel 3. loth/diese stuck alle klein gepul-  
vert/vnd in der Speiß genußt/vnd brau-  
che dise Laugen/darzu nemet Haselwurcz/  
Meyeron/Wegwart/ jedes 2. handvoll/  
9. kandel Laugen/ laß es wol mit einan-  
der sieden/darmit sich zum offtermal ge-  
zwaget/vnnd die Laugen vber den vier-  
ten Tag widerumb vernewert/bis es sich  
bessert/vnd vbe dich/das du viel merckest  
vnd in Bedechtnuß behaltest.

So eis

So einer vbel höret vnd ihm vor  
den Ohren prauset / von Kranckheit  
oder sonst.

Das XVII. Capitel.

**S** nimb Haselwurck / Krausz  
münck / Quendel / Beyfuß / Eisens  
kraut / Wegwart / jedes ein grosse  
handvoll / Meyeron zwo handvoll / Cos  
loquinten körner 2. lot / Längen 12. kandel /  
laßt 2. kandel einsieden / darmit sich  
langsam gewäschen vnd lang / alle Tag  
2. mal / bis das gehöre wider kompt / vnd  
das sausen nach laßt.

Für der Augen wehetagen.

Das XVIII. Capitel.

**I** m ersten / für die scharpffe flüsse  
der Augen / im quartan Fieber / oder  
sonst / darinnen die Augen rot wer-  
den vnd vberwachsen mit Fleisch / oder  
sonst was von roten adern in Augen ist /  
Darzu nimb Lorbeer / weissen vitriol / ses  
des anderthalb quint / das reib klein / dar-

E ij nach

nach nimb ein Maßsel Fenchelwasser/  
 thu diese 2. stück darcin/ laß den vierdten  
 theil einsieden/ darnach laß es erkalten/  
 vnd seyhe es durch ein Tuch/ vnd wirffe  
 die Materi hinweg/ vnnnd wirffe andert-  
 halb quint Camfor darcin/ dises wassers  
 thu alle stund ein tröpflein in die augen/  
 biß alle röte hinweg ist/ vnnnd das gesicht  
 ganz gut/ vnd sich kein fluß mehr erzeugt.

**Für rhote Augen/ so von dem  
 Lufft kommen mit einem Fluß.**

Das XIX. Capitel.

**N**imb wilde Steinrosenwasser ein  
 halbe Randel/ Vitriol der weiß ist/  
 ein quint/ Amphor anderthalb quintel/  
 vermische es vnder einander / davon  
 thue ihm in die Augewinckel des Tags  
 10. tröpflein/ biß der Fluß gar gestilt ist/  
 vnd wäsche die Augen alle abends vnnnd  
 morgens mit dem wilden Steinrosen-  
 wasser wol auß.

**Für**

## Für den weissen Fluß der Augen.

## Das XX. Capitel.

**N**imb Sigmarswurzelj. lot/klein  
 geriben/ Corrigiert Turtia alex-  
 andrina 2. loth/frischen Meyens-  
 butter die nicht gefalzen ist/ zweyer Ey-  
 er groß/ die thue zuvor in ein Becher  
 Malvasier/ decks zu/ vnd stelle es in die  
 Sonnen/ vnd rüre es oftmals/ das es  
 darvon zergehe/ 4. stund lang. Darnach  
 senhe das schäumige vnd molckige da-  
 von/ vnd was Butter ist/ das behalt/ des  
 Butters nimb 4. oder vierthalb lot/ vnd  
 das vorige Pulver/ vermische es vnder  
 einander/ das es ein dicke Salben werde/  
 Derselben thue einer Erbis groß in die  
 Augen/ in die winkel/ alle Abends/ Des  
 Morgens wäsche es mit wild Steinros-  
 sen wasser/ oder Fenchelwasser auß/ so  
 lang bis es vergeht. Doch die Salben für  
 vnnd für in die Augen gethan/ bis das er  
 gesunde / vnnd der Fluß ganz vnnd gar  
 hinweg ist.      E    iiii      Wann

**V**ann einem ein weißer Flammen auff den Augen ist/ von einem streich oder stosse/ oder sonst.

## Das XXI. Capitel.

**S**o nimb ein Jungen Bircken Zweig oder schüßling/ denselben zünde man an / so gibt er Del/ Dasselbige tropffe in die Augen / vnd lege dich an den Rucken/ damit es wohl hinnein sincken kan / das benimbt den streimen oder flammen gar hinweg.

**S**o einem ein gewächs vber ein Aug kommet.

## Das XXII. Capitel.

**L**esey der staar oder Staphiloma. das grauw gewächs vber den augen/ Darzu nimb weißen Imber/ der gar frisch vnd gut sey/ ein halb quintel/ Paradeis kerner anderthalb quintel/ Lorber 2. quintel/ weißen vitriol anders halb



halb quintel/dise stuck klein gerieben/darzu  
 zu thu Birckenwasser/ auß den jungen  
 schüßlingen gebrennt zum 3. oder 4. mal  
 abgedistilliert/ des nimb ein mäßel/ vnd  
 thu die obgemelten Stuck klein gerieben  
 darein/ vnder einander gemischt/ laß in  
 ein glas ein tag 3. oder 4. stehn/darnach  
 alle tag 6. tropffen auffß gewächs ins aug  
 gethan/ biß es gar hinweg gehe/ vnd esse  
 dieses Pulvers Abents vnd morgens/das  
 mach also: Nemmet gut Heinrichswur-  
 sel/ Corrigiert Aaronwurzel/ Galgant/  
 jedes ein lot/ Judenkirschen 2. lot/ Sig-  
 marswurzel anderthalb lot. Diese stuck  
 puluer klein/ darzu Fenchelsamen dritt-  
 halb lot/ vnder diß Puluer gethan/ vnd in  
 der speiß genüset/ biß er gesund ist.

**So einem ein weißer Flammen**  
 von ihm selbst auff den  
 Augen wüchse.

Das XXIII. Capitel.

**E v Darzu**

**S**Arzu nimb starcken Wein/ durch  
 ein Balneum maria gebrent/ ein  
 halb pfundt weissen Imber/ Lor-  
 ber/ Paradeiskörner jedes ein halb loth/  
 klein gerieben/ Diese stuck vnder einan-  
 der gemischt/ vnd 3. oder 4. tag in einan-  
 der digerieren oder wircken lassen/ vnn-  
 deß Tags 12. Tropffen in die Augen ge-  
 than/ bis der flammen hinweg ist.

**So einem ein Blutstropffen  
 in ein Aug siele.**

Das XXIV. Capitel.

**N**Imb gelben Augstein/ binde ihn  
 ins genick/ gleich gegen dem Aug  
 vber/ bis sich das Blut verzeucht/  
 vnnnd tropffe ihm Fenchelwasser in das  
 Aug/ darinn ein brenter Augstein einer  
 halben welschen Nuß groß/ in einem  
 mäßsel Fenchelwasser geleseht sey/ vnn-  
 dnderweilen einen Tropffen ins Aug  
 getropffte/ bis es heil ist.

So

Von der Leibartzney. 43

So einer durch ein Kranckheyt  
Staarblind würde/ das er nichts  
mehr sehen kan.

Das XXV. Capitel.

**N**imb Fenchelwasser/ das zwey mal  
abgebrent ist/ vnd treiffss ihm Tag  
vnnnd nacht 24. mal/ jedes mal 2.  
oder 3. tropffen ins Aug/ biß er recht wi-  
der sehe/ davon er widerumb ohne zweifel  
gesund vnd sehend wirt/ in vier wochen.

Sür das zwißtern in Augen.

Das XXVI. Capitel.

**N**imb Fenchel Wasser/ das Zwey  
oder drey mal abgebrent ist/ darein  
thue Sigmarswurzel ꝑ. quint/ gut Heins-  
richswurzel ein halb lot/ Paradeiskör-  
ner anderthalb quint/ laß in der Söñen  
digeriren/ davon des morgens nüchtern  
ein Tropffen 2. oder 3. in die Augenge-  
than/ des Fenchelwassers muß ein halb  
maßel genommen werden.

So

So einem alten Mann sein gesicht blöde wirdt/ oder das sich einer mit den Prillen verderbt het / vnd derselben gern ledig sein wolte.

## Das XXVII. Capitel.

**N**imb gut-Heinrichwurzel/ Juden Kirschen/ Krebsaugstein/ weissen Steinbrechsammen jedes j. loth/ Krausmüns ein halbe handvoll/ Kautensamen anderthalb loth/ Fenchelsamen 2. loth/ Aaronwurzel 2. loth/ Galgant ein halb loth/ Dise stuck alle zusammen gepulvert/ vnd mit gebähtem Broe Abends vnd Morgens j. quintel gesen/ bis ihm vergeht/ vnd keiner Prillen mehr bedarff.

Für den Schwindel / darbey kein andere Kranckheit ist.

## Das XXVIII Capitel.

Nimb

**N**imb Peonienwurzel vnnnd Körner/ Galgantwurzel/ blauß Beyelwurzel jedes ein loth/ Muscatnuß ein halb loth / Storckenleber / weissen Steintrechsamem / jedes anderthalb quint/ Diese stuck Pulver klein/ vermische sie vnder einander / Davon gebe man einem ein quintel/ oder ein halbes quint/ nach gelegenheit der Personen/ mit gelb Beyelwasser oder mit Wein/ darinnen gelb Beyelkraut gesotten sey.

So es aber ein Schwindel ist/ der auß schwachheit kompt/ so nimb des Morgens frühe ein Muscaten/ vnnnd stiche sie vmb vnd vmb voller löcher/ vmbwinde sie mit Wercck/ vnd leg sie in ein firnigen Wein/ laß sie darnach inn einer Aschen die da heiß ist braten/ vnnnd gessen/ vnnnd wann eine gessen ist / wider ein andere also zubereit / das thu drey morgen nach einander. Nota, die durchstochene Muscatnuß soll allemal zuvor ein Tag vnnnd Nacht in Wein gelegt werden / das es sich wol durchzeucht / vnnnd darnach gebraten in dem Wercck/ vnd gessen. So

So aber von schweren hauptflüssen der schwindel käme/ das man sich des schlags besorgen müste/ oder auff einer seiten/ so such die Pulver die im Capitel des schlags verzeichnet sein/ ist es aber auff der rechten seiten/ so suche das Pulver das vom Schlag auff der rechten Seiten oben angezeigt ist/ vnd brauche dasselbe.

Ist es auff der Lincken seiten/ so such dz obangezeigte Pulver für den Schlag auff der Lincken Seiten. Ist es durch auß am Kopff/ so such das gemüß für den Schlag.

So aber ein grosser Schwindel käme nach einem quartan Feber/ oder auß einer verstopffung des Milks/ gleich wie Fride- rich von Ponica/ Graff Nielas Jobst vñ hohenzollern/ Peter von Macedonien/ &c. Diese Leut befinden schmerzen/ von dem schwindel oben im wirbel des haupts/ befinden auch schmerzen an der Lincken achseln/ von dannen das Milk/ vnd bren- net ihnen der Ruck grad/ Darnach kompt der Schwindel/ das er nicht stehen noch sitzen kan/ darnach fallet der Fluß auff der Rechten

rechten seiten herab/ das jm auff der rechten  
Seiten schmerzlich ist/ der Harn ist  
rot/ gelblich/ doch oben auff gar schaum-  
lich/ diese Leuth sein für vnd für schwach/  
vnd wissen nicht wol was ihnen ist/ allein  
das sie grosse vndäwung haben/ wann  
der Schwindel kommen will/ daran sie  
auch sterben. Disen Leuten nimb zu Pul-  
ver Corrigiert Aaronwurzel 2. lot/ Zu-  
denkirschen anderthalb lot/ Steinbrech-  
samen 2. quint/ Maurrauten ein halbe  
handvoll/ Galgant anderthalb lot/ Psri-  
mensamen/ Bitter Mandelkern jedes ein  
lot. Diese stuck pulveriert klein/ davon  
nuse er allemal in der Speis/ vnd mache  
ihm diß Bad/ darzu nimb Ephew/ Hedera  
arborea genant/ spizigen wegerich jedes  
5. handvoll/ Salbeybletter 4. handvoll/  
Farintraut 16. handvoll/ vnd wassers  
genug darzu genomien/ diese Kräuter zer-  
theilt/ vnnd in 3. oder 4. Kessel gesotten/  
vnnd von sich selbs/ das mans erleiden  
kan/ erkalten lassen/ darinnen so Bade  
er des morgens anderthalb stund/ vnnd  
nach

nachmittag ein stundt/ vnnnd allewegen  
im Bad ein wenig von disem tranck ein=  
genommen/ denselben tranck mach also:  
Nimb ein eychenen Prügel/ der kein kno=  
den habe/ eines Arms dick/ schneide die  
ober rinden hinweg/ so weit als sie grün  
ist/ Nimb die andere Rinden bis auff's  
holz 5. lot schwer also grün/ braun Beto=  
nica/ Portulaca jedes ein halb handvoll/  
grün Farrenkrautwurzel 2. loth/ weissen  
Wein 3. kandel/ vnnnd anderthhalb kandel  
Wasser/ laß halb einsieden/ darvon trinck  
e im bad ein starckē trunck 8. lot schwer.

So ein grimmen darzu schläge/ oder  
ein vndäwung/ so nimme ein handvoll  
Krausmünz/ braun Bethonica ein halbe  
handvoll/ Lerchen schwammen ein halb  
lot/ zimlich guten Neckel wein 4. kandel.  
laß halb einsieden/ vnd verschäum es im  
sieden/ Davon geb man ihm lawlecht ge=  
nugsam zutrinken/ bis das er nichts  
mehr befind/ vnd halte ein Tag oder drey  
mit dem Bad still.

So aber ein verstopffung darzu schlä=  
ge/ das



ge/ das er kein Stulgang könnte haben/ so  
 nimb anderthalb loth Senetblätter/ an-  
 derthalb lot Lerchenschwammen/ Imber  
 ein quintel/ Wein vnd Wasser jedes ein  
 halb Pfund/ laß es halb einsieden/ durch  
 ein tuch gesiegen/ vnd lawlicht getruckten.

Von den Ohren/ so einem etwas  
 darcin käme/ es weren Flöh/ Wärm/  
 oder was anders.

Das XXIX. Capitel.

**S** nimb Pffirsigblüebletter/ sechs  
 oder acht/ safftig außgemacht/ vñ  
 den safft in die Ohren gelassen/  
 oder auff Kolen gelegt/ vnd in die Ohren  
 den Rauch gelassen.

So aber einem das Gehör verlege/  
 von sausen oder von einem Flusse/ oder  
 von Zäher Feuchtigkeit/ so nimb Pffir-  
 singkern/ stosse sie klein/ drucke das öl dar-  
 auß vnd behalt es zu den Ohren/ darcin  
 wirff Pffirsingblüebletter/ ein zimlichen  
 theil/ laß es an der Sonnen digerieren

D

14. Tag

14. Tag/ darnach gebraucht/ es geschehe  
einem in den Ohren was es wolle.

So einem das Gehör von  
kalten Flüssen verlege.

Das XXX. Capitel.

**L**as ihm dieses Oels alle Abend vnd  
Morgen einē tropffen in die Ohren  
fallen/ biß das Gehöre wider kom-  
met/ Es wehret drey/ oder vier wochen.

So einem Warßen vnder dem  
Angeſicht auff führen/ darauff gemein-  
lich der Wolff kompt.

Das XXXI. Capitel.

**I**mb Bircken rinden die noch grün  
ſein/ von alten Bircken/ laß ſie im  
Schatten welck werden/ darnach  
in einen Haſen gethan/ vnnnd vnderſich  
gebrent/ mit Krambeerholzköl/ von dem  
Oel nimb ein loth/ eines jungen Hunds  
waſſer

wasser das gebrennet ist/ auch ein loth.  
Diese Stuck laß vndereinander stehen/  
damit reibe sie alle tag drey oder viermal/  
biß sie vergehn.

So aber einer Warzen in der  
Nasen oberkäme/ oder Feig-  
warzen.

Das XXXII. Capitel.

**N**imb Kreuzwurzkel / pulverier sie/  
vnnnd behalte sie/ darnach nim  
Braunwurzelsafft / vnnnd Kreuz-  
wurzkel Pulver/mach ein teiglein darauß/  
stecke es in die Nasen/ biß es gar hinweg  
ist/ vnd heyset.

So aber einem die Nasen gar einffel/  
vnd allwegen in der Nasen hiß gegen dem  
Sommer befünde/ oder gegen dem Frü-  
ling/ So nimb Kreuzwurzkelkraut/ vnd  
Salbeybletter/ jedes ein halbe handvoll/  
13. Kandel wasser/ laß den halben theyl  
einsieden/ vnd trincke Abends vnd Mor-  
gens/ desgleichen ein halbe stund nach  
Essens einen Trunck/ biß es gar heil ist.

D ij Für

Das erste Buch  
Für das Apostema des Gehirns/  
darauf der Nussak kompt.

Das XXXIII. Capitel.

**D**iese Leuth haben gemeinglich ein  
oder zwey Jar zuvor eiskalte Füß/  
vnd zwischen den zehen wund/wenig ge-  
schmacks in der Nasen / vnd dultschichte  
Angesichter / mit blaw vnd rot durchge-  
mischet / denen gibe zum ersten / ist es ein  
Mans Person / dis Pulver in allen speis-  
sen zu essen / je mehr je besser / darzu nimb  
Scabiosawurzel / mit den braunen knöpf-  
fen / Braunwurzel / jedes 6. lot / Kreuz-  
wurzel 19. lot / Aaronwurzel 3. lot / diese  
stück klein gepulvert / vnder einander ver-  
mischet / davon in allen Speisen genuset /  
je mehr je besser / vnd wann das auß ist / so  
mach mehr / vnd trincke nichts anders dan  
dieses Trancks / darzu nimb Scabiosa-  
wurzel mit den braunen knöpfffen 2. lot /  
Braunwurzel 4. lot / Kreuzwurk 6. lot /  
frisch Brunnwasser 5. kandel voll / Herz-  
wurk

wurk ein halbe handvol/ laß halb einsie-  
den/ davon trinck vnd nichts anders.

Da sichs aber ein Wochen 5. 6. verzö-  
ge/ vnd nicht wolt besser werden an der  
farb/ das mans befünde an der Natur/ so  
nimb Engelkraut/ Brunkresß jedes ein  
halbe handvoll/ schwarze Nieswurk an-  
derthalb quint/ vnd anderthalb Kandel  
Wasser/ ein quint Sals/ laß den dritten  
theil einsieden/ darnach nimb ein Träch-  
ter/ der 2. Röhr hat/ steck die Rör in beide  
Naslöcher/ das sichs ansahe zu Purgirn/  
vnd der Hafen darin die Kräuter bedecke  
sein mit dem Trächter/ auff den Seiten  
wol vermacht werde/ das kein proden da-  
von kommen kan/ das thu 3. oder 4. Tag/  
biß er ansahet zu schreyen/ er Falle von  
der Höhe herab/ vnd wann er schon also  
schreit/ vnd ihn gewaltig zu Stulgang  
treibet/ soll er doch des trancks für vnd für  
trincken/ vnd das Pulver essen biß er ge-  
sund wirt/ Triffet ihn aber der Schlag/ so  
suche an seinem ort.

D iij So

So einem Menschen Nasen vnd  
Bocken im Angesicht würden.

Das XXXIV. Capitel.

**S** Nimb Beinholz/ Leymbletter  
ein grosse handvol/hacke die klein/  
thue sie in einen Angster/schütte  
scharpffen Weinessig darüber/ vermach  
den Angster wol/sez ihn in die Sonnen 5.  
oder 6. wochen/darnach in einem Alem-  
bico 2. oder 3. mal abgebrent. Das behalt  
in einem glasi/darnach ein tropffen oder  
funff zwischen den händen gerieben/ vnd  
das Angesicht darnit oberstrichen/ oder  
oberfahren/ des Tags einmal 6. oder 8.  
Das dienet auch/ wann einer im Ange-  
sicht oder sunst verwundet were/ die mal-  
zeichen damit zuvertreiben.

**S**ür die Flecken im Angesicht/ die  
da roth sein / als wolt einer auß-  
sehig werden.

Das XXXV. Capitel.

Nimb

**N**imb Eschenschmalk/ von einem  
 Fisch also genant/ Jung Färckel-  
 schmalk/ die noch an der Mutter  
 trincken/ Schlüsselblumen wasser/ jedes  
 gleich viel/ als nemlich ein loth Silber-  
 glet/ Campher jedes j. halb lot/ gar klein  
 gerieben/ darauß mache ein Sälblin/ das  
 mit bestreiche dich also/ biß es vergehet.

**Für die gelben Flecken im  
 Angesicht.**

Das XXXVI. Capitel.

**N**imb weiß Lilienwurzel j. pfund/  
 klein geschnitten vnd grün steckrü-  
 ben/ pulver 6. taler schwer/ weiß Li-  
 lienbletter ein handvoll/ Silberglet an-  
 derthhalb lot klein geriben/ anderhalb kan-  
 del gebrantenwein/ dise stuck alle zusamen  
 in einen Angster gethan/ wohl vermacht/  
 vnd in der Sonnen einwochen 5. oder 6.  
 digirieren lassen/ vnd darnach in einem  
 Alembico außgebrent/ ein mal zwey oder  
 drey/ vnd das Angesicht damit gewesen.

D iij So

So einer Flecken im Angesicht  
hette/ vnd dasselbe lang ge-  
wehret hette.

Das XXXVI. Capitel.

**I**m darzu Ephewlaub/ trucke den  
safft darauf/ vnd wäsche es dar-  
mit alle Tag etlichmal/ bis es nach  
laßt/ vnd Is alle Abent vnd morgen ein  
Quintel braun Scabiosa wurzel grün/  
vnd klein geschnitten mit gebranten Ey-  
ern/ bis er gesundt ist.

So aber die Flecken so hart eingewur-  
zelt weren/ so nimb Ephewholz/ bren-  
ne es zu Aschen/ vnd mache von dieser  
Aschen ein scharpffe Laugen/ darmit wä-  
sche die Flecken rein/ Darnach nimb gel-  
ben Schwebel 2. lot/ den reib klein wie ein  
staub/ nimb ein Pfund Esig darzu/ mi-  
sche es wol durch einander/ das laß ein  
mal drey oder vier thun / Darnach laß  
kalt werden/ vnd reibe die Flecken wol da-  
mit/ des Tags sechs oder acht mal/ bis  
sie vergehen.

So



So einer ein Fistel vnden am  
Maul vber käme oder am Hals.

Das XXXVII. Capitel.

**I**mb Birckene Rinden/ die inner-  
lich am holtz stehet/ vnd je älter je  
besser/ laß sie dürr werden/ darnach  
in ein grossen Topff gethan / wol ver-  
macht/ vnd brenne ein Del darauß vnder  
sich (wie man Krambethholzköl brenet) dar-  
nach neme man des öls 2. lot/ Terpen-  
tin ein lot/ der Terpentin sol aber zuvor  
wol außgewaschen sein/ in einem Was-  
ser biß er weiß wirdt/ darnach vnder ein-  
ander vermischet / darein weiche reine  
Lüchlein genezt/ vnd auff die Fistel ge-  
legt/ biß sie heil ist.

Also heil auch den Wolff/ welcher im  
Angesicht von einer Warzen seinen vr-  
sprung nimbt. Ist aber die Warzen noch  
nit offen/ so nimb Ehrenpreißkraut/ stoß  
es safftig/ vnd lege es also alle abent vnd  
morgen frisch auff die Warzen/ biß die  
Warzen hinweg fallet/ vnd der schaden

D v von

58 Das erste Buch  
von ihm selber wider heyset.  
So es aber nicht heilen will/ so ist es  
ein Wolff/ den heile wie oben gesagt ist.

### Für Wehtagen der Zän von kalten flüssen.

#### Das XXXIX. Capitel.

**W**elches du also erfahren mußt/ nimb  
Salbeyenlaub/ das colligier oder  
sammle im Newen Heymonat  
oder Augstmonat/ wann der Mon 6. oder  
7. tag alt ist/dörre es im schatten/darnach  
so einer der Zänwehetagen klaget/ so le-  
ge sie ihm außwendig auff den Backen/  
ist der Zänwehetag von kalten flüssen/ so  
gewint er von stundan ruh/ befindet er  
aber mehr schmerzen/ so nimb Melissen  
bletter/ Salbeyenlaub/ jedes ein kleine  
handvoll/ gute frische Corallen j. quintel/  
klein gerieben/ darzu nimb Melissenwas-  
ser ein Maß/ vnd Poleywasser ein halb-  
be Maß/ Salbeyenlaubwasser ein halbs  
Maß

Mäffel/ frisch Brunnenwasser ein halbe Kandel. Diese stuck siede wol vndereinander/ biß das der halb theil eingesotten ist/ darmit reibe das Zansfleisch/ warm ganz wol/ biß das der schmerzen vergeht.

So die Zän schwarz darvon würden so nimb Kornbläe ein handvoll/ seud es in wasser/ darmit wäsch die Zän/ so werden sie widerumb weiß.

Das XL. Capitel.

**S**o der Zän wehetagen von hitzigen Flüssen were/ vnd das Laub auff dem Backen ligt/ so wirt der schmerz von auffgelegtem Salbeyenlaub nur grösser werden/ dann er zuvor gewesen ist/ Als dann nimb weiß Klettenwurzelsafft/ Pfersingfern/ jedes ein loth/ die mitlere rinden von Ephew/ ein halbe handvoll Campfer/ Mastix/ jedes ein quintel/ ehig vnd wasser jedes ein Mäffel/ laß es wohl mit einander sieden / darmit reibe das zansfleisch/ biß der schmerz gar hinweg ist!

So

So aber der schmerze von kälte vnd  
 Niz were/ So nimb langen Pfeffer ein  
 loth/ klein gerieben/ weiß Roseneßig ein  
 Kandel/ laß es mit einander wol sieden/  
 biß auff den halben theil. Darvon nimb  
 ein halben Löffel vol/ vnnnd halte es auff  
 die Zän im Maul/ so lang als du es er-  
 leiden magst/ biß daß aller schmerz hin-  
 weg ist.

So aber einem ein Zan wehe thut/ vnd  
 hol were/ so nimb rote Corallen/ reibe sie  
 klein miteinem scharpffen Weineßig/ vñ  
 auff die Zän gehalten/ biß er den schmerz  
 hen außzeucht.

So es aber von kalten Flüssen were/  
 so nimb langen Pfeffer klein geriben/ mit  
 brentemwein/ in die Zanlucken gelassen/  
 biß aller schmerzen hinweg ist.

Nichts ist besser für allerley Zanwehe  
 des Morgens die Stirn vnd schläffe mit  
 reinem kaltem Wasser vbersich gestrich-  
 en/ Es nimpt allen schmerzen/ das einem  
 kein Zan nimmer wehe thut/ dann es er-  
 lescht/ das geblüet im geäder/ das es nicht  
 herab

herab sinckt/ vnd mach ein Zanstürer auß  
Klettenwurzelholz / vnd stüre die Zän  
vnd das Zansfleisch damit/ das es ein we  
nig Blutet/ dann dieser Zanstürer von  
Klettenwurzelkraut gemacht/ ist ein Ex  
periment vnd außserwöhlt gut ding für  
das Zanwehe.

Von dem Scherbock/ davon das  
Zansfleisch ganz weich/ vnd vom Fluß  
gar verbrent wirt/ dann der  
Fluß ist gar hitzig.

Das XLI. Capitel.

**A**rzu nimb des Puluers zu purgis  
ren/ das mach also: Nimb Senets  
bletter 2. lot/ Teutsche Rebarbara  
2. quint/ Enissamen/ Fenchelsamen je  
des ein quintel/ Imber ein quintel. Diese  
stück klein gepulvert/ vndereinander ge  
mischet/ davon alle Abent vnd morgen ein  
halbs quintel oder mehr genossen/ bis sie  
der Fluß durch den Stul hinweg verzert/  
Das

zwischen trincke nichts anders / dann  
difen tranck/ den mach also: Nimb Pfers  
sigblübleter/ den dritten theil einer hand  
voll/ Quittenblüe/ Schlehenblüe/ jedes  
j. halbe handvoll/ 4. kandel wasser/ Dres  
finger maß/ laß es halb einsieden/ davon  
trincke vnd anders nichts.

So aber eins ein bösen Magen hette/  
der nemme für die Schlehenblüe/ Corrigire  
Coriandersamen j. lot/ Galgantwurzel  
anderthalb quintel/ sied es/ wie zuvor ge  
sagt/ vnd trinck biß du gesund wirst/ vnd  
gurgel für vnd für mit disem wasser/ das  
mach also: Nimb Eychene rinden j. halb  
lot/ Quittenblüebletter ein halbe hand  
voll/ Klettenwurzel der weissen zwey lot/  
Brombeerlaub/ kleine Marellen jedes ein  
halbe handvoll/ wasser 3. kandel/ ein kan  
del roten Wein/ laß halb einsieden/ dar  
mit gurgel alle stund/ biß gar hinweg ist.

So aber der Scharbock alt were/ vnd  
sehr scharpff/ so mache das gurgel wasser  
also: darzu nim rote Steinrosen/ Stein  
flee/ Marellenblüebletter/ Eychen rinden  
jedes

Jedes ein halbe handvoll/ vnd sieds mit 3.  
kandel wasser/ vnd j. kandel roten Wein/  
das der halb theil eingesotten werde/ vnd  
gurgel damit alle stund.

Vnd zu dem vorgemelten tranck nimb  
dritthalb loth Kartendistelwurzel/ so da  
grün ist/ vnd siede es wie gesagt/ dasselbe  
trinck/ so wirst du gesund.

So einem der Halß wehe thut  
von Kalten Flüssen.

Das XLI. Capitel.

**N**imb Wegerichsamen des spitzigen  
anderthalb quintel/ Kreuzwurzel  
j. lot/ Pfersigblüebletter/ Metterig  
krautblüe/ jedes ein halbe handvoll/ wols  
gemut den dritten theil einer handvoll/  
weissen Wein 2. kandel/ eßig 6. löffel vol/  
wasser ein kandel/ laß das mit einander  
biß auff die helffte einsieden/ darmit gur-  
gel vnnnd laß auch hinab rinnen/ biß die  
sach gut wirt.

So

So aber einem das Zäpffe  
mit siele.

Das XLIV. Capitel.

**N**Eme man Metterichkraut / vnd  
stoß es safftig wie ein Pflaster / vnd  
auff den Wirbel des Haupts ge-  
legt / ein mal oder drey.

So es aber nicht thun wolt / so neme  
man Sals / vnd gebrenten Wein darzu /  
vnd nuse das Metterichkraut darinnen /  
schlage es läwlecht auff den Wirbel des  
Haupts / bis es wider hinaufft geht.

So es aber von hitzigen Flüssen were /  
so würde er gar Heiser / vnd schwer am  
Athem / denselben Leuten wirt die Gur-  
gel vnd lufftrör voll löcher / vnd Pfinnig /  
wie ein Pfinnige Saw / durch auß an der  
Gurgel / darzu nimb Eisenkraut j. halbe  
handvoll / breiten Wegerichsamen ein lot /  
weiß Klettenwurzel 2. lot / Lindenblüwa-  
ser j. kandel / Braunellenwasser ein halbe  
kandel / Rittenwasser anderthalb kandel /  
laß es mit einander / bis auff die helffte  
einsieden / darvon Gurgel vnd trincke er  
so viel



Von der Leibartzney. 65

so vil er kan säwlicht/ vnd neme bißweilen  
Kosdreck mit Braunnellenwasser oder  
Lindenblüewasser/ eingebeißt ein stund 2.  
oder drey / darnach durch ein Tuch ges  
truckt/ vnd ein halbe Eyerschal voll davon  
getruncken/ je in 2. oder 3. Stunden ein  
mal/ biß das er gesund ist.

Wann einem Feigwarßen  
in den Hals kommen.

Das XLIV. Capitel.

**N**imb Kreuzwurzel 3. lot/ Brauna  
wurzel 2. lot/ Feigen ein lot/ Diese  
stück mache zu Pulver/ Davon ges  
be ihm j. quintel/ oder ein halbes quintel/  
nach gelegenheit der Personen/ mit disem  
nachgeschribenen tranck/ darzu nimb Eis  
senkraut ein halbe handvoll/ Cardobene  
dicten so dick als ein Ey/ Wasser vnn  
Wein jedes 3wo Randel/ laß es mit ein  
ander biß auff den halben theil einsieden/  
vnd brauch wie gesagt ist.

¶

Vnd

Band nimb weiter/ so der ganze Leib voll were/ diß Pulver das esse er zu aller Speiß/ das mach also: Nim Aaronwurzel 2. loth/ Kreuzwurzel 4. loth/ rot hüsnerdarinkraut 6. handvoll/ diese stück zusammen gepulvert/ vnd davon gessen in allen Speisen.

## Für die Prän.

## Das XLV. Capitel.

**N**im Roseneßig von weissen Rosen 3. vntz/ Lindenblüchwasser 1. kandel/ Braunnellenwasser 2. kandel/ misch die zusammen/ vnd gurgel damit/ so offte es von nöten ist.

So aber die Preume vberhand neme/ so nimb in das vorige Wasser ein handvoll Eselsdreck/ laß es ein Stund darinn ligen/ darnach trucke es durch ein Tuch 5. oder 6. mal/ demnach mit Rosenwasser corrigiert/ biß es den Geschmack vom Eselsdreck verleurt/ damit gegurgelt/ vnd hinab in den Leib lassen rinnen.

Doch

Doch den Krancken muß man zwingen alle stund/ das er esse/ damit der Magen die Hitz an sich ziehe.

Vnd für allen dingen hüten vor zimmetrindenwasser/ dann diß ist sonderlich ein gift in der Präune.

Auch Gerstenwasser/ daß es schleimbe den Magen vnd Hals/ welche feuchtigkeit der Präune giftt ist/ sonder er trinck diesen Tranck/ darzu nimb frisch Ritten/ die schneide in 6. oder 8. theil/ alleweg 3. Ritten in 3. Kandel wasser/ laß wol einsieden/ davon gebe man ihm genugsam zutrinken/ je mehr je besser/ vnd vbermacht biß er gesund wirt. So man aber die Ritten nicht gehabt mag/ so nimb Kartendistelwurzel 2. loth für ein Ritten/ vnd brauchs wie gesagt ist.

So aber die Kartendistel auch nit vorhanden weren/ so nemme man Rittenbläe bletter j. handvoll/ Lindenbläe j. handvoll/ gut frisch Brunnenwasser 3. kandel/ laß halb einsieden/ vndd brauchs wie gesagt ist.

E ij So

So die Preune ein Kindbet-  
terin ankäme.

## Das XLVI. Capitel.

**S**o nimb 15. oder 16. frische Bachs-  
krebbs/ die mache fein sauber/ dar-  
nach in einem Mörsel gestossen/ bis  
sie zu wasser werden/ vnd ein Kandel voll  
Lindenblüe wasser darüber gossen/ vnder  
einander gerühret/ vnd auff zwo Stunde  
oder mehr also stehen lassen/ je lenger je  
besser/ darnach ein wenig weiß Liliens-  
wasser darzu gethan/ damit laß sie gurs-  
geln/ vnd gemachsam hinab in Hals las-  
sen lauffen/ bis sie gesund ist.

So aber eins die Preune an-  
käme/ mit der rothen Ruhr.

## Das XLVII. Capitel.

**S**o nimb Rittenwasser ein Kandel/  
roten Wein ein halbe kandel/ Am-  
pferwasser ein halbe kandel/ Kletten-  
wurzel

wurzel klein geschnitten 2. loth/ Eychene rinden die mitler von ein jungen Baum so groß als ein zimliches Ey/ laß es mit einander ein wall oder 3. thun/ als dann erkalten lassen/ vnd dasselbe getruncken/ vnd gegurgelt/ stillet jm die Ruhr/ wie an seinem orth fernner gesagt werden soll.

So einen die Preun ankame mit einer Pestilenz/ es seye zum Todt oder nit.

Das XLVII. Capitel.

**N**imb anderthalb frische Ritten 2. lot/ Kartendistelwurzel/ Creuswurzel ein loth/ frisch Brunnenwasser vier Kandel/ laß den dritten theil einsieden / davon gebe man ihm zutrinken / bis er gesund ist/ vnd brauche Arzney/ wie oben an seinem ort gesagt wirt.

Einem Kind oder Kindbetterin/ nimb sauren klee ein halb handvoll/ Rittensaffeder in Honig vnd Zucker gesotten ist/ ein  
E iij      Löffel

ein Löffel voll/ Wasser 2. Kandel/ laß den dritten theil davon einsieden/ davon gebe man ihm zutrinken/ bis er gesund ist.

So man die Ritten/ wie oben gesagt/ nicht hette/ so neme man an derselbigen stat Rittensafft/ so mit Honig vnd Zucker gesotten ist.

So einem der Blutkasten verstopffet were/ von His/ dem hilff also.

Das XLIX. Capitel.

**U**mb Genskraut 6. handvoll/ das stoffe wie ein Muß oder Brey/ dazu thue Sals 2. lot/ klein geribnen Alaun 1. lot/ Roseneßig 6. löffelvoll. Diese stück vermische ganz wohl durcheinander/ davon mache ein starck Pflaster auff die solen der Füße/ vnd Puls der Hände/ vnnnd also zu allen 6. stunden widerumb frisch/ oder ehe/ so es von nöten ist/ vnnnd gib ihm disen Tranck/ Darzu nim braunwurz

wurzel 2. lot/ braun Betonica ein halbe  
handvoll/ Capris ein quintel/ Esels dis-  
stelwurzel 4. loth/3. kandelwasser/ j. kanz-  
del weissen Wein/ der nicht starck ist/ laß  
den halben theil einsieden/ vnd gibe ihm  
genugsam des zu trincken/ bis er gesund  
ist. An dieser krankheit ist gestorben Do-  
ctor Johannes Schabellius/ vnd Herz  
Görg von Madrutsh.

Diese Kranckheit kompt auch vnder-  
weilen auß verstopffung der Mutter/wels-  
ches mit der Zeit ein hitziges Asthma ca-  
lidum wirt/ vnd ist ganz tödtlich.

Das zu heilen/ nimb Erdzwibeln ein  
lot/ Beyelwurzel 2. loth/ Creuswurzel 3.  
lot/ 2. Kandelwasser/ anderthalb Kandel  
Wein/ darinnen zuvor Lindenblüe gesot-  
ten sey/zimlich wohl/darnach abgesiegen/  
vnnnd zu dem vorigen wasser gethan/ laß  
halb mit einander einsieden/ davon trins-  
cke sie Abendts vnd Morgens/ vnnnd des  
Tags vber/ je mehr je besser/ vnd brauche  
die obgenanten Pflaster/ wie gesagt ist.

So aber kalte Flüsse zu sollichen schlac-  
E iij gen

gen / vnd der Blutkasten davon gelesche  
würde / Cusserlich / vnnnd mit macht die  
Brust durchflüssen / nicht das solche flüss  
in Blutkasten kommen / sonder zwischen  
das geäder sich gehenckt / vnd sonderlich  
zwischen die Lufft Röhre / vnnnd heisse  
Asthma frigidum, welches dann auch  
zweyerley ist / das ein ist flüssig / vnd wenn  
es einen ankompft / so ligt er als wann ihn  
der hinfallend Siechthumb troffen hette /  
vnd laufft ihm viel wasser zum Hals her  
auf / das Angesicht ist schwarz. Disem zu  
helffen / muß man die ganz Natur endern  
mit der zeit. Darzu nimb corrigiert Aas  
ronwurzel 6. lot / Cardobenedicten vier  
handvoll / zuvor in einem Rosenesig ges  
fotten / das 4. wall darüber gehen. Dar  
nach wider getrücknet / vnd gepulvert /  
Haselwurzel 5. lot / zuvor in Wein vnd  
Wasser gesfotten / das drey wall darüber  
gehen / Ensian wurzel 1. lot / in gutem  
Weinesig gesfotten / das 6. oder acht wall  
darüber gehn. Benedictenwurzel 3. lot /  
Dise stuck alle klein geriben / durcheinan  
der



der gemischet/ davon esse man des Pul-  
vers in allen speisen/ es sey wann es wolle/  
vnd trinck dieses Tranccks Abends vnd  
Morgens/ vnnnd zwischen der Malzeit/  
Darzu nimb Benedicten wurzel 3. loth/  
Meisterwurzel ein halb lot/ Beerwurzel  
2. lot/ Salbenbletter ein halbe handvoll/  
weissen Wein 3. kandel/ vnd ein Kandel  
Wasser/ laß es halb einsieden/ vnnnd  
brauchs wie gesagt ist.

Vnd mach dises Fußwasser/ darzu nim  
Heil aller welt/ agrimonia genät/ Stor-  
ckenschnabelkraut/ S. Peterskraut/ jedes  
2. guter handvoll/ vnd anderhalb hands-  
voll saltz/ zehen kandel Wasser/ vierzehen  
kandel Weins/ laß wohl mit einander sie-  
den/ darein seke die Füße/ des Morgens  
ein stund/ vnd des abends ein halbe stund/  
vnd am Fünfften Tag mach ein frisches  
oder neues Fußbad/ vnnnd brauche diese  
Laugen / darzu nimb Haselwurckkraut/  
Camillen/ Meyeron/ Wegwart/ jedes  
anderthhalb handvoll/ Laugen sibem Kan-  
del/ laß es wohl mit einander sieden/ dar-  
E v nach

nach von sich selber erkülen lassen/ biß ers  
zum zwagen erleiden mag/ vnd sich damit  
zwagt langsam/ vnnd daß das Haupt  
warm werde/ vnd so er sich gezwagt hat/  
so decke er das Haupt mit warmen Tüch-  
ern zu/ das es von sich selbst trucken wer-  
de/ vnd die Laug allemal durch gesiegen/  
vnd auff die Kräuter wider gegossen/ vnd  
am vierten Tag ein frische Laugen ge-  
macht/ das thu zehen oder eilff mal/ dar-  
nach alle 8. Tage ein mal oder zwey/ Daß  
vorgesagt Pulver muß er für vnd für es-  
sen/ biß sich die Natur vnd Kranckheit  
gar verendert/ vnnd esse dieses aqua vitæ,  
alle wochen ein mal oder zwey mit No-  
ckenbrot darinnen geneßt/ das mach also:  
Nimb Angelicawurzel/ Haselwurzel/  
Aronwurzel/ Kreuzwurzel/ jegliches  
acht lot klein geschnitten/ vnd vber nacht  
in Wasser vnd Wein gelegt/ Des Mor-  
gens das Wasser vnd Wein davon ge-  
gossen/ vnd seuberlich ein wenig abtrückē  
lassen/ Darnach nimb Beyelwurzel 3.  
lot/ Braunwurzel 2. lot/ Scabiosa j. lot/  
Brauns

Braunkleeblüe/ Rosmarinblüe/ Lavendelblüe/ jedes ein handvoll/ Pfrimenblüe 2. handvoll/ gebrenten Wein sovil das er zwen zwerch Finger vber die obgemelten stück gehe/ vermachs wol/ vnnnd laß auff einander stehn 3. wochen/ oder ein Monat/ darnach brenne es auß/ in einem Alembico/ das brauch wie gesagt ist.

So aber ein Weibsbildt mit dieser Kranckheit beladen were/ die mag dieses aqua vitæ auch gebrauchen/ aber das pulver soll sie also machen. Darzu nimb Benedictenwurzel 4. lot/ bereit Aaronwurzel 6. lot/ Scabiosawurzel 3. lot/ blaw Lillienwurzel vierthhalb lot/ klein gepulvert/ vber nacht in Eßig vnd Lindenblüewasser gelegt/ des Morgens abgeseigen/ vnd abgedrückt/ Fenchelsamē 2. lot/ diese stück alle zusammen gepulvert/ vndereinander vermischet/ darvon in allen Speisen gesessen/ je mehr je besser/ vnd gebrauch die obgemelten stück darneben.

So es aber ein Kind ankām/ dem corrigier die Aaronwurzel mit Wasser vnd Wein

wein/ so oft das sie nicht mehr schmeckt/  
darnach Zucker darzu gethan/ zu ein loth  
Naronwurzel anderhalb quintel Zucker/  
vnd Engelsfüßwurzel/ Senecbletter/  
jedes ein quintel/ vnd Pflaster auff das  
Bäuchlein gelegt/ wie darnach im Kin-  
der grimmen gesagt wirdt.

So aber solch asthma truckenwürde/  
(wie in Herz Carolo von Thumb) das er  
gar nicht mehr aufwerffen kan/ dem hilff  
also: Nim Schlehenblüe/ die mitlere rin-  
den von jungen Eychen/ jedes ein handt  
voll/ Kraufmünke/ oder Enissamen/ ein  
halbe handvoll/ Benedictenwurzel 2. lot/  
Enkianwurzel/ soll aber zuvor in Bier  
eßig wol gesotten sein/ Wein vnd Wase-  
ser jedes 2. kandel/ ein seidlein Eßig/ laß  
halb einsieden/ davon alle tag getrun-  
cken/ je mehr je besser/ biß das asthma  
auffgeht/ vnd das obgemelte Aqua Vitæ  
gebraucht/ wie gesagt ist.

Für die Apostema oder Ge-  
schwer der Brust.

Das

## Das L. Capitel.

**A**s Apostema kompt nirgent anders her/ daß von kalten Flüssen/ welche von dem Haupt herab fallen/ vñ die brüste inwendig verfaulen/ die muß man also heyslen/ vnd vbersich ziehen/ das die Flüsse wider zum mund auß gehen/ vnd durch den Hals oder Stulgang auß/ sonst müste die Lunge darunder ersticken/ vnd der Blutkasten/ vnd der Mensch darvon sterben.

Ist das Apostema auff der Lincken seiten/darfür nimb schlehenblüc/ein hand voll/ Rosmarin den vierten theil einer handvoll/Petersilgsamen j. lot/wasser vñ Wein/ jedes anderthalb Kandel/ einem Mann j. halb seidel eßig/2. löffel vol Honig/ laß halb einsieden/ davon gebe man ihm genugsam zu trincken/ biß er gesunde wird/ vnd so die Hitz zu groß würde/ vnd das Apostema oben häfftig außzienge/ so nimb eyerklar von 6. eyern/ die schlaege ganz wol durcheinander/ darnach ein  
halb

halb mäßel Roseneßig darzu gethan/ vnd  
ein halb lot Alaun klein geriben/ schlags  
alles wohl durcheinander/ vnnnd legs auff  
die Puls der händ/ des Tags drey oder 4.  
mal/ auff Hänffen werck gestrichen/ oder  
darinnen geneßt Büschle weiß.

Ist es aber von verfäulung der Feuch-  
tigkeit/ so mache diß Pflaster/ auff das  
ort da du die stiche bestindest/ darzu nimb  
Milch/ Honig/ jedes ein mäßel/ Weizen  
mähl/ Saffran/ vnd Häch tenzän/ jedes 2  
lot/ klein geriben/ durch einander wol ge-  
rürt vnd gekocht in ein Hasen/ darnach  
auff ein Tuch gestrichen/ vnnnd so warm  
als ers erleiden kan/ auff die blosser Händ  
gelegt/ biß das stechen vergeht.

**Für das Apostema so volle Bräu-**  
der oberkönnen von oberigem sauf-  
fen/ auff der Lincken  
Seiten.

Das LI. Capitel.

So

**S**o nimb Eychene rinden/ von ei-  
ner jungen Eychen/ nahe bey der  
Erden/ so dick als ein halbs Ey/  
von der Mittleren rinden/ Schlehenblüe/  
Krausmünzen/ jedes ein halbe handts  
voll/ Wasser vnd Wein jedes anderthalb  
kandel/ Eßig ein mäßel/ Honig ein Löffel  
voll/ laß es halb einsieden/ das trincke er/  
vnd anders nichts/ vnd Esse auff den Ab-  
end nit viel/ vnd nach dreyen tagen nimm  
zu der enderung des Trancks/ Salbey  
blüe/ Schlehenblüe/ jedes ein halbe handts  
voll/ Krausmünz den vierten theil einer  
handvoll/ vnd siede es/ wie den vorgemel-  
ten Tranck/ Trinck für vnd für/ biß du  
gesund wirst vnd kein Wein.

So aber das Blut so hefftig gehn wol-  
te/ so nimb Salbey vnd reib sie zu Pul-  
ver/ thu sie in 2. Löffel voll guten scharf-  
fen Weineßig/ davon nimb vnderweilen  
ein halben Löffel voll/ biß das Blut gar  
versteht.

So aber mit hauffen das Blut auß  
de mund gieng/ so nimm Buchholderkraue  
ein

ein halbe handvoll/ Salbey halb so viel/  
 Dohsenzungenblüe/ so dick als ein halbe  
 welsche Nuß/ anderthalb kandel frisch  
 wasser/ vnnnd ein halbe kandel voll Esig/  
 laß den halben theil einsieden darvon  
 trinck bisweilen ein löffel voll oder 2. oder  
 3. Doch deß Apostems tranck/ trinck eine  
 weg wie den andern/ bis du gesunde bist/  
 vnnnd purgiere dich mit dem giffte Pulver  
 ʒ. quintel/ doch gar auff die lezt/ nach dem  
 apoltema, so du schier nichts mehr be-  
 findest.

Sür das Apostema auff der  
 rechten Seiten.

Das LII. Capitel.

**D**Arzu nimb der mitleren Kinder  
 von einer jungen Eychen/ so vast  
 auff der Erden wächst/ ein hand-  
 voll/ Dohsenzungenblüe ein halbe hand-  
 voll/ Salbeyblüe den vierdten theil einer  
 handvoll/ rothe Kraufmünß/ so dick als  
 ein hünerey/ wasser anderthalb kandel/  
 Wein



Wein ein halbe kandel/ Esig ein seidel/  
 laß halb einsieden/ davon trinck auff ein  
 mal j. Löffel voll/ oder mehr/ sovil du wilt.

Vnnd so ihm zuheiß würde/ vnd das  
 Apostema zu starck/ so gib ihm vnderwei-  
 len einen Löffel voll Leinöl zutrincken/ bis  
 das apostema zerbricht/ darnach ender  
 ihm den Tranck also:

Nimb Eychene Rinden die mitlere ein  
 handtvoll/ Rosmarin oder Kleeblüe/ ein  
 kleine handvoll/ Nesseln siede ein halbe  
 handvoll/ wasser anderthalb maß/ Wein  
 ein halb maß/ laß halb einsieden/ davor  
 trincke/ bis du heil bist.

So aber ein voller Bruder ein Aposte-  
 ma vberkäm von vberigem trincken/ dem  
 gib Scorpionöl ein Löffel voll/ zwen oder  
 drey also kalt/ so bricht er sich vrpflüsslich/  
 darnach trincke den vorgemelten tranck.

So einer ein Apostema vberkâme/  
 von weichem Wein/ oder faulem Bier/  
 welches offte geschicht/ das die Armen  
 Leuth sterben müssen/ vnnd wissen doch  
 nicht wie es ihnen widerfahren ist/ So

F

nimb

nimb Sinngrün/ Odermennig/ jedes ein halbe handvoll/ weisse Rhebarbara/ Steinzwibel jedes anderthalb quintel/ wasser vnd Wein jedes anderthalb Maß/ das laß halb einsteden. Davon trinck so viel du kanst/ oder magst/ vnd laß es nit Alt werden/ sondern mach dir immerzu ein frisches/ vnd nimb des Giffpulvers ein halb quintel/ biß du gesund wirst.

## Von der Lungen.

### Das LIII. Capitel.

**I**m ersten/ so einem die Lunge auffsteigt von hitz/ oder von hitzigen Flüssen/ So nimb ein frisch Brunnenswasser 3. oder 4. Löffel voll. Darzu nimb Vierbaummistel j. quint/ klein geschnitten/ oder gepulvert/ diß eingenommen/ das thu etlich mal/ so wirt sie sich seisen/ So aber ein hitziger Fluß darauff siele vnd zähe were/ das er sich vmb die Lunge außschlüge/ vnnnd einem der Athem gar eng davon würde/ so nimb diß Pulvers ein

ein halb quintel zu Abent/ vnd des Morgens  
 j quint/das thu 3 Abend vnd 3 mor-  
 gen nach einander/das mach also: Nimb  
 Senetbletter 2. loth/ Langen Pfeffer/  
 weissen Imber/ jedes ein quint/ Fenchel-  
 samen ein halb loth/ Pulverier das klein/  
 vnd brauche es wie gesagt ist/ bis die  
 Kranckheit nachlaßt.

So aber einem von hitzigen Flüssen  
 die Lunge so häfftig beschwert würde/ das  
 er zu keinem Athem kommen könnte/ so  
 brauche diß pulver/ Nimb Eisenkraut ein  
 lot/ Rebarbara j. halb lot/ bereit Agarici  
 ein quint/ dise stuck pulverier klein/ vnd  
 mische sie vndereinander/ davon gebe  
 man einem des morgens ein quint/ vnd  
 des abents ein halb quintel/ drey Abende  
 vnd 3. morgen nach einander/ vnd trinck  
 des obgemelten trancks bis es besser wirt.

So sich die Lunge pläet von  
 kalten Winden auß dem Ma-  
 gen oder Milk.

F ij

Das

**D**em gibe diß Pulver zu essen/ das  
 mach also: Nimb Cardobenedi-  
 ctenkraut 3. lot/ Haselwurzel an-  
 derthalb lot/ Enzian ein halb lot. Diese  
 stuck siede zuvor in gutem Esig 3. mal/  
 darnach truck sie auß/ Pulverier sie/ vnd  
 esse sie/ biß der Athem besser wirdt/ das  
 must du darauff mercken/ so er für vnd für  
 Mißwehetagen befindt/ oder schmerzen  
 an der Lincken Brust/ So aber solch faule  
 dämpff kämen von der Leber/ Gallen oder  
 Magen/ so befindest du alleweg schmerzen  
 in der rechten Seiten/ vnd beschwerung  
 am Athem/ vnd auff der rechten Seiten  
 neben dem Herzgrüblein/ bißweilen sti-  
 che/ Darfür nimb Alantwurzel ein loth/  
 Braun Bethonica 2. handvoll/ Nesseln  
 siede drey handvoll/ Corrigiert Aaron-  
 wurzel 4. lot/ weissen Andorn j. hand-  
 voll. Diese stuck Pulverier alle klein/ vnd  
 esse darvon zu allen Speisen. So es aber  
 nit weichen will/ so neme diß Tränck-  
 lein

lein darzu/ das mach also: Nim Pfirsing  
blüe/ Genskraut/ Salbenblüe/ jedes ein  
halbe handvoll/ Wasser vnd Wein/ jedes  
anderthalb Randel/ laß halb einsieden/  
das trinck/ so aber die Person bleich were  
im Angesicht vnd kalt von Natur/ so nim  
lauter Wein/ vnd siede es wie gesagt ist.

So einem die Lunge faulet von  
einem erstickten Apostema.

Das LV. Capitel.

**S**uche die Ursach des Apostems/  
vnd nim Schlehenblüe ein hand-  
voll/ Scabiosawurzel anderthalb loth/  
Ehrenpreis ein kleine handvoll/ wein vnd  
Wasser jedes anderthalb Randel/ Eßig 4.  
löffelvoll/ Honig 2. löffel/ laß halb einsie-  
den/ davon trincke des tags 4. mal oder  
mehr/ biß der schmerz verschwindet.

So aber von der Rechten seiten ein A-  
postem käme/ so esse diß Pulver/ das mach  
also: Nim Buchholderwurzel 5 lot/ Weis-  
F iij ster-

sterwurzel 2. loth/ Diese stück siede zuvor  
in geringem Eßig vff zehen wall/ doch ge-  
schwinde/ das es nicht lang darinnen lie-  
ge/ darnach gepulvert vnd getruncken.

Darzu nim̄ Beyelwurzel 3. lot/ Eisens-  
kraut 3. handvoll/ Buchholderkraut zwo  
handvoll/ Diese stück alle zusammen ge-  
pulvert/ davon gessen/ mit dem vorigen  
tranc̄/ bis er gesund ist/ vnd schlage dis  
pflaster auff die Leber/ Darzu nim̄ ireos  
wurzel 6. lot/ gepulvert/ darüber geuß ein  
halb maß Eßig/ laß es darinnen stehn 6.  
stund/ darnach senhe es ab/ vnd trückne  
es/ vnd pulveriers/ Darzu nim̄ Nessel-  
seiten 3. handvoll/ Teutsche Rebarbara  
zuvor in weissen Wein gelegt 3. stundt/  
darnach wider abgetrücknet/ 2. lot Mus-  
catblüe/ anderthalb lot Salbeyblüe. Dise  
stück alle klein gepulvert/ vndereinander  
vermischet/ darzu nim̄ Salbeywasser 6.  
Löffel voll/ Eßig 4. löffel voll/ Jungfraw  
wachs/ Terpentin/ das es genug seye/  
zerlasse es zuvor/ vnd thu die obgemelten  
Species darcin/ vnd mache ein Pflaster  
Darauf

darauff/ dasselbige auff die Leber gelegt/  
bis der Fluß gar verzehrt ist/ also genug  
von der dörrer der Lungen geredt.

## Von auffstossen der Mutter.

### Das LVI. Capitel.

**S**chickige Fluß von oben herab  
fallen auff die Mutter/ so bläet sie  
sich darvon/ vnd fährt vbersich/  
dann sie wirdt darvon verstopfft/ darfür  
nim̄ Beyelwurzel 4. lot/ Eybischsamen/  
Steinbrechsamen / jedes ein halb loth/  
Krebsaugenstein ein loth/ Bethoniens  
samen anderthalb loth/ dise stuck klein ge-  
pulvert/ davon nim̄ Abends vnd Mor-  
gens j. halb quint mit Lindenblüewasser/  
oder mit Wein/darinnen Lindenblüe ge-  
sotten ist/ bis sie gesund ist.

So aber die Mutter mit kalten Flüssen  
beladen wer/ vnd verstopfft/ der hilff also:  
Nim̄ Wetterigkraut/ Wolgemut/ Bey-  
fuß/ Neinfarrenkraut/ jedes 5. handvoll/  
S iiii Diese

Diese Kräuter theile in 3. oder 4. grosser Kessel voll Wasser/ laß es wol sieden/ das ein Bad werde/ darinnen Bade Morgens 2. stund/ nach Mittag anderthalb stund/ 14. tag oder lenger/ darnach du siehest beserung/ vnd alleweg am vierten tag mach ein frisch Bad.

Diß Bad mit dem nachgeschribenen Pulver/ benimbt der Mutter alle verstopfung/ vnd Behetagen so von Kälte kommen/ vnd so sie von kalten Flüssen vnfruchtbar sein/ das Pulver mach also: Nimb Benfußblüez. handvol/ Metterigsamen oder blüe anderthalb handvoll/ Melissenbletter ein handvoll/ Angelicawurzel/ Bibenelwurzel/ jedes 2. loth/ zuvor in Wein vnd Wasser 4. wall gesotten/ darnach getrücknet/ vnd gepulvert/ Muscatblüe dritthalb quint/ Steinbrechsamensamen anderthalb quint/ diese stuck klein geriben/ vndereinander vermischet/ davon esse Abents vnd Morgens ein halb quint auß gebähtem Brodt/ welches zuvor in weissen Wein gedunckt sey/ vnd Abents so du



so du schlaffen gehest/ so lege diß Pflaster  
 auff die Mutter/darzu nim̄ Beyfußblüe z  
 handvol/wolgemutblüe z. handvol/Hopff  
 fenblüe z handvoll/Käspappel zhandvol/  
 Metterigein handvoll/dise stuck alle klein  
 gepulvert/ vndereinander vermischet/ in  
 ein säcklin gethan/vnd in Wein vnd was-  
 ser gesotten/ vnd auff die Mutter gelegt/  
 oder nim̄b Terpentin ein halb Pfundt/  
 Wasser ein Pfund/ schlage ihn gar wol/  
 bis er weiß wirt/ mit dem Wasser/darzu  
 nim̄b Wachs/das es genug sey/mach ein  
 Pflaster darauß/ vnd lege es des Nachts  
 auff die Mutter/ vnd gebrauch die vor-  
 gemelten stuck/vnd vber 4. oder fünff tag  
 mache ein newes Pflaster.

So aber die Mutter gar erkaltet wer/  
 so mögt ihr diß Pulver essen in aller speiß/  
 vnd das Pflaster oder säckel auff die Mut-  
 ter schlagen oder legen.

Das Pulver mach also: Nim̄b König-  
 samen ein halb loth/Fenchelsamen zwey  
 lot/Lindenblüeknöpflein anderthalb loth/  
 Rosmarinblüe z. handvoll/Rohr Bey-  
 fuß

¶ v

fuß

fußblüe ein handvoll/ Dis alles klein gepulvert/ vnd nimb darzu ein wenig Zucker/ davon esse zu allen Speisen.

Das Pflaster schlaget auff die Kugeln der Mutter/ da ihr sie befinde/ das macht also: Nembt rot Benfußblüe 4. handvoll/ Wolgemutblüe 3. hädvoll/ Hopffenblüe 2. handvoll/in wein vnd wasser wol weich gesotten. Darnach Meyenbutter/ frisch Leinöl darzu gethan/ vnd zu einem Pflaster gemacht/ vnd auff den Abent/ wenn ihr wolt schlaffen gehn/ auff die Mutter gelegt/ so warm ihr erleiden köndt/ vnd fein hart mit einem Schleyer vnd warmen Tüchern auffgebunden/ das es nit bald kalt werde/ bis alles gut ist/ vnd die Mutter rein / ihr zeit vergangen/ der schmerzen hinweg ist/ vnd ihr ewer Blödigkheit wider Natürlichen habt.

So einer Frauen die Mutter abgerissen were/ vnd sich vnder sich für ihr Leib begeben.

Das

## Das LVII. Capitel.

**N**imb Käspappeln vier handvoll  
 Wetterigkrautblüe zwe handvoll/  
 Weiß Liliënblätter drey handvoll/  
 Leinsamen 6. loth. Diese stück alle klein  
 gepulvert/ darzu thu Nesselwurzelrinden  
 öl/ vnd weiß Liliën öl/ das es genug sey/  
 mach ein Pflaster darauß/ mit reinem  
 außgeläutertem Terpentin/ vnd warm  
 vff die Mutter gelegt/ zuvor in diesem Bad  
 Morgens anderthalb stund/ auff den A-  
 bent 1. stund gebad/ oder lenger/ Darzu  
 nimb Wetterigkraut 15. handvoll/ Tag  
 vnd Nachtkraut / parietaria genandt/  
 10. handvoll/ Mercuriuskraut 4. hand-  
 voll/ zertheile diß in drey oder vier Kessel  
 voll Wasser / das es genug sey zu einem  
 Bad/ laß es wohl sieden/ vnd von ihm  
 selbst erkalten/ das irs erleiden möcht/ vnd  
 allweg mitten im Bad diesen Tranck trin-  
 cken/ das mach also: Nemet Lindenblüe  
 ein handvoll/ weißen Rheinwein 2. Kan-  
 del/ laß es halb einsteden/ darnach lege  
 Buchholderblätter darcin/ so dick als ein  
 welsche

welche Nusz/ davon allewegen mitten im  
Bad ein starcken trunct getruncken/ Dis  
Bad/ Trancet vnd Pflaster brauchet 3.  
oder 4. Wochen bis es gesund wirt.

So ein Weib in der geburt verderbet  
würde/ das sie kein Wasser halten köndt/  
oder auch verwundt were/ so nim Buch-  
holderkraut/ Paney genant/ ein halbe  
handvoll/ Rasklee/ Lindenblüe jedes ein  
halb viertheil einer handvoll/ klein ge-  
hackt/ in ein Tüchlin gebunden/ vnd in  
das Trinckgeschirz gelegt/ das sie davon  
trincke/ das thu sie so lang/ bis sie gesund  
ist.

So aber solcher schaden gar Alt were/  
vnd viel Jahr geweret hette/ So nimb  
Buchholder/ roten Benfusz/ Jedes ein  
halbe handvoll/ schwarz Himmelbrandt  
wurzel/ verbalcum nigrum genant/ an-  
derthalb loth/ laß tag vnd nacht in weiß-  
sem firnigen Rheinwein ligen/ vnd mach  
dir das obgesagt Bad/ So wird es dir  
nicht fählen/ du wirst gesundt darvon.

So ein

So ein Weibsbild die weißkran-  
ckheit hat/ oder den weissen  
Fluß der Mutter.

## Das LVIII. Capitel.

**S** nimb Braunkleebläe/ todt weiß  
Nesselbläe/ jedes ein Handvoll/  
des besten Reinwein 3. Ländelvol/  
laß halb einsieden/ davon trincke alle tag  
drey zimlicher Bechervoll/ biß es versteht/  
vnd die Mutter rein ist.

So aber der Fluß zu hart were/ vnd  
gar lang gewert hette/ so mache diß Pul-  
ver: Nimb der besten Corallen 1. lot/ Pa-  
radeißkörner anderthalb lot/ Weißwur-  
zel drey quint/ weissen Zimber 2. quintel/  
Dise stuck Pulverier zusammen/ das esse  
Abents vnd morgens mit gebätem Brot/  
im Wein gedunct/ biß alles hinwegist.

So einem Weib ihr Blödigkeit ver-  
stünde von einer Gelsucht/ das geschicht  
gemeiniglich den braunen rothen Jung-  
frawen

Frauen vnd Frauen/ Darzu nimb weiß-  
 sen Andorn ein handvoll/ rot Benzfußblä-  
 den dritten theil einer handvoll/ guter  
 weissen Wein drey Kandel / laß es halb  
 einsieden / davon Abends vnd morgens  
 einen starcken trunck warm gethün/ zehen  
 Tag nach einander/ vnd am sechsten tag  
 nimb die mitlere rinden von einem jun-  
 gen linden Ast/ soll Arms dick sein/ die  
 schneide in kleine stuck/ in ihren trinck-  
 wein/ so sie 2. tag darinnen gelegen sein/  
 so lege frische darcin/ bis ihr Blödigkeit  
 kompt/ vnd so es ihr gleich kompt/ so laß  
 es gleichwol drey tag darinn ligen/ vnd sie  
 darvon trincken.

So sie aber bleich von Angesicht ist/  
 so nimb Genskraut j. handvoll/ Linden-  
 blüeknöpflein ein halb loth/ siede es in  
 zwo Kandel Wein halber ein/ Davon  
 trincke sie abends vñ morgens einen star-  
 cken Becher voll/ wie oben gesagt ist vom  
 andern tranck/ vnd lege die rinden von  
 dem Lindenholz in ihren trinckwein/ wie  
 oben gemelt/ Dise zwo naturen purgiere  
 mit di-

mit diesem Pulver/ darzu nim̄ ireos wur-  
 zel 2. loth/ die reib klein vnd rein/ darüber  
 geuß Salbeywasser/ laß es vber nacht das  
 rauff stehen/ des morgens seihe es ab/ vnd  
 tückne es/ vnd Pulvers/ darzu thu ein loe  
 Senetbletter/ weissen j̄mber j. halb quint/  
 davon gebe man einer ein quintel mit ei-  
 nem gebäten Brot in Wein oder in einer  
 Erbisbrüe/ das thu je vber den dritten tag  
 ein mal oder zwey/ biß die Gelbsucht hin-  
 weg ist/ vnd die Blödigkeit kompt.

So aber eine jhr zeit verloren hette/  
 durchs viertäglichen Fieber/ oder schwarze  
 Gelbsucht/ der gibe diesen Tranck/ darzu  
 nim̄ Braunkleblüe ein handvoll/ Cardo-  
 benedicta so dick als ein halb Ey/ Engels-  
 süßkraut ein halbe Handvoll/ Weissen  
 Wein drey maß/ laß halb einsieden/ da-  
 von trincke/ wie zuvor gesagt ist/ zehen  
 tag/ am vierten oder sechsten tag purgie-  
 re dich also: Nim̄ Fenchelsamen ein loth/  
 Engelsüß ein loth/ Senetbletter ander-  
 halb loth/ Zimmetrinden ein loth/ Wasser  
 vnd Wein j. Randel/ laß halb einsieden/  
 Dar

Darnach theile es in 3. theil/ den einen theil trincke gegen dem Abent/ die andern zwen theil des Morgens/ vnd so du wohl purgiert bist/ so nimb des Abends 4. löffel Osterreichwasser/ wann du schlaffen gehst/ bis die Blödigkeit natürlich wider kommet/ sie bleibt gewislich nit aussen.

So aber eine ihr Blödigkeit ab esse an einem Apffel/ Bische/ oder sonst an einer bösen speiß/ oder von ein weichen Wein/ So nimb Synnaw/ rotenpfennig/ jedes anderthhalb handvol/ Lorbeerblüe j. handvoll/ ein halb kandel roten Wein/ laß den dritten theil einsieden/ davon Abents vnd Morgens ein trunck gethan warm/ vnd lege in ihren tranck ein halb loth Senec des allerbesten/ verstehe die Bletter. Dise Kräuter sollen colligiert werde im letzten viertel des Brachmonats/ Hermonats oder Augustmonats/ am fünfften/ sechsten oder siebenden tage.

## Von der Leber.

Das



**W**Ann einem die Leber verstopfft we-  
 re/ von einem gählingen Trunck/  
 in der Hitze/ so nimb Sinngrün/  
 Nesselsyden jedes ein halbe Handvoll/  
 Ochsenzungenblüe das dritte theil eines  
 handvoll/ Efig ein halb sendel/ Salbens  
 wasser anderthalb sendel/ frisch Brunnens  
 wasser ein Maß/ laß die stuck mit einan-  
 der halb einsieden/ davon gebe man ihm  
 zutrinken ein Löffel zwen oder drey/ ihe  
 öfter je besser.

So er aber Blut aufwürffe/ oder das  
 man kan spüren/ das Blut vorhanden ist/  
 so nimb Salbeypulver ein lot/ in ein seids  
 lein Efig/ davon gib ihm bißweilen ei-  
 nen Löffel voll/ vnd so das Blut so häfftig  
 wolt werden/ das man sich deß besorgen  
 müste/ so nimb ein maß Wasser/ 2. maß  
 Efig/ j. halbe handvoll Salz/ drey han-  
 voll Salbeywurzel/ 2 handvoll Buchhol-  
 derwurzel/ laß es ein wenig sieden/ das  
 von gebe man ihm genugsam zutrinken/

G

Doch

Hemop-  
toica.

Doch das Puluer vnd Eßig vnderlaf nit ihm einzugeben.

*Prunus*. Schläge jm die Bräune darzu/so nim̄ Salbenwasser ein seidel/ Eßig das dritte theil von einem seidel/ damit gurgel dich.

So aber solche verstopffung von einem trunck weychen Wein geschehe / so gib ihm den Tranck der von Sinnaw vnnnd Aspaltum gemacht ist / wie zuuor anch gelehrt ist worden.

*Tian*. So es aber ein verstopffung der Lebern were/ von einem Tertianfieber/ das ist von einem dreytägigen Fieber/ so nim̄ weissen Abndorn ein handvol / Eysenkraut ein drittheil einer handvol / Blaw Lilienwurzel (zuuor in Eßig gesotten/ auff vier wall / darnach getrückt net / vnd gepuluert) 2. lot/ darzu thu ein halb maß Wein/ laß halb einsieden/ dauon trinck Abents vnd morgens ein guten trunck/ vnnnd des tags auch / bis die Kranckheit hinweg ist.

*Winfz*. So aber ein Wassersucht darzu geschlagen were/ So nim̄ Weißerwurzel anderts

anderthalb loht/ tag vnd nachtkraut/ Eysenkraut/ jedes ein halbe handvol/ weissen Wein anderthalb maß/ danon für vnd für getruncken/ Allein vber der Malzeie trinck ein guten Wein/ vnd nimb Genskraut vier handvol/ ein wenig Salk/ vnd Rettiich wasser/ damit feuchte es an/ vnd vnder die sohlen der Füße gelegt/ darauff gangen / vnd alle tag vernewert/ bis die geschwulst gar hinweg ist / vnd esset alle tag 2. oder 3. mal von dieser Latwergen/ die machet also : Nemmet junge *Electua:* Wermutschüßling die grün sein/ grün Maurrauten/ grüne Nessel wurzel/ diese stück alle zu Saft gestossen/ vnd mit gutem Wein zu einer Latwergen gesotten. *Narr* Darnach sauber durch getruckt / das brauchet bis die geschwulst gar hinweg ist.

So aber die verstopffung der Lebern oder Wassersucht von ihm selbst käme/ so nimb Regenwürm ein maß vol/ die wasche ganz sauber / Darnach lege sie in trucknen Mist/ las sie also tag vnd nacht darinnen liegen / so geben sie alle vn-  
 B ij                    sauber

sauberkeit von sich/ darnach nimb sie heraus/  
 wäsche sie widerumb rein/ vnd geuß ein  
 Seydel blawe Lilienwurkelsafft darüber  
 in einem verglasten Hasen/ decke den  
 Hasen zu/ verkleibe ihn wol mit Leym/  
 vnd setze ihn in ein glüenden Ofen/ das  
 es zu Pulver brenne/ darnach nimb diß  
 Pulver abends vnd morgens auff ein mal  
 ein quint/ des morgens faste 3. stund das  
 rauff/ vnd auff den Abend 2. stundt nach  
 dem Essen eingenommen/ vnd trincke an  
 ders nichts dann firmigen Wein/ darein  
 lege diese Aschen/ welches also gemache  
 würde: Nimb Lerchenholz/ oder Lilach-  
 holz ( vitis sylvestris genant ) were aber  
 besser genant Breonia lingua, kramethholz  
 schüsserling des grossen/ Zelenger/ je lie-  
 ber/ jedes 6. handvoll/ auff einem reinen  
 Herdt gebrent/ das keine andere Aschen  
 darzu komme. Diese Aschen also durch  
 einander vermischet nim ein grosse hand-  
 voll/ binde sie in ein sauber leinen Tüch-  
 lein/ lege es in den Wein den du trinckest/  
 vnd allweg am vierten tag frische Aschen/  
 bis

bis er gesund ist/dann es hilfft gar gewiss-  
lichen.

So es aber Purgierens noth ist/an sol-  
chen Leuten/ So nimb ein frisches Hü-  
nerrey/ das thue an einem orth auff/vnnd  
thue das weisse seuberlich von dem dotter  
hinweg/ den dotter behalt in der schalen/  
vnd blaw Lilienwurckelafft darzu/ so viel  
als des dotters ist/ rühre es wol durch-  
einander/ Brads ein wenig auff heisser  
äschen/ trinck es darnach in einem trinck  
auff/das thu allewegen vber den 10. tag so  
es vonnöten ist/ dieß brauche wie gesagt  
ist/ Es stirbt keiner an der Wassersucht/  
dieß ist für die wassersüchtigkeit/ als für die  
zwo Wassersucht genug/welche Anatarca  
vnd Alcites geheissen werden.

So aber einem der Leib geschwollen/  
zwischen dem Magen vnd Herzgrüblin/  
so heist die franckheit tympanites. kompt  
von einer bösen Disposition der Lebern/  
mit feucht vnnd kalter Potentia/ Hastu  
aber feucht vnnd warm/ disem hilff also:  
Nimb blaw Lilienwurckel ein Pfunde/  
G iij Kauz

Kauttenwasser zwey seidlen/ die wurzel  
 zuvor klein gepulvert / das Kautten-  
 wasser darauff gegossen/ laß es 24. stundt  
 auff einander stehen/ darnach nimb Sal-  
 beyen laub 2. oder 3. handvoll/ Pulver es  
 Klein/ dise 2. pulfer mische vntereinander/  
 Darzu nimb Attichbeer / Rühdreck von  
 einem jungen Kindt/ mache ein Pflaster  
 darauff/ vnd lege es auff die Leber/ laß es  
 für vnnnd für darauff liegen/ bis an den  
 vierdten oder fünfften tag/ so mache wi-  
 der ein frisches wie dieses/ vnnnd binde ihr  
 den Leib mit einer Handtwehl vnder dem  
 Herzgrüblein/ vnd gib ihm dis Pulvers  
 Abends vnd morgens ein quint/ darnach  
 die Person ist / das mach also : Nimm  
 Maurrauten/ Cardobenedicten/ jedes ein  
 handvol/ Haselwurzelkrautsamen j. halb  
 loth/ Pirsigkern zwey loth/ Diese stuck  
 Klein gepulvert / Davon gebe man ihm  
 in allen speisen abends vnd morgens mit  
 Kautenwasser eingenommen/ vnd schröpff  
 ihm auff dem Bauch/ in einer truckenen  
 Badstuben/ mit sechs gläsern Köpffen/  
 das

Das thue etlichmal/ bis er gesundt ist/ vnd mache auch das obgenelte Regenwürm Pulver/ vnd brauchts wie gesagt ist.

So aber einem die Leber verstopffe würde / durch die vberflüssige Gall/ das einer am gansen Leibe gelb würde/ vnd wüste nicht wie ihm geschehen were.

*Gallen  
Puffs.*

Diesen Leuten thut das Haupt hefftig wehe / denn der Magen ist innerlich verstopfft gegen der Lebern vnd Gallen/ Dazu nimb weissen Andorn vier handvoll/ Haselwurzel vnd kraut drey handvoll/ Scabiosawurzel 2 handvoll/ rothen wein vnd wasser/ jedes ein halbe Randel/ laß es auff den dritten theil einsieden/ Darvon trincke er abends/ morgens vnd mittags ein starcken trunck also warm/ bis er gesundt ist. Darzwischen nimb Felbenblüe also grün anderthalb lot/ klein gehackt/ in sein wein/ den er teglich vber Tisch trinckt/ gelegt/ vnd vber den vierdten tag/ ein frisches blüe darein gelegt/ bis die franckheit gar hinweg ist. Vnd lege Genserichkraut in die Schue/ vnd darauff gangen.

G 4      So

So ein alter Mensch (wie Herr Lorenz Echerl im Elßas/ 2c. die alte Herzogin zu Sachsen/ des Churfürsten zu Sachsen Fraw Mutter) 2c. ein verstopfung der Lebern vberkäme in ihrem größten Alter/ vnd wasserfüchtig würde/ der harn graw oder schwarz. Disem hilff also: Nim̄ Aaronwurzel so grün ist/ schneide sie gar düñ/ wäsche sie 6. oder 8. mal in weißem Wein auß/ darnach gähling in der Sonnen getrücknet/ vnd so sie nicht mehr beißt/ so ist sie gerecht/ Dasselb pulserisirt/ vnd in allen Speisen zu essen geben/ des Morgens vnd Abents/ mit einem warmen Wein eingeben/ achsehen tag nach einander/ oder lenger/ so es von nöthen ist/ vnd mache diesen tranck. Darzu nim̄ Nesselsenden ein handvoll/ Schenckungenblüe ein halbe handvoll/ todt Nesselsblüe das dritte theil einer handvoll/ Dife stück in weißem Wein bis auff das halb eingesotten/ davon trinck abends vñ morgens/ vnd des tags so viel du kanst/ bis du gesund bist/ vnd brauche diß Fußwascher/



ser/darzu nimb diß Krauts zwo handvoll/  
Eybischwurzel ein halb Pfund/ Genß-  
kraut/ Attich/ jedes anderthalb handvoll/  
Wein vnd wasser jedes sibem maß/ laß es  
mit einander wol sieden/ darmit streiche  
die Schenckel von oben herab/ abents vnd  
morgens/darnach die Beyn mit warmen  
Lüchern zugebunden / vnd Genßkraut  
gestossen/ vnd an die solen der Füße ge-  
bunden/ alle Abend vnd morgen frisches.

So es Purgierens noth ist/ so brauche  
man das nächst vorgeschriben Pulver/  
oder blaw Lilienwurzsafft/ wie gesagt ist.

So einem die Leber fault/ der hat gros-  
sen durst/ gute Farb/ mag wol essen/ vnd  
ist feist am Leib/ vnd dawet gern was er  
gessen hat / Darzu nimb Nesselsenden  
ein halbe handvol/ Salbeyblüe ein hand-  
voll/ ein lot frisch Sals/ Brunnenwasser  
ein halbe Maß/ laß ein wenig sieden/ das  
von warm getruncken// sovil du wilt/ vnd  
hüte dich vor allen dingen vor Milch.

So aber solliche Kranckheit käme mit  
einem Feber/ jez kalt jez heiß/ oder warm

G v vnd

vnd die Verenderung alle Tag zwey oder drey mahl geschehe/ so nimb Hauswurzel bletter/ Salbeyblüe/ jedes ein halbe hand voll/ wol gebrenten Zigelstein/ zwey Eyer groß groblicht gestossen / vnd wol aufgez wäshen. Zu diesen dreyen stücken nimb vier maß wasser/ laß halb einsieden/ davon trincke genugsam kalt/ biß du gesundt bist.

### Sür das dreytägliche Fieber.

#### Das LX. Capitel.

**W**elches ein verstopffung der Gallen ist in dem Magen/ in den gengen der Gallen/ das verstehe also: Nimb Münchköpfflein kraut/ Cicorea genandt/ ein handvoll / Cardobenedictens kraut ein drittheil einer handvol/ Gänß kraut ein halbe handvoll/ wasser vnd wein jedes drey maß/ denen die blöde Mägen haben/ laß halb einsieden/ davon gib ihm zutrincken kalt/ soviel er kan einnehmen/ wann ihn das Fieber will ankommen/ vnd

vnd laß nicht nach/ biß es ihm vergehet.

So einem die Gall vberschüß in den Magen/ daß einer grün vbergebe vnd bitter/ oder vndäwet/ welches ein tödtliche Kranckheit ist.

Das LXI. Capitel.

**D**Arzu nimb braun Bethonica ein handvoll / rotte Krausmünz ein halbe handvoll / Lerchenschwan ein loth/ zuvor klein geschnitten/ vnd in ein frisches Brunwasser gelegt/ zwö stund/ ein leines Tüchlein auffß Wasser gelegt/ darnach zu den vorigen stücken gethan/ vnd in drey maß Wein/ biß auff die helffe eingesotten/ vnd des genug getruncken/ biß alles hinweg ist/ vnd gib ihm bißweilen/ einen Löffel voll Enzian wasser/ mit ein wenig Calmus puluer/ biß der Magen vnd die Gall zu ihnen selbst kommen.

So aber grosse hitz darbey ist/ so nimb Genserichkraut/ stosse es darzu/ Esig vnd  
Salk

Salk gethan/ vnd ein Pflaster darauf gemacht vnd auff die Solen der Füße gelegt darauff gehe vnd stehe.

Also kan man auch Pflaster machen/ auß Storckenschnabelkraut/ alle species/ allein das mit den runden Blettern vnd rotenwurkeln/ das stopffet/ jung Eichenlaub/ Saibeyenlaub / Dürwurkeraut/ Ephenblätter / Meerrettig / Mandelwurkel/ Maurrauten/ zc.

So ihm aber die Brust gar hitzig were/ so nimb Kockensaurteig j. halb Pfundt/ vnd streiche es kalt auff ein Tuch/ vnnnd lege es auff das Herzgrüblein/ biß die hitze gelescht ist.

**So einer Magenwehe oberkäme von kalter Feuchtigkeit.**

Das LXII. Capitel.

**S**D nimb Krausmünken ein handsvoll/ braun Betonica ein handvoll/ Corigiert Coriandersamen ein loth/ weissen Rheinwein drey maß/ laß es langz

es langsam sieden/ bis auff die helffte/  
davon trincke Abends vnd Morgens ge-  
nugsam/ bis du gesund bist.

So aber einem der Magen von Holzs-  
wasser verderbet were/ so nim Citwen ꝑ.  
lot/ Ligni aloes ꝓ. quint/ Calmus ein halb  
lot/ dise stuck klein gepulvert/ davon Esse  
Abends vnd Morgens/ so vil du mit drey  
Fingern begreiffen kanst/ bis der Magen  
wider gut vnd rechtfertig ist.

So einem der Magen verderbt were  
von einer schwarzen Gelbsucht/ Darzu  
nimb Pfrimmensamen/ der noch nicht  
recht zeitig ist/ eingemachte Capris auch  
also gessen/ vnd esset dieses Pulver/ das  
macht also: Nennet Vermutsamen ein  
handvoll/ Corrigiert Naronwurzel zwey  
lot/ Ligni aloes ꝓ. loth/ dise stuck zusamen  
gepulvert/ vnd davon Abends vnd mor-  
gens gessen in der Speise/ Es hilfft kurtz-  
lichen.

Für die rote Kuhre.

Das LXIII. Capitel.

Welche

**W**elche ihren vrsprung von der Leber hat: Nimme diß Pulver/ das mach also: Nimme grosse Klettenwurzel sechs loth/ Tormentil vier loth/ Hirsche zechle zwey lot/ Muscatblüe das drittheil eins loths/ gebrent Haselhünerfleischpulver 10. loth/ diese stuck pulverier alle klein/ vnnnd vermische sie vndereinander/ davon gebe man einem soviel man will/ bis er gesundt ist.

So aber die Landsknecht im Krieg die rothe Ruhr vberkommen / den mach diß Ruchlein/ Nime 3 loth Rebarbara der besten/ Muscatblüe ein halb quint/ gebrent Sals 2. lot/ vnd 4. lot Gerstenkornmähl. Diß alles pulverisier vntereinander was zu puluern ist/ vnd vnter das mähl gethan zu einem teglin/ das fest werde gemacht/ darnach glüe ein stein/ der oben glat ist/ darauff leg ein wenig rein wachs/ laß wol zergehen/ darnach schütte die obgemelten Species darauff/ bache ein Ruchlein darauß/ davon gebt ihm zu Essen/ bis er gesundt wirdt.

So

So eins bezaubert were/ vnd hette die rothe Ruhr etlich Jahr/ Dafür nimb ein Haselhanen/ der frisch vnd gesunde seye/ bereyte ihn/ als ob du ihn sekundt braten wollest / darnach in einen verglasurten Hasen gethan/ wohl verlutiert/ in Ofen gesetzt/ vnd zu Pulver gebrennt/ vnd ihm morgens vnd abends in der speiß zu essen geben/ auch sonst in Wein eingenommen/ hilfft sehr wol allen Personen.

So aber die junge Kinder die rothe Ruhr hetten/ so nimme Bullenkraut mit der wurzel/ verbascom genandt / vnd Genskraut jedes 2. oder 3. handvol/ darnach das Kindt alt ist/ siede es in Wasser gar weich/ darnach in ein Bütte geschüt/ vnd das Kindt darüber gebäet/ so warm als es erleiden kan/ oder auff das hinder gelegt/ oder ein kleines Pflasterlein dar auß gemacht/ vnd auff den Nabel gelegt.

So aber einem Menschen/ er sey alt oder jung/ ein grimmen oder reissen von dieser Arzney darzu käme/ so nimb Käspap- pelnletter 4. handvoll/ Petersilgenwur-  
keln

sein zwo handvoll/ Die siede in frischem  
Wein/ der nicht süß sey/ ganz Lind vnnnd  
weich/ als dann ganz klein gestossen/ wie  
ein Rufs/ vnd zerlaß ein wenig Meyens-  
butter darinnen/ vnnnd Warm vber den  
Nabel gelegt/biß dz der schmerz vergeht.

Sür die weisse Ruhr/ welche ihr en-  
vrsprung vom Milk vnd  
Magen hat.

Das LXIII. Capitel.

**S**Arzu nimb Hechte Zän/ Rebhüs-  
nerbein vnd füß/ jedes zwey loth/  
Klettenwurzel ein loth/ Himmelbrants-  
wurzel ein halb loth/ diese stuck pulverier  
klein/ davon gebe man ihm zu Essen ein  
quint in der Speise/ oder ein halb quint/  
nach gelegenheit der Person/ etlich mal  
biß das er besserung befindet.

So ein grimmen darzu schlüg/ oder  
ein reissen/ so brauche das Pflaster wie in  
der roten Ruhr gesagt ist: Man mag auch  
den



den Kindern an diser Kranckheit/dz Pflaster vnd Bad machen/ von Himmelsbrande vnd Genskraut/ wie oben gesagt ist.

So einem der Magen verderbt were von Schleim vnd Gellsucht/ oder von einem langwiri- gen Catharz.

Das LXV. Capitel.

**S** Nimb Corrigiert Aarowwürmel vier loth/ Galgant drey loth/ Calmus anderthalb loth/ Zwitterweyden vnd weissen Imber/ jedes ein halb loth/ braun Bethonica zwo handvoll/ Diese stuck gepulvert mit gebrentem Salz sechs loth/ davon esse abends vnd morgens/ vnd in allen Speisen/ bis du gesundt bist/ dieses Pulver benimbt viel Kranckheiten auß de Magen hinweg.

Für das Herzklopfen.

Das LXVI. Capitel.

h Das

**S** Als Herzklopfen ist zweyerley/  
 das ein ist/ so einer in der hize roten  
Wein/ Bier oder Wasser trincket/  
 vnd die Leber damit erschreckt/ vnd die  
 kleine äderlein von der hol Adern/ von  
 dem gählingen vnd vngewöhnlichen kal-  
 ten trunck zerfaren/ das auch vnderweis-  
 len die Leber mit verschret wirt/ dardurch  
 das Blut der hol Ader erschreckt vnd grob  
 wirt/ das es das Milk nicht verdawen  
 kan/ darnach so oft als dz Blut erschreckt  
wirt/ oder zu grob ist/ so ist ein Herzklopff-  
fen vorhanden. Darzu nimb die Arzney/  
 die in der Leber verstopffung vom Blut  
 speyen angezeigt ist. Darzwischen so esse in  
 aller speiß dz pulver zu reinigē das geblüt/  
 Das mach also: Nimb 5. lot Herzwur-  
 zel/ achillea genant/ Kreuzwurzel 6. lot/  
 Braun Scabiosawurzel 7. lot/ Nessel-  
 wurzel 5. lot/ Rebarbara 5. lot/ dise stuck  
 pulverier alle klein/ davon esse Abents vñ  
morgens ein quint/ oder zwey quint/ vnd  
als oft ein guten trunck frisch Wasser/  
 nach allem lust vñnd beger darauff trin-  
 cken/

Purgans

iii

ken / diß brauch also mit solchem ange-  
 lerten regiment / bis du des herzklopffens  
 nimmer befindest / oder magst Rittenwas- *Alind.*  
 ser oder Braumwurzelwasser / welches  
 du wilt / auch trincken / hilfft gewislich.

Das ander Herzklopffen kompt von  
 nichts anderst dann von giff / oder schre-  
 cken / oder schwermut / welches alles treibt  
 das Blut in dem geäder / groß zorn / vnd  
 grob machen / vnd vndäwlich / daß das  
 Wils geäder nicht vor zorn kan nach die-  
 gerieren / sonder so oft als dem Wils et- *Lien.*  
was widerfehrt / welches geschicht durch  
 vnmut / erschrecknuß / oder fahren / oder  
schwerlich reiten / dadurch das Wils kan  
 bewegt werden / so reaget sich dasselbige  
klopffen mit grosser vmacht / etliche ster-  
 ben geschwin davon / denselbigen kome  
 also zu hilff: Mach ein Pulver (welches  
 das Blut mit Gewalt Subtil vnd Keim  
 macht) also: Nim acht loth Herzwurzel  
Achillea genant / Gensdistel 7. lot / Mer- *Puroat*  
retich 5 lot / Agarici 3 lot / dise ding schnei-  
 de alle gar klein / dörre vnd Pulverier sie /

Davon nimb abends vnd morgens drit-  
 halb quint auff einmal/ mit einem weis-  
 sen Wein/ oder mit Schlehenafft/ oder  
 mit Nesselwasser/ oder das das beste ist/  
 mit Fünff fingerkrautwasser/ das brau-  
 che so lang/ bis das Blut rein/ subtil/ vnd  
 das Herzklopffen alles hinweg ist/ Man  
 mag auch des trancks trincken. Den mach  
 also/ nimb Fünff fingerkraut/ grosse Wald  
 nesseln/ Habernessel vnd Singrünkraut/  
 jedes ein grosse handvoll/ doch das diese  
 Kräuter also grün/ sampt ihren wurzeln  
 genommen werden/ Siede sie in Was-  
 ser zimlich wol/ schier bis auff's halb/ vnd  
mache diß Bad also: Nimb Farrenkraut/  
 sampt der wurzel/ Heelbrantkraut vnd  
 die wurzel/ Nachtschadenkraut ohn die  
 wurzel/ jedes acht handvoll/ diß in drey  
 oder vier Kessel voll wassers gesotten/ vnd  
 darinn morgens vierthalt stundt gebad/  
 vnd des abends dritthalb stund/ diß brauch  
 also sibben oder acht tag an einander/ vnd  
des obgedachten Pulvers redlich gessen.  
 So aber das Milk gar zu feucht were/  
 so ma

Bad.

so mache diß Pflaster/ vnd leg es alleweg  
nach dem Bad auff das Milz / darzu  
 nimb Hechtzahn / graw Rislingstein zu  
 puluer gebrandt/ Attichwurzel sechs lot/  
 Terpentin ein halb Pfundt/ Nesselsaffe  
 3. vierling/ Weizenmehl ein halb loth/  
 siede ein Pflaster darauf/ das auff ein  
 Tuch gestrichen/ vnd also warm auff das  
 Milz gelegt/ bis er gesund ist.

Für das Quartan Fieber/ so von  
 der verstopffung des Milkes kompt/  
 vnd von dem Marck des  
 Ruckgrads.

## Das LXVII. Capitel.

**N**imb Maurrauten drey handvoll/  
 Cardobenedicten 4 handvoll/ wer-  
 muthsamen zwo handvoll/ Hasel-  
 wurzelkraut 3. loth/ Diese stuck alle klein  
 gepulvert/ in ein Gefäß gethan/ Darü-  
 ber geuß guten Weinessig/ zwo stund dar-  
 rauff stehen lassen/ darnach wider abge-  
 trücknet

H ij

trücknet

trücket/ darvon gebe man einem ein  
 quint des morgens nüchtern mit gebäh-  
 tem-brot in Wein gedunckt/ oder Kimmels-  
 krautwasser etliche Tage/ darnach am  
 sechsten tag so purgiere dich also: Nimb  
 Rebarbara 4. loth/ Engelsüßwurzel 2.  
 loth/ Pfrüthenblüe ein handvoll/ Enißsa-  
 men j. lot/wasser vnd Wein/jedes ein sey-  
 del/ laß einsieden/ bis auff ein guten star-  
 cken trunct. Dises trancks soll man trin-  
 cken/ vnd des vorgemelten Pulvers da-  
 rauff essen/ bis das Feber gar hinweg ist/  
 Oder nimb ein lot Vermutsafft/ mit fire-  
 nigem weissen Wein zeriben/ zu morgen  
 nüchtern/ vnd darauff drey stund gefas-  
 stet/ am 15. tag purgier dich also/wie ge-  
 sagt ist/ vnd nimb Krametschwämlein/  
 die wachsen auch im Meyen/ leg sie in  
 ein Brantenwein/so zergehn sie/vnd wer-  
 den auch wie ein wasser/ mit disem Ed-  
 len Wasser/ salbe den ganzen Ruckgrad  
 dem siebrigen Menschen/ bey einer wärm  
 von oben herab/ bis vnden auß/ ganz  
 wol/ das thu etlichmal/ bis das Feber gar  
 hinweg

hinweg vnd verschwunden ist.

So aber das Milck zu feucht würd/ vnd für vnd für schmerzen gebe/ so nimb das obgesagte Milck Pflaster/ vnd leg es auff's Milck.

So aber ein Weibsbild das quartan Fieber hette/ so nimb Centaurea, das ist Tausentgöldenkraut/ schwarz Nießwurzelkraut/ Melissenkraut/ oder Stabwurzelkraut jedes 3 handvoll/ roten wein drey maß/ laß es auff den dritten theil einsieden/ Darvon so trincke sie alle tag sechs trüncck/ bis sie gesund ist.

So aber ein geschwulst darzu schläge/ vnd ein Schwarze Gelbsucht/ so nimb Bröbeerlaub/ je jünger je besser 3. pfund/ Holderbletter der jungen ein pfund/ Dis se zwey stuck brenne zu Aschen/ vermisch sie wol vnder einander/ diser Aschen nimb zwey Eyer dick/ vnd lueck in ein Tüchlein gebunden/ vnd leg's ihm in ein sirnigen wein/ vnd für vnd für darinnen ligen lassen/ vnd nichts anders dann von solchem zubereyten Wein getruncken/ vnd allweg

H iiii am

am vierdten tag frische Aschen darein ge-  
legt/ das thue so lang biß du gesundt bist.

**Für den Sand vnd Lenden-**  
stein/ welcher sein vrsprung  
hat vom Milk.

Das LXVIII. Capitel.

**S** An wañ das Milk die grobe feuch-  
tigkeit nicht an sich nimbt/ so distil-  
liert es sich fort/ also grob durch die  
Venas meleraicas ad renes, oder in die  
Nieren/ vnd wirdt solche grobe feuchtig-  
keit durch die grobe hitz des harns in stein  
verbrennt/ So nimb in gemeiner Arzney  
ein maß frisch Brunnenwasser/ Pflirsing-  
fern ein loth / alt Bocksblut sechs loth/  
Weinrebäschen vnd schwarz Erlenholzs-  
aschen/ jedes vier loth. Dieses alles vnder  
einander fleißig vermische vnd gepulvert/  
davon gebe man einem des abgeseigene-  
wassers von dem Pulver 4. Taler schwer/  
lawlicht/ biß daß es sich bessert.

So



So der Sandt aber zu hart were / so  
nimb Schwalmenkraut achzehen handts-  
voll / Petersilgen zwölff handvol / Betho-  
nienletter sechs handtvoll / darauß mach  
ein voll Bad mit wasser ganz wohl gesot-  
ten / vnd bade dich vielmahl darinnen / so  
wirstu sehen gewislich daß der Sandstein  
oder Gries durch das vollbad zertrieben /  
vnd durch den Harn heraus wirt lauffen /  
wie Sandkörnlein.

So aber der Stein durch das Geäder  
im Auckgrad mit der groben Feuchtigkeit  
vnd das Creuz der hüfften / so gar umb-  
fienge / vnnnd außbrennet / daß er krumb  
würde / vnnnd lang gewehrt hette / Darzu  
nimb wild Farrenkraut sechszechen handts-  
voll / Mercurius kraut 9. handvoll / Diese  
stück in Wasser gesotten / vnd ein warm  
Bad darauß gemacht / darinn siße mor-  
gens 2. stundt / vnd nachmittag 3. stundt /  
bis du gesund wirst / am vierdten tag mach  
ein frisches / so es nicht starck genug were /  
so nimb Engellsüßkraut / Hundszungens-  
kraut / jedes fünff handtvoll darzu / vnd

H v esse

esse diß pulvers die zeit ober im Bad/darzu nim Pfrimensamen/weiß Steinbrechsamensamen/jedes 4 lot/liliorum convallium Ochsenzungen/ Geißrippen/ Quendelskraut jedes 9. lot/diese stuck alle klein gepulvert/ davon esse in allen Speisen/biß das Blut subtil/rein/vnd du gesund wirst.

Deßgleichen mag man solches auch in ein quartan Feber gebrauchen/allein trinck diesen Wein für vnd für/darzu nim jung Häßleinholz/ vnd Brombeerlaub/jedes zehen handvoll/ die brenne auff einem saubern Herd/ dieser Aschen zwey Eyer groß lück in ein Tüchlein gebunden/ in ein guten wein gelegt/darvon getruncken/vnd am vierten tag allweg ein frisches eingelegt/das es für vnd für in Wein also gelegt werde.

So aber durch verstopffung des Milchs das Blut so gar grob würde/dz es nit allein in Milchs Adern/sonder auch in der grossen hol Adern verfelscht würde/vnd auch in allen Adern zwischen Fell vnd Fleisch also hefftig/das es löcher durch dz  
ganz

ganz Fleisch außfresse/ oder knollen wür-  
den/ vnd Fleischwarzen/ darzu nimb diß  
pulver/ das mach also: Nimb Creuswur-  
zel vnd kraut 10. loth/ Hünerdarm mit  
den roten blümlin 8. lot/ roter Kleeblüe 9  
lot/ Diß alles klein gepulvert/ vnd in al-  
len speisen gessen/ biß ihr gesund seit/ vnd  
trineten disen tranck/ darzu nemet Sona-  
nengürtelkraut vnd wurzel 6. handvoll/  
Paradeißblüe 5. lot/ Salbeyblüe 4. lot/  
ein guten weissen Wein 2. kandelvoll/ laß  
halb einsieden/ davon trinck Abends vnd  
morgens j. starcken tranck/ läwlicht/ vnd  
brauche diß Bad zu lest/ so du fast gar  
heil bist/ das mach also: Nim klein Farren  
kraut 8. handvol/ Schwalbenkraut zehen  
handvoll/ Zeitlos 7. handvoll/ Das als  
les in wasser gesotten/ vnd ein schweiß-  
bad darauß gemacht/ vnd brauche es 6.  
tag nach einander/ alle tag ein mal oder  
zwey mal/ Vnd so der Leib der faulen  
Feuchtigkeit voll were/ so purgier dich als  
so: Nimb Senecbletter 3. lot/ Pfrimēsa-  
men 5. lot/ Pfrimēblüe anderthalb lot/  
weissen

weissen Wein vnd Wasser jedes drey seyd  
del/ breit Wegerichsamen 7. quint/ laß  
es gemächlich vber die helffte einsieden/  
das druck sauber durch ein Tuch auß ein  
mal/ vnd trinck im Tag drey mal.

So die Dörz von solchē groben Blut  
ein Fluß machet zu dem Haupt/ welcher  
herab siele/ vnnnd die Lunge verletz/ So  
nimb Denckblümlein ein gute handvoll/  
Gundelreben ein halbe handvoll/ Saal-  
weidenlaub ein handvoll/ laß diese stuck  
allezusammen/ in Wein vnd Wasser je-  
des drey Randel/ bis auff das halb einsie-  
den/ Darvon trinck für vnnnd für/ vnnnd  
brauche der obgemelten Bäder eins/ wel-  
ches du wilt/ mit obgedachter ordnung/  
bis du gesund bist.

So ein Mensch durch solche verstopf-  
ung des Nils/ das Blut gar vnrein hette  
gemacht/ das der Blutkasten vnd alles ge-  
äder verfälschet würd/ das ein schwarze  
Morphea darauf würde/ inn welcher  
Kranckheit durch verstopffung des Geä-  
ders das Blut gar zu Wasser würd/ vnd  
abstr

abstürbe/ dem hilff also: Nimb Brauns  
 wurckraut/ hact es klein/ stoß vnd brenne  
 es auß/ Darnach nimb Agrimoniawurzel  
 6. lot/ Feldkümmelwurzel 5. lot/ doch also  
 grün/ Braunnellenwurzel 3. loth/ vnd 2.  
 maß guten weissen Wein/ vnd anderthalb  
 maß wasser vom Bronnen/ laß es wol zu  
 gedeckt mit einander einsieden / bis auff  
 den halben theil. Darvon trincke alle tag  
 vier trüncß läwlich/ bis du gesunde bist/  
 vnd esse in allen deinen Speisen diß nach  
 folgenden Pulvers/ Darzu nimb Kran  
 nichschnabelkraut vnd wurzel / röther  
 Beyfußkraut vnd wurzel/ Angelickkraut  
 ohne wurzel/ S. Johannes blümlein/ je  
 des 6 handvol/ dieses alles vnter einander  
 pulveriert/ davon esse in allen speisen/ kein  
 außgenömen/ bis er nichts mehr befindet.  
 Diß sey genug vom Aufsatz.

Wann aber ein Flechte mit solcher  
 verstopffung des Bluts were / vnd ein  
 groß beissen/ So nimb braun Scabiosas  
 wurzel vnd kraut / Creuswurzelkraut/  
 das alles grün sey/ jedes eine handvoll/  
 frisches

frisch Brunnenwasser 4. maß/laß es halb  
einsieden/ davon trinck/ vnd sonst an-  
derst nichts biß du gesund bist.

Vnd nimb diser zweyer Kräuter wur-  
zel jedes 7. oder acht lot/ pulverier es vn-  
der einander/ Ehrenpreiskraut 10. loth/  
darzu gepulvert/ diß esse in allen speisen/  
vnd mache diß Schweißbad/ darzu nimb  
Ephewbletter 16. handvoll/ Ehrenpreis  
acht handvoll/ Braunwurselkraut sechs  
handvoll. Diß gar wol gesotten/ vnd ein  
schweißbad darauß gemacht/ vnnd halt  
den ganzen Leib darüber/allein den Kopff  
heraussen gelassen/ alle Abend vnd mor-  
gen/ darnach mit eim saubern leinen tuch  
abgetrücknet/ vnnd in einem Beth dar-  
auff geschwitzt/ biß er gesund ist/ so es aber  
sein kan/ so soll man halb Wein vnd halb  
Wasser zu solchem Bad nemmen.

Vnnd so sich lestlich noch Flecken mit  
Knollen im Fleisch vnnd mit einer roten  
roheit/ wie den gemeinlich am Kopff vnd  
Armen geschicht/ oder auch am Knoden  
der Füße/ So nim̄ Braunwurselkraut/  
Saltz/

Salk vnd Schwebel / vnd braun Scabiosenwurzel / vnd Kraut / das Salk vnd den Schwebel darvon jedes 2. lot / guten scharpffen Roseneßig ein maß / vermische dise stuck vndereinander / vnd laß einen wall 3. oder 4. darüber gehn / mit offenem Topffe / neße Tücher darinnen / vnd die Flechten damit wol geriechen / biß sie ver-  
gehn.

**Für die Contraction oder Lähme**  
der Hand vnd Füße / auß schwerem  
Melancholischen Grimmen /  
schrecken / oder Zorn.

Das LXIX. Capitel.

**N**Im jung Vermut schüsserling an dem 6. 7. 8. 9. tag des newen Brach / oder Newen Heymonats / oder aber des newen Augstmonat / so der Mon im schützen ist / oder im Wid. Diser wermutschüßling nimb 12. lot / Creuswurz 3. lot / liliorum convallium 4. lot / steinblümlin 7 lot / dise stuck all klein gepulffere  
davon.

Davon esse man in allen Speisen / keine  
 aufgenommen / vnd schmier ihm die Gli-  
 der mit diesem Dehl / das auß den blawen  
 Krametbeeren gedistilliert sey / sampt dem  
 oleo lumbricorum. Diese Kräuter alle  
 brenne zu Aschen / darzu nimme Salben-  
 wasser / Enzianwasser / Nesselwasser / ober  
 geschüt auff die vorigen stück / oder aschen /  
 das das wasser drey finger ober die Aschen  
 geht / laß es Tag vnd Nacht also stehen /  
 vnd siede es als dann ein wenig bey einer  
 halbe stundt / darnach durchgeseigen in ein  
 sauber glaserthen Hasen / mit diesem be-  
 streich die Glieder / vnd mit Bernschmalz  
 bey der wärme / das es wohl eingehe in die  
 Glieder / das brauch so lang bis das Ge-  
 äder gerade werde / vnnnd esse vorgesagtes  
 Pulver.

So aber einem das Wills so groß würt  
 das es in ober den Rücken herüber truckt /  
 Das merck also / ob einer ein lange zeit in  
 der Linken seiten / oder neben dem Ma-  
 gen grosse schmerzen befunden hette / vnd  
 am Leib hefftig abnehme / vnnnd ihm der  
 Athem



Athem verligen wollt/ truckt in auch bis  
 ans herzgrüblin/ vnd der rucken hinden/  
 vnd vnder dem lincken arm/ ohn vnder-  
 laß befindet er auch solches trucken/ dem  
 hilff also: Zum ersten nimb diß Pulver/  
 das Mils außzutrucken/ dann es kompt  
 von grosser grober zäher Feuchtigkeit/  
 Darzu nimb Vermütsamen anderthalb  
 handvoll/ Tamarisckenbletter oder rin-  
 den gepulvert 7. lot/ diese drey stuck klein  
 gepulvert/ davon esse in allen Speisen/ je  
 mehr je besser/ bis er gesund ist/ vnd brauch  
 diß Pflaster auff das Mils/ darzu nimb  
 Kieselstein der grawen 7. loth/ klein gepul-  
 vert vnd calciniert/ Vermütsamen drey  
 handvoll/ Tamarisckenholz aschen sechs  
 lot/ Weizenmähl 2. loth/ Bier vnd Ter-  
 pentin jedes ein halb kandel/ laß gemach-  
 sam einsieden/ vnd rür es für vnd für/ bis  
 es wirt wie ein zimlicher dicker Drey oder  
 Nuß/ darnach auff ein leinen Tuch ge-  
 strichen/ vnd auffs Mils gelegt/ so bloß/  
 bis er gesund wirdt/ darzwischen trincke  
 nichts anders/ dan ein guten wein/ darinn

J

nen

nen diser Aschen ein loth innenlige/ vnd  
 allweg am vierten tag frische Aschen ein-  
 gelegt/ vnd die Alten hinweg geworffen/  
 Den ascher mach also: Nimb Tamaris-  
 ckenholzaschen j. halb lot/ Krammetbeer  
 holz schüsserlingasche anderthalb quint/  
 Bonenstroh aschen j. halb quint/ in ein  
 tüchlein luct eingebunden/ vund in den  
 Wein gelegt/ wie oben gesagt ist/ bis er  
 gar gesund ist. Dise Arzney solle man  
 also brauchen in solcher Kranckheit/ wie  
 oben gemelt ist worden.

## So einem das Milz schwände.

### Das LXX. Capitel.

**S**A einer gar zu Feist würde/ vund  
 ihm der Athem zu kurz wolte wer-  
 den/ oder ein asthma dissolutum  
 darzu schläge/ so es vom jm selbst schwän-  
 de/ kompt es den Pfllegmatischen vnd Co-  
 lerischen Leuten allein von warm vund  
 feuchter Melancholia/ daß davon schwin-  
 det das Milz/ vnd vil sauffens vnd wenig  
 essens

essens macht sie Feist/ darzu nimb 2. gegenwertiger qualitet oder ding/ als Erdbecrwasser ein Löffel voll oder drey/ Langen Pfeffer j. halb quint/ weiß Senff kerner 2. loth/ dise 2. stuck pulver klein/ vnd gib jm alle morgen vnd Abent so viel ein Lächlicht/ des morgens 2. stund vor dem essen/ vnd des Abents 2wo stund nach dem essen/ bis er gesund wirt.

So jm ein Quartanfeber darzu schläge/ so gebe man ihm Cardobenedictenpulver j. loth/ mehr oder weniger mit Eßig ein/ das thu er also drey tag nach einander/ als oft wann er sich will zu Bethlegen/ das Feber verlast ihn gewis/ darnach dise Arzney wider gebraucht/ wie gesagt.

So aber ein asthma dissolutum darzu schläge/ so nimb Ringelblüe ein handvoll/ verbena 2. handvoll/ Steinkraut vñ wurkel ein halbe Handvoll/ dieses alles wol gesottē schier bis auff die helffte/ darvon trincke Abents vñd morgens ein starcken trunck warm bis du gesund bist.

Darzu nimb Holderholz äschen/ Has

J ij

selholzs

selholzkäſchen / Centaureapulver / Weg-  
 wartpulver / der äſchen jedes 8. loth / deß  
 Pulvers von Kräutern / jedes 4. lot / geuß  
 darüber ein kandel Eßig / vnd ein maßel  
 Brunnenwasser / auch 8. lot Serpentin /  
 6. lot Taubentot / ſied es biß dick wirt / wie  
 ein Muß oder Brey / lege es alle tag drey  
 oder vier ſtund auffß Milk in die Lincke  
 ſeyten / der gleichen thu auch des Nachts /  
 vnd eße diß pulver zu allen Speißen / dar-  
 zu nimb Judenkirſchen 2. loth / Betho-  
 nicapulver 4. lot / Engellüß vierthalb lot /  
 Bachmüß drithalb quint / diß alles vns  
 dereinander zu pulver vermifcht / davon  
 eße biß das althma gar hinweg iſt. Diß  
 ſey genugsam gered von der Milkkranck-  
 heiten / allein ſoll man ſich hüten in diſen  
 Kranckheiten / die da kómen vom Milk  
 allein / vnd auch in die Nieren Kranckhey-  
 ten die vom Milk ihren vrsprung haben /  
 für denen dingen die öliger ſubſtanz vnd  
 natur ſeind / dann von denſelbigen wirt  
 dieſe Kranckhert erhalten vnd geſtercket /  
 biß zum Todt. Derhalben iſt ſich wol zu-  
 verhú

verhüten vor den Seligen dingen vnd  
dergleichen/

## Von Nabelkrancheyten vnd Brüchen.

### Das LXXI. Capitel.

**I**m ersten kompt dz die Weiber vns  
derweilen groß schmerzen haben vns  
der dem Nabel / vnd in dem Nabel  
schneid vnd reißt es sie trefflich / ist nichts  
anders / dann ein abtreiben vnd spannen  
kalter zäher Feuchtigkeit / gemeinlich von  
der Mutter oder geschwulst / So es nuhn  
von der Mutter ist / so nimb stangenkraut  
wurzel ein Pfund / die da dürr ist / siede sie  
in weißem Wein vnd wasser jedes gleich  
viel / das sie ganz weiß werde / darnach in  
ein steinen Mörser gestossen / das es werd  
wie ein schmalk / darnach wider in Wein  
gethan / vnd wider gesotten / vnd junger  
Taubenkot darunder gemischt / doch muß  
die wurzel zuvor aufgedruckt sein / ehe  
man das Taubenkot darein thut / vnd so

J iij warm

warm sies erleidē mag/ Desgleiche hilffē  
solches auch für die Beermutter/ vnnnd  
alle andere Nabelschwulm/ was geschlecht  
oder herkommens die sein mögen/ keine  
aufgenommen/ es hilfft künstlich.

So es einem were in der geschwulst/  
es sey Man oder Weib/ so kompt solches  
von ein kalten Luft/ dem hilff also: Nim  
Lavendelblüē 3. handvoll/ lang Hellsur-  
selkraut 3. handvoll/ Kettichkraut 2. gu-  
ter handvoll/ diese stueck pulver alle klein/  
darnach in ein säckle gebunden/ in weiß-  
sem Reinschen Wein wol gesotten/ dar-  
nach so warm man es erleiden mag vber  
den Nabel gelegt/ das thut so offft bis er  
nichts mehr klagt/ vnnnd gebt ihm diesen  
Tranck/ darzu nemmet Veyelwurzelauf  
der Apoteken anderthalb loth/ weissen  
Ziptan 2. loth/ Cardomoni dritthalb lot/  
weissen Neckerwein j. kandel/ laß halb ein  
sieden/ davon trincke er so viel er mag/ bis  
er gesund ist/ vnnnd esse diß Pulvers. Dar-  
zu nimb Hirschhorn/ so vmb den 30. Aus-  
gusti gefangen ist/ klein gefeyelt/ ein loth/  
Schwamm

Schwammstein 12. lot/spizig Wegerich  
 samen 3. loth/ auß diesen allen mache ein  
 subtiles pulver/ davongebe man ihm auff  
 ein mal ein halb quintel mit Lavendelöl  
 oder Wasser des morgens nüchtern/ vnd  
 drey Stund darauff gefastet/ das thu biß  
 er gesund ist/ Dise Kranckheit heist tym-  
 panites, vnd ist ein halbe Wassersucht.

## Vom Bruch des Nabels.

Das LXXII. Capitel.

**N**imb zum ersten diß Pflaster/ das  
 mach also: Nimb Boli Armeni  
 dritthalb lot/ Aloehepatici zwey lot/  
 Steinmarck 4. loth/ Osterlucywurzel  
 ein halb lot/ Gummi Arabicum ein quint/  
 Dise stueck pulverier alle klein/ thu darzu  
 Wachs 3. lot/, auß disem allem mach j.  
 pflaster/ das leg also trucken auff den Na-  
 bel/ vnd mit einem Gürtel zugebunden/  
 vnd vber acht tag verkehre das Pflaster/  
 vnd nimb ein Neues wider auffzulegen/  
 vnd esse diß pulver Abents vnd morgens/

3 iiii

Darzu

Darzu nimb Nachtschadenkraut/ Schwertfarrenkraut/ Zeitlos Wurzel vnnnd Kraut/ jedes fünff lot/ Dieses alles klein gedörret vnd gepulvert/ davon esse jedes mal ein Quint/ in einer Suppen oder Brülein/ bis du gesund bist.

### Für die Darmgicht im Leib.

#### Das LXXIII. Capitel.

**S**ie Darmgicht ist nichts anders/ dan ein kalte giftige Feuchtigkeit/ darfür nimme Oleum spicanardi, anderthalb Löffel voll/ läwlicht mit firmissem weissen Wein 4. Löffel voll getruncken/ vnd mach diß Pflaster/ Nimb Chesidoniakraut/ breyten Wegerich/ vnnnd Hundszungenkraut/ jedes zwo handvoll/ zerstoffe sie/ vnnnd seuds in gutem weissen Wein ganz weych zu einem Nus/ vnnnd so warm man es erleiden kan vbergeleget auff den Bauch/ vnd ligen lassen/ bis er nichts mehr befindet.

So kleine Kinder dise Darmgicht haben/



ten / So nimb Petersilgenwurzel zwo  
oder drey handvoll / siede es in Milch gar  
weich / darnach lege es Pflasterweiß ober /  
wie oben gehört ist / das thu ein mal oder  
zwey / bis es nichts mehr befindet.

## Für die Wärm im Leib.

### Das LXXIV. Capitel.

**D**iese Wärme kommen von fauler  
feuchtigkeit / welche etliche häfftig  
beissen / darfür nimb Enzian vnd  
Calmus jedes gleich schwer / siede es in  
Wasser schier bis zu der helfft / davon ge-  
be mann einem ein Löffel voll warm ein /  
vnd lege diß Pflaster ober / das mach alsoz  
Darzu nimb Schwärtelwurzel / Maria  
Magdalenakraut / Geißkleekraut jedes  
drey guter handvoll / diß alles zerstoßen /  
vnd in Wasser gesotten / gepflastert vnd  
obergelegt auffß wärmest so mans erlei-  
den kan / das thu ein mal zwey oder drey /  
oder so oft bis man besserung befindet.

J v So

So man aber kein besserung befände/  
 so sein es böse Würm auß Gallfeuchtig-  
 keit/welche dise Arzney für ein Speiß an-  
 nemmen/ vnd seind so groß vnd lang/ wie  
 zu Zürich in einem Predicanten befunden  
 ist/ welcher neunzehendhalb Schu-  
 lang gewesen/ vnd von Thoma Gibsen  
 außgetriben/ steht auch zu Zürich in dem  
 Rathaus abgemessen. Dise Leut begeren  
 für vnd für Milch zutricken/ oder mag-  
 sammen/ papaver genant/ sonst haben sie  
 kein ruhe/ denselbigenhilff also: Nach  
 sinen disen tranck/ darzu nim Rittersporn  
 kraut / Nängelkraut jedes zwo handvoll/  
 Osterlucen/ Feldkümich jedes ein hand-  
 voll/ siede sie in zwo maß Eßig/ bis auff  
 halb ein/ davon so trincke ein Tag drey  
 oder vier/ am fünfften tag so brauche dise  
 Purgation / darzu nimb Rebarbara der  
 besten drey loth/ Coloquint 2. loth/ zer-  
 schneide vnd zerpulver diese ding auff  
 aller subtilerest / siede es in gemeinem fri-  
 schen Brunnenwasser / das ein maß sey/  
 zwen zwerch Finger tieff ein/ dieses was-  
 sers

fers trincke vffs wärmst/ des Abends nach  
 aller Speise ein Löffel voll/ Faste darauff  
 bis an den morgen/ auff 5. oder 6. vhren/  
 vnnnd trincke nichts anders denn guten  
 scharpffen esig/ das thu also/ bis das kein  
 Wurm mehr erschen wird/ vnd sich der  
 Magen vnnnd die Natur wider corrigiere  
 vnnnd verendert von der faulen Feuchtig-  
 keit.

## Für die gemeine Wärme.

### Das LXXV. Capitel.

**N**imb Meerretigkraut ein handvol/  
 Steinbrechkrautwurzel 2. lot/ ge-  
 dörzte saurampfferwurzel dritthalb  
 lot/ siede es in einer maß frisch Brunnens-  
 wasser / bis auff ein gute zwerch Hande  
 ein/ davon trincke alle Abent vnd morgen  
 ein Löffel voll bis sie alle Todt sein/ vnd  
 hinweg gehn. Den Kindern aber henge  
 Attichwurkeln an den Hals/ an dem 16.  
 17. oder 18. tag des Monatscheins auf ge-  
 graben vnd an Hals gehenckt/ wie gesagt.  
 Darz

Darnach nimb wider Attichwurzel/ gedörzt die Rinden/ pulver sie klein/ vnd gib diß den Kindern zuessen in ihren Müßern/ biß sie nichts mehr klagen.

Soman ein öl von Vermut oder Attichwurzelrinden macht/ vnnnd gibts den Leuten zutrinken/ das vertreibet alle die Würme die im Menschen erfunden werden/ das öl mach also/ Nimb Attichwurzel vmb S. Jacobs tag/ im abnehmen des Mons/ die mache sauber ohn Wasser/ das sie nicht genezt werden/ davon nimb die Rinden/ hack sie klein/ thu die in ein glas/ geuß Baumöl darüber/ laß es in der Sonnen wircken/ davon gebe man einem zwen Löffel voll/ vnd binde ihm den Leib mit einem Schleyer zimlich hart zu/ so geth das ganz nest der wärme von ihm.

Dise Attichwurzel in dem abnehmen des Augustmonats genoißen/ Mann vnd Weibern an den Hals gehenckt/ treibt alle vnfauberkeit des menschen hinweg/ darumb solle man sie den Kindern anheften/ dann so ein Mensch oder Viehe ein schaden

schaden neme oder hette/ so heneß diese wurzel an halß/ so reiniget es den schaden/ vnd wirt heylen.

So einer versert were in dem gedärm/ durch ein fall oder sunst/ wie man dann das oft erfört/ der nem Buchholderkraut vnd wurzel/ pulver das/ vnd esse es in allen Speisen/ bis es heil ist/ vnd so es von nöten were/ das er ein geschwulst/ schmerzen oder herte in dem gedärm befünde/ so nimme Käspapelnbletter drey oder vier handvoll/ siede sie in wasser/ das sie weich werden/ darnach gestossen/ vnd wider gesotten / als dann aufgedruckt/ vnd vngesalzene Butter darinnen zerlassen/ vnd warm ober den leib gelegt/ das zertreibt alle schmerzen/ stich/ vnd die härtigkeit.

So aber ein sehr wehe im Creutz were/ vnd dasselbig vom Stein vnd Brand were der Nieren/ So mache diß Bad.

Das LXXVI. Capitel.

Nimb

**N**imb klein wald Farrenkraut/ zwo  
 vnd zwensig handvol/ Gündelrebe  
 kraut 8. handvoll/ Petersilgenkraut  
 4. handvoll / Darzu nimb drey grosser  
 Kesselvoll wasser/ vnd siede diese Kräuter  
 darinnen/ mache ein vollbad darauf/ dar-  
 rinnen bade des Morgens ein stund oder  
 zwo/ bis du gesund bist/ vnd allemal wann  
 du auß dem Bad gehest/ so schmier das  
 Creuz mit diesem Del: das mach also:  
 nimb Krammetbeer zwo oder 3. hand-  
 voll/ starcken Alten Rheinischen Wein  
 fünff maß/ auff 3. handvoll Krametbeer/  
 laß es genug beim Feur einsieden/ bis du  
 keinen Wein siehst der ober die Beer geht/  
 darnach gestossen/ vnd außgedruckt / diß  
 behalte in einem engen Glas wol ver-  
 macht/ das brauch wie gesagt.

So es aber ein schwangers Weib wer/  
 so nimb weiß Liliöl/ das mache also:  
 Nimb weiß Liliënblatter 3. oder 4. hand-  
 voll/ die stoffe das sie säfftig werden/ dar-  
 nach geuß gut frisch Baumöl drey maß  
 darüber/ in ein dünnes Glas gethan/ wol  
 ver-

vermacht/ vnd vier tag an die Sonn gesetzt/ das es sich wohl durcheinander digerire oder wircke/ am fünfften tag trucke es durch einen saubern Sack/ vnd wirffe die alten Liliënblätter hinweg/ vnd lege frische Liliënblätter darein/ vnnnd laß es widerumb vier tag in der Sonnen wircken/ so ist es recht gemacht/ damit schmirre die schwangere Frauen/ biß sie kein schmerzen mehr befinden an ihrem Leib allenthalben.

### Für die Sciatick/ Ischias genant.

#### Das LXXVII. Capitel,

**D**iese Kranckheit kompt von einer wässerigen Feuchtigkelt / welche vom Leib hinab sist/ in die Wirbel schüssel/ da der Ruck vnd das Huftbeyn sich in einander schliessen/ so kan sich der Mensch nit auffrichten/ man drückne es dan auß/ darfür gebrauche man dises vn-  
guent. Nimb Storckenschmalz anderthalb

halb lot/ Meyenbutter ein lot/ wie in der  
figur verzeichnet ist/ Dife zwey stuck zer-  
lasse vndereinander/ vnnnd schmiere dich  
darmit / biß die obgemelte Feuchtigkeite  
aufgedrückt ist/ vnnnd widerumb ge-  
sund bist.

### Von der Blasen.

#### Das LXXVIII. Capitel.

**S**Deiner die Harnwind oberkompt/  
das er gar hart vnnnd mit großem  
Schmerzen harnet/ dem hilff also:  
Nimb Zwibelschälen/ Nettich mit sampt  
dem Kraut/ Käspappelbletter jedes drey  
guter handvoll/ bolus Armenus, Tra-  
chenblut jedes 4. loth/ siede es in 5. oder  
6. maß gemeines Wasser/ laß von sich  
selbs erkalten/ darein setz dich mit blossen  
hindern/es hilfft vor alle Harnwinden.

So aber einer auffließ von dem Harn/  
dem hilff inn der gestalt/ Nimb Steins-  
brechkraut 6. oder 7. handvoll/ Wald-  
hopffen 3. handvoll/ Eybischkraut vnnnd  
wurzel



wurzel vierthalb handvoll/ mit Wasser  
 gefotten/das ein vollstendigs Bad darauß  
 werde / laß von sich selbs erkalten/ das  
 rin bade/ vnd trinck disen Getranck/ dar-  
 zu nim Steinklee ein gute handvoll/ was-  
 ser zwo maß/ laß es vber die helfft einsie-  
 den/ davon trincke ein starcken Trunck  
 oder zwen im Bad/ so geht der harn von  
 stund an.

So einer starcken Wein oder Bier  
 getruncken hette/ vnd davon die Harns-  
 winde befünde/ wie dann die Etschische  
 Wein gewonlich thun/ vnd nider Rhei-  
 nische wein/ so nimb der mitlern rinden  
 von Peisselbeerstauden oder Holz/ oder  
 von Holdernholz ein handvoll/ sied es in  
 drey Kandel Wasser/ laß halb einsieden/  
 davon trinck kalt/ es hilfft.

So einer den Blasenstein hette/ vnd  
 derselbig groß were/ Darzu nimb dieses  
 Wasser alle Abend vnd morgen 4. Löffel  
 voll ein/ vnd das mach also: Nimb Mer-  
 curiuskraut anderthalb handvol/ Sibisch  
 wurzel 3. handvoll/ Cicorea ein hand-  
 voll/

R

voll/

voll/ Salbey anderthalb handvoll/ darü-  
ber geuß vierthalb maß Eßig in ein glas/  
vnd 2. wochen stehn lassen an der Son-  
nen/ darnach in einem Alembico aufgez-  
brent/ vnd gebraucht wie oben gesagt ist.

**Für die scharpffen Harntwinden/  
da einen der Harnt häßtig  
schneidt.**

Das LXXIX. Capitel.

**N**imb Holderblüe drey guter hand-  
voll/ Steinbrechkraut 2. handvoll/  
die siede in einer maß Eßigs/ vnd  
ein maß wassers / bis auffß halb / davon  
trincke bis du gesund bist.

So aber ein vnreynigkete darzu schlä-  
ge eusserlichen / oder Hise/ es were nun  
was es wolle / so nimb Hundszungen  
wurzel / Fuchswurzel / jedes gleich viel/  
sied es in wasser/ soviel es genug sey/ mach  
ein Pflaster darauf/ vnd lege es auff/ bis  
er nichts mehr befindet.

**Für allerley Harntwinden/ darvon  
einem**

einem der Harin verligt/ Nimb Schaff-  
 wollen hinden zwischen den Beynen/ die  
 rein vnd lauter sey/ neße sie in Oehl/ vnd  
 lege sie vornen in die scham so weit hinein  
 als man kan/ vnd nimb diß Pulvers ein  
 halb quint mit Saurampfferwasser/ oder  
 Rittenlaubwasser ein/ Nimb Haselkraut  
 wurzel so viel du wilt/ pulver/ vnd brau-  
 che es wie gesagt ist.

So einen der Harin für vnd für alweg  
 schneid/ vnd der harin weiß grünlecht ist/  
 dem hilff also: Nimb Wintergrün zwo  
 handvoll/ vnser Frauenhaar 3. handvoll/  
 Schmalzkrosen ab den hohen Jöchern  
 dritthalb handvoll/ dise Kräuter zerschnei-  
 de alle gar klein/ vnd siede sie in Wein  
 vnnnd wasser jedes anderthalb maß/ bis  
 auffß halb eingesotten/ das trincke er für  
 vnd für alle Abent vnd morgen bis er ge-  
 fundt ist.

## Von erkündung der Schame.

Das LXXX. Capitel.

R ij

So

**S**o einem solche erkündung zustünde/ So nimb Hundszungenkraut  
drey handvoll/ Weiß Liliënblätter  
4 handvol in wasser gesotten/ das es ganz  
weich werde/ darnach gestossen/ vnd ein  
Pflaster darauß gemacht/ vnd darauff ge-  
legt/ so zeucht es die Hitz heraus/ vnd wird  
gesund.

### Von dem Affter.

#### Das LXXXI. Capitel.

**S**o einem der Affter erkünd were/  
vnd ein Brand darzu schläge/  
dem hilff also: Nimb Nachtscha-  
denkraut/ vnd braune Münzen/ jedes 3.  
oder 4. Handvoll/ das siede in ein guten  
frischen weissen firnigen Wein/ das sie  
ganz weich werden/ darnach außgetruckt  
vnd vngesalzenen Butter darinn zerlas-  
sen/ vnd Pflasterweiß auffgelegt/ es hilffe  
von stund an.

So einer von viel stülen im Affter gar  
erkündt were/ der Neme Schsenzungen  
vnd

vnd Wurzel/ Melissenkraut jedes zwo  
guter handvoll/ mit frischem Wasser gar  
zu einem Muß gesotten vnnnd zerstoßen/  
vnd also kalt auffgelegt in den Affter/ es  
hilfft balt/ vnd vertreibt auch der gulden  
Ader schmerzen.

## Sür die Feigwarzen in dem Affter.

### Das LXXXII. Capitel.

**N**imb Keinigwurzel 3. handvoll/ so  
man Kälte im Affter befindet/ sie  
de sie mit geringem Wein/ das sie  
gar weich werde/ darnach zu einem Pfla-  
ster gemacht/ vnd jm auff die Feigwarzen  
gelegt/ biß er gesund ist/ vnd das Pulver  
gessen / das oben von den innerlichen  
Feigwarzen gesagt ist.

So einem der Nasdarm geschwollen/  
vnnnd nit widerumb hinein will/ der neme  
Säwkraut vnd wurzel/ vnd der mitlern  
Holderrinden/ siede es gar wol in was-  
ser/ vnd darauff siz er mit blossen Affter/

R iij      das

das der dampff darzu gehe / vnd nach-  
mals darinnen gessen biß er gar gesund  
ist.

So einer ein Hüfft verruckt.

Das LXXXIII. Capitel.

**E**sen hüfft oder Schenckel / so nim  
ein Ellend / dem schneide also lebens-  
dig beyde Sennadern hinten auß  
beyden Schenckeln / ein halbe spann vn-  
der dem Knie / vnd ein halbe spanne vber  
dem Knie / vnd also lebendig herauß ge-  
zogen / das die Knie ganz vnzer schnitten  
bleiben / dasselbe im Schatten gedörret /  
vnd binde sie auff das verruckte Glied / es  
geht widerumb ein / vnd von den fordern  
Füssen die Sennader des Ellends zu den  
Armen gebraucht es hilfft ihn kurtz.

So einem grosser schmerzen oben im  
schenckel zwischen dem Knie vnd der hüf-  
ten ins Geäder käme / das man nichts da-  
ran sehen oder mercken kan / so nim Kür-  
biß die frisch vnd zeitlig sein / durchstiche  
die

die mit einem Pfriemen an zweyen oder dreyen orten/henck sie an die Luft/das sie zimlich trucken werden/darnach klein gehackt vnd derselben 3. pfund in 4. pfund Leinöl gethan/ vnd darnach außgebrent/nach gemeinem brauch/ damit schmiere den schmerzenden Schenckel gar wol/ es zeucht alle schmerzen auß.

Kompt aber ein zittern darzu/ das er nit wol stehen kan/ sonder für vnd für zittert/ auch vnderweilen die schenckel eiskalt werden/ als ob sie Todt weren/ darzu nimb Pfifferling/ die schneide mit einem hülzen Messer gar klein auff dem boden ab/ vnd dz in der Erden steht herauf graben/ vnd mit einem Holz sauber machen/darnach in einem Mörsel stossen lassen/ so wirt ein hübsch sälblein darauß/ damit schmiere alle morgen deine Schenckel/ sie werden gesund. Das hilfft für alle heimliche läme/ deren vrsprung man nit wissen kan.

So einem die Kniescheiben gar  
weich werden/ schlütteren/ vnd nicht wol  
darauff stehen kan/ auch die Knorren  
vnden/ das es doch kein Po-  
dagra sey/ dem hilff  
auff dise weis.

Das LXXXIV. Capitel.

**U**mb der runde Holwurzel so am  
10. II. oder 12. tag des alten Hew-  
monats oder Augustmonats collis-  
girt sey worden/ das siede in Wein/ vnd  
wäsche die Knie damit/ darnach wie ein  
Pflaster klein gestossen/ vnd omb die Knie  
gelegt also warm/ vnd je heisser je besser/  
das thu etliche tag/ biß es aufgetrucknet  
sey/ vnd das geäder widerumb erstarcket/  
es hilfft gewislich ohn allen zweifel.

So einer ein geschicht an einem  
Schenckel hette.

Das LXXXV. Capitel.

Der



**S** Er neme Storckenschmalz 6. loth/  
Hirschen Bnschlit 4. loth/ Geyer  
schmalz 2. lot/ Leinöl 6. lot/ darauß  
mache ein vnguent, damit schmiere den  
Schenckel bey der Hise/ biß er gesunde  
vnd frisch ist.

**So einer die Rose an einem  
Schenckel vberkäme.**

Das LXXXVI. Capitel.

**S** Arzu nimb Denckelblümlein kraut  
j. handvoll/ Gundelreben das drit-  
te theil einer handvoll/ roten Wein  
2. Kandel / Wasser ein Kandel / laß es  
auffß halbe theil einsieden/ darvon trin-  
cke sovil du wilt/ vnnnd halte dich warm/  
vnd nimb ein Hankwel oder Tischtuch/  
das reibe erstlich gar wol mit Benedi-  
scher Seiffe/ das es werdewie ein Leder/  
lege es also küll auff den Schenckel/ biß es  
gar hinweg ist/ so wirt es dich nit leichts-  
licht mehr ankommen.

So aber ein brand oder hiz zu der Ros

R v fen

fen schläge / so nimb Nachtschaden zwo handvoll / Wegerichkraut anderthalb handvoll / dise stuck zusamen gestossen zu ein Mus / darzu thu Schweinenschmalz soviel das es genug sey / zubefeuchten die obgemelten Stuck / leg es auff wie ein Pflaster / es hilfft von stund an.

Ist aber der schenckel zuvor offen / das er kein Feiste nicht leiden kan / so nimb den safft von den Denckblümlin kraut / oder das wasser / vnd befeuchte es darmit.

**Für den heissen Brandt / welcher Sanct Antonius Feuer genant wirt / mit den kleinen roten Bläterlin.**

Das LXXXVII. Capitel.

**S**Arzu nimb Wegerichwasser / vnd Nachtschadenwasser gleichviel / darinnen nehe zwifache saubere Leinen tüchet / vnd lege sie darauff / es zeuche den Brand mit gewalt heraus / vnd so es trucken wirt / sol man es widerumb frisch ein

ein nehen/ biß der Brandt gestillet ist.

So aber der Brandt rot/ grün vnd schwarz durcheinander were/ so nimbe ein maß Eychen Aeschen/ vnd vier maß wassers/ mach ein Laugen darauß/ geuß ein mal oder 2. durch/ damit es ein schärpffe vberkomme/ darzu nimbe Farrenkrautwurzel dörz ein halb pfund/ oder drey vierling/ laß es mit einander sieden/ biß auff den dritten theil / darnach schöne Tücher darinn geneht / vnd vmb den Schenckel geschlagen / biß nichts mehr daran gesehen wirt.

So ein ein Hißblater auff dem Fusse oder Knorren von geschwindem vnd hizigem reitten auff füre/ oder geschwelle.

### Das LXXXVIII. Capitel.

**N**imb Bullenkraut stoß es safftig/ binde es darauff/ vnd reite fort.

So du ein hizigen schaden hettest an ein schenckel/ so nimbe jung Eychen laub/

laub/ darauff trucke den Safft/ vnd nimb  
jung Kindern vnslit/ vnd brocke es klein  
darcin/ laß es zwen tag darinnen stehen/  
darnach wider frisch Eychenlaubsafft da-  
rein gethan/ das thu zwen oder drey mal/  
vnd behalte dasselbige vnslit in ein son-  
derlichen gefässe/ vnd streiche es auff ein  
Pflaster/ vnd lege es darauff/ es heylt sehr.

So du ein kalten schaden daran hast/  
so heile ihn mit dem Leinöl/ wie oben auch  
von disem Del gemelt ist.

So dir die schenckel geschwellen nach  
einem Feber/ der nem Kettichwursel stoff  
sie safftig/ leg sie in die Schue/ vnd gehe  
hafftig/ alle Abend vnd morgens frische  
eingesetz/ es zeucht die Geschwulst mit  
gewalt heraus.

So aber die Schenckel geschwellen im  
reiten/ oder das dir essen vnd trincken bit-  
ter schmecket/ so nimb Genskraut zwo  
handvoll/ ein wenig safftig gemacht/ vnd  
in die Schue gelegt/ darauff geritten/ oder  
gangen/ so vergeht es dir.

So du ein Hüneraug auff einer zehen  
hettest/

hettest/ so nimb rote Schnecken/ die kein  
heuflein haben/ in ein Leder/ reibe sie als  
so lebendig darauff/ bis das sie sterben/  
darnach auff ein Zaunstecken gesteckt/ so  
bald sie dürr werden/ so ist es heyl. Die  
schwarze Schnecken so auch kein häuser  
haben/ sind zu disen dingen noch besser.

So es von disen dingen nicht gar ver-  
gehn wolte/ so nimb schwarze Schnecken/  
breiße sie zu pulver/ rot Händerdarmkraut  
jedes ein lot/ Creuswurselkraut 2. loth/  
klein geriben/ darzu nimb Wüllenkraut  
blümlein/ stosse sie/ darauff mach ein pfla-  
ster/ leg es darauff bis es heil ist.

So einem ein Nagel schwür/ so nimb  
Schoßmaltenkraut attriplex genant/ ein  
handvoll/ gar weich gestossen/ vnnnd mit  
Honig abgefotten/ das es zu einem Pfla-  
ster werde/ vnnnd auffgelegt alle Abends  
vnd morgens frisch.

## Für die Pestilenß.

Das LXXXIX. Capitel.

Die

**S**ie Pestilens ist nichts anders dan  
 ein vergiffte enzündung der Men-  
 schlichen natürlichen Feuchtigkeit  
 von einem vergifften Luft/ vnd das ge-  
 schicht auff zweyerley/dz sie das Blut ver-  
 giftt/ oder den radicalem humorem. Das  
 ist ein weisse Feuchtigkeit/ mit einem sub-  
 tilen Luft/ darzu brauch dise nachgeschri-  
 bene arznei: Nimb Kreuzwursel 3. lot/  
 Kantwursel ein halb loth/ Vibenelwur-  
 sel/ Weiß senffkörner/ Angelicawursel  
 jedes ein lot/ darzu thu achthalb lot/ des  
 Augspurgischen Ziriack des besten/ die vo-  
 rigen stück alle erstlich klein zu pulver ge-  
 riben/ darnach thu dieselben stück vnd den  
 Ziriack zusamen in ein Mörser/ vnd stoß  
 so lang/ bis es ein Latwerg werde/ die be-  
 halt zu der notturfft. So die Pestilens an  
 einem Ort regieret/ so gebet dem Chur-  
 fürsten einer zimlichen haselnus/ des mor-  
 gen nüchtern/ ein Weib halb soviel/ mit  
 einer Erbisbrüte oder Ritten latwerg/ oder  
 Quittensafft/ ist besser/ je lenger ers im  
 Mund behalt/ das es darinnen zergehe/ je  
 besser

besser es ist / so vberkompts keiner nicht /  
ohn alle sorg. Oder gebet diß Pulvers ein  
halb quint in Bier oder wo mit man will /  
das mache also / Nimm Knobloch / Poley 3.  
handvoll / Creuxwurß kraut vnd wurzel  
2. handvoll / Kittenpulver j. halb lot / das  
mache alles zu Pulver / davon gebe einem  
wie gesagt / es bekompts keiner durch auß  
nicht. Diß Pulver dienet denen trefflich  
wol / die auff der rechten seiten die Pestilenz  
bekömen / oder im Blut haben. Nimm  
Scorpionöl / vnd gebe es ein mit dem pul  
ver / als viel er mit 3. Fingern fassen kan /  
j halben löffel vol deß Scorpionöls / so ei  
ner die Pestilenz schon het / doch stirbt er  
gewißlich nit. Den kleinen Kindern das  
sie es nit bekommen / als Herkog Alexan  
der / vnd Fräwlin Elisabeth / vnd Herkog  
Christian / ic. Darzu nimm oder denen ge  
bet diß Pulvers / das mach also: Nemmet  
knobloch / poley / scordion genant / 4 hand  
voll / quittenkern j. lot / dise zwey stück vn  
dereinander gepulvert / davon gebe ihnen  
alle morgens vnd Abends ein wenig ein /  
mit

mit Quittensafft/ sie vberkômens gewiß  
 nit. Für das Gemein Kammer gesündt:  
 Nimb Braunwurzel j. handvoll/ 3. maß  
 Bier/ laß halb einsieden/ davon Abends  
 vnd morgens geben ein zimlichs trünckel.  
 So ein alt Mensch die Pestilens hette/ so  
 gebe man einem 3. Erbis groß in ein löß-  
 fetvoll Scorpionöl wol zertriben/ der ob-  
 gesagten Latwergen ein/ das thu 3. oder  
 4. mal/ als oft von nöten ist/ vnd nichts  
 anders zutrincken/ dann wasser oder ge-  
 rings Bier/ darein Quitten oder Ritten  
 Latwergen / oder Braunwurzelkraut/  
 oder Weberdistelwurzel gesotten sey/ so  
 vberkômpt er kein Bräune/ vnd wirt ge-  
 sundt. Einem Weib nuhr anderthalb  
 Erbis groß mit Scorpionöl/ wie ge-  
 sagt. Den Kindern des Pul-  
 vers mit Quittenwasser  
 oder safft/ 2c.

Finis primi Libri.

Das



# Das ander Buch.

Vom vrsprung vñ grundt  
der alten Schäden / vnd cuffer-  
lichen gebrechen des Leibs.

## Das 1. Capitel.



**D**as Blut zu löff-  
tig wirdt / so fleugts hinauff  
ins Haupt / vñnd so es da-  
selbst ein wässerige windige  
Feuchtigkeit findt / vnd es von ihm selbs  
enzündet ist / so lösetz dieselbig mit ihm  
auff / vnd fällt herab in Hals vnd Brust /  
macht grosse Drüsen / verfüllet sich zwis-  
schen Fell vnd Fleisch. Vnd so es also ple-  
thorisch erfüllet ist / so enzündet sichs wie  
ein hitziges Fieber / vnd wirt gar hitzig am  
ganzen Leib / als wann es ein Tertian  
Fieber were. Aber inn dem anfang mit  
grosser Kälte / gleich wie eine Pestilenz  
oder Tertian Fieber. Solche aufflösung /  
wann sie in ein Glied fällt / vnd sich da-  
selbs

2 Das ander Buch/  
selbs verfüllt/so schlägt darzu ein Brand/  
vnd auß solchem brandt wirt ein scharpff  
Camillensals/ vnd wie Zinnäschensals.  
Das Camillensals aber macht ein offe-  
nen Schaden/ dann es gar fressend ist/  
mit einer Blutwässerigen Feuchtigkeit/  
Vnd solche schäden sind in ihnen selbst  
juckend vnd einbeissend/ das mans unge-  
kräft nit lassen kan/ vnd geben offne schä-  
den rot braunlicht. Diese gehören in den  
andern grad des auffgangs/ dan sie kom-  
men von dem Blut/ wie gesagt ist/ haben  
gern knollen vnd knöllin im fleisch/ schier  
wie der krebs. Allein dieser vnderscheid ist/  
das diß von wässerigem windigem Blut  
kompt/ Der krebs aber von einem groben  
Menstruosischen Blut / welches flüßig  
wirt in den Brüsten/ oder sonst in einem  
glied/ Welches in der verfüllung ensünde  
wirdt/ vnd darnach anfahet zu faulen/  
als dann mit einem schwebelichen groben  
blutsals durchfrist/ gehört in dritten grad  
des auffgangs der Sonnen. Ist anders  
nichts dann ein schwebelisch grob sals in  
einer

Von alten Schäden

3

einer faulen blutwässerigen Feuchtigkeit/  
sucht allein die örter in dem Menschen/  
da vil Mutculi sind. Des Sals ist schwes  
felisch in dem zwilling/ vnd hat dise Farb  
wie ein Sardinus. Sein Farb stehet im  
vierten grad des auffgangs/wannsober  
hand nimpt. Quitten ist seine leschung/  
vnd das kräutlin Gallion seine heylung/  
vermischet mit subtilen Sals/ welches  
lescht/ vnd das blut subtil macht/ reinigt/  
vnd die Wunden zusamen zeucht/ als da  
ist Chamæpytis, gedört/ vnd darauß ge  
zettelt. Aber die Erisypelas durch Kocken  
ätschen 3. theil/ Stieffmütterlin blumen  
vnd kraut 2. theil/ rothen Weyrauch ein  
theil. So aber solcher schaden von zinn  
ätschen sals käme/ so ist er blawweiß ge  
ferbet/ gehört vnder den Wassermann/  
hat ein wässerig Schwefelsals in ihm/  
welches durch Birckenrinden geheilet  
wirt/ vnnnd abtruckung/ vnnnd abkerung/  
durch reinigung des Bluts/ als da sind/  
Alyssenkraut zu puluer gebrent/ vnd da  
rein gerhüret/ auch darneben Alyssen  
kraut

¶ ij

kraut

frant vnd wurzel / Odermennig / jedes  
 gleichviel gepulvert / vnd gessen in allen  
 speisen vnd Tranck. Dieser Schade ge-  
 höret vnder den andern Grad des Auf-  
 gangs. Ein Pulver zu solchem Schaden/  
 Wintergrün / vnd Odermennig / rohten  
 Weirauch / jedes zu gleich gepulvert / in  
 die wunden gestrewet / Odermennigwur-  
 zel mit rohtem Wein getruncken abends  
 vnd morgens / man mag den halben theyl  
 Weirauch oder roten Mirren darzu thun.  
 Diese schäden werffen die rennste alle ober  
 sich von dem schaden. Dese schäden kom-  
 men gemeinlich in den rechten Schenckel  
 oder Arm / allein in den Weibern / wann  
 die Guldenader oder die Rosader darzu  
 schlägt / so kompt es auch an den Lincken  
 Schenckel / vnd ist gar böß darauff / zc. In  
 Alten Leuten sind sie nicht wol zu hehlen /  
 es sey dann sach / man helffe ihnen durch  
 Blutreiniung innerlich / so nimt solcher  
 mangel ganz vnd gar ab. In diesem Fall  
 kompt auch vnderweilen ein Mastigkeit /  
 als da sind Feiste gründe / die an Gliedern  
 hefftig

hefftig fließen/ da soll man ihnen helfen  
 innerlich/ dann die Leber ganz breschafft/  
 vnd wässerich wirt/ wie ein gelber Lachs=  
 foren/ als wann sie ersticken wolten von  
 gelbigkeit/ der hilff also: Nimb Scabios=  
 sen wurzel mit den braunen Knöpffigen  
 blumen ein handvoll/ Mirren 3. quintlin/  
 weissen Andorn ein handvoll/ Judenkir=  
 schen 4. loth/ wasser vnd wein jedes drit=  
 halb Kandel/ laß es halb einsieden / des  
 trinck er genug/ wann es auß ist/ so machs  
 mehr. Nach ihm ein Schweißbad/ darzu  
 nimb Birckenläub 12. handvoll/ Ephew=  
 laub acht handvoll/ Ammeissen mit der  
 ganzen substanz 5. handvoll/ wasser 24.  
 kandel/ Wein 8. kandel/ laß es wol sie=  
 den/ laß in schwitzen/ doch daß er den kopff  
 vnd das Angesicht außzeucht vnd unge=  
 deckt sey. Vnd so in die franckheit anstost  
 so soll er ihr bey Leib nichts thun/ bis die  
 franckheit weg kompt/ auch frost vnd hitz  
 nicht mehr befunden wirdt/ allein daß er  
 Stieffmäterlin wasser trincke mit rotem  
 wein vnd rotem Beyrauch des tags drey  
 & iij mal.

mal. Vnd schlage diß Pflaster darauff/  
Nim̄ alt rein Rockenbrod die brosam/dar-  
von auff 3. theil/rothe Myrrhen oder wei-  
rauch ein lot/oder zwey ist besser.

Dise stueck stoß in einem Mörstel durch  
einander/das ein Pflaster werde/ mann  
mags auch nehen mit ein wenig Stieff-  
mäterlin wasser/vnnd also auffgeschla-  
gen/es wirt trefflich wol thun.

## Vom Rothlauffen.

### Das II. Capitel.

**W**Ann aber solcher Erisypelas ei-  
nem in ein oder beyde Schenckel  
lege oder schläge/vnnd derselbig  
gar entzündt wirt/so soltu wissen/das der  
Fluß ganz vnd gar von dem gehirn herab  
fallt/vnd durch ein gefalsene wässerige  
Feuchtigkeit angezeigt/welches so die  
schnell verfällt/vnd die Arzneyen zu sa-  
men trucknet/dz jr lufft vbersich laufft in  
die grosse Arterien der Lungen/macht ein  
schwes

schweren athem/ das sie denselben schwer-  
lichen ziehen müssen/ mit grossem durst/  
vnd die Schenckel alles brennen/ denen  
hilff also: Gib ihnen kein Weissbrot noch  
hitziges zu essen/ allein rein Rockenbrodt  
mit der Speiß/vñ diß Tranck zutrinken.  
Dazu nimb solche Kräuter/ welche die  
Arterien vñnd Herzgädder leschen/ das  
Blut subtil machen/ der Lung sterckung  
geben/ diß geschicht also.

Nimb Scabiosawurzel grün mit den  
braunen knöpffichten Blumen ein grosse  
handvol/ Giffwurzel/ Viperina genant  
3. lot/ Herzwurzelkraut ein gutehand-  
vol/ Wasser drey Kandel/ rohthen Wein  
des alten ein Kandel/ laß halb einsieden/  
dauon trinck er kalt genugsam/ vnd schla-  
ge diß pflaster auff den schenckel. Dazu  
nimb Nachtschadenkraut grün/ Spiz-  
wegerich oder Stieffmüterleinkraut/ wel-  
ches man wil/ vier handvol/ Linsen ein  
handvol/ klein gepülvert/ Rockenbrodt  
brosam/ alt gebachen/ ein pfund/ stos es  
in einem Mörsel bis zum pflaster wirdt/  
£ iiij      schlag

schlag es also auff. Man mag auch ne-  
zen mit Wegerich wasser / oder Stieff-  
mütterlin wasser / vnd solches Pflaster  
alle sechs oder acht stunden wider frisch  
gemacht.

### Von Schäden so auß schwefel- licher arth herkommen.

#### Das III. Capitel.

**E**S kömen auch Schäden von ho-  
her schwefelischer arth/ als da seind  
die grüngelbige Schäden der flüß/  
dann sie alle flüßig seind/ ist rot weißlicht  
vnder den 42. Jahren. Darnach wirt er  
wie ein Diamant/ doch allezeit mit einer  
kleinen glizenden röthe. Aber nach den  
56. Jahren ist er geserbt wie ein Berill/  
biß auff sein Alter/ dann diese Farb ist in  
solchen Schäden gar tödlich/ vnd wann man  
befindt das der Schad ein wässerige feuch-  
tigkeit hat/ wie ein Berill/ vnd kein eyter  
darbey/ so stehets nicht wol vmb den schä-  
den/ vnd je älter der Mensch ist/ je weniger  
dersel-



derselbige Schade schädlich ist. Aber in jungen Leuten gar nicht gut/ vnd sonderlich wann sie einen Brandt befinden/dadurch ihnen das Haupt verfehrt. So ist gar ein böß zeichen/ vnd noch böser wann ihnen der Nachen im halß dürr wirdt/wie ein Rauchstang/vnd nicht anders meinen als wollen sie mit den Fingern etwas auß dem Halße reißen. Auch ist zun zeyten ein grosse sorg dabey/wann ihnen allenthalben eng ist/ im Rucken/ in allen Gliedern/das sie den schmerzen so sehr befinden/das sie sich für kein Menschen schämen zu schreyen schmerzlich. So ist es auch ein böß zeichen/ vnd ein tödlich arth/die solche Schäden zuvorhin haben. Darumb soll man ihnen die Schäden nicht verheilen/sonder von innen heraus abzerren. Dann solche schwefelische arth muß man mit schwefelischer Substanz vnd lesehender Qualitet helffen / als da ist Krebskraut gepuluert/ vnd darcin gezettelt/ geworffen / auch Krebschalen gebrent/ gepuluert vnd darcin gezettelt/ vnd

L v. diß

diß Fußbad mach also auff diese nachfol-  
 gende weis. Nimm Eibischwurzel / oder  
 Altarwurzel ein halb pfund / Mercuria-  
 lischkraut 4 händvol / Birckenlaub 2 hand-  
 vol / oder Birckenrinde ein handvol / was-  
 ser 8. kandel / wein 4. kandel / siede es gar  
 wol / wäsch jm den schaden vnder sich tref-  
 flich wol / darnach die Kräuter darauff ge-  
 schlagen / vnnd zugebunden / vnnd laß ein  
 stund oder ein halbe darauff ruhen / dar-  
 nach wider abgethan / vñ das vorige pul-  
 ver darauff gezettelt / vñ also biß der schad  
 gar geheilet wird. So magstu auch die  
 brü vnd kraut auff heben / vñ zur notturffe  
 brauchen. Diser schad gehört vnder den  
 2. grad des Mittags / vnd ist tödlich im  
 andern viertel des Mons / giftig im  
 Merzen vnd Hermonat / Im Schü-  
 szen muß er viel leiden / aber nit tödlich.

## Von S. Anthonius Fcwr.

### Das IV. Capitel.

Vnder

**U**ber den dritten grad gehöret S.  
 Anthonius fewr/des mittags/wan  
 es anfahet. Demselben ist also wol  
 zu helfen. Nimb Wegdrittwasser/poli-  
 gonon genant. Etliche nennen es Sew-  
 graswasser / darinn neze vierfache Lei-  
 nen tücher / die zimlich gebraucht sind/  
 schlage sie ihme also läwliche vber den  
 Fuß/alle vier stunden frischs/ bis es den  
 Brand herauf zuecht. So aber der brand  
 vberhandt neme / so were es in dem vier-  
 ten grad des mittags/Mars genant. So  
 soll man es alle zwo stunden vñ ehe/frisch  
 auffschlagē/ bis der Brand gar aufgezo-  
 gen ist / vnd man sol nit meinen / das al-  
 hie gebraucht wirt Arzney/die wider die  
 grad der figuren were. Denn S. Antho-  
 nius Fewr allein ein brand ist in den kal-  
 ten trucknen Nerven/vnd weissen geäder/  
 welche von Natur vnd substanz kalt vnd  
 trucken sind/ vñnd aber das fewr die ge-  
 genwertigenatur hat/ aber Wegtrittwas-  
 ser ist solcher substanz vnd natur / als die  
 Nerui seind vnd geäder. Darumb weg-  
 tritt

tritt

eritwasser dem geäder vnd Nerven hilfft/  
 vmb der Substanz willen / vnd vertreibt  
 die Feurige vnd brennende Natur hin-  
 weg/ hilfft es seiner Naturen Substanz.  
 Der ander in gleichem standt hilfft / als  
 Sals dem sals/ Schwefel dem schwefel/  
 Wasser dem wasser/ Blut dem blut. Dise  
 Schäden seind an ihrem Ursprung roth  
 weißlicht/ zuletzt Aschenfarb/ kömen gern  
 von einer grossen feuchte / so einer in kal-  
 ten Regen reittet / oder auff der Erden  
 schlafft/ oder in solcher kält verkürzt wirt.  
 Sie kommen auch von Gallflüssen des  
 Haupts/ gähling in das geäder der schens-  
 ckel/ auch verwahrsichtigkeit der Syrupis-  
 schen Doctorn/ Auch sind solcher schäden  
 viel/ welche S. Anthonius Feuer in der  
 Resolution vnd Substanz haben/ Doch  
 schlägt ein Sals darzu/ welches in offnen  
 Schäden ein kleine röte gibt/ mit einem  
 grossen brandt/ vnd der Fluß ist rötlicht/  
 geschicht gern wann man in Bäder geht/  
 mit blossen Füßen/ vnd pfeget sonderlich  
 diß wolbetagten Leuthen zu geschehen/ so  
 Blatern

Blatern auff den Füßen bekommen/ vnd  
 sich Baden vnd Balbieren vertrauen/  
 welche ihrer Natur aufflösung ist/ vnd  
 ist ein zeichen/ so man ihnen nicht hilfft/  
 daß das Fleisch vnd Bein an ihnen alles  
 faul wirdt vnd flüßig/ wie ein Bolus Ar-  
 menus in einem Wasser resoluiert/ vnd  
 solches geschicht auch viel jungen Leuten/  
 doch nicht so tödlich/ als den Alten/ vnd  
 allen denen die Essig begeren zutrincken/  
 vnd Brod darauß essen/ das ist ein zeichen  
 daß die letzte stundt vorhanden ist/ Dann  
 sein Leben vber zwen oder dritthalb tag ist  
 nicht mehr/ man thu ihnen was man wölle/  
 Aber denen die von dem Essig abstecken/  
 vnd sich mit gewaldt davon zwingen/ de-  
 nen kan man also helffen: Nimb Fahrn-  
 krautwursel zwey pfundt/ Eychen äschen  
 lauge/ die 2 oder 3. mal auff frische äschen  
 gossen sey/ acht Kandel/ laß es gar wol sie-  
 den mit der wursel/ daß es halb einsiede/  
 darnach Tücher darinn geneht vierfach/  
 läwlicht/ vnd darumb geschlagen/ vnd  
 vber zwo/drey oder vier stunden darnach

es von nöthen ist / das den Brandt gat  
 heraus zeucht. Ist aber beider brandt bey  
 einander/ so siede die Farrenwurzel mit  
 Begrittwasser / vnd so solcher Schade  
 auffbrech/ vnd der brandt gelescht were/ so  
 kan mann ihm also helffen vnd heyleu.  
 Nim Brachmonatkraut/ oder spishaus-  
 wurzel kraut/ das da gelbe Blumen hat/  
 brenns zu Pulver / strew es in die Wun-  
 den / vnd schlag ihm dis Pflaster darauff.  
 Darzu nim Sophienkraut 2. handvol/  
 schwammen von Holder oder Bircken  
 bäumen 2. loht/ Birckenrinden der mit-  
 tern die safftig ist 3. loht/ Eyerdotter von  
 frischen Eiern / vnd Terpentin der mit  
 frischem Wasser wol aufgeschlagen ist/  
 jedes vier lot/ schlags vnd misch es durch  
 einander zu ein Pflaster / davon streich  
 auff/ vnd schlag es vber die Wunden oder  
 schäden/ es heilet.

So aber solcher schad leslich sich wi-  
 der zum Brandt schicken wolt/ vnd nicht  
 recht zugehen / so brauch ihm nichts an-  
 ders dann dis puluer. Darzu nim Krebs  
 kraut

Von alten Schäden. 15

frant zu äschen gebrent 6. lot/ oder sechs  
theil/ daß weiß von einem Nußbaumen  
Aß/ Spindel genant/ 3. lot/ Kocken zu  
Puluer gebrent 1. lot/ Ist er nicht hisig/  
so nim ein Bircken rinden Aß/ der mit  
leren/ darzu 2. lot/ der Eichen rinden Aß  
vierthalb lot/ zettel es darauff/ das heilet  
geschwindt/ darffst nit sorg haben. Wo  
man aber ein gifte darinnen vermercket/  
So nimb für die Eichen rinden Aßchen/  
quitten Aß/ oder Quittenbäumen rin-  
den Aß/ oder Quittenbäumen wurzel  
Aß/ die in der Erden stehen/ vierthalb  
loth / oder Kartendistel wurzel zu puluer  
gebrennt zwey loth/ für die quitten/ oder  
Eichen rinden/ auch mag man dafür ter-  
ram sigillaram nemen/ drey loth.

Dann diese grad halten all zugleich/  
vnnnd erhebt sich vber die fünffte Grade  
der Geister.

Von offenen Schäden/ die einem  
durch wüthende Hunds Biß wi-  
derfahren.

Das

**E**s kommen auch offene Schäden  
auf dem Blut/ so einen ein wüten=  
der Hundt beißt/ darzu schlägt ein  
Aphronitri Sals/ ist röthlich vnd weiß/  
mit einer kleinen gilbe/ resolviert sich ge=  
schwindt/ in einen Geist.

Steiget hinauff im Blut vnd Arteri-  
en im plerum coronidis, vnder dem wir-  
bel des kopffs/ da dan die drey Geister der  
principia sein/ welche es ensündet/ vnd  
vergift mit seiner Cholerischen materia-  
lischen gift/ vnd je mehr die hund schaum  
am Maul haben / je giftiger der schade  
wirt/ darzu muß man reine Kräuter brau-  
chen/ dem Blut/ substanz vnd Geist/ form  
vnd arth gleichmäsig/ als da seind/ roht  
Hünerdarm kraut/ samen/ blüet/ Allissen  
kraut/ welches das allerhöchste ist. Nach  
demselben der rote Hünerdarm/ nach dem  
selben rothen Hünerdarm die Leber des  
selben vergiftten Thiers / Darnach Leber  
kraut/ wurzel vnd kraut/ Darnach klein  
schelz



Schelkraut/darnach kleine Braunwurz/  
darnach die mittelmäßige wurzel/ die da  
brennen. Nach denselbigen die dauben  
Nesseln/mit den braunen blumen. Nach  
demselben Braunwurz/ Nach demsel-  
ben Steinrauten/die in der wilde wechßl/  
gegen dem Morgenschein / am Felsigen  
stein. Nach diesem Maurrauten/welche  
Lunaria heist/hat etwan ein rotes blüm-  
lein/ ist die beste. Darnach die mit dem  
gelben Blümlin ist die best. Darnach der  
gut Heinrich / vnd sonderlich der kleine.  
Dise stuck alle gehören vnder das Blut/  
so sie gepuluert werden/vnd in die Wun-  
den gezettelt / vnd ihnen zu essen gege-  
ben wirdt / ein jedes für sich selbs heylet.  
diesen Schaden gewaltig/allein das kein  
Melancolische salzische feuchtigkeit noch  
kein Phlegmatische vberige Feuchtigkeit  
darinnen sey / welche alle gift darzu we-  
ren/wann sie schon in loue vnd auffgang  
stehen / vnd dasselbig dreyerley vrsach hal-  
ben/damit sie dz gift betreffige/vñ ster-  
cker machen. Die erste vrsach ist die/das  
M das

das Gehirn feucht vnd kalt ist in seiner Substanz vnd Geist. Darumb dise Martialishe giftt solcher feuchtigkeit zulauffet vnd tringt/ als wollte es seine Speise alda finden/ nach art vnd natur der Geister / wie ich dann das lehren werde in meinen Himilischen Astrologischen Büchern. Dañ diser Geist hat ein Phlegma in sich des Widers/ doch mit einer Scorpionischen Verfälschung/ damit sie entzündt/ vnd darnach durch des Widers eygenthschafft vbersich getrieben wirt/ durch das Blut der Arterien. Darumb aber der Wider darinnen regieret fälschlich/ So ist seine Revolution in dem Lewen/ welches seine aufflösung ist. Darumb es vom Schützen drey mahl/ auch durch den Wider/ vnd Lewen sich mit der Materia vereynigen muß / gleich wie ein falsches newgebornes Kind/ Drey mal drey macht neun/ Darumb es am neunten tag die wütigkeit das falsche Kind geboren wirt/ vnd in den Effect bracht. Istts aber sacht/ das die Constellation des Widers in ein  
Coma

Von alten Schäden. 19

Compaction vnnnd widerschein befunden  
wirt/ so muß solcher falscher Schein wi-  
der zuruck getrieben werden/ die Geburt  
zum andernmahl / drey mal retrogradirt.  
Also wirdt ein jedes zeichen durch 6. ge-  
rechnet/ drum 3 mal 6 macht 18. Kompe  
aber solche Compaction in der Triplicitet  
der natur/ so muß es seine Geburtsbrieff  
allweg 3 mal von newem holen/ so machts  
27. Ist die triplicitet aber durch die neun  
Monat in luma eleuatione des bluts/  
mit allen newen Monaten/ so schlägt es  
anff 9 jahr/ vnd bringt ihm noch schaden.

Diese constellationes muß man nicht  
suchen/ auch keine Triplicitet nicht nach  
der Nârriſchen vnd falschen verlogenen  
Position des Saturni/ oder mitternäch-  
tischen Veneris, wie vnſere physicunculi  
thun. Dann der motus soll nicht gesezt  
werden für einen Elementischen Plane-  
ten/ als der motus æcis, welcher lieblich  
vnd vnlieblich ist / Nach der Alteration  
der grossen Liechter von Gott gesezt/ als  
die zwey höchſte motus der Harmoniæ.

M ij

vnd

vnd Sympathia, wie das expliciert wirdt  
 an seinem ort/ in meinem Astrologischen  
 Büchlein vnd Physica/ durch warhafftige  
 vermischung des motus der Elementen/  
 vnd der drey Principien/ Dariñ mit dem  
 Finger gezeigt wirt/ jar zu jar/ tag zu tag/  
 stund zu stund/ was Harmonia, Sympa-  
 thia, Dilcretio rerum sene. Vnd solches  
 ein Exempel ist zu sehen in der Leber des  
 wütigen Hunds oder thiers/ welches sol-  
 che krafft hat/ dasselbig darein gestrewet/  
 vnd zuhelffen ohne Verlesung der Na-  
 tur/ vnd ist ein schönes Exempel/ dardurch  
 viel gelehrt mag werden. Dann so baldt  
 das Blut vnd Arterien verfelscht werden/  
 der falsche Geist wütet / lauffet hinn ins  
 Blut/ dringt nach seiner speise/ welche so  
 es findt im ersten angriff/ so ist sie reyn/  
 feucht vnd kalt. Dieser falsche wütige  
 geist aber hat ein ensünzte/ feuchte/ schwe-  
 belische Natur/ damit er das Gehirn ver-  
 fälscht vnd vergifft/ vnd in einen Exces  
 bringt/ als dann so fleucht der Fromme/  
 hochlöbliche Geyst des Bluts zu seinem  
 prin-

principio der Leber/ vnd vereynigt sich zu-  
sammensetzlich vnd Sympathicè mit der  
Lebern/ als seinem Vatter vnd Natur.  
Darumb so diese Leber aufgeschnitten/  
gepulvert/ zu essen geben/ vnd in die wun-  
den gestrewet wirdt/ so laufft der falsche  
geist diesem dampff/ oder diser Materien  
zu vnd entgegen/ meint sie zu uberrasten/  
so ist kein feuchtigkeit darinnen/ vnd was  
diser falsche wütige Geist für feuchtigkeit  
hat/ nimbt sie in sich/ vnd verdorret die/  
dzer zu grund muß gehen/ vnd wirt nichts  
mehr verlassen. Dann die materia die zu-  
vor verlassen ist worden/ wirdt leztlich in  
gemein von dem guten Geist der Natur  
ubervunden vnd vereyniget.

Die ander ursach ist/ das man solche  
wätere von einem gefalkenen Fleisch/ wels-  
ches die Hunde essen/ vnd die Saturnis-  
sche Triplicitet darzu schlecht/ so wirdt es  
von den Arterien auffgenommen/ vnd ge-  
schwinde zu dem Haupt geführt. Wiewol  
der recursus zum dritten mahl geschicht/  
ehe die dissolution kompt / so werden sie  
W iij      gerne

gerne in der Neunden stundt wütig/ oder  
neundten Grad/ auch sind hierinnen an-  
dere Endungen/ welche nach der eleua-  
tion des Luftts/ vnd Enderungen der mo-  
tus ein sonderliche rechnung haben/ wels-  
che von keinem Astronomo oder Astro-  
logo nie erfunden. Dann die motus wifs-  
sen sie nit/ auch den ascensum motuum,  
& descensum. Dis sind als da sein die  
gebissen werden von den alten wütigen  
Hunden oder Wölffen/ vnd dergleichen  
was Melancholische Thier seind.

Zum dritten/ wann es Pfligmatische  
Thier sind/ so gibt es auch ein wüte/ durch  
die Nerven/ ist dem Gehirn gar annem-  
lich/ werden gemeinlich wütig am dritten  
oder fünfften tag/ wann die Triplicitet  
phlegmatis darzu stimbt/ da kompt in sol-  
chen stunden das wehe/ wañ sie ein schwe-  
belische arbt annimpt am 3. 5. oder 6. tag/  
Hieher gehören zu dem ersten Haselnuß-  
kern/ Zu andern grad/ weisser Begerich/  
welcher in sandigen Bergen wachst/ ge-  
gen nidergang der Sonnen/ auch Ensen-  
hütlin

hütlinkraut/ Zum dritten Grad gehöret  
zwibelsafft. Diese ding tödten Menschen  
vnd Bihe auff die stunden wie verzeich-  
net ist / seindt grausam giftig / innerlich  
vnd eusserlich in Schäden/ darumb man  
sie bey leib weder zu essen noch zu gebrau-  
chen soll zulassen / dann sie machen die  
Schäden alle giftig vnd tödlich. Vnd  
soviel von der wütche.

**Wann eins von einer wilden  
Saw oder Schwein gehawen  
worden.**

Das VI. Capitel.

**N**och kömnen vom Blut offene schä-  
den/ als wann einer von einer wilden  
Saw oder Schwein gehawen wirt/  
das er durch ein eusserliche Verletzung/  
welche zornig / vnd vnfinnig ist / verletz  
am Schenckel / oder wo es dann nuhn ist/  
da Blutadern anstossen / beneben der Ar-  
terien. Diese Schäden geben gern balde  
end/ das der Brandt ihnen gar gefehr ist/

**M 4 Treibe**

Treibt gar gern zum Herzen durch die Arterien/ dann es baldt den Brandt empfahet. Darinn muß man ihm also thun mit der Farrenkraut wurzel gesotten in einer Eichen äschen laugen/ wie oben gesagt ist/ vnd so er geleset/ so heyle ihn also: Nimb Sewzän 3. loth/ rothe Corallen ein lot/ Alyssenkrautpulver/ oder Sophienkrautpulver 4. lot/ oder drey handvol/ Pulver dise stuck fein klein/ misch es vndereinander/ vnnnd zettel es ein/ biß er heyl wirdt.

### Von Schlangenblut.

#### Das VII. Capittel.

**A**uch so kommen solche Giftige Schäden von Schlangenblut/ so einer ein Schlange von einander hübe/ vnd das Blut einem in Schenckel springt/ so gibts ein alten bösen Schaden/ welcher gern rote Blatern auffwirfft/ vnd frisset täglich vmb sich biß auffs Beyn/ vnd fort vnd fort/ je lenger je mehr/ welches



ches ich zum dritten mahl erfahren hab.  
Ein mahl an eines Landsknechts Weibe/  
welche im Sommer Barfuß gangen/ vnd  
ohngesehr auff dem weg auff Schlangen  
blut getretten/ aber der Fuß ist vol schrun-  
den an den Sohlen gewesen/ darein sich  
das Blut gezogen hat/ vnd ist ein grosser  
Schade darauß worden/ zu Hagenaw im  
Elßas.

Zum andern hat eine ein Schlang in  
ein schädige Handt empfangen/ vnd ist jr  
ein gefehrlicher Schade hinauff kommen  
zu dem Leibe/ auch die lincke Brust wohl  
halber hinweg gefressen/ auch das Fleisch  
am Ahm wohl halber durchauß hinweg  
gefressen/ hat wie ein rothe Flechte gese-  
hen: Dann sie im Gras die Schlange  
von einander geschnitten / vnd hat ober  
anderthalb Jahr gewehret/ welcher ich ge-  
hoffen/ wie hernach volget.

Zum dritten ein junger Bawr hat bey  
Darwangen im Preißgaw in der Aaren  
fischen wöllen/ vnd wie er ins wasser gangen/  
ist ihm ein Schlange entgegen ges-

W v schwums

Das ander Buch/  
schwümen/hat durch das Wasser wöllen/  
vnd als der Bawr sie ersehen/mit seinem  
Thuffsäcken herfür/hat sie von einander  
gehawen / vnnnd der Schlangen schweiß  
oder Blut ist ihm an die schenckel geflos-  
sen/dardurch ihm grosse gefährliche schä-  
den entstanden/vnd hat das Fleisch hin-  
weg gefressen/biß vber die Knie. Diesen  
dreyen hab ich also geholffen. Hab ge-  
nommen rothe Tostenblüwasser/ vnd sie  
damit wol aufgereiniget vnd gewaschen/  
darnach wol aufgefäubern / diß Pulver  
darein gezettelt / Nimb Krebskraut den  
zwölfften / dreyzehenden / vierzehenden  
Brachmonats colligiert / so es blüet / 6.  
loth/ Maulwerff zu Pulver gebrennt 4.  
loth/Schlangehaut 4. Exuvias serpen-  
tum geheissen. Mach die stuck zu pulver/  
zettels darein/biß er heil wirdt.

### Vom Krebs.

### Das VIII. Capitel.

Zum

**D**Im letzten / gehört auch vnter die Blutscheden der Krebs/er sey am leib wie er wolle/ der kompt also. Wann sich ein gesalkene wässerige dünne feuch- tigkeit in das Blut schlägt / oder darzu/ macht es flüssig / vnd loset es auff / ver- schlägt sich an ein orth des Leibs/ da viel Muscoli vnd Geäder zusammen komien/ verfült sich daselbst/ vnd in der verfüllung so erstickt das blut/ vnd wirt braunsichtig/ gewinnt ein farb wie Zinäsche/ mit einer grossen röte/vnd so die Materia des bluts gar erstickt vnd aufgebrunnen / so würde ein scharpffes Zinsals darauß/wie ein sal- niter/ frist von tag zu tag durch/ wirdt ein offener Schaden darauß/welcher hefftig vmb sich frist.

In solchen Schäden soll man bey leib nicht essen noch brennen / auch nicht hiesig ding brauchen : Dann allein solche ding/ welche Giffi vertreiben/ deren Substanz vnd arth vnder den Iovem gehören/ Als da ist Quitten/ Braunwurzel/ das edele Kräutlein Gallion genant/ Dis soll man  
stossen

stoffen grün vnd safftig / wie ein Pflaster/  
vnd solches auff den Schaden geschlagen/  
bis der Brandt aufgezozen vnd gelescht/  
vnd der schmerz aller gelegt ist / vnd mach  
ihm dis Pulver. Darzu nimb Sophien  
kraut 6. handvoll / weiß Sanickel wurzel  
4 lot / Braunwursel 7 lot / Quittenbaum  
wurselrinde 3 loth / Mach ein Pulver das  
rauß / zettel es in den Schaden / doch den  
Schaden zuvor wol aufgereyniget / mit  
Braunwursel wasser an allen orten / vnd  
Cardobenedicten wasser / vnnd gebe ihm  
oder ihr mit aller speiß / rot Hünerdarm/  
Quitten vnd Braunwursel pulver zu es  
sen / jedes zugleich zwey loth / Sophiens  
kraut 4. loth gepulvert / vnd vnder einan  
der gemischt / davon Esse er oder sie in al  
ler Speiß / Abends vnd morgens / je mehr  
je besser / bis es heil ist.

## Von Scrophuliz.

### Das IX. Capitel.

Hieher

**S**ieher gehören auch die Scrophu-  
 li/ allein das sie ein Feistigkeit wie  
 Kinderen vnsehlt in ihnen haben/  
 vnd so man die Feistigkeit nit von ihnen  
 herauf bringt/ so ist der schad vnheilsam/  
 welches so ihrs herauf thut/ so darff man  
 nichts zu solchen Scrophulis zu heilen/  
 allein Braunwursel zu pulver gebrennt/  
 vnd darein zettelt. So sich aber die Feiste  
 nit Resoluiere wollen/ So nimb ein öl  
 von Büchen Rinden/ vnd wäsche es dar-  
 mit / so wird sichs aufflösen/ vnd dann  
 anders nichts darein gethan das Braun-  
 wurzel/ oder Alyssenkrautpulver / bis er  
 gar heyl ist / Dann die Scrophuli seind  
 anders nichts dann ein Blutschwebeli-  
 sche ersticke Materi/ welche sich auffblä-  
 het/ dann es hat kein Salz in sich/ allein  
 das die natürliche Geister des Bluts ver-  
 stopffe sindt / vnd ein feister weisser fal-  
 scher Blutgeist an statt desselben kompt/  
 vnd macht dise Scrophul.

Von Zauberey.

Das

**A**lch so seind andere Schäden/ die  
 hieher gehören/ durch zauberey oder  
 Imposition in den eleuationibus.  
 welche der Teuffel vnd die feinen wol wiss-  
 sen zuzurichten/ als da sein die Enchene  
 zweig / Schlehendornschuß / auch das  
 Eisenkraut im Bollmond / vnd was kalt  
 vnd trucken ist/ zum 3. vnd 4. grad. Dann  
 diese Kräuter sind des natürlichen Geists  
 vnd Bluts gar vnnd ganz zuwider/ vnd  
 giff. Sie brauchen auch andere incan-  
 tamenta, vnd zauberische Sprüch darzu/  
 welche sie der böß Geist gelehret hat/ da-  
 mit sie Haar vnd andere ding in die schä-  
 den hinein gauckeln. Oder nemen solche  
 Kräuter/ vnd legen sie einem ins Beth/  
 mit seltsamen sprüchen / vnd zauberischen  
 worten/ dardurch die Arterien vnd Blut-  
 adern verstopfft werden / Oder legen sie  
 einem vnter die Schwellen des Thors/  
 da man auß vnd ingehet/ vnnd so einer  
 darüber gehet / ( Dann sie seindt wider  
 die Natur vnd Wachung vmbkehrt/ vnd  
 colligiert

Von alten Schäden. 31

colligiert in den Stunden/ darinnen sie den Geistern von Natur/ Substanz vnd Art zuwider seind ) so muß er lahm werden/ vnd die schenckel zitterhafft. Diesen Leuten sterben die Schenckel allgemach ab/ werden mauß todt/ vnempfindlich/ vnd müssen sterben im fünfften Jahr/ Dann also gehet die Rechnung aller Zauberer durch fünff/ wie das in der Figur soll gezeichnet werden. Diese Schäden gehören vnder den vierdten Grad viciatoris constructi. Dann in diesen werden die natürlichen Geister des Lebens / durch gegenwertigen schein vnd Impositiones durch auß verstopffe / daß sie in sich selbst sterben müssen.

Von Zauberischen Schäden/  
der Gulden Ader.

Das XI. Capitel.

**E**s seindt auch andere Zauberische bossen/ die zu der Gulden adern gebraucht

braucht werden/ Als da seind heiss vnd trucken / von euer kalten Substanz / als nemblich seind gar inn ihrer Triplicitet/ vnd dasselbige zwysfach/ das eine cufferlich zu der Guldenader / dardurch einer muß voller Warzen werden am ganzen Leib/ vnd leslich das man stück von ihm schneid 2. oder 3. Fäuste groß/ vnd der ganze Leib wirdt vnempfindlich / bis in den Todt. Dann das Blut wird baldt dämpffig/ die Arterien werden voller sandiger dämpffiger Materien / vnd wirdt Morphea rubea darauß/ vnd voller Schäden am ganzen Leib/ wie Feigwarzen/ dem hilff allein mit Braunwurzel/ Altsffenkraut. Diese Kranckheit gehört zum anfang in dritten grad des adustoris resoluti. Aber so bald er vnempfindlich wirt / so gehört er vnder den viciatorem resolutum in flaruleatum capricorni, hält den ausgang vnd anfang des dritten vnd vierdten grads.

Doch so kommen vnderweilen solche Schäden durch grossen zorn vnd schrecken/ die müssen geheilt werden gleich wie diese/ vnd



vnd das geäder durchauß geschmiert mit dem Balsam des Linden Wispels/ vnd Capaunen Schmals.

Denen aber/ so durch Imposition in solche Mängel kommen/ das ihnen die Füß vnd Glieder absterben/ muß man helfen durch den röthlichten Erdschwammen/ welcher im Schatten der Birckenbaum wächst/ vnd vnter der Erden steht/ was auff dem Boden ist/ muß man hinweg werffen/ dann es ist nichts nutz/ dann allein das kößblin nimm/ das vnder der Erden steht/ in eine zinne Büchsen gethan/ vnd behalten zu der not. Es muß gegraben werden mit einem Lindenbäumen spizen Holz/ daß kein Eisen darzu komme/ auch nichts das kalt vnd trucken ist: sonst wird die Zauberen dadurch gestercke. Dis muß man stossen/ das es wird wie Butter/ vnd darauff geschmiert. Man muß diese Schwämme in dem Neuen Mond colligieren/ im ersten Viertel.

Die andern offene Schäden an den Schenckeln vnd Händen/ sie seyen sonst

N

wie

wie sie wöllen am Leib/ so sind sie gedrehee  
 schier wie die Scrophuli, vnd in dem löchs-  
 lin des Schadens roht/ werden geheilt/  
 wenn man des edlen Daurant/ ptarnice  
 genant/ welcher die braunen blumen hat/  
 vnd nachmals in der Blumen gewinnet  
 sie grosse Federbüschlin schön. Es ist aber  
 nicht der gemein Daurant/ sonder der lets-  
 ste in dem Mathiolo / welcher allen an-  
 dern vnbekant ist/ vnd gegen Anfang der  
 Sonnen wächst/ in dem Sand/ Dieser  
 Daurant gehört in den höchsten grad  
 Jovis/ den pülver/ vnd zettels in die schä-  
 den/ vnd hencke es ihm an Hals/ vnd mach  
 ihm den schaden sauber mit Widerthons-  
 wasser/ Gallitrichon genant/ welcher auß  
 Sandechten Rosen wächst. Er heylet  
 gewislich vnnnd bald von grund heraus.  
 Diese schäden gehören vnder den Vicia-  
 torem constricti, zum anfang/ vnd nach-  
 mals in resolutum Viciatorem des drit-  
 ten grads.

**Von andern schäden so durch**

**Zauberey zuwegen bracht  
 werden.**

**Das**

## Das XII. Capittel.

**E**S seind auch andere schädten von  
 Zaubererey / welche also gemachet  
 werden. Sie nehmen die Kreuter/  
 welche im höchsten grad des Saturni / im  
 Geist vnd Elevation des Stiers stehen/  
 vnd suchen die Quadram Luna darzu/  
 das ist / nach dem Vollmond / der 3. 4. 5.  
 tag nach dem Vollmond / auch in dem  
 Nidergang der Sonnen / Vnd nach dem  
 Nidergang sprechen sie etliche Zauberis-  
 sche wort darzu / welche sie der böse Geist  
 gelernet hat / verstehen dasselbige nit was  
 sie reden / den sie habens vom bösen Geist/  
 vnd thun nichts darzu / allein die verblen-  
 dung des falschen glaubens / trucken den  
 Safft auß / wäschen die Händ darmit  
 dreymal / lassens von ihnen selbst trucken/  
 behalten Kräuter in der Handt bis die  
 Händ trucken seind. Darnach wäschen  
 sie die Händ nicht mehr / bis sie einen ans  
 gerürt haben / vnd so derselbig sich nicht  
 Gott befohlen hat / so fährt der falsche  
 Kräuter geist in ihn / vnd verstopffet Au-  
 genblicklich

N ij

genblicklich

Das ander Buch/  
genblicklich die drey Natürlichhen geister  
des Bluts/ Nerven vnnnd Arterien/ als  
dañ in dem Augenblick/ kompt vnder dem  
griff ein toller schmerze/ wie ein grimmen  
im Leib/ kompt von stund zu stund/ je len-  
ger je weiter in Leib/ wird Contract/ Lam/  
vnd schreyt Mordio vmb hülff/ Ach vnd  
Wehe.

Diesen Leuten hilfft man also/ So der  
Brand darbey ist/ so leseth man mit Far-  
renkrautwurzel/ vnd Eichen äschen Laug/  
vnd nimb des Edelen Daurandwassers/  
so mans nicht hat/ so nimb Widerthon-  
wasser/ des Morgens vor der Sonnen  
Auffgang gegraben/ vnd außgebrent/ das  
niemand nicht siset/ Darinn thue frisch  
Blut von einem jungen Hündlin 3. oder  
4. tropffen/ Männlein zu den Mannen/  
Weiblin zu den Weibern/ das thu etlich  
Morgen nach einander/ vnnnd soll das  
Blut auß dem Lincken Ohr des Hünd-  
lins genommen werden/ vnd zette ihm  
Widerthonpulver ein theil/ Daurant-  
pulver drey theil klein gepülvert in die  
Wunden/

Wunden/bis er heil ist/er wird von grund  
 auß wol geheilt werden. So aber der schä-  
 den nicht auffgebrochen were / so nimb  
 jung HundsSchmals / das wol geleutert  
 sey 8. loth / geleutert Bernschmals 16.  
 loth / Cappauen feist / wie ihr wol wist /  
 bereit / 24. loth / Haselnuß Weispeln drey  
 gausseln / hacke es so grün / Holz / Bletter /  
 Beer / alles miteinander / vnd stoß es das  
 es safftig wird / misch es / vnd thu es in ein  
 Engsterlin / setze es an die Sonne neun  
 wochen / so wird ein grün gilbelicht Bals  
 sam darauff / damit schmier ihn / das ver-  
 treibt alle schäden vnnnd wehetagen der  
 Zauberey.

### Von Zauberey Schäden.

#### Das XIII. Capitel.

**E**s seind auch andere Zaubereyen /  
 welche durch Saturnische Kräuter  
 vnnnd Holz einem in den warmen  
 Harz gesteckt werden / damit sie einem  
 die Mannheit nemmen / vnnnd machens  
 also. Sie nemmen einen Eichenen Ast /  
 N iij welcher

welcher glat vbersich wächst/ machen einen spizen gegen der Sonnen vbersich/ vnd wo sie sehen das einer hin brunget/ da stecken sie per inversionem den spiz in den Harz/ trettens in die Erden hinein da der Harz noch warm ist/ So verleurt er/ der dahin brunzt hat/ seine krafft vnd Natur/ man ziehe ihn dann wider heraus. Dem kan man also helffen: Er neme ein hitziges Holz/ welches dem Eichenbaum vnd Schlehendorn zugegen ist/ vnd mit Geist/ form vnd Substanz ihnen zuwider/ als da seind Birckene Bäume/ Hirschholder/ Pfrümenholz/ von diesem Holz nim die zweng/ bind sie zusammen/ wie ein Besen/ kehre die schosse vbersich/ vnd die strümpff vndersich/ vnd brunze von oben drein/ so ist die Zauberrey nichts mehr.

Auch nemmen sie den Harz eines Menschen/ so berligen will/ vnd thun das selb in ein Eichen gefäß/ machen ein zapffen darcin / der es erfülle/ vnd drähen es links vmb mit dem Zapffen/ doch das das gefäß

## Von alten Schäden.

gefäß still stehet/ vnd dasselbige machen sie  
gar behend/ als bald er warm wirdt/ so  
brennet er denen/ das er meinet er müsse  
toll vnnnd vnsinnig werden/ bis er Blut  
harnet/ vnd der schad offen wird. Diesen  
Leuten hilff also: Nimb süsse Angelica  
wurzel 3. loth/ Widerthon ein handvol/  
weiß Beyfuß ein halbe handvol/ diese drey  
stück leg in sein Trinckgeschirz/ davon  
trincke er/ vnd anders nicht/ bis er gesund  
wird/ vnd bestreich sich mit dem vorigen  
Haselmispeln Balsam/ magst des klei-  
nen Daurantskraut eine handvel nemi-  
men/ vnnnd seines eigenen Harms eine  
Kandelvol/ thue sie in einen neuen Has-  
fen/ darein nichts vorhin kommen ist/ des-  
cke ihn wol zu/ vnd setze ihn zum Feuer/  
laf ihn allgemach warm werden/ So  
bleibt der Kerle nicht auffen/ der es ge-  
than hat. Dann ihm ein grosser schmerz-  
sen/ nicht weniger als dem ers gemacht  
hat/ widerfahren wird.

## Von Zauberern im Seblät.

N iij

Das

**A**uch so können Zaubereyen im kalte  
vnd feuchten vergifften Blut vnd  
geäder. Gehet also zu/ Sie nehmen  
Nadeln/damit ein Todter eingenehet ist  
worden/ stechen Löcher in einen schönen  
Apffel/ thun Eisenkrautsafft darein/ las-  
sens von ihme selbs trucken werden/ das  
niemands mercken kan/ Solche schencken  
sie dann Jungfrauen vnd Weibern/ so  
bald sie dieselbig gessen haben/ so verstehet  
ihnen ihr Menstruum/ vnd zeucht ihnen  
von stundan in alle Glieder. Diese Wei-  
ber werden Contract vnd krumb/ wachsen  
mit den Knien an ihre Brust/ bis in ihren  
Tode/ wie das dann gar viel erfunden  
wird.

Denen hilff also: Nimb Laurants  
kraut ein handvol/ Eisenkraut ein halbe  
handvol/ Braunwursel vier lot/ weissen  
Wein/ vnd Wasser/ jedes zwo kandel/ las-  
es halb einsieden/ das geb er ihnen täglich  
drey guter starcker Trünck/ vnd wann der  
Tranck auß ist/ so mache ihm ein newen/  
vnd



Von alten Schäden.

48

vnd nimb Farrenkraut 60. handvol/frisch  
 Brunnwasser drey zimliche Kessel vol/  
 darmit theil diese Kräuter/laß sie trefflich  
 wol einsieden/das laß von ihm selbs kalt  
 werden/soviel daß sie es erleiden können/  
 darinnen Bade sie des Morgens anderth  
 halb stunden/ vnd des Abends eine stund/  
 Am fünfften Tag wider ein frisch Bad/  
 vnd zehen handvol weniger Farrenkraut/  
 vnnnd zehen handvol Braunnwurz  
 kraut für das/vnd wann das dritt Bad gemache  
 wird/ so nimb 20. handvol Braunnwur  
 zelkraut/vnd 40. handvol Farrenkraut.  
 Zum vierdten Bad nimb der Kräuter  
 gleich vnd gleichviel/vnd brauchts so lang/  
 bis sie gar gesund wird/vnd den Tranck  
 darzu getruncken/ vnnnd schmier ihm die  
 Glieder vnd geäder mit dem Balsam von  
 Lindenbäumen Nispeln.

Das XV. Capitel.

**B** aller leyst/ So kan man mit dem  
 Blut einen verbannen/das er niers  
 gent hinkommen kan/ sondern muß  
 N v herwis

herwider kommen/er sey wer er wölle/So  
einer einen erstochen/ oder ermördt hat/so  
gehe geschwind hin/ vnd werffe das Blut  
das von ihm rinnet in ein Feur/ von dür-  
rem Eichenem Holz in die gröste hiz/  
drey mal/vnd verkere ihm die Schue vmb/  
den rechten an den Lincken/vnd herwider  
den Lincken Schuch an den rechten Fuß/  
so wird er blindt/vnd meinet er reitte im  
wasser bis an den Mund/vnd kompt wi-  
derumb zu dem ermördten/ er sey wer er  
wölle. Dis sind alle schäden des Bluts/  
die durch vnd mit dem Blut zugehn/2c.

Von offenen Schäden des Leibs  
oder Glieder/die einem Menschen wider-  
fahren von Galllichtiger feuchtig-  
keit/welcher gar wenig sein.

Das I. Capitel.

**S**Je Gall ist ein Glied/ welches we-  
nig äst oder Adern hat/die sich weit-  
läuffig außstrecken in andere Glie-  
der

der/ allein in die Leber/ Magen vnd in den Darm / dardurch die Excrementa auß dem Magen hinweg fürdern/ auch etliche feuchtigkeit in venis meienterij, auch vmb die Nerven / dardurch dann offene Schäden kommen/ aber gar geuling/ vnd tödtlich/ Sonst was sie thut/ das thut sie durch das Blut vnd Herzgeäder/ Arterien genant. Dann der Gallen officium vnd Ampt ist/ daß sie die Leber in gleicher hie erhalten. Dis ist das erste Ampt vnd officium von der Harmonia, auß der bewegung der Sonnen/ durch den Geist des Schützens/ &c.

Das ander Ampt vnd officium ist/ das sie durch die Simpathia vñ bewegung des Mons/ welchem sie naturaliter alhie vnderworffen wird/ dem Magen helfen kochen/ vnd trucken behalten/ das die andern membra mit den obern in einer truckenen qualitet erhalten/ Dar zu hülfft ihr das Milk vnd die feuchtigkeit vnd dämpff zu den Nanchadern/ treibet daß die Seroli feuchtigkeiten hinweg distilliert werden in die Blase. Das

Das dritte ampt ist auß der bewegung Anupathia Veneris. durch die materi des Leuens/das solche die Gall hinab schüt/vnd gebe in den Darm/der auß dem Magen die andere Speiß hinfüret/ wie dann solches gesagt ist/ in dem Buch der Vereinigung der Himmeliſchen Geiſter vnd Körper/ mit den innerlichen Gliedern des Menschen/das die grobe Gallſüchtige ſchwebeliſche feuchtigkeit ſich in ihrer Anriparhia tranſmutirt in eine geſaltzene Materi/vnd purgirt die Därme dardurch/nachdem die ſchwebeliſche feuchtigkeit vber ſich dempfft/iſt grün gilblicht in ihrer Subſtanß.

Das vierdte Ampt iſt/das ſie den venis Meſenterijs ihrer Apertion vnd öffnung gibt/dardurch dann ein groſſe nutzbarkeit dem Menſchlichen Leib zugeeignet wird.

### Das II. Capitel.

**H**ieher kommen ſolche ſchäden/das ſolche Leut in welchen dieſe vena verſtopfte

verstopfft werden durch Milch/ Käß/ vnd  
andere dergleichen Speiß vnd Tranck/  
so wirdt die Gall retrograd, vnnnd laufft  
hindersich in den Magen/ enzündt die se-  
rosos humores, als den Harn in den  
venis emulgentibus, vnd leßlich wird  
ein Lufft darauß/ schlägt zwischen Fell  
vñ Fleisch/macht braun/gelb/ weisse blat-  
tern an dem gansen Leib. In diesen Leu-  
ten ist der Harn pechschwarz oder braun/  
graw/ haben die Blattern nicht allezeit/  
sondern wenn sie etwas gessen haben/ daß  
die verstopffung mehret/ brechen ihnen  
selten auff/ Brennen wie ein glütig Fehr/  
so sie kommen/ verschwinden von sich  
selbs/kommen alle tag zwey drey mal weg/  
oder am dritten tag gewiß. Diese Leuth  
sein bleich/ als wenn sie voller Gellsucht  
weren/ werden zu letzt wassersichtig. Die-  
sen muß man also helffen/ Man soll ihnen  
kein Fleisch Speise geben/ auch keine süs-  
se/ als da Milch/ Käß/ vnd was derglei-  
chen ist/ damit solche verstopffung möcht  
gemehret werden/ sondern nempt Kräu-  
ter

ter die zugleich Gall vnnnd Sals/ oder  
 Schwebel vnd Sals/ doch das das Sals  
 die Gall vberwindt. Solches ist Note  
 Myrren/ Rosenwurzel/ Cardobenedic-  
 ten in reiner Substanz vnd truckenheit/  
 auch das Edle Kräutlin Prassiam, auch  
 der weisse Andorn/ doch das es einen zu-  
 saz habe von eim gesalzen Kraut/ als da  
 sein im anfang des ersten grads Ysop-  
 kraut/ im mittlen vnd aufgang des and-  
 dern grads Gamanderle/ Gundelreben/  
 graue Weiden/ im dritten grad im Sals  
 Cardobenedicten/ im Schwebel mit dem  
 Sals Felberbaum/ dem muß man ein zu-  
 saz geben/ auß dem andern grade des  
 Sals/ als Mispelstein gepulvert/ Spi-  
 zen Wegerich/ vnd diese ding in Wein  
 gebeisset/ vnd ihnen zu trincken gegeben/  
 Auch zum vierten grad/ Nimb Pfrim-  
 holz oder Rindschattenholz/ brenn es zu  
 Aschen/ bind es in ein Tüchlein/ vnd alle-  
 weg auff den dritten Tag frische Aschen/  
 der Wein soll zwey Jährig sein/ aber nicht  
 gar starck/ Gundelreben äsch 2. lot/ Car-  
 dobene

Von alten Schäden.

47

dobenedicten Aſchen j. lot/ Myrren ein  
halb lot/ gepulvert/ in ein Tüchlein ge-  
bunden trucken/ legs ihm in fein Trinck-  
geſchirz/ vnd eſſe von dieſem pulver/ Das  
mache alſo: Cardobenedictensamen drey  
lot/ Roſenwurzel zwey lot/ rot Myrren  
ein lot/ Mach dieſe ſtuck zu pulver/ vnnnd  
gib ihm diß zu eſſen in der Speiß/ man  
darff ihm nichts auff die Schäden legen/  
dann ſie vergehn alle mit einander/ ſo die  
Gall wider in Magen kompt/ vnd alſo  
beſtetigt durch dieſe Arzney. Dieſer  
Exempel ſeind viel in den Landen/ da man  
viel ſüſſer Speiß iſt/ vnnnd nicht Wein  
hat/ wie in der erſten verſach geſagt iſt.

Das III. Capitel.

**E**S kompt auch zu zeitten/ das die  
Gall mit ihrem hißigen lauffen ent-  
zünd wird/ vnd kompt in eine Arter-  
ia/ vnd vermifcht ſich mit derſelben luſt/  
vnnnd Spiritu, durch die Tranſpiration  
deß abſteigenden Geiſtes/ laufft mit den  
Arterien hinunder inu ein Schenckel/  
oder

oder in sie beyde/ wird daselbst hinauf/ in  
 das auffer flamsfell der haut getrieben/ vnd  
 als bald dasselb geschicht/ dann die Artes-  
 rien daselbst hin reichen/ vnnnd nicht gar  
 durch/ wie in andern Gliedern/ als im  
 Haupt oder Arm/ so schüt es hinauf/ vnd  
 digeriert von sich/ durch hilff vnd krafft  
 des nachvolgenden reinen subtilen Herz  
 luffts. Vnd ist die dritte vrsach/ das sich  
 solcher Geist oder Gall in die Schenckel  
 mehr begibt/ als in andere Glieder/ das er  
 meint er will Speiß daselbst finden/ nach  
 der Materi vnd Art des Geistes Schus/  
 dann er ein falscher Geist ist/ verbrenndt  
 durch den trib/ vnd die verfüllung in den  
 Arterien/ vnd wo er hinauf triben wird/  
 werden grosse schwarze Blattern/ etwan  
 seind sie braun/ etwan geelweiß/ die brau-  
 nen seind die äraften vnnnd giftigsten/  
 darnach die geelweissen/ kommen zu zeiten  
 merckliche grosse Schäden darauß/  
 vnd so man solche Leute ins Bad führt/  
 vnd das ein fauler warmer Dampff zu-  
 schlägt/ so erstickt solche Feuchtigkeit in  
 den



den Arterien/ schlägt der kälde Brande  
 darzu. Diese Leuth können selten mit dem  
 Leben darvon/ vnd so die Blatern braun  
 sein/ so hat sie ein saltz mit im vermischet/  
 deren muß man helffen/ durch die Kunst  
 der Signatur, mit dem Farrenkraut wur-  
 zel vnd Eichen äschen laub/ wie das zuor  
 gelernet ist / vnd alle Galenische vnd  
 Chirurgische gauckeley hinweg gethan.  
 Dann das Eichen holz ist der Signatur  
 wie die musculi in Schenckeln seind/ mit  
 seiner hitzigen substanz / Das junge holz  
 hat auch solche röte / vnd farbe / wie das  
 geäder an Schenckeln/ gespindelt an iun-  
 gem Eichen holz/ wie musculosa caro,  
 vnd die ganze substanz des Eichbaums  
 ist einer durchtringenden substanz / vnd  
 mit einem reinen natürlichen subtilen  
 Saltz/ gibt auch solch saltz in spiritu, wie  
 die Arterien führen vnd haben.

Darumb auch solches holzes Del mit  
 seiner form vnd artz solche Schäden heil-  
 et/ des Efigs vnd Weins gehe er müß-  
 sig / oder was darmit gesotten oder ge-

D foche

50 Das ander Buch/  
kocht wirdt. So aber solche Blatern  
weiß sein/ vnd einer sie next/ als im Bad/  
oder in warmem wasser/ oder sonst/ so ist  
er S. Anthonius Feur gewartend. Dañ  
dieser Brand ist viel schädlicher als der an-  
der/ dann die Gall ist ins weisse Geäder  
auch kommen/ vnd ist ohn allen zweiffel  
auff der lincken Seiten/ vnnnd auff der  
selben seiten die Nieren enzündt von der  
Kranckheit/ diesem hilff mit der leschung  
des Weggraswassers / Poligonon ge-  
nant/ wie das zuvor gelehrt ist worden/  
vnd wann der Brand gar gelescht ist/ so  
heyle ihn mit Sophienkraut/ vnnnd das  
selb gepulvert/ vnd darein gezettelt/ vnd  
nimb Bingelkraut/ Mercurialis genant/  
vnd weiß Sanickelkraut/ gestossen/ wie  
Pflaster/ jedes zugleich viel/ nehe es mit  
Lindenblüewasser/ oder Wegtrittwasser/  
läwlicht/ es leschet den Brand vnd zwins-  
get den schaden zu seiner alten Natur.

Das I V. Capitel.

**S**ise Blatern zum anfang alle mie  
einander seind also zuehelen / mie  
einem

einem Pflaster / das weder dem Schenckel / oder dem Menschen kein schad oder nachtheil darzu schlagen mag / oder kan. Darzu nimb Gerstenmehl / das in einem Mörsel gepulvert / vnd zimlich gesiebelt / des nimb 4. loht / oder 6. loht / darnach der Schad ist / Beyßmilch / Eisenkraut / safft / jedes 6. Löffel vol / Wegtrittwasser 3. Löffel vol / so dick als ein faust Ruckens brodt / von einem reinen Rucken / stoß sie zu einem Pflaster / ist's nit feucht genug / so nimb der wasser mehr / schlag sie vber die Blatern mit einem reinen Tuch / des tages 3. mal / biß er gesund wirt. Diese schwarze Blatern heisset man S. Barbaren Blatern / vnd haben vorzeiten sie niemand heilen können / wie das nährische Volck vermeint hat / allein die Kloster Zauberin / welche in S. Barbaren orden gewest sein / vnd darauff S. Barbaren Segen geredt / vber einem frischen Brunwasser / vber einem Geschirz / das sich das Wasser in dem Geschirz von der Ordens Personen Athem beweget hat /

D ij      Kreuz

Kreuzweiß hin vnd wider / darnach den  
armen Leuthen gegeben / darfür haben  
sie Korn müssen betteln / vnnnd so schwer  
als sie gewest sein / Korn verkaufft / vnnnd  
das Gelt ins Closter geben / damit ihr  
Zauberey nit vergebens vnvergolten blei-  
be. Solches hab ich ein mal oder etlich ge-  
sehen / ist ihnen dan nit geholffen worden /  
so haben sie das Korn nicht thewer genug  
verkaufft.

## Das V. Capitel.

**N**ach dem ist alhie wol zu mercken/  
das vnderweilen die Gall durch die  
kleine Geng aderlein / oder venas  
emulgentes, mit einem gehlingen Brand  
ymb die Nieren felle / vnnnd sonderlich in  
den rechten / vnd durch dieselbige enkün-  
dung oder Inflammation die natürliche  
feuchtigkeit / neben den Nieren / gegen dem  
Ruckgradt / die Geäder enkündt / vnnnd  
verstopfft / das keine krafft hinab in die  
Schenckel kompt von dem Gehirn / vnd  
Ruckgrads neben geäder / vnd so bald dis  
geschicht / so findet ihr einen glikenden  
Sand

Von offenen Schäden.

53

Sand in dem Harn / neben vnd vnder dem König / glihet wie ein glas / gepuluert / vnd so solcher Mensch geneigt ist zu bösen Füßen / so fallen ihme schwarze flecken / zum ersten neben der grossen Zehen / darnach hin vnd wieder an dem Schenckel / vnd der Schenckel wirt vnempfindlich / stirbt also ab ohne schmerzen / allein den 3. tag zuvor / oder den 2. oder den 4. hat er stich an der Rechten seiten an Nieren empfunden / etwann seind diese flecken äschenfarb / ist die aller giftigste vnd böseste Kranckheit / die dem Menschen mag zukommen / stehet in dem höchsten grad des Cineratoris. tödt den Menschen gar geschwind. Etwa seind solche flecken blawlicht / vnd das geschicht vmb des zeichens willen des Wassermans / welcher den Schenckelregiert / vnd das Blut. Disen Leuthen soll man gar geschwind helfen / vnnnd heilen mit Wegtrittwasser / sauber reine Tücher darinnen genezt / vnd darumb geschlagen vierfach / es hilfft dem Brand bald / aber man muß ihn gar geschwind

D iij

schwind

schwind an Nieren auch helffen/ sonst  
brennet er zu Pulver. Solches kan auch  
wol von Weibern geschehen.

Den Nieren muß man aber also helf-  
fen/ Nimb Judenkirschenfamen/ des Pe-  
tersilgenkrauts 2. handvol / der Juden-  
kirschenfamen 4. loht/ Akeley/ kraut vnd  
wurzel/ ein halbe handvol/ siede es in was-  
ser/ gibs ihm genug zutrincken / bis gar  
durch feucht / vnnnd der Brandt geleschet  
ist/ vnnnd eusserlich auff die Nieren ge-  
schlagen/ vnd ein Pflaster also gemacht/  
Nimb Petersilgenfamen/ Judenkirschen-  
famen/ jedes 4. loht/ braun Eysenkraut  
anderthalb handvol/ siede diese stück in  
Wegtrinwasser/ vnnnd halb Petersilgen-  
wasser/ dz genug sey/ zerstoß wie ein pfla-  
ster/ schlags ihm nach der lenge ober/ vnd  
vnder sich ober die Nieren/ vnd so er nichts  
mehr befind/ so mach ihm disen Tranck/  
damit die Arterien in der Lungen auch  
geleschet werden. Darzu nimb Ysen-  
kraut / Kazenschwanzkraut / jedes ein  
han devol/ Rosenwurzelkraut eine halbe  
hand-

Von offenen Schäden. 55

handtvoll/ Judenkirschensamen 3. loht/  
wasser 3 kandel/ Wein ein kandel/ laß es  
halb einsieden/ des trincke er genug/ wañ  
es auß ist/ so mach ein newes/ vnd laß ihn  
etlich wochen für vnd für hoch ligen/ als  
siße er im Beth/ sonst wirdt die Lung  
vom Blut erstickt. Das Rakenschwanz  
kraut ist eigentlich zu der Lungen auß  
der Signatur Kunst: Dañ es vergleiche  
sich mit ihr in der Substanz vnd form/  
Das Eysenkraut aber mit den Arterien/  
vnd Hertzgeäder / mit seinem subtilen  
sals/ welches allein zu den Arterien treibet/  
die Rosenwurzel aber wirt eigentlich  
in den Sanguinischen Sals vnd Blut-  
geist/ durch die Signatur funden. Dar-  
rumb solle man also die Natur heimsu-  
chen/ wann man ein Recept auff solche  
ding machen will / das allezeit die Natur  
vnd Substanz der Arzney/ mit der Subs-  
tanz des Affectionirten oder Krancken  
Glieds vberlein kommen. Ist das Glied  
salsiger Substanz oder Natur/ das da  
leidet / so soll die Arzney auch also sein/

D iiii das

das ihme Substanz vnnnd form bleibe in gleichem grad der Substanz vnnnd natur des Krancken glieds vnd Arzney/ So besind das glied seinen gesellen vnd helfffer/ nimpt es gern an/ so fallet das falsche hin/ vnnnd verfaulet/ vnnnd resoluiert sich/ also wirdt der Natur geholffen.

Die andere schäden so in die Schenckel kommen/ wie gesagt ist/ die weiß sein / vnd braun/ mit einer gilbe/ auch braun allein/ auch schwarzlicht / gehört vnder den 4. grad Viciatoris Constricti, vnnnd in der Figur/vnd daselbst muß mans hinsetzen/ dann sie sein gar giftig.

### Das VI. Capitel.

**S**ieher gehören auch die Schäden der Pestilenz/ doch haben sie auch ein andere Bewegnuß vnd motum cœli, daß die Materia ist kalt vnd feuchte in falscheit/ dempffiger art vnd substanz/ aber die inflammatio oder anzündung ist von einer hitzigen truckene des luffts/ fälschlich zusammen gesetzt / durch einen falschen



Von offenen schäden. 57

falschen hitzigen schwebelischen Geist in dem dritten grad vollkommen des Viciatoris dissoluti, vnd so eine Coniunction geschicht der Sonnen vndmonds in auffgehn der Sonnen/ ascendente Sole, in dem Steinbock/ so mögen ihr weissagen/ das in solchem Königreich / darinnen oder darüber Steinbock regiert/ auch das Dorff vnd die Statt/ allezeit in seiner Triplicitet/ ein grosser Mord/ vnnnd Pestilenz kompt / wie das nach der rechnung der Simpathia klärlich erfunden wirt/ vnd ist kein falsches darin/ Dann die Materia der Pestilenz ist auß dem Steinbock/ der Farben vnd art des edlen Orientischen Jaspidis auffgelöst/ grob in ihrer Substanz/ vnd wirt durch entzündung des Luffts fälschlich entzündet vnnnd inflammiert/ welche entzündung die grosse penetration gibt/ das die Temperatio feucht vnd warm ist/ mit einem falschen Geist / des mittels des Viciatoris resoluti, im anfang des andern grads. Das sie aber von den Arterien auffge-

D v nommen

nomien werden / geschicht vrsachen hal-  
 ben / weil das Sals feucht / vnd wermet  
 in der ersten Substanz / welche war feucht  
 vnd warm / aber iezund auffgelöst durch  
 den verlassenen Geist des Stiers / in der  
 letzten Materi des Jaspidis / ensündet  
 aber / oder Inflammirt durch den ge-  
 gensehein des Widers / welcher keine  
 materien nicht hat / sondern eine falsche  
 auffgenommen auß dem Jaspide vnd  
 Steinbock / welches seine Contrarietet  
 helt / vnd darumb solche giftige feuch-  
 tigkeit geschwind zu dem Herzen gehet /  
 vnd Choleram exultam aufflöset / das  
 geschicht von den Arterien / Dann sie die  
 gleiche Materi der Substanz salziger art  
 gern annimpt. Also ist die Pestilenz töd-  
 licher von oben herab / der Materien hal-  
 ben / welche grün / Capricornisch / vñ Ja-  
 spidis ist / einer falschen Substanz arte-  
 riarum , gleich wie da ist der Lett vnder  
 dem Schnee in hohen Schneebergen  
 gegen der Mittags Sonnen / zwischen  
 1. vnd 5. vhren / nach Mittag / in der zeit  
 des

Von offenen Schäden. 59

des Sommers/ vnd diß ist die Pestilenz  
vnd nichts anders.

Der geist der Pestilenz ist gelb/ grün-  
lecht/ eine Gallfeuchtigkeit/ doch solcher  
substanz vnd form.

Zu solcher Arzney muß man brauchen  
trucken vnnnd kalt / feucht vnnnd warm/  
oder hitzig vnnnd trucken in reinem Geist  
vnnnd Substanz/ wie das gelert wirdt in  
dem Buch der Materien Harmoniæ,  
Sympathiæ, Discrasiæ, oder Antipathiæ.

Das VII. Capitel.

**G**zeher gehört Vua inuersa. so eis-  
nem ein rohter strich von der Pes-  
tilenz kompt/ vnd hinauff zu dem  
Leib auß den Armen dringt/ mit einem  
rohten strich/ so nimme diese Beer grün/  
stos sie / daß sie safftig werden wie ein  
Pflasterlein/ schlag sie auff die Handt zu  
allerenufferst / da der rote strich anfahet/  
das zeucht alles Giffte vnd Brand wider  
zuruck hinaus/ dorffen nicht allein ein  
Beerlin nemen/ sondern auch etlich zu-  
mal/

mal/ vnd das alle 2. oder 3. stunden frisch  
 auffgeschlagen/ wañ sie schon nicht mehr  
 reden können/ den todten schweiß haben/  
 so hilfft ihnen diß widerumb ohne allen  
 zweiffel. Wann aber solcher roter strich  
 nicht vorhanden ist/ sondern allein ihme  
 gar ängstig/ befindet das nur zum herzen  
 zu dringt/ so nimb diese Latweg mit die-  
 sem Tranck. Den Tranck mach also:  
 Nimb des besten Weinefigs anderthalb  
 Seidle/ Schelkraut vnd wurzel so frisch  
 vnd grün anderthalb handvol/ mische es  
 vndereinander / laß es einsieden/ zuge-  
 deckt vber das halb/ darnach mache diese  
 Latweg / Darzu nimb Euforbi Gum-  
 mi 6. quint/ Mastix 3. quint/ Schafgar-  
 benblüet ein halbe kleine handvol/ Saf-  
 farn 5 grän oder 6. doch vber 7 nicht/  
 puluer sie alle klein / vermisches vnder-  
 einander / biß es eine safftige Latweg  
 wirdt/ von dieser Latwegen/ gibe einem  
 ein halbes quintlin/ der starck von natur  
 vnd Leib ist/ mit deß vorigen trancks ein  
 halbes Becherlein voll/ laß ihn darauff  
 schwiß

Von offnen Schäden. 61

schwizen/ oder nicht/ es gilt gleich/ er stir-  
bet auch gewislich nicht / Vnd das mö-  
get ihr etlichmal thun/ es tödtet alles gifte  
bey dem Menschen.

Aber vnder diesem/ so ihr diß brauchet/  
so macht ein Pflaster/ welches des giffes  
feuchte vnd Substanz hat/ schlägt es in  
auff wohin ihr wolt/ es zeucht das Giffe  
daselbst hin/ Doch macht das also: Neme  
frisch eingemachte Feigen/ welche vnder  
den Schützen gehören/ der Melancoli-  
schen Schwebelischen arth halben vnnnd  
Substanz / darumb sie vbersich dempf-  
fen / aber eine Giffteige Schwebelische  
arth des Berils sie in sich haben / vmb  
der Signatur willen/ auch der dämpffis-  
gen substanz halben/ 4. lot/ vnd Judenz-  
kirschenamen/welche die feucht mit saltz  
an sich haben / auch 4. lot / stoffet sie vns  
dereinander / daß es zu einem Pflaster  
werde/ schlagts hin wo ihr wollt/ es zeuche  
das Gifftig an sich/ dann diese beyde stuck  
von Natur vnd Substanz durch die Si-  
gnatur des Jaspidis vnnnd Berils rechte  
Corre-

Correspondente halten/ Darumb so ziehen sie die Pestilenz an sich/ vnd vergiffen die Haut daselbst/ bis alles ledig vnd aufffaulen muß. Diesen Schaden heil allein mit Quittenwurzel rinden abschwen gepulvert/ darein gezettelt/ bis es gar heil ist.

So aber ein grobes Melancholisch Blut in ihm bliebe/ so gib ihm diß pulver/ damit daß gift gelöscht wirt/ doch mache das also: Nimb Schlangennordkrautwurzel 6. lot. Kreuzwurzel 4. loth/ Scabiosen mit den knöpffichte braunen blumen 2. loth. Diese Scabiosen verzert die giftige Gallenkündung wider zurück in dritten grad/ die Kreuzwurzel mache reyn vnd subtil das Blut von der Leber/ durch sein rein Sanguinisch subtiles saltz schwefel in der sympathia des dritten grads. Das Sopheisch Schlangennordkrautwurzel aber/ leschet die Arterien/ vnd Herzgäßer/ durch sein rein Phlegmatisch Saltz/ in der erhöhung des dritten grads/ im auffgang vnd höchster

Eleva

Elevation des Topasy / gleich wie die vorgesezte Arzney / es kan nichts höhers zu diesen dingen sein / man wolte dann für den Mastix in der Latwergen Scordion nemmen / welches der Poley gleich sihet / eine handvoll / So muß man der Schafgarbenblumen ein handvoll nemmen / des Saffrangar nichts. Dise seind die höchste Grad / die darinnen gesetzt mögen werden.

Die Inflammation der Pestilenz ist nichts anders / dann wie ein giftiger Marchasit / auch können schäden auß solcher Pestilenzischer art / vnd flüsse / welche vnder den Capricornum gehören / vnd seind eines bleichen tödlichen Orientischen Zaspidis Farben / gehören vnder den Viciatorem resolutum, in dem anfang des dritten grads der Salziggen feuchtigkeit / vnd Melancholia, gleich wie ihr Churf. G. jes die Fraw Ponigkaw haben / allein das dieser schad giftig ist / gehört vnder die Melancholische schäden / Darumb dort mehr von ihm gesage

sage

Das ander Buch/  
sagt wirdt werden/ ist gefalshener wässeriger gifftiger feuchtigkeit/ von einer falschen gegenwertigen hitze des Widders aufgelöst.

Das VIII. Capitel.

**W** Eiter/ so gibt die Gall auch grosse gifftige böse Schäden/ so sie einem Menschen überschießt/ vnd die Leber verstopfft/ dardurch dann die natürliche Feuchtigkeit dem Blut genommen wirdt/ vnd wirdt also grob durch die Galenische Doctores nicht recht Curiert/ Sondern wehret lange zeit/ vnd machet das Blut grob/ die Arterien mit irer lufft dick/ dardurch dann eine Resolution darzuschlägt / vnd eine vergiffte Feuchtigkeit/ welche durch die Verstopffung der Leber Blödigkeit vnd Schwachheit nicht kan verzehrt werden/ sonder sißet von tag zu tag hinab in die Füße / wirdt auß der grobheit des Bluts/ ein wässerige feuchtigkeit / ein falsches schwebelisch Salz darauß / welches ein groß jucken vndn beissen



Von offenen Schäden. 65

beissen macht den schenckeln vnd Füßten/  
dardurch sie dann bewegt zufragen/vnd so  
bald die Schenckel offen sein/so heilen sie  
nicht mehr zu/dann der Fluß schlägt mit  
dem groben schwefelischen Saltz darzu/  
welches auch in den Franzosen geschicht/  
denn es des Giffis arth ist/ allein daß das  
Französisch Giffte ein grad höher in den  
Neruis ist. Diese Schäden zuheilen/so  
muß man die verstopffung der Leber vnd  
Blutadern öffnen/vnd darnach das Blut  
subtil machen/vñ den Fluß außtrüeknen.

Welcher da stehet in dem dritten grad  
Aduktoris, biß auff den vierten grad: Als  
dann werden sie wasserfüchtig.

Die verstopffung thu also auff/ Nimb  
Zudenkirschen 3. lot/ Eisenkraut/ weissen  
Andorn/ jedes ein handvol/ Wasser vnd  
Weindrithalb Kandel/ laß es wol halber  
einsieden / darvon trinckte täglich fünff  
starcker trinck/ vnd das 16. tage/ So es  
auf ist so sol er ein newes machen/ dar-  
nach schreibe ihm ein Diet für/ damit der  
Fluß abgewentet werde im Leibe / vñnd

P das

das Blut subtil vnd rein gemacht/ die Leber wider auff ihre alte statt bracht / vnnnd der Arterien lufft gar subtil vnd rein geloschen / auch die Gall auß dem Haupt gar abkert vnd verzert/ das sie keine resolution mehr mache / das geschicht durch solchen Tranck vnd Pulver/ als wann jhr nembt Scabiosenkrautwurzels / das die braunen knöpffichten Blumen hat / also grün 6. loht/ weissen Andorn ein handtvol / Braunwurzelskraut auch ein handtvol / Sarsaparillawurzels / oder Steinattichwurzels ein viertheil eines pfunds / oder 8. lot / Wein 4. kandel / Braunwurzelskrautwasser ein kandel / laß es mit einander sieden / biß es halb eingesotten / davon trinck er täglich ein trunck fünff oder sechs. Ober den schaden thue nichts / allein diß Pflaster / Darzu nimb frische junge Eyerdottern 3. wol durch einander geschlagen / Terpentin 2. Löffel vol / zu vor auß dem Wasser wol geschlagen / streich es durch ein Tuch / vnd schlag es vber den schaden / wie man andere Pflaster

ster

ster braucht / Aber den Trancß muß man  
trinken / vnd das Puluer essen in aller  
Speiß / bis er gar gesund ist / vnd etwas  
lenger als ein wochen 4. oder 5. vnd sich  
wol halten mit essen vnd trincken. Das  
Pulver mach also: Nim Scabiosenwurz  
mit den Knöpffigenblumen 6 lot / Brauns  
wurz 4 lot / wild Salbeyblüet / Oder  
menig / Hirschzungenkraut / jedes zwo  
handvol / mache diese stück zu Puluer /  
Zaronwurz 2. loth / die Corrigirt ist.

Diese ding pulverier alle klein / vermis  
sche sie durch einander / vnd esse die in al  
ler Speiß / vor vnd nach dem Essen / jedes  
mal ein quint. Der erste sasz diß Puluers /  
als 6. 4. 2. zeucht den Gallfluß auß al  
len Geäder herauß / 4. macht den Geist  
der Arterien subtil / vnd leset sie / 2.  
macht ein neuen Blutgeist. Das ander  
eines jeden 2. handvol / nimpt hinweg  
alles gift der Gallen / vnd heilet alle ver  
sehrung von der Gallen / ist fürtrefflich  
zu solchen dingen / dann die falsche Gall  
distilliert vom Kopff herab / mit einer ent

P ij hün

kündten wässerigen feuchtigkeit/welches die Gall auff löst/ in hirnflam/ fallt also mit der Gallen vermischet vnnnd vergiffet herab auff die Lunge / vnnnd wo er hin fällt/ blähet sich die Lung darfür/ vnd wirt aller wie ein dürzer Grind oder scheben/ vnd folget die darnach. Dis leseth vnnnd verheilet dis Puluer durch 2. Also ist die ganze Cura perfect/ vnnnd der Schaden wirt heyl.

## Das IX. Capitel.

**S**D aber der Leib zu voller feuchtigkeit were von der Gall/ so soll man ihn dan Purgieren nach dem ersten Tranc/ mit einer Gall purgation/ welche da die Natur leseth / vnd die Lunge sterckt/ vnd das Blut leseth/ Solche Purgation ist diese/ Nimb Holderbeerkern ein lot/ Rosenwurzel zwey quint/ Eisenkraut ein quint. Köndte man weisse Rebarbara haben für das Eisenkraut/ ein quint/ so were es noch besser. Dise stuck mach zu Puluer/ daruon gib im drey Abend/ vnd 3. morgen nacheinander/ alle mal

semal zu der Nacht/ den dritten theil we-  
niger dan zu dem morgen/auff gebähtem  
Brot/ zuvor in Wein genest/ als gegen  
der Nacht/ 3 stunden nach dem essen oder  
vier/ 2. Scrupel geben/ vnnnd darauff  
schlaffen gangen. Des morgens j. quine  
5. stunden vor dem essen/ doch vber dritta  
halb stund soll er ein vngesalkenes Brül  
trincken/ von Erbis suppen/ oder sonst  
eines/ doch von keinem Rindfleisch/ dan  
es Melancholisch/ vnd voller Sals ist.  
In solchen Schäden ist die Leber auch  
vergiftt/ welches auch Curiert vnnnd ge-  
heylt wirt durch den vorigen Tranck vnd  
Pulver. Es kommen auch von der Gall/  
so sie enzündt wirt/ vnnnd hinauff steigt  
zu dem Gehirn/ vnd enzündt dasselbige  
gegen der Nasen zu/ verstopfft dieselbig/  
auch den dampff des Munds/ des Ma-  
gens/ auch durch enzündung der Leber/  
durch die hol Ader vnd Blut hintringet/  
in die Arterien/ treibet sie herfür in die  
Stirne/auff die Nase/enzündt dieselbige/  
vnd darzu hilfft als dann der gifttig bren-

P iij nende

nent dampff des Magenmunds/ Diese  
 Leuth befinden den Brandt für vnd für  
 in der nacht/ vnd sonderlich von dem 22.  
 tag des Wassermanns / oder Jenners/  
 vnnnd wirdt je lenger je hitziger/ biß ihme  
 die Nas gar offen wirt/ müssen also ster-  
 ben/ wehret aber lange Jahr. Solche  
 Kranckheiten seind gar gemein im Elßaß/  
 vnd gegen Burgundt : Wie da gewesen  
 ist Claus Moch zu Rappersweil / Hans  
 Mannestech zu Pebele in der Herrschafft  
 Reichenweyher / vnd andern viel derglei-  
 chen zwischen Basel vnnnd Straßburg.  
 Diesen muß man also helffen / dann sie  
 alle rothfrewig vmb die Nasen werden/  
 mit kleinen weissen Bläterlin / wie Per-  
 len/ als wolten sie auffezig werden. Dies-  
 sen mache ein solchen Tranck / Darzu  
 vmb Scabiosenwurzel mit den Knöpf-  
 genblumen 6. loth / gemein Salberblüet  
 eine handtvöl / Hünerdarmkraut mit  
 den blawen oder weissen Blumen gedör-  
 ret ein halbe handtvöl / frisch Brunn-  
 wasser vier Kandel/ laß es auffß halb ein-  
 siedent/

sieden/ davon trincke er/ vnd anders nit/  
 mag vber Tisch einē geringen Wein trin-  
 cken/ darinnen Salbeyblüet/ Stieffmü-  
 terleinblumen/vñ Scabiosawurzelblüet/  
 jedes ein halbe handvol/ in ein tüchlein  
 luct gebunden/ vnd also darinnen liegen  
 lassen 3. tag vnd nacht/ darnach frische  
 Kräuter nehmen/ vnd dis Pulver in allen  
 speisen essen. Darzu nim Hirschzungen-  
 kraut drey handvoll/ Salbeyblüet eine  
 handvol/ Gamanderlinblüet 2. hand-  
 vol/ Scabiosenwurzel 6. lot/ mache diese  
 stuck zu Pulver/ vnd esse es in der ersten  
 vnd letzten Speise abents vnd morgens/  
 vnd dasselbe für vnd für/ bis er gesunde  
 ist vnd noch darüber/ auch so muß er die  
 Scabiosawurzel grün klein hacken/ wie  
 ein Pulver/ vnd deren alle morgen nüch-  
 tern essen/ mit 3. weich gebratenen Eyer-  
 dottern/ doch das dz weiß alles gar sauber  
 davon hinweg gethan sey/ Solche soll er  
 auch nehmen wann er schlaffen geht.

Ist der schaden offen/ so zettele dieses  
 Pulver darein/ das mach also: Nim Salz

P iij bez

72 Das ander Buch/  
beywurzeln / Scabiosenwurzeln / jedes 3.  
loht / Sophienkraut 3. handvol / für das  
Sophienkraut mag man Kreuzwurzeln  
kraut nemen / vnd also brauchen / wie ge-  
sagt ist / biß er von grund auß heilet.

Diser schad stehet in dem dritten grad  
des Cineratoris, wann es offen ist / sonst  
im andern grad Cineratoris, kompt von  
einem giftigen dempffigen Gall flusß.

#### Das X. Capitel.

**E**S kommen auch grosse schäden in  
das Angesicht vnd sonderlich vorn  
in die Nasen / durch einen giftigen  
Gall dampff / welcher durch den Magen  
mund hinauff steigt / vnd dempfft in das  
Haupt / machet ein Erisipelas / oder dür-  
re Rosen / wie man sie heist / wie zuvor das  
von geredt ist. Dese Kranckheit wirt ver-  
ursacht von einem wässerigen dempffi-  
gen blut / darbey allezeit ein Gallflusß ist /  
davon hie zureden / was die Erisipelas  
antrifft oder Rosen / wie mans heist / ist  
zuvor gesagt in dem Tractat der Blut-  
schäden.



schäden. Hie aber reden wir allein von dem Gallflus/ welcher zu dempffig vnnnd heiß giftig wirdt. So dringet er zum nechsten durch das Blut der dreyen Arterien/ oder Adern/ durch die Transpiration in das Geäder / vnd forthin in die kroskeln der Nasen/ vnd setzt sich gar herfür in die spize der Nasen/ brennet sie auß/ macht sie schrönnig / als dann schlagen blatern darzu/ weiß vnd roht/ wirdt also ein grosser schad darauß/ frist die Nas vnnnd Maul hinweg mit der zeit/ auch so geht vnderweilen eine verletzung zuvor/ durch ein Fall oder streich/ oder sonst dergleichen/ vnd schlegt darnach erstlich der Gallflus darzu/ gibt gefährliche tödtliche Schäden.

Ist auch zu mercken / das diese Personen alle Gallflüsig sein ( doch muß man mercken / das dieser Gallflus eine falsche Scorpionische feuchte hat/ vnd ein farb wie ein Orientischer Hyacingt / welcher im flus gemerckt wirt ) denen muß man also helffen / wie den vorigen / Allein in

P v den

den schaden muß man diß Pulver zettlen.  
 Das mach also: Nimb Camepitis kraut  
 vnd Wurzel 3. theil/ Stieffmütterlin-  
 blumen 2. theil/ Sophienkraut ein theil/  
 mache sie zu Pulver/ vnnnd zettel es dar-  
 rein/ vnd esse das in allen Imbissen oder  
 Nachtmaln/ zu der ersten vnd letzten speiß  
 diß Pulvers/ Das mach also: Nimb rote  
 Myrren ein theil/ Scabiosenwurzel 2.  
 theil/ Stieffmütterleinblumen 3. theil/  
 Mache ein Pulver darauß / dauon esse/  
 je mehr je besser / vnd trincke disen tranck/  
 Darzu nim andershalb handvol Stieff-  
 mütterlinblumen/ Scabiosenwurzel blu-  
 men ein handvol/ Myrren 3. quint/ roten  
 firnigen Wein vnd wasser/ jedes 2. kan-  
 del/ laß halb einsieden/ diß trinck man  
 genugsam / biß er heil ist.

### Das 1X. Capitel.

**E**S kömen auch vnderweilen kleine  
 vergiffte schäden / wie ein geflechte  
 vnder die Augen (welche man Fi-  
 sckeln nennet) seind köhtlich/ mit einer  
 braun

braun vnnnd gelbe / haben diesen falschen  
 geist promotore welcher sie verursacht/  
 halten disen grad des Scorpions Geist/  
 in Phlegmatischen örtern / durch einen  
 vergiftten falschen schmaragdischen lufft  
 des Widders / Gehören vnder den an-  
 sang des dritten Grads des Adulitoris.  
 Wiewol ein grob Scorpionisch Salz  
 vom Capricorno darzu schlägt / dar-  
 durch er geöffnet wirt / vnnnd möcht ders  
 halben wol gesezet werden vnder die  
 Melancholische schäden Viciatoris re-  
 soluti. Seind gering zubeilen / vnd euf-  
 serlich / darff nichts eingeben / dann sie  
 werden mehr von aussen verursacht /  
 durch die falsche Bewegung Veneris.  
 dann von innen heraus. Dann in der  
 wärme des Menschen / schon der Arterien  
 olcula offen / nehmen solchen Gifftigen  
 lufft in sich / welcher nachmals auffbricht /  
 vnd solchen schaden erweckt. Wirt also  
 geheylet : Nimb Camepitis des kleinen/  
 das in den feuchten Wysen wächst / pul-  
 vere vnd zettele es hinein / des tags zwey-  
 mal /

mahl/ es vertheilets geschwind/ vnd ohne  
 allen schaden vnd nachtheil/ ist eine war-  
 hafftige Cura/ Dergleichen thut auch Fe-  
 derkraut / gute frische Myrren / gleicher  
 gestalt gebrauchet / aber das Camepidis  
 gehet für / darumb das es Neruorum  
 spiritum in sich hat / solche Substanz  
 welche von Natur vnd Art/ gleichwie die  
 Krebsaugenstein / in dem höchsten grad  
 des reynen Geistes vnd Materien des  
 Geäders vnd Hirnfeuchtigkeit sein/ wel-  
 ches die hochlöbliche Göttliche Kunst der  
 Signatur hochlöblich anzeigt/ mit einer  
 weissen Blawe / aber die weisse geht für/  
 vnd ist der rechten Natur vnd Substanz.  
 Das ander hochlöblich in der feucht vnd  
 wärme / welches die Blawe anzeigt/ das  
 der Geist Jovis in dem ersten Viertel  
 desmonds im Krebs anzeigt/ Dann wo  
 die Blawe ist/ da ist der hochlöbliche geist  
 Jovis des Saphiers nicht weit/ vnd je  
 blawer dieselben sein/ je dienstlicher sie hie  
 her / doch das die weisse fürtrefflich sey/  
 Also soll es zugehen/ vnd obseruiert wer-  
 den/

den/ in alten Schäden/ das die Substanz  
vnd form in einem grad sey/ vnd vber ein  
komme. Die Myrre dienet auch hierzu/  
vmb der Arterien willen/ dardurch dieser  
Schad auß dem falschen motu Veneris  
geboren ist/ dergleichen auch Federkraut/  
Sophtienkraut.

Die Blutigen Geschwer am Leibe/ sie  
seyen wo sie wollen/ welche man Ansen  
nennet/ kommen von erkündtem Blut/  
durch ein Scorpionisch Gift/ Inflama  
miert durch den falschen vnd gegenwer  
tigen Geist des Widers in den musculo  
sis partibus, kommen auch mehr von auß  
sen/ dann innerlich/ von bösem Blut/ in  
vberflüssiger wässeriger Feuchtigkeit/ ge  
hören deshalben vnder den Adustorem  
des andern Grads/ aber der Geist wirdt  
Cholerisch/ durch die verfüllung/ welche  
die Erkündung erweckt/ ist nicht schäd  
lich/ allein das man sie auffweicht/ durch  
eine gebratene Zwibel / mit einem dün  
nen weissen Specklein dünn vberzogen/  
vnd warm auffgelegt/ das sie weidlich  
auff

Das ander Buch/  
auff brechen / vnnnd die böse faule materia  
aller herauß geflossen ist / so heylet man  
sie mit Guttheinrichs oder Braunwur-  
zel bletter / natürlich vnd gründlich.

Das XII. Capitel.

**E**S kommen auch alte Schäden auß  
den Donnerstreichen / so einem ein  
Ziegel / Holz oder Stein / von dem  
Strahl bewegt / auff den Kopff fallt / vnd  
da einem solcher Schade würde gehenle  
oder nicht / so bricht er wider auff / wurde  
ein grosser fressender wüster Schade dar-  
auß. Disem mustu also helffen: Dz man  
den Brant des Strahls außziehe / welcher  
vnder den Steinbock gehört / mit der ma-  
terien / aber der Strahl vnder dem Lewen /  
frist hefftig vmb sich / wie der Wolff / ist  
braunrot allenthalben / wirfft die Barte-  
ten nicht vbersich wie der Krebs / schme-  
cket trefflich vbel / wie ein faules wümmis-  
ges Kühfleisch. Den Brandt muß man  
also nemen: Das Simplex, dardurch es  
geschicht natürlich im Wider im höch-  
sten

sten grad/ als da ist Attechwasser / Holz  
 derwasser / von blettern / vnnnd nicht von  
 der blüet / damit täglich aufgewaschen/  
 vnd die bletter safftig darauß geschlagen/  
 geheylt muß er werden durch das Feder-  
 krautpulver / doch das man diese Bletter  
 allezeit darüber schlage / Holder vnd At-  
 tich zum tag 2. mal gereimget / vnnnd das  
 Federkrautpulver darein geztelt / auch  
 Fiechtenbaumen / Rosen in dem Scor-  
 pion colligiert / biß er ganz vnd gar heyl  
 ist. Diser schädē hab ich zwen vnderhan-  
 den gehabt / vnnnd Curiert/ ein gar alte  
 Fraw bey der alten Marggrävin zu Bas-  
 den / zu Sulzburg im Preißgaw / vnnnd  
 einem Mann von Nürnberg zu Costniz/  
 seind böse schäden zu heilen. Es kommen  
 auch böse giftige schäden von der Gall/  
 wañ sie hinauß dämpff ins Haupt/ vnd  
 verfault den Kopff/ vnd wirfft geschwulst  
 auff hinden gegen dem Genick/ vnd ver-  
 mischt sich alsdann ein gesaltene feuch-  
 tigkeit darzu/ mit wachsendem Monden/  
 bricht auff/ vnd rinnet hefftig hinden am  
 genick/

genick / im abnemē desmonds vertruck-  
 net es etwas / aber so bald der Mond wi-  
 derumb New ist / so gehts wider auff / ist  
 Phlegmatischer Substanz / hat ein Vi-  
 cerialsals in sich / dardurch es offen gefres-  
 sen wirdt / durch die falsche Bewegnuß  
 desmonds / mit einer Engündung des  
 Gallfluß / ist gar gering zu heilen. Sol-  
 chen Schaden hab ich 9. Jar gehabt / ge-  
 höret der Fluß vnder den Scorpion / die  
 Bewegung vnder den Mond / der falsche  
 Geist vnder den Wider / doch falsch in  
 der Substanz vnd Geist / der Viciator re-  
 solutus herrschet vber ihn. Darzu nembt  
 gemeinen gelben schwefel 3. lot / Schleen  
 heckenwurzelrinden / die in Steinichen  
 örtern stehen / 2. lot. Diese zwey stück pul-  
 vere zu reinem Mähl / wie ein staub / darzu  
 thue schmals von einem jungen schwein /  
 das bey der Milch verschnitten sey / das  
 genug sey zu diesem Pulver / Temperier es  
 wol durch einander / darnach streich es  
 auff / vnd salbe den Schaden auch damit  
 4. oder 5. mahl / es heilet von grundt auß /  
 vnd



Von offenen Schäden. 82

vnd gib jm disen Trancz zu trincken/ das  
mit man den Gallfluß von der Lungen  
vnd Haupte lecht vnd hinweg bringe/ daß  
er sonst hinauff auff die Lungen sesse/  
vnd verlegt einem den Athem / welches  
gemeinlich geschicht. Den trancz mach  
also: Nimm Scabiosen wurzel 6. lot / grü-  
nen vnd frischen Kazenschwanzkraut  
ein ganze Handvol/ Ehrenpreis kraut  
ein halbe Handvol/ weissen Rheinwein  
vnd Wasser/ jedes 2. guter kandel / siede  
es halb ein/ des trinck täglich 3. oder vier  
Becher vol / 10. oder 12. Tag nach ein-  
ander / wann es auß ist / mach ein frisches/  
so wirdes gerecht. Diese Schäden seind  
weißlecht / fließen grausam wie ein feiß-  
ter Grind/ verbachen die Haar vnd Haut  
all zusammen / beisset grausam / ist süß vnd  
feucht.

Das XIII. Capitel.

**E**S seind auch andere Schäden hieher  
gehörig / von einem groben schwe-  
belischen menstruo, vnd kommen  
gemeinlich solche Naturen von den Weis-  
bern

D

bern

bern von Mutterleib / auch vnderweilen  
 von den Ammen / die die Kinder säugen /  
 daß solcher Gallfluß auß dem groben  
 Menstruo in die Milch sich gesellet /  
 vnnnd also von den Kindern getruncken /  
 vnnnd dardurch fahren sie voller Blatern  
 am ganken Leib / schier wie die Kindsblas-  
 tern / die Pocken genandt / allein das sie  
 größer sein / gelblichte graw / wie ein abge-  
 storbener Berill / vnd zwischen den blas-  
 tern wachsen den Kindern vberal weisse  
 gelblichte Haar / vnnnd die zimlich lang /  
 sterben am 9. oder 11. tag / vnd sonderlich  
 die Buben / diesen wirt auch die Haut so  
 gelb als ein fimirt Gold / oder Marchasit.  
 Denen hilff also : Nimb Scabiosenwur-  
 zel vnd Kraut 2. handvol / geringen weis-  
 sen alten Wein / vnd frisch Brunnwasser  
 jedes 2. kandel / Fenchelsamen j. lot / laß  
 das halb einsieden / davon trinck die Am-  
 me / vnd anders nichts // so diß auß ist / so  
 mache ein frisches / biß das Kind Athem  
 genug hat / vnd gesund wirt. Dise franck-  
 heit gehört vnder den Cineratorem im  
 andern

Von offnen Schäden. 83

andern grad/ mit einer Resolution des Gold dampffs/ so wirt jnen gewislich geholffen/ fallen auch zuletzt auß/ vñ werden löcher darauß/ vñ böse breñende schäden.

Es ist noch ein geschlecht solcher Feuchtigkeiten/ aber seine Substanz ist von einem scharpffen Melancholischen durchfressenden giftigen Sals/ darumb dieser schad nicht hieher gehört/ sonder vilmehr vnder den Viciatorem dissoltum, inn den dritten grad/ kompt von subtilem/ durchfressigem schweblichem Sals/ auß dem monstroo, hat seine Natur vnd artz des giftigen Schwebels/ in ein Subtil giftiges sals transmutiert. Dise schäden kommen den halb jährigen Kindern/ oder anderthhalb jährigen/ auch alten Leuthen/ inn welchen sie gar tödtlich sein/ gleich wie inn den jungen/ auch gewinnen sie kleine weiß grawlichte Bläterlin/ nach dem Ruckgrad hinauff/ vñnd wann die Bläterlin auffgehen/ so seind löcher darinnen bis auff das Marck/ die seind brauner tuncelroter Farben/ vnd so bald

Q ij sie

Das ander Buch/  
sie durch gehen inn das Marck/ so ist der  
Mensch Todt.

Diese zwei Kranckheiten seind drinnen  
im Land zu Oesterreich gar gemein/ vnd  
sind einem Edelman/ Martin Kenckher  
genant/ 9. Kinder also gestorben. Diesem  
Kranck gar geschwind geholffen werden/ dar-  
zu nimmb Scabiosenwurzel grün 6. loth/  
Kreuzwurzel 2. lot/ Gamanderlinblüet  
ein handvol/ weissen Wein vnnnd Wasser  
2. fandel vol jedes/ gibbs der Ammen zu  
trincken vnd anders gar nichts. Seind  
die Kinder aber groß/ das sie entwehnet  
sein/ So siedes in einer Milch/ vnd gibbs  
ihnen zutrinken/ den alten Leuthen wie  
der Ammen / man muß eigentlich ach-  
tung darauff haben/ dann sonst weiß  
niemand was ihnen ist/ vnd etliche haben  
auch Haar auff dem Ruckgrad/ neben die-  
sem löchlein vnd sind alle Tödlich/ vnd  
sonderlich in den alten vnnnd jungen Leu-  
then/ vnd streich ihnen das Sälblin vmb  
den Schaden/ das mach also: Nimb weis-  
sen Zucker/ Scorpiouöl/ Jungfrawho-  
nig/

Von offenen Schäden. 85

nig / jedes 3. Löffelvol / thu sie in ein saubers Pfännlein / rühr es durch einander auff dem Fewr / das ein schwarz gilbleche Sälblein drauß werde / so der Zucker nit rein ist so nimb Braunwursel anderthalben Löffel vol / klein gepulvert darzu / vnd den Zucker thu hinweg / zeucht alle Giftigkeit des Sals heraus / vnnnd heilet den Schaden wider. Dis sälblein tödtet vnd heilet einen jeden Wolff / mit dem Federkrautpulver / daß es kan nichts temperirts sein / als die Sälblin / gegen die Melancholische gesalsene Schäden. Das Honig mit seiner subtilitet / vnd subtilem Geist des Salkes / durchtringet alle Arterien vnd musculosas partes: Dann der gesalsene Geist des Honigs durchtringet vnd löset auff / vnd machet zu wasser / das allerreinste Gold / das die Menschliche vernunft haben kan. Das Scorpionöl durchtringet mit seiner Subtilitet allen Giff / darzu es daß geeigentschafft ist mit seinem mildten Geist der Feuchtigkeit. Die Braunwursel / durch ihren Jouini-

D iij sehen

schen Geist/ durch die hochlöbliche Kunst  
 der Signatur/ zu den neruosis partibus,  
 öffnet alle geng der Nerven/ vnd Blut-  
 adern/ auch die arterias. durch die Tem-  
 peratur. Vnd in dem obgesetzten Tranc-  
 ist gleich solche portion/ Als die Creuz-  
 wurzel/ ist zu gleich in der substanz/ natur  
 vnd arch/ wie Braunwurz/ fehlet am  
 grad nicht mehr dann ein halbes der sub-  
 tilitet/ welches durch das Honig vnd öl zu  
 geben wirt. Der Spiritus aber der Scabi-  
 osa ist ganz vnd gar durchtringende/  
 mit einem aller subtilsten Sals/ durchge-  
 hende substanz wie das Honig/ aber et-  
 was reiner/ das Honig ist für sich selbst  
 nit solches/ sonder von den vier Elemen-  
 tischen Blumensafft zusammen getragen/  
 vnd gesezt/ vnd wird dasselbig erst in der  
 zusammenbringung/ dardurch/ das die blum-  
 en in der Simpathia, da noch keine ma-  
 turitet ist/ vnd die Geister der vier Ele-  
 mentischen Blumen/ noch subtil vnd zart  
 sein/ vnd daruñ der Geist des Sals/ daß  
 fundament aller ding ist/ so gibt es die na-  
 tur

tur von sich selbs / daß das Honig in die Arterien gehöret / die süßigkeit aber des Honigs kompt von der Temperirten natur / vnnnd der vnzeitigkeit der Blumen. Das Gamanterlin kraut aber / das ist einer salzigen Substanz / vnnnd gar subtil / hat ein Geist des Stiers / Feucht vnd warm von dem Zwilling / dann seine kochung ist zu früe in Frülings zeit / Drumb es alle zeitlige Salzflüß aufflöset / vnnnd vnder sich treibet / seiner gesalzenen Substanz halben / Dann es gar keinen geschmack / darauff man mercken könds / daß es gesalzener Substanz sein muß / vnd der Lieblichkeit des Gesichts halben / zu dem Geist Jovis vnder den Zwilling inn die dritte Materi gesezt / in die Farb des Sardinus. Aber die hochlöliche kunst der Signatur / sagt also darvon / das die grawe weißlichte Substanz weit reichlich / im angriff die verstopffung des geschmacks / das es keinen geschmack hat / oder gar wenig / daß der Geist den Stier verstopfft hat / daß das Gamanderkraut.

**D** iij vnterm

vnterm Geist des salzes sey/ Die blawe/  
 spricht sie / gehören vnder den mildten  
 Orientischen Geist Jovis vnd der Wa-  
 ge/darauf daß seine erste materia ist kom-  
 men nemlich im halbe Frülینگ / zwischen  
 6. vnd der Morgenstunden/ dann die  
 Blawe gehöret vnder die ander Materi  
 des Orientischen Geists/ nemlich vnder  
 den Saphir/ vnd auch diese Natur durch  
 dringet sie / vnd öffnet die poros, Aber/  
 spricht die Signatur / eine kleine weisse  
 zeucht sie in disen Blumen / welche zu den  
 Juncturen vnd Nerven/ Also wirdt das  
 Salz vmb der Materi willen des Ori-  
 ents in der Subtilitet constituirt/ vnd  
 seine grobheit durch die Feuchte Materi/  
 welche die weisse gibt / gewaschen/ dar-  
 durch kein Schwebel noch Schwebelis-  
 sche art zu dem salz schlagen können/ also  
 wirt diß Kraut läwlichet gebraucht zu den  
 Juncturen vnd Nerven / wider das vn-  
 natürliche Salz/ vnd Gifftigen schweb-  
 bel/ welcher von Weinsteinischer art ist/  
 als in Podagra/ vnd Contractura.

Hiera



Hieraus ist gar geschwind vnd war-  
hafftig die Harmonia, Sympathia, Dis-  
crasia, vnd Anthipathia zu finden / wie  
das in meinem Buch de Harmonijs,  
Sympathijs & Antipathijs gelehrt wirt/  
auch in der Materien der vier Geister.

Das XIV. Capitel.

**E**S sind auch Gallflüß wunderbar-  
lich innerlich in dem Menschē auff  
steigend / durch das blut in die Ar-  
terien / von den Arterien in das Marck /  
Hirn / lösen alda auff das recht natürlich  
Marckwasser / vereinigen sich auch mit  
einander / vnd auß ihrer vereinigung wirt  
ein falsches / fressendes / giftiges Salz  
fället hinab durch den Nuckgrad durch /  
biß auff den Caudam spondilem, fleuß  
set alles daselbst heraus / graw Gilblicht /  
ist gar Tödtlich / geschicht auch nit / es sey  
denn sach das einem die Leber vnd Gall  
durch die Note Ruhr hinweg fließe / als  
dann nimpt diser Gallflüß alles Marck-  
wasser auß dem Marck vnd Nuckgrad  
D v hien /

hin/ die Leber zergeht wie ein Mus im  
 Stulgang/ solcher Fluß vnd Ruhe kom-  
 men gern von vbriger Purgation/ mit  
 grossem Lendenweh/ vnnnd Fahrlässig-  
 keit der Doctoren/ gleich wie geschehen  
 ist Michael dem Bischoff zu Meerßburg.  
 Diesen Leuthen kan man helffen also:  
 Numb Schelkrautwasser zwo kandelin/  
 schelkraut mit der wurzel ein grosse hand  
 vol/ mache sie sauber/ thu sie in Wasser/  
 deck es fein gehet zu/ vnd laß es halb ein-  
 sieden/ Darvon gib ihm läwlich zu trin-  
 cken alle stund 4. oder sechs Löffel vol/ so  
 wirt ihm gewiß geholffen. Doch muß  
 man auch Arzney brauchen zu der Leber  
 vnd Gall/wie das an seinem Ort gelernet  
 ist/hie allein von dem Schaden/den muß  
 man eusserlich also salben von oben an  
 biß vnden auß/ mit dem Balsam von  
 Eichen Nispeln/ vnd Berenschmals.

## Das XV. Capitel.

**Z**uletzt/ vnd zum beschluß / so seinde  
 auch vil Schäden von der Gall/wel-  
 che da

ehe da kommen durch ein falsche Gifftige Schwefel Luft/von den Frankosen/welche Schäden einer gegenwertigen Substanz sein/ als da ist ein faules Schwebe licht dämpffiges Blut/vnd alter guter roter Wein/wenn einer des Weins nimpt 3 theil/vnd des faulen bluts j. theil/mische es durch einander / vnd gibts einem zu trincken / so bekompt er die Frankosen/ Vnd also wirt der fauldämpffig nichts werth Gifftig Blutgeist von dem rothen Wein wider erweckt/vñ flüchtig mit dem Geäder vnd Arterien/ auch den Nerven/ inficiert vñnd vergifft mit seiner engündung die ganze Natur/ Das ist der Frankosen Substanz / Natur vñnd eigentschafft. Daher dan kompt dreyerley materi der Frankosen/ vnd dreyerley Farben in dem Menschen/ Inn den Nerven wie ein Calcidonier/ inn den Herzgeädern wie ein abgestorbener Jaspis/ inn dem Blut vnd geäder wie ein Brill. Darumb welcher sie recht heilen will / der muß das drey mal wissen zu finden/ Im anfang

Anfangs aber ist's gar gut/allein durch die drey Geister/ Stier/ Krebs/ vnd Schützen zuheilen/ Dann es allein im anfang ein vergiffter Luftt ist der dreyer/ aber so bald es veraltet/ so greiffet es die Matriam auch an/ vnd je lenger je mehr/ biß es durch frist vnd durch gehet.

Das drey mal drey geht also zu. Nimb Sarla parilla wurckel 9. loht/ Scabiosenwurckel 6. loht/ Ehrenpreis 3. loht oder anderthalb handvol/ Cardobenedictensamen ein wenig gebrochen 6. lot/ Braunwurckel gedörret vnd gereinigt 4 lot/ Hundsrbeersamen 2. lot/ rot Hünnerdarm/ Gamanderlin mit den blawen Blumen/ wild Galbenblüet/ jedes ein halbe handvol/ Also stehen die drey gleich in Spiritu. die ander drey in der Sympathia der Natur/ die dritten in der Antipathia mit der vrsach der Kranckheit.

Für die Sarla parilla wurck/ mag man Stein Attichwurckel nemen/ ist gleich so vil/ darzu nimb 8. kandel firmigen Wein/ laß es halb einsieden/ ist's nicht genug/ so  
nimb

nimb noch zwey darzu/darnach dich dun-  
cket / das es der Materi nicht oberflüßig/  
das gebe man ihm genugsam zutrinken/  
vnd andersnit / 4. Wochen / es thut ihm  
alle Lämder Glieder / vnd ihrer Nerven  
vnnnd geäders hinweg. Auch zu solchen  
Knollen/welche hart werden in Gliedern/  
es were nuhn im Haupt oder sunst / die  
schmiere mit dem Balsam von Bircken-  
bäumen Nispeln/mit bereytem Hunds-  
schmalk / vnnnd Cappauenschmalk / wie  
E. Churf. G. das wol wissen / so gehen  
sie auff vnnnd werden Lind / Als dann so  
nembt Hermodactilen 3. lot / Sarsa paril-  
la wurz 6. loht / Diagrii / Holderkörner  
4 lot / stoßt dise Materi mit einander / ver-  
mischet es vnder einander / schüttet einen  
alten reinen Wein darüber / thut es in ein  
glasz mit einander / des Weins soll 2. kan-  
del sein / laßt es wol vermacht im Glasz  
stehen in der Sonnen 3 Wochen / oder 5.  
darnach brennet es auß / davon gebt ihm  
ein Löffel vol Morgens vnd Abends zu-  
mal / weniger oder mehr / darnach die Per-  
son

son ist/ Es Purgiert von grund heraus/  
 das der vorige Tranck darzu kommen kan/  
 darzu 3. Abend vnnnd Morgen oder 4/  
 darnach sich die Purgas anläßt. Er soll  
 auch schwinen mit dem vorigen Tranck/  
 vnd wo er offen ist/ da wirff ihm diß pul-  
 ver hinein. Darzu nimb Birckenrinden  
 der innerlichen 3. lot/ Osterlucy 2. lot/  
 Federkraut 1. loth/ es heylet gewiß den  
 Schaden kürzlich/ So aber diß Pulver  
 nit greiffen wolt/ doch muß zuvorhin die  
 Natur im Leib wol Purgiert vnd aufge-  
 trucknet sein/ als dann mach diß Pulver/  
 darzu nimb Lerchenschwämmen zu Aschen  
 gebrand 4. loth/ Birckenrinden auch zu  
 Aschen gebrandt 6. lot/ Krebskraut 3. lot/  
 die jungen Schösserling von Eichenem  
 Laub also grün/ wie sie heraus schiessen/  
 im Meyen abgebrochen/ gedört/ vnd ge-  
 pulvert 2. lot. Dife ding vndereinander  
 gemischet/ darein gezettelt/ vnd den schad-  
 den sauber gehalten/ vnd aufgewaschen/  
 darnach getrucknet/ mit Eychenen vnnnd  
 Birckenen blätter Wasser/ jedes zugleich  
 viel/

Von offenen Schädern. 95.

viel/ damit wäsch es sauber mit ein tüchlein auß/ vnd zettel ihm das Pulver alle tag zweymal drein/ vnd gib ihm nichts anders zurincken dann den vorigen Tranck.

Wann einer aber ein alten Schaden hat von den Franzosen/ darzu kein fluss geschlagen were/ dem hilff also: Nimb Spinneweb äschen/mach ein pulver dar auß/ der nimb 2. loht/ Weinstein äsch 4. lot/alte verbränte schuh äsch 6. lot/ zettels ihm drein vndereinander/ vermisch zum tag 2. mal/ vnd allemal damit gerieben/ das das Blut darnach geht/ es heilet.

Das XVI. Capitel.

**S** einer aber ein Französischen Schaden an der Nasen het/ oder am Angesicht/ der neme allein gebränte Schuh äschen/vñ zettel es darein/ vnd wäsch den Schaden zuvor auß mit Birckenrindenöl/ oder Birckenwasseröl/ doch soll man eigentlich wissen/ was es für ein Schade sey/ nicht das ihn geschehe wie dem Herr Gabriel Hächhern zu Hagen.

Hagenaw / welcher 23. Jahr ein offener  
 Schaden gehabt am Angesicht / auff der  
 Lincken Seiten / vnnnd mancherley Fan-  
 tasten vnd Landfahret / auch wol Docto-  
 res darüber kofmen sein / welche den scha-  
 den nit verstanden haben / sondern ist ein  
 Vngesaltsener Schade gewesen / welchen  
 ich geheilt habe in dem 54. Jahr mit dem  
 Federkraut / vnd Birckenöl / per descen-  
 sum distillirt / auch solchen Schaden zu  
 Weißlingen an einem Burger / Jacob  
 Warten genant / allein durchs Feders-  
 kraut: Solchen Schaden hat auch Luren  
 von Xysach Landvoigt im Algem hauß-  
 frau in die 11. Jahr gehabt / ist auch von  
 einem gesaltsenen Fluß gewesen / ist 15.  
 mal im holtz gelegen / etlich mal zu 18. wo-  
 chen / von alleden Doctoren an jr versucht  
 worden / die zu Costniz / Basel / Straß-  
 burg / Freyburg / Oberlingen / Lindaw /  
 auch Augspurger Doctores / etliche viele  
 mal gereucht vnd geschmiert ist worden /  
 vnd im 52. Jar von mir Curiert / wie ge-  
 sagt wirt werden / noch zwen Sön vnnnd  
 eine



eine Tochter/darnach gehabt.

Zuletzt vnd zum Beschluß/ wann sich ein Farnkösslicher schad gar nit erheben wollt/ so muß man ihme die Speiß auch besträwen mit diesem nachbeschriebenen Pulver/ damit der Gallgeist vnnnd das grob häßlich wässerige blut gereinigt werde/ vnd seiner alten Natur wider bracht. Das Pulver mach also : Nim Scabiosenwurzel 9 lot/ Kreuzwurzel 6 lot/ Ehrenpreis 7. lot/ Reponciawurzel/ Angelicawurzel/ Liebstöckelwurzel/ jedes j. lot/ Diese stück mach alle zu pulver/davon gib ihm in aller Speiß/ auch morgens vnd abendts/ mit dem Trancß ein halb lohe auff ein mal/ oder mehr/ wirdt ihm des ganzen Leibs Blutadern/Nerven/ Arterien/ Muscülen/ Fell vnd Fleisch/ alles durchdringen. Darzu mögen jr im auch vnderweilen ein Schweißbad machen/ das allein der dampff zum Leibe gehe/vnd der Kopff sich aufziehe. Das Bad mach also: Nim Ephenblätter/ so vndern Weidenbäumen wächst 20 handvol/ Hundszungen

R

zungen

zungenkraut/ mit den roten Blumen 6.  
handvol/ Liebstöckelkraut 2. handvol/  
wild Sennepkraut vier handvol/ weissen  
Wein 30. kandel/ Wasser 50 kandel/  
laß es wol sieden/ darnach ihn darauff  
schwizen lassen/ alle Tag des Morgens  
nüchtern ein mal/ vber 4. oder 5. ein fris  
ches Bad gemacht/ das thue 10. oder 12  
Tag. Diß wirt so grausame vn sauber  
keit von ihnen treiben das vnseglich ist.

## Das XVII. Capitel.

**S**D aber einer einen alten Schaden  
hette an Schenckeln oder Arm/ der  
gar flüßig were/ vnd sich nicht heil  
en wolt lassen/ so nimb Epherlaub von  
den Felbern oder Weiden 10. handvol/  
Birckenrinden der innerlichen vier oder  
5. Pfund/ stoß sie fein grob/ thu sie in  
einen Kessel oder Topff/ schütt wein vnd  
wasser darüber daß genug sey zum schen  
ckel/ sied es gar wol/ bāhe ihm den Schen  
ckel darauff/ darnach gar sauber außge  
wäschen/ vnd getrücknet/ darnach werffe  
ihme

Von offenen Schäden 99

shme des Pulvers genugsam darein mit Lerchenschwam/ wie zuvor gesetzt ist/ bis er heil ist/er wirt sich nicht widern.

So einem solcher Schad widerführe von einem Schlier oder Kolben/ darzu nimb des Hundszungenkraut/ siede sie in wasser vnd Wein/ bāhe ihm die gemache damit/ doch nit gar heiß/ so zeucht es ihm einen grossen schleim heraus/ vnd schlag ihm darnach das Kraut wie ein Pflaster fein lawlecht warm darüber/ zum Tage 2. mal/ So es vffbricht/ so zettel ihm von der gebranten Schuhe äschen/ wie zuvor gesagt ist/ darein/ es heilet ihm von grundt herauf.

So viel von dieser Bettel Kranckheit/ vnd ist auch zu wissen bey dieser Kranckheit/ das dieser Kranckheit geist Gallfüchtig ist/ durch 2. Feuchtigkeiten/ die eine ist vergiftung des Bluts/ dardurch dann die enzündung kompt/ vnd darumb das die Fäule darinnen ist/ wie eines Aufseigen/ So nimpts das geäder an in diesem constrictu, darinnen die Natürliche

X ij mate

Das ander Buch/  
 materi heraussert geht/des süßen Schwefels  
 vnd Marcksaffts der Nerven/ durch  
 die Arterien getriben/ welcher geist gleich  
 ist wie ein auffsteigender roter Weingeist/  
 welcher den Arterien zugeneigt ist/ da-  
 rumb er die falsche materi treibt/bis hin-  
 auff ins Haupt. Seine Materia/ Sub-  
 stanz vnd Geist/ ist ein Subtile His/ mit  
 einer groben kälte/ durch die Confricati-  
 on erkündt/ vnd heiß wirdt. Dann die  
 oscula arteriarum, neruorü, durch hilff  
 der graden Jovis/ stehen in solcher Con-  
 frication offen/dardurch die materia ver-  
 ursachet wirt/sich hinein zutreiben/ vnd  
 solches geschicht nicht alsbald oder ge-  
 schwind/das er im selbst wol zuvor kom-  
 men kan/ Also/ so bald das geschäft auß  
 ist/ ehe einer trucken begint zu werden/  
 dann so lang er naß ist/ so gehen sie nicht  
 hinein. Nes die Händ darinn/ vnd ober  
 streich vñ das Geschäft/ vnd vnder dem  
 Nabel herumb/ so gehn die oscula wider  
 zu/ vnd schaden ihme gar nichts. Es muß  
 aber in frischem Harn geschehen.

Es

Von offenen Schäden. 101

Es seind auch andere ding/ Als wenn  
einer nimpt Leinen Tücher/ nezt sie in  
Osterlucceysafft vnd Braunwurzel/ reis  
be sich damit/ so gehen die oscula zu/ auch  
thuts ein Cordowan Leder / damit wol  
abgetrückt net / dann die Leinen Tücher  
müssen zuvor ein mal oder 3. in dem safft  
genetzt vnd wider getrückt net werden.

Also mit sich geführt / vnd bes  
halten zur noth / 2c.

Finis secundi libri.

A iij



Vom vrsprung vnnnd her-  
kommen der gefalzenen Schäden  
von der Melancholia/ auch  
deren heilung.

Das I. Capitel.

**D**ieser Schäden seind viel-  
erley/ Etliche können von  
einem falschen saltz/ auß  
sich selbs/ weñ das Saltz  
zuwil in einem Menschen  
wirdt/ vnd der Arterien Lufft dick/ würde  
also von dem Blut das Herzgeäder ge-  
stärckt/ vnd jr Nutrimentum vñ speiß zu-  
grob: Dann es soll ein reiner gefalzener  
Lufft sein in den Arterien/ vnd so die Ar-  
terien also vberladen werden/ so dringen  
sie es hinauß durch hilff der Musculen/  
welche saltziger Substanz vnd Feuchtig-  
keit sein von dem Fleisch/ vnd durch hilff  
der Arterien/ vnd die Arterien durch hilff  
der

Von offnen Schäden. 103

der Musculen/ treiben solche Feuchtig-  
keit hinaus/ vnd werden grünlichte rot-  
braune Flechten darauß/ geben ein grün  
gelblicht wasser/ vnd ihr Substanz ist als  
lein braunlicht/ mit einer schwärz/ kompt  
von dem groben Blut/ wirt also hinaus  
getrieben/ wo der Mensch am meisten mu-  
sculos oder arterias hat/ vnd diese flech-  
ten werden von vngeschickten vnd vn-  
ersarnen Doctoren vnd Balbierern/ für  
Französische Schäden gerechnet/ legen  
diese Leuth ins Holz/ schmier/ oder rauch/  
welches gar oft geschicht/ vnd sonderlich  
von dem Herrn Schelmen/ der den Herrn  
Earln von Schererin vmbbracht/ Meis-  
ter Jörgen Emlern schmidt/ beim Herrn  
Wilhelm von Cersschka/ vnnnd derglei-  
chen/ seindt trefflich wol zuheilen/ dann  
sie kommen von trucknem Saltz/ Denen  
hilff also: Darzu nimb Braunwurzel  
kraut/ Ehrenpreiskraut jedes ein hand-  
voll/ Scabiosenwurzel mit den braunen  
Blumen 6. lot/ Wein vnd wasser/ jedes  
dritthalb kandel/ laß es halb einsieden/ das

℞ iiij trinck

trinck er vnd anders nichts/ vnnnd mach  
 diß Dampff oder Schweißbad/ darzu  
 nimb Ephewlaub von einem Eichens-  
 baum/ oder von einer steinern Mauren/  
 gegen Nidergang der Sonnen 16. hand-  
 vol/ Wein vnnnd wasser jedes 16. Kan-  
 deln/ laß es gar wol sieden/ Darauff be-  
 he ihm den Schaden / alle tag zweymal/ er  
 wirt ohne zweiffel gesundt. Diß muß am  
 5. tag wider frisch gemacht werden/ vñ so  
 er auff dem Kessel genug geschwitz hat/ so  
 muß er im Bett auch schwitzen/ vnd alle  
 mal nach dem schwitzen mit Ephewlaub  
 safft wol geriben/ oder Ephewhols in ei-  
 nem Ofen zu Aschen gebrandt/ vnd auß-  
 gebrant Ephewwasser / durch dieselbe äsch  
 gegossen/ ein mal oder zehen/ bis das es  
 gar ein scharpffe Lauge wirdt. Mit dieser  
 Laug wäsch er sich zum tag zwey mal gar  
 wol er wirdt bald gesund.

So aber die pori zu weit sein an dem  
 Menschen / vnnnd die Arterien von einem  
 Wässerigen Salz vermischet / vnnnd alle  
 Arterien inficiert/ so durchringt es den  
 ganken



ganszen Leib vnd Haut/ vnd wirt ein dür-  
rer truckener Grund/ vnd solcher Grund  
an alten Leuthen/ haben etliche Doctores  
allzeit vermeint/ es sey tödtlich/ so es doch  
nicht ist/ sondern gar wol zuheilen/ denen  
gib anders nichts zutrincken dann Scas-  
biosenwurzeln/ Braunwurzeln/ jedes ein  
handvol/ grünen Braunwurzeln 2 loht/  
Scabiosen 4. lot/ Wein vnd wasser drits  
halb kandel eines jeden/ laß es halb einzie-  
den/ vnd nim̄ des Hochlöblichen Grunds  
krautsafft/ erigeron genant/ sechs hand-  
vol/ stoß es daß gar safftig werde/ nimb  
ein Pfund schmaltz von einem jungen  
verschnittenen Bärgelein/ so bey der Milch  
verschnitten ist/ vnd in einem wasser wol  
geläutert/ schütte es lawliche vber diß  
Kraut mit dem safft/ laß es also lawliche  
stehen 3. tag an einem warmen Ort/ daß  
die wärme darbey sey/ darnach mach es  
zimlich warm/ trucke es alles durch ein  
härin Sack/ das gar kein safft bey dem  
Kraut bleibe/ vnd werffe es hinweg/ das  
safft vñ Schmaltz behalt/ vñ frisch kraut

N v wides

widerumb 6. handvol/ stoß es aller safftig zum höchsten als man kan/ laß es wider 3 oder 4. Tag an der Sonnen stehen/ das thu also 4. oder 5. mal. Darnach behalt das Schmalz vnd safft/ das Kraut wirff hinweg/ es zeucht alle krafft des subtilen salzes in diese feiste. Es ist ein guts Sälblin/ damit schmire den Menschen vber den 4. oder 5. tag/ wo er Grind hat/ er sey jung oder Alt/ es wirdt so grosser wust vnd vnreinigkeit von ihm kommen/ das mans nicht glauben kan/ Dann dieser Grind kompt selten/ heist grausamlich/ gibt gern ein Morpheam/ vnd letzlich den Auffas/ ist an seiner Farb braun/ etwa grawlicht/ etwa schwarzlicht/ ist gemeinlich ein vorboff Morpheaz/ oder des Auffazes/ darumb so es zuhefftig ist/ so schmire ihn alle tag vor einem Ofen sehr wol/ so gehet der Leib allenthalben auff/ wirt voller schründen vnd löcher/ füret solche giftige Materi heraus mit grün braunem Wasser/ mit einer gilbe vermischet/ vnd zu lezt weißrötlich/ citterhafftig/

tig/ vnd diesen Tranck soll er darzwischen  
trincken ohn vnderlaf/ vnd anders nit.

## Das II. Capitel.

**D**Is Kräutlin Grindkraut/ ist eines  
solchen subtilen Geists/ das es von  
aussen den ganzen Leib durchge-  
het/ vnd zeucht/ seiner Keynigkeit halben/  
das Purgirende subtile Saltz/ solcher (pi-  
ritale vnd ansichziehender Geist/ mit sei-  
nem Saltz vnd Geist/ vnd so rein als we-  
re es der Geist von Mitternacht/ vnd ge-  
bricht nur nicht mehr dann eine Feuchte/  
warne / subtile Materij / damit es auch  
eine speiß habe/ vnd einfürung in die ver-  
fälschte örter des ganzen Leibs. Solcher  
Geister seind viel/ aber etliche widersin-  
nig/ welcher eine grosse zal ist/ vnd selten/  
sonderlich zu Wundkräutern gebraucht  
werden / mit einer Nutritionalischen  
feuchten Materien. Solche kräuter seint  
Scabiosenwurzel/ mit den braunen blü-  
men/ welche vnder sich zeucht/ also auch  
Genßkraut Saltz vberzwerch auß/ aber  
der

der Geist des Grindkrauts/ auch der geist  
des Wolgemuts/ Ephewbaum/ auch das  
sals der grawen Weiden/ auch das Sals  
des Sonnenbaums/ auch das Sals der  
Odermenig/ auch das Sals des Edelen  
braunen Eisenkrauts mit den kleinen  
braunen blümlin/ auch das sals des Ligu-  
stri/ auch das Sals des Liebstöckels/ auch  
das Sals der grossen Kletten/ auch das  
Sals des Federkrauts.

Diese Kräuter sind vber alle Kräuter  
in den eusserlichen Schäden/ darinn eine  
vergiftung des Bluts/ oder Arterien ist/  
dann sie lassen nichts falsches durch auß  
im ganzen Körper bleiben.

Es seind aber andere Kräuter/ die sals  
in sich haben/ in einem gegenrib/ also/ so  
auch eine Wund were in dem Haupt/ vnd  
die Hirnschale hinein getruckt/ oder ein-  
geschlagen/ wie dann gemeinlich geschiche  
den jungen Kindern/ in der Geburt/ das  
die Hebammen thun. So nimb dieser  
Kräuter eins/ oder die blüet darvon/ als  
da sein Merkvoyolin/ stoß sie ein wenig/  
bind

bind sie dem Kindlin vnden an die Solen  
der Füß/ so wirt es die Schal wider auf-  
treiben/ vnnnd die Hirnschal wider ma-  
chen wie sie gewest ist/ da das Kindlin  
nie berührt war.

Dergleichen seindt auch etliche braun-  
ne todte Nesselblumen/ auch gelbe wald  
Sporenblumen / auch andere Kräutter  
mehr/ welche eines gegentreibenden Gei-  
stes sein/vnd doch gehören in Nidergang  
der Soñen/vnder den Geist des Stiers/  
seindt alle formirt in der Blüet wie ein  
schüchlein / Wilde Salbenblüet gehöret  
auch hierzu/vnd dergleichen.

Diesen zugegen treiben diese Salz-  
kräutter/ als da seind Rosenwurzelkraut/  
weisse Rebarbara/ Sinngrün/ Came-  
dris/ vnd was dergleichen.

Aber von dem Leib zutreiben/vnd vber  
zwerch auß/ vnd nicht zuzulassen seind/  
das aller edelste klein Klettenkraut/ Esch-  
baum/ fraxinus genant/ Schelkraut klein  
vnd groß/ auch die Steinraute/so mole  
bomericum genant/ vnd dergleichen.

Diese

Dise Kreuter alle sind treffliche wunden  
 kräuter/zu alten schäden vñ dergleichen/  
 welches weitläuffig erzelt wirdt werden.  
 Allein ist das zu mercken / das vnder die-  
 sen Kräutern etliche sein/ welche/so man  
 sie am Hals trägt/oder bey sich am bloß-  
 sen Leib / schliessen sie alle oscula zu am  
 ganzen Menschen / aller Nerven oscula,  
 aller Adern/ vnd aller Arterien/das kein  
 falscher Luft in sie kan / weder von Pes-  
 tilens/ Frangosen/ Erbgrind/ vnd allen  
 schäden/ die von aussen kommen/ Das  
 rumb welcher solche bey ihm trägt / vnd  
 vnderweilen braucht ein tranck durch die  
 vierfache Triplicitet / der mag nimmer-  
 mehr offene schäden gewinnen / oder ei-  
 nigen Mangel an seinem Leib. Die erste  
 Triplicitet soll man nicht nemen / son-  
 der eine Quadruplicitet in spiritu, oder  
 in ihren Geistern/ nach der ersten beweg-  
 nus oder Harmonia, dadurch die Geister  
 subtil bleiben/ vnd gallecht werden/vnd  
 deren will ich eines jeden Geists etliche  
 vzeichnen. Als vnder den Geist des  
 Stiers

Stiers gehören/ Singrün/ in der blüet  
genomien/das ist im Aprillen im dritten  
viertel des Monds/ Gamanderlin in der  
ersten wochen des Meyens / Morgens  
vor neunnen/ Eppawurinden auch also  
wie das Gamanderlin colligiert vnd ge-  
trücket/ Hirschwurgenkraut/ rote Nes-  
seln die nit brennen/vnd was dergleichen  
ist/wie vor verzeichnet.

Vnder den Geist des Krebs gehören  
diese/ Hauswurzel/zahme Salbeyblüet/  
Maßliebenkrautblüet / mit den weissen  
Blumen / portulaca, Wurmbkraut/  
Krebskraut/ Diese sollen alle colligiert  
werden in dem Brachmonat/ in dem ne-  
wen vor dem 5. Tag des ersten Viertels/  
zu stärken den Leib.

Vnder den Geist der Wag / gehöret  
Erenzwurzel/Braunwurzel/rot Hün-  
erdarm/ Alissenkraut/ Scabiosen/vnd was  
dergleichen ist/ welche alle verzeichnet  
sein durch alle Geister in dem Buch von  
der materien der Geister/vnder der ersten  
Materi.

Vnder

Vnder dem Geist des Schüzens sind diese/ Camillen/ Betonien/ vnd was vnder der ersten materien des Geistes Schüzens/ oder der Triplicitet des Schüzens ist verzeichnet/ das gehöret hieher. Diese ding allein in Wein gelegt/ reinigen vnd stärken die Natur von innen herauf/ lessen die Geister/ vnd so sich etwas darzuschlagen wollt von einer falschen Materi/ das machen sie subtil vnd rein/ vnd treibens durch die Geister zu den Pors hinauf.

## Das III. Capitel.

**S** Des aber eine Kranckheit schon in sich bekeme/ darinnen die Materia schon verfälschet were/ so muß man nemen auß der andern Materi der Triplicitet/ vnd der Feuchtigkeit die verfälschet im Menschen ist/ Als/ keme sie von Saltz/ welches erkündet were/ So muß er nemen solches Simplex, das auch vnder solchem Planeten stehet/ sechs theil/ vnd das ander das disem hilfft/ 4. theil/ vnd das/ daher das Laster vnd Kranckheit kompt



Von offenen Schäden. 113

kompt 2. theil/ als kompt die Kranckheit  
von feuchtem Salz/ so muß man nemen  
6. theil auß der gefalzenen Materi/ als  
Cardobenedictensamen/ oder Eichenrin-  
den/ darnach die Kranckheit ist/ 6. loht/  
oder 6. quint. Feuchte Simplicia, die im  
Scorpion stehn inder andern Materi der  
wässerigen Triplicitet 2. loht/ als da sein  
gepuluert Krebskraut/ gepuluert Apffels  
Wispeln / oder gepulvert Raupenbein/  
oder andere Fischlin 2. lot/ oder 2. quint.

Auß dem dritten/ das die truckene  
stärck das Salz/ vnd ein natürliche wär-  
me erhelt/ 4. lot / oder 4. quint/ als da ist  
ein Haselhun/rot/oder krauß/oder braun  
Münze/ oder was dergleichen ist/ vnder  
dem Wider/ vnder der andern Materi/  
oder Simpathia, deren ein grosse menge  
ist vnder allen Tripliciteten/ der andern  
Materi/ dergleichen auch auß der drit-  
ten Materi/ vnd allemal muß man den  
widerspenstigen Geist auflassen/ dann er  
ist ein schelm vnd dieb in solchen Kranck-  
heiten/ als ein gefalzener Schad/welche  
S vnder

vnder kalt vnnnd feucht/ oder feucht vnd warm/ So muß man aussen lassen den Geist Jovis/ in der Wag/ mit allen seinen Simplicibus/ dann er sonst die ganze Materi resolviert/ vnnnd vergiffet das/ das er vermeint es were seine Speiß/ so würde er es geschwindt in eine Putrefaction bringen/ vnd eine schöne Farbe/ das mit der Arzet verführt wirdt: Dann der geist Jovis ist feucht vnd warm/ vnd der geist des Salges kalt vnd trucken/ Also ist einer des andern Giffte in den fließenden schäden/ auch in der weissen vnd rechten röte/ vnd der gleichen/ aber nit den innerlichen Kranckheiten hat es ein andere art/ wie das an seinem ort soll gelehrt werden/ in der praxi. Dergleichen geschicht auch den fewrigen schädē von den geistern des Krebs vnd Mercurij/ so solches darauff gelegt wirt/ vnd darzu gebraucht/ das in dem Mercurio steht/ mit der substanz vnd natur/ so were es im höchsten Grad kalt vnd feucht/ vnd wirdt solchen Schaden geschwindt in die Putrefaction bringen/ vnd

## Von offnen Schäden.

115

vnd wirdt ihn für seine Speiß auffnemmen/so were es falsch. Dañ solches durch das Blut geschicht/welches schwebelhafftig wirt/darumb muß man brauchen ein Simplex, das kalter truckener substanz sey/vnd sein abgeseiden distilliert wasser/ ist wol wässeriger qualitet durch den Brandt worden/ aber seiner truckenen substanz halben nimbt es geschwindt den Brandt an sich/dann der truckne halben seiner substanz/ als Wegtritt wasser leschet den Gallsucht brandt / darumb des Wegtritts kraut substanz trin ist/darumb diß Wasser trucken vnd heiß wire von den Schäden/ kompt wider in seine erste Distillation/ Also geschicht auch in der gedörzten Krott/ wenn man sie ein wenig nezt/ vnd legt sie auff die Pestilenz/ so nimbt sie das Gift an sich/ vmb der truckenen kalten substanz willen/vnd nicht der feuchten/ dann die Krott auch kalt vnd trucken ist in ihrer substanz/vnd diß ist oder geschicht vmb der andern materi willen/ der Simpathia. Dergleichen

S ij geschicht

geschicht auch/ wann einem das Milchs  
kalt oder feucht wirt/ vnd erkält den Ma-  
gen auff derselben Seiten/ oder vergiffte  
ihn daselbst/ das die Speiß einen alten  
Christall schleim gibt/ so kompt ein groß  
gewaltig Grimmen darnach/ darinnen  
hilffte weder Christiersack/ noch Syrupi-  
sterey / noch die Pillulen/ noch Latwer-  
gen/ dann es alles Narrenwerck ist/ vnd  
größere vergiffung/ dardurch dann die  
Nerven durch schwere dämpffige Me-  
lancholische Luft/vnd fligende Hitz auß  
gebrandt/ vnd in den Juncturen wie ein  
Salzstein außbrändt/ dardurch ach vnd  
wehe/ Läm vnnd beissen kompt/ Tödten  
also vil hundert/ nach ihrer Galenischen  
arth.

Darumb muß man zum ersten sehen/  
was des glieds natur/art/vnd Substanz  
sey/ so es gesund ist. Als das Milchs ist kalt  
vnd trucken in seiner gesunden substanz  
vnd Natur/ wirdt vergiffte durch seinen  
nachgehenden Planeten/ welcher feuchte  
vnd kalt ist. Darumb so nembt Cardobe-  
nediz

nedictensamen 6. quint / Braunnünzen  
 wurzel gepulvert 4. quint / Forenbein 2.  
 quint / oder Krebsaugenstein / oder rothe  
 Myrren / welches ihr auß diesen wöllet /  
 des nembt 2. quint / Pulvert diese 3. stück /  
 vermischet sie vnder einander / legt sie inn  
 einen guten firnigen Wein / oder Mäns  
 wasser / Nesselwasser / machts warm / dar  
 von gebt ihm alle stunde zwey oder drey  
 Löffel vol / so wirt ihm von stundan den  
 nächsten Löffel vol besser / doch soll mans  
 offermals geben / das die ganze Natur  
 des Nilsz gerecht wirt. Mann mag auch  
 solche Purgation darinnen brauchen / da  
 mit die Kält vnd Schleim auß dem Ma  
 gen geföhrt werde. Darzu nimb Cardo  
 benedictensamen 6. quint / Holunderbläet  
 samen / oder kraut 4. quint / einer wässeriz  
 gen Substanz als Meerkol / Sullanella  
 genant 2. quint / Pulver diese Stuck / da  
 von abends 2. Scrupel geben / des Mor  
 gen 1. quint mit gebähtem Brodt / zuvor  
 in gutem Wein genehet.

S iij Das

**A**lso auch / wann einer die Darme  
 gicht hat / daran müssen viel from-  
 me Menschen sterben / So nembt  
 vnd Examiniert der Därm substanz vnd  
 Natur / so findet ihr sie kalt vnd feuchter  
 substanz / mit einer zimlichen wärme / vnd  
 so das Gesücht darzu schlägt / so werden  
 sie feucht vnd kalt / mit einer verbrendten  
 Jovinischen Feuchtigkeit / welche sich  
 wider Resolviert hat in feuchte vnd kalte.  
 Disem muß man helfen durch eine feuch-  
 te vnd kalte Substanz 6. theil / als Al-  
 raupen bein vnd grädt 6. quint zu pulver  
 gebrendt / Rosenwurk 4. quint gepulvert  
 feucht vnd warm 2. quint / welche doch  
 eine gallige arth an sich haben / Als blaw  
 Lilienwurk / Aaronwurk / doch vnder dem  
 geist Jovis stehn / gebts ihm ein mit wein  
 vnd wasser / so warm ihr könnet / oder mit  
 geringem firnigē wein / vñ bey leib nichts  
 das Gallfüchtig ist / sonst würde die feuch-  
 tigkeit in Därmen aufbrennen / vnd ihm  
 den Leib einziehen / vñnd die Därm ver-  
 brenn

brennen/ das er sterben muß. Dergleichen geschicht auch wenn einem das blut ensündt / So muß man nemen 6. theil auß dem geist Jovis/ in der andern Materi des Wassermans / 4. theil auß dem Krebs/ 2. theil zur einfeuchtung auß dem Marte oder Schützen. Diese Exempel sein allein gesetzt / damit man wisse/ auff was grund diese ding gehen/ darmit man sehe/ was die Syrupelli vñnd Christersäck können/ vñ diese Ordnung muß man in den Arterien halten durch auß / vñnd wo solche stuck befunden werden auß dem gegen gehenden Geist / oder Materien/ daß die Arzney durch auß falsch ist/ vñ keinen grund hat. Davon hab ich ein Buch angefangen/ ist aber noch nicht außgangen/ durch die ganze Figur aller Glieder/ innerlichen vñnd eusserlichen/ Substanz/natur vñnd Form/ alle ire officia vñnd ämpter/wie viel/ wie hoch/ mit welchem Glied/ wie dasselbige genaturet sey/wie jr zusamenkunfft/ in was gestalt ein jedes Gemeinschaft mit dem andern

S iij hat/

Das dritte Buch/  
hat/ die Farben derselbigen für sich selbst  
vnd mit einander/ wie hoch ein jedes in  
seinem grad sey/auch so kompt zu diesem  
Buch der Arzney drey Bücher.

Libellus de triplici anima, iuxta tres  
motus, oder drey betregnussen/ der Har-  
monia, Simpathia oder Antipathia. Die  
vierte Anima, welche durch den anblas/  
vnd von GOTT kompt/ gehöret in die  
Bibel/ Vnnd erblich ihnen einen Leben-  
digen Athem ein/ oder Geist/ auß seinem  
Mund oder Athem. Auch kompt hier-  
zu das Buch von der Astrologia, vnd  
seinem iudicio, auch das Buch der Si-  
gnatur von den dreyen Principien/ vnd  
das Buch der Comparation Principi-  
orum & Elementorum, auch ein Büch-  
lin von enderung der krafft vnd Natur  
der Kräuter/ Baum/ Stauden/ so in vns-  
gelegener vnd gelegener zeit Colligiert  
werden/ auch von den dreyen Materien  
in einer jeden Triplicitet / welcher vier  
sein/ welches Johan Wümmner geschrie-  
ben.

Diese



Diese Exempel hab ich sehen müssen/  
dardurch E. Churf. G. sehen/ das die  
bisher gehabte Remedia ohne grund vnd  
warheit gebraucht sein worden / vnd eitel  
alter Weiber Künst/ vnd darnach verens-  
dert je lenger je mehr/ in Syrup/ in Pils-  
lulen/ in Zulep/ in Latwergen / vnd was  
der gleichen ist/ vnd dardurch die hochlöb-  
liche Kunst der Arzney inn verachtung  
kommen ist von den Avicennisten/ Galles-  
nisten/ vund sprechen / das dise alle ihren  
Grund vnd Warheit haben auß dem Hi-  
pocrate/ welcher soviel die Invention an-  
trifft locorum morborum, & Sympto-  
matum, auch der feuchtigkeit halben wol  
etwas erfunden hat / vund das mit sei-  
nen discipulis den Philosophis disputie-  
ren lassen / in beide theil/ vnd also inn ein  
werck bracht/ Aber so viel die Simpathia  
antrifft/ Kräuter/ Stauden/ Bäum/ gar  
vnwissend gewesen/ allein was er von  
alten Weibern erfahren hat.

Aber die nachkommen haben vielerley  
nomina erdacht vnd erfunden auff dis/

S v vund

vnd haben das erst das nödigst nie gründ-  
 lich angriffen/ sondern bey jren nomi-  
 bus blieben/ als da sein Digerentia, Con-  
 stringentia, Attenuantia, Stupefacien-  
 tia, Aperientia, Laxantia, Mitigantia,  
 Emollientia, Abstergentia, Discutientia,  
 Subtilentia, humectantia &c. vnd deren  
 einen grossen vnseglischen Hauffen/ Als  
 da sein Incidentia; Dissipantia, &c. vnd  
 haben den rechten grundt nie angriffen/  
 dann sie haben jrem Batter nachgefolgt/  
 dem Galeno / vnd nicht angriffen was  
 die erste Materi sey/ ihre principia, ihr er-  
 ste Materi/ ihre Form / vnd darnach die  
 Element/ mit jren dreyfachen Materien/  
 welche von den principijs herkommen/  
 auch die motus principiorum, vnd be-  
 wegnuß / dardurch dann alle ding jhren  
 vrsprung gewinnen/ vnd volkommen wer-  
 den/ vnd wider zergehen/ nie gewußt noch  
 erfunden/ vnd dergleichen viel dausenter-  
 ley/ mit Puncten / mit Figuren / mit den  
 Septenario numero, sieben Planeten.  
 Nach dem allein vier Element vnd vier  
 Plagen

Plagen sein des Himmels/haben sie sieben gemacht / das drey nie angriffen/dadurch der Motus dreyfach geht/ Harmoniace, vnd das viererley in allen dingen die da wachsen / auch Simpatice, in allen die da vollkommen seindt / oder werden / bis sie sein in ihrem höchsten grad/welches dann auch gelernet wirt in dem Buch der Materien/ wie damit umbzugehen ist/ Auch Antipatice, vnd das auch viererley inn dem abgang vnd zergehung derer ding/ die die Natur geschaffen hat. Von disen dingen haben sie nichts gesehen noch gehört/ Sondern in den eusserlichen Elementischen humoribus bliben/vnd theilsen dieselben primos & secundos, machen viel fantaseyen drauff/vnd dergleichen vielerley Fabulerey / hat alles kein grund / wie oder wann / Sondern so sie zur Disputation kommen/ warumb das Krebskraut allen schäden nutz vnd tauglich sey / die von wässeriger feuchtigkeit kommen/vnd helffen heilen/ auch warumb das Bingelkraut / Eybischwurzeln/ solchen

chen schäden nutzlich sey/ vnd sie zu der  
 heilung zwingen mit gewalt/ Wañ man  
 sie solches fraget/ so wissen die Elenden  
 Creaturen nichts zu antworten/ sondern  
 sprechen/ es sey seine eygenschafft/ vnd  
 heissen dasselbige proprietatem. Etliche  
 aber Specificam virtutem, wie ihr Gale-  
 nus am vierten Capitel Methodi sagt/  
 De ente, quoniam esse an sit, nec ne, da  
 wolt er nichts mit zuschaffen haben/ vnd  
 im Buch de facultatibus, in dem Capitel  
 von der Pionia in der Rómerland/ ver-  
 wundert er sich gar höchlich/ das ein alt  
 Weib einem Buben diese Wurzel ange-  
 henckt hat für den hinfallenden Siechta-  
 gen / vnd hat sie wider abgenom̄en / vnd  
 darnach wider angehenckt / vnd dem Bu-  
 ben wider geholffen: Dañ der Bub so bald  
 sie die Wurzel wider von ihm genom̄en  
 hat / ist er wider gefallen / Da spricht er/  
 es sey ein proprietas, hat nicht gewußt/  
 das Gott dem Menschen dasselbig geben  
 hat in gleicher substanz vnd form / durch  
 Simpathiam, vnd die andere bewegnuß/  
 welche

welche die Materia vnd Form des Glieds  
 das da leid/als das hirn ist/vnd das kraut  
 das da hilfft vollkommen / mit dem Geist/  
 substanz vnd Form regiert/wie dann das  
 geredt wirdt in dem Buch von den vier  
 Materien/ Aber im Buch trium princi-  
 priorum werden diese ding so klar geleret  
 werden/das E. Churf. G. greiffen kan/  
 aber mit dem harmoniaco motu daher  
 aller ding Leben vñ bewegnuß kompt/wirt  
 im Büchlin de primo & tertio motu ge-  
 lert / darnach dann ein kleines Tractät-  
 lin volgen wirt/vnd ein zimliches Buch  
 de Harmonijs, Simpathijs, & Antipa-  
 thijs, volkōmenlich vnd eigentlich gelert  
 werden wirt / dardurch die gaben Gottes  
 Warhafftig an Tag kommen werden.  
 Also können nuhn E. Churf. G. mercken/  
 mit was Grunde vñnd Warheit diese  
 Leuth bissher gelert haben/vnd im brauch  
 gehabt. Aber E. Churf. G. möchten et-  
 liche Experimenta verwerffen/welches ich  
 wol zu frieden bin/ daß sie seind auff meis-  
 ner Seiten vñnd nicht auff ihrer / dann  
 solcher

solcher Knüsten haben sie viel/die da kommen von elenden armen Leuthen/welche solche ding erfunden haben vngesehr/ als mit dem Herzkraut/welches ohne zweifel erfunden ist durch einen armen Menschen/welcher in grossen Durst / vnnnd hie diß Kraut mit der wurzel gessen hat/ vnd dardurch bekreffigt ist worden/ wie dann vilerley ding erfunden sein worden/ aber kein rechts wissen / was / wie / war durch/ warumb solches beschehe/welches ich hie E. Churf. G. warhafftig lehren kan vnd will/das so balde E. Churf. G. von einem schaden oder franckheit hören/die geheilt ist worden/ von stundan wissen/durch was mittel vnd Simplicia, vnd was es fur ein Materi/ Substans/ vnd form sein muß. Widerumb/ so E. Churf. G. einer sagt von einem Experiment eines Krauts/ vnd doch nicht sagt / was die franckheit oder schaden gewesen were/ vnd so man E. Churf. G. das Simplex sehen laßt/ oder in die Hand gebe/ das dieselbe eigentlich wissen köndten auß dem Kraut

Kraut/des Schadens oder Franckheit Art/  
wo sie gewesen ist/auch substanz vnd form/  
vnd was darzu gehört/ solches thut vnd  
kan diese Kunst/ Darumb ichs auch E.  
Churf. G. etwas weitleufftiger beschreis  
be vnnnd anzeige/ was mein Grund dieser  
Kunst warhafftig seye.

Das V. Capitel.

**W**eiter zu den Schäden/welche von  
salsiger Feuchtigkeit kommen/ so  
seind sie vor erzelt von den Melan-  
cholischen Flechten/ vnd ihrer Arzney/  
nachmals von dem durren grind/welcher  
von solcher Feuchtigkeit auch kompt/vnd  
durch die Arterien getrieben wirdt/ vnd  
musculos. welcher dreyerley ist/ Der eis-  
ne an alten Leuthen/der ist schon erzehlet/  
mit seiner ganken Cura/ auch von den  
jungen Leuthen/ mag in gleicher gestalt  
also geheilt werden. Zum vierten kompt  
solche Kranckheit auch arme Weiber an/  
so in Kindbetten ligen/welches mir etz-  
liche mal vnder die Hand kommen ist/ Als  
im

Breißgaw / auch im Schwabenlandt/  
 vnd Oesterreich/ vnd in der Etsch zwey-  
 mal/ das die armen Weiber nicht viel zu  
 essen gehabt haben / vnd es Herbst zeit ge-  
 west ist/ als im October/ November/ De-  
 cember / welches seltsame gefalsene Mo-  
 nat sein/ der September dergleichen/ vnd  
 ist der bösest/ der December aber gehöret  
 zum Winter/ aber darumb das er ein An-  
 tipaticum lignum ist der Melancholia/  
 so neme ich ihn hierzu. Zu solcher zeit ha-  
 ben diese Arme Leuth junge Fehrlin vnd  
 Schwein/ vnd Säw meßgen lassen/ ha-  
 ben als dann die Kutlen vnd Bürst/ auch  
 das Fleisch kocht vnd gessen/ strack nach  
 der Niderkunfft/ da ihnen das Geblüet  
 entgangen ist gewesen/ vnd die Arce-  
 rien disen falschen/ Feuchten/ Gifftigen  
 Dampff inn sich gezogen: Also/ das ichs  
 fürzlich beschliesse/ bald verstopfft/ vnd  
 der ganze Leib solcher Feuchtigkeit voll  
 worden/ eine gefalsene Materi darzu ge-  
 schlagen/ seind von der Gifftigen Feuch-  
 tigkeit geschwollen an händen vnd füßen/  
 Nachz



Nachmal die geschwulst an händen weg-  
gangen/aber anfüssen blieben/ mit einer  
braunen röte/ vnd ist der ganze Leib voller  
schrunden gefallen/ mit grossem schmerz-  
zen/ vnd sonderlich die Hand vnd Füß/  
mit grausamen beissen/ vnnnd nachmals  
schwarze flecken an sie kömnen. Dise Leuth  
hab ich also gehenlet/ dann ich gesehen  
hab/ das das Blut alles Melancholisch/  
grob/ vnd der gefalzenen Feuchtigkeit dar-  
riñen gewest ist/ darauß dann die schwarz  
Morphea wirdt/ darumb ich ihnen das  
Blut subtiliert/ vnnnd gelöschet hab/ also:  
Nimb Braunwurzelkraut/ Scabiosen-  
kraut/ jedes j. handvol/ Ehrenpreis eine  
halbe handvol/ Scabiosenwurzel 4. lot/  
Braunwurzel 6. lot/ Odermenigwurzel  
im Mey gebrochen 2. lot/ Wein vñ wasser  
jedes 3. guter kandten/ laß es halb ein-  
sieden/ das trinck sie also sechs ganzer Wo-  
chen/ vnd anders nichts/ Ober Essens so  
soll sie ein geringen abgezogenen Wein  
haben/ darinn Scabioswurzel grün 4 loe  
ligt/ Braunwurzel 6. lot grün/ vnd allweg  
Z auff

auff den dritten tag frische Wurk darein  
 gethan / in einem Säcklin klein geschnit-  
 ten/ vnd nach den vierzehen tagen/ so sie  
 diß alles gebraucht hat/ sol sie alle mor-  
 gen schweißbaden auff diesem Bad / das  
 Schweißbad also gemacht: Nimm Ephen-  
 laub zehen handvol/ von einem Ameyssen  
 häuffen / Holz vnd Ameyssen alles mit  
 einander/ in ein leinen Sack/ so dick vns  
 gefehlich als 4. Menschen häupter seind/  
 also hinein gethan in ein wasser/ das ge-  
 nugsam sey/ dz mans wol siede zu einem  
 Bade/ laß es gar wol sieden/ darnach laß  
 sie darüber sitzen / vnd die wärme also las-  
 sen zu ihr gehen/ wol zugedeckt / doch daß  
 das Haupt heraussen bleibe/ vnd also wol  
 schwitzen/ darnach auff dem Beth fore  
 auß schwitzen/ darnach mit der Grind-  
 kraut Salbe zwo stundt nach dem mor-  
 gen essen wol schmieren für einem ofen/  
 das thue bis sie gesundt ist/ vnd in allem  
 Essen esse sie diß Pulvers / Darzu nimb  
 Odermennigwurk drey lot/ Scabiosen  
 wurk 6. loth/ Bräuntwurk/ oder Creus-  
 wurk

Von offenen Schädten. 131

wurtz were besser / 9. loth / mache sie zu Pulver / darvon esse sie zum ersten vnnnd letzten Essen / bis sie gar gesunde ist / es hilfft ohne allen zweiffel. So aber ihr menstruum darzu schläge / so halte mit dem Bad still / vnnnd schmiere 6. oder 7. tag / darnach wann es nach läßt / nemlich zwen tag darnach / so der Fluß steht / wider gebraucht / wie zuvor stehet.

Das VI. Capitel.

**A**uch so kommen solche schäden den Menschen ins Angesicht / oder hinden auff die Achselen / vnder das Genick / an die Arm / oder an die Brust / durch verstopffung der Gulden ader / vnd geschicht solches / wann die Gall durch das Blut darein kompt / vnd verbrent es / vnd machts gar grob / oder durch dz grobe Blut / welches ein falsches dickes nutrimentum gibt den Arteriz / oder geschicht durch ein Recurs des Milkes vnd seiner Feuchtigkeit. Dis geschehe nuhn wie es wölle / so kan man ihm also helffen / durch die tägliche speiß vnd tranck. Mach nur

I 2 für

für das vorige Schweißbad allein zu den Füßen/ vnd vermache sich am Leib gar wol/ so zeucht es solche Feuchtigkeit mit gewalt vnder sich/ vnd braucht ihme das Pulver vnd vorigen Tranck drey wochen zuvor/ darnach hebe an zu brauchen den vorige tranck/ wie zuvor/ aber das pulver laß fahren/ vñnd nimmb der Scabiosen wurzel alle morgen j. lot oder anderhalbs mit den Rinden/ so grün/ vnd so klein gehackt/ als müglich ist/ Esse es mit einem Biermuß/ von Rockenbrod/ des Nachts gleich sovil wann er Schlaffen geht/ für vnd für/ je mehr je besser/ vnd in all eweren krankheiten legen grün Bräunwurzel klein gehackte 6. loht in eintüchlin gebunden/ kucker mit Ehrenpreis kraut ein halbe handvol/ vñnd am dritten Tag wider frisch kraut vnd wurzel genommen/ bis je gesunde seind/ vnd essen in allen Speisen diß Pulvers. Darzu nimmb klein Kletten wurzel 9 lot/ Alissenkraut dritthalb handvol/ oder so irs haben köndt/ Federkraut soviel/ So desselben auch nit vorhanden were/

were/ Braunwursel 4 handvol/ rot Hün-  
 nerdarmkraut 2 handvol/ macht ein Pul-  
 ver darauf / vnd essets zu aller Speiß/  
 vnd zetlen in den Schaden anders nichts  
 dann Ehrenpreißkraut pulver/ vnd halb  
 sovil Sophienkraut / oder Federkraut/  
 biß er heil ist/ aber hinden auff dem Achß-  
 len istß Federkraut vnd lange Osterlucy  
 wursel/ jedes gleich / sehr gut. Im an-  
 gesicht thuts auch allein Federkraut/ vnd  
 Ehrenpreiß/ aber vnder dem Arm roth  
 Hünerdarmkraut/ vnd klein Schelkraut/  
 also wirt er gewiß geheilet.

Das VII. Capitel.

**S** D aber einer einen alten Schaden  
 oberkäme/ von Feigwarzen/ wel-  
 che auch Salz inn ihnen haben/ so  
 brauche die Cura inn der ersten Materi  
 sanguinis, wie es gesagt ist von Feigwar-  
 zen schäden zu heilen.

Auch so kommen grosse schäden etwan  
 ins Angesicht/ von verstopffung der wei-  
 ber Blödigkeit/ welche in sich selbs ver-

stopffe

stopfft wirt / vñ vbersich treibt ins haupt/  
 vnd von dannen fallts herab ins Ange-  
 sicht/ wirt zum gefalsenen fluß/vnd fallt  
 nachmals eine braune/ schwarze Melan-  
 cholische Art darzu/ etwann ein Bräune  
 allein/wie der Frawen von Keischach vnd  
 der von Buchheim/ mit einer schwarzen  
 vnd grünen/ vnnd der anderen mit einer  
 braun röthe geschehen/ wie gesagt wirt  
 werden. Der Frawen von Keischach ge-  
 schähe es also: Wie sie ihren Herrn Luren  
 von Keischach genommen hat / so hat sie  
 im ersten Jahr den hinfallenden Siech-  
 tagen vberkommen/ vnd hat denselben ge-  
 habt bis in das dreyzehende Jahr/ Aber  
 im fünfften Jar zuvor/hat sich der siech-  
 tagen gelindert/ hats etwan im jhar vier-  
 mal / darnach drey mal / bis auffs drey-  
 zehende Jahr/ hat sie desselben jahrs nur  
 einmal gehabt/ Aber ihre Blödigkeit hat  
 sich verschlagen/durch vielerley Arzney/  
 die sie braucht hat/ von vielerley Docto-  
 ren/ ist ein gefalsener Fluß ins Angesicht  
 gefallen/ vnd daselbst auff brochen/in der  
 Nasen

Nasen vnd hin vnd wider im Angesicht/  
 darzu hat man nachmals viel Doctoren  
 braucht/ zum fünffzehenden mal im holz  
 gelegen/ ist siben mal gereuchert worden/  
 etlich mal in die Schmiere /vnd zu letst  
 im siben vnd fünffziasten Jahr von Do-  
 ctor Anthoni von Oberlingen/vnd an-  
 deren mehr/im Holz gelegen etlich Mo-  
 nat/ vnd drey oder vier mal geschmieret  
 in einer Cura/ darüber sie keinen Athem  
 mehr hat können haben/dañ die Schmiere  
 ist hinauff kommen/vnd gezogen zur brust/  
 hat sie hefftig geänstigt vnd gemartert/  
 daß sie für vnd für gemeint hat/ das hertz  
 würde ihr ersticken/vnd der Schad wider  
 auffgangen. Darzu bin ich gefordert  
 worden/ durch Graff Jul Friderich von  
 Lufffen/ Landtgraven zu Stürlingen/  
 dann sie seine Ruhm war. Dieser hat  
 ich das Quecksilber also vom herten wis-  
 der getrieben: Darzu nam ich Bibenell-  
 wurzel/ welches man Herrgottes Bärtlin  
 nennt ein halb lot/ Liebstöckel wurzel ein  
 quint/ Alantwurzeln ein lot/ D.hsezung  
 T 4 wurzel

wurzel j. quint/Schaffgarbenblumen ein  
handvol/macht es alles zu Pulver / des  
besten Antromatischen Tyriar gleich so  
schwer/ stost es in einem Mörstel zu einer  
Lattweg/ das theilet ich in 14. theil/ gab  
jhr alle morgen eins ein/ zwischen 4. vnd  
5. mit weissem Wein/ vnd Mantwasser/  
vnd vmb acht / oder zwischen 8. vnd 9.  
des morgens ließ ich sie Schweißbaden/  
vber disem Bad/ darzu nimbe Phewlaub  
zwölff handvol/ Wolgemut/ Camillen-  
blumen jedes 5. handvol/ Odermennig  
ein halbe handvol/ Wein vnd wasser das  
genug war / das brauchet ich wie gesage  
vber 4. ganker wochen/ muß die Lattwer-  
gen wider von newem machen/ ließ sie  
das Angesicht wäschen mit Phewäsch/  
vnd Eichenäschelaug/ darin Ehrenpreis  
gesotten war / macht ihr auch ein Laug zu  
dem haupt von Haselwurz/ Wolgemut/  
Eisenkraut/ jedes zugleich 3. handvol/  
in Eichen Aeschen laug gesotten/ damit  
gezwaget langsam/ darnach mit warmen  
Tüchern zugedeckt/ vnd von ihm selbst  
lassen



lassen trucken werden/ vnd zu aller Speiß  
 muß sie diß Pulver essen/ darzu nam sie  
 klein Klettenwurzel 6. lot/ Braunwurzel  
 4. lot/ Scabiosen 2. loht/ Cardobenedi-  
 ctensamen 3. lot/ gepulvert/ vnd davon in  
 allen Essen gessen/ abends vnd morgens/  
 Also ward sie gesund/ aber erst in der sie-  
 benden Wochen/ Ist darnach schwanger  
 worden/ hat Kinder geboren/ vnd zum er-  
 sten einen Sohn/ heißt Hans Ernst/ vnd  
 sovil von diesem.

Das Fräwlin von Buchen/ Herren  
 Hansen von Weißbrods Schwester doch-  
 ter/ hat solchen Schaden an dem Lincken  
 wangen/ neben dem Ohr/ sist ihr inwen-  
 dig bey den Zähnen auß/ mit einer gros-  
 sen breune vnd röthe/ Der wolte ich also  
 helffen/ dann sie noch inn meiner Cura  
 nit gewesen ist/ ich habs aber besichtigt vff  
 Herrn Hansen von Weißbrodts befehl/  
 welcher ihr helffen wolt lassen/ aber ihr  
 Vatter wolt nicht/ fürchte er müste viel  
 Gelt außgeben/ dan sie ein einzige Toch-  
 ter ist/ vnd erbet Herr Hansen von Weiß-  
 brode

E v brode

brot den vierten theil/ nimb Klettenwurz  
 9. loht/ Scabioswursel 6. loht/ Hirsch-  
 zungenkraut anderthalb handvol/ Heils-  
 allerweltwursel 2. loht/ mache sie zu pul-  
 ver/ Darzu thu Braunwursel 4. lot/ der  
 leschung halben/ darvon gebt ihr in aller  
 Speiß zu essen/ vnd sieden all ihre Speiß  
 mit 3. theil Klettenwurz/ 2. theil Scabio-  
 senwurz grün/ darauf mit der Speiß ge-  
 sotten so lang sie kocht/ bis sie ganz vnd  
 gar gesund wirt/ Auch wolt ich den Fluß  
 zuruck ziehen durch diese Purgier laug/  
 darzu nimb Eppaum holz äschen 3. maß/  
 gieß ein frisch Brunnwasser dardurch/  
 das es ein scharpffe laug wirt/ j. mal oder  
 10. der laugen muß aber ein gut theil sein/  
 etlich maß/ darnach genossen diese Lauge  
 siede darinnen Ameissen holz/ vnd alles  
 mit einander/ so dick als ein Kopff/ klein  
 Klettenwurselkraut/ Odermenigkraut/  
 Eisenkraut jedes zwo handvol/ lassen  
 es gar wol sieden/ vnd setz die Füß darein/  
 so warm sie es erleiden mag/ die Füß  
 werden ihr aufflauffen vnd geschwellen/

Alte

Von offnen Schäden. 139

Alsdann nimb braun Genseric Kraut/  
lege es in die Schue vnd gehe darauff/die  
geschwulst wirt sich bald verziehen/auch  
trincke sie bey Leib nichts/ es ligen dann  
diese drey Wurzeln zugleich darinnen/  
klein Klettenwurzel grün/ Braunwurzel  
grün/ Scabiosenwurzel grün / jedes 2. lot/  
vnd am vierten tag wider ein frisches/  
vnd reiben das Zanfleisch auff derselbigen  
seiten alle morgen mit einem frischen gu-  
ten Salk/ was inn dem Schaden in der  
geschwulst steckt/ das wirt sich fein durch  
das Zanfleisch verzehren allgemechlich/  
wie durch ein Schweiß. Also vil von die-  
sem Schaden.

Das VIII. Capitel.

**A**uch können durch Zanweh schwe-  
re gefaltsene Flüss herab inn das  
Zanfleisch / vnd sonderlich von  
den losen Kerln den Zambrechern / wel-  
che etwan ein eswasser darein thun/ vnd  
ziehen einem etwan einen gefaltsenen  
Fluß/

fluß/ oder Gallfluß/ vnd so es ein Gallfluß ist/ so schlägt ein gefalkenes Flüßlin darzu/ gleich wie geschehen ist ander Frauen von Könrix in Oesterreich/ des von Harrachs Schwestern/ welche die Doctor vnd Balbierer zu Wien vor fünff jaren den Herbst gewesen/ gemartert haben mit brennen/ eßen/ vnd ihr etliche Zän außgebrochen/ vnd dardurch ein gewaltiger schaden vnd fluß darauß entstanden/ Welcher also ich geholffen hab.

Hab ihr nichts anders zu essen geben/ dann klein Klettenwurk puluer/ vnd inwendig in dem Mund auff den Schaden gelegt/ Meißel von disem Pflaster. Darzu nimb Gummi Flavi ʒ. lot/ Zornentill wurzel driethalb lot/ Osterlucey wurk ʒ. quint/puluer dise stuck klein/ thuso viel Serpentin darzu/ der wol außgeweschen sey/ zerlaß es gemechlich/ zettel das Puluer darein allgemach/ das ein dickß Pflaster werde/ darnach thu es in den schaden/ wie ein Meißel/ abends vnd morgens frisch/ vnd säubere den schaden wol auß  
mit

mit dem Osterlucy wasser / vnd Rheins  
blumen wasser Stechas Citrina genant/  
es wirt besser/ auch wenn sie sunst zu flüß  
sig weren/ vnd ein Gallfluß darbey were  
von einem groben Blut/ so muß sie Sca  
biosen vnd Braunwurz/ auch klein Klet  
ten wurz/ jedes zwey loth klein hacken/ in  
Tüchlin gebunden / vnd in ihr Trinck  
geschirz gelegt/ Tag vnnnd Nacht darin  
nen ligen lassen/ vnd ober den dritten tag  
allwegen ein frisches gemacht/ bis sie ge  
sundt worden ist.

So aber solcher Fluß in die Zän käme/  
vnd das Zänfleisch also weg fresse/ vnnnd  
doch die Leffzen nicht angriffen werden/  
sonder das Zänfleisch hinweg fresse / vnd  
dasselbe aller eyterich were/ vnd schwarz/  
So nimb sechs frischer Bachkrebbs/ blau  
Kornblumen wasser ein halbes Maßsel/  
die zerstoß er also lebendig mit einander/  
das man weder Krebbs/ noch Schalen/  
noch nichts darinnen sibet/ groß Klettens  
wurzel grün zwey loth/ auch darinnen  
zerstoßen / darnach seyhe es durch ein  
tüch

tüchlin ein wenig/ so vil du brauchē wilt/  
wäsch die Zän vnd Zänfleisch damit ein  
mal vier oder fünff/ vnnnd vber alle zwo  
stunden wider von newem/ bis sie gar ge-  
sund seind/vnd geben ihm Klettenwurzel  
3. theil/ Scabiosenwurzel anderthalben  
in allen Speisen/ den es ist ein gefalsener  
Fluß von Gallſüchtiger wässerigkeit im  
Salz.

## Das IX. Capitel.

**S**D aber einem das Zänfleisch an-  
shübe zufaulen/vnnnd die Zän wack-  
len würden/ vnnnd kein Fluß dar-  
bey were/ dann nimme allein Stechadas  
Citrixæ wasser ein halb Rößel / vnd 6.  
frische Bachkrebbs/ zerstoß die darinnen/  
das man nichts mehr siehet/ laß es läw-  
sicht werden/ seibe so vil durch ein Tüch-  
lin/ als du brauchen wilt/ reib das Zän-  
fleisch allenthalben gar wol damit/ vnd  
das offtermals / es hilfft gewiß. Auch  
mag man weiße Corallen gepulvert dar-  
zuthun/ dan solcher Schad kompt von ei-  
nem erstickten dämpffigen Salz/ welches  
in sie

Von offnen Schäden. 143

In sie geht/ vnd ersticket. So aber die leff-  
zen mit bear:ffen würden/ so ist ein star-  
cker Gallfluß darbey/ vnd ist der Schad  
gar tödlich nach dem 9. tag. Dem kann  
man also geschwind helfen: Nimb Sca-  
biosenkraut wurzel/ anderthalb handvol/  
klein Klettenwurz ein handvol/ Holder-  
beer körner 3. lot/ Judenkirschen 2. loth/  
Wasser vnd Wein jedes 2. Kandeln/ laß  
es vber halb einsieden/ es hilfft/ genug-  
sam getruncken durch den tag/ vnd in al-  
len seinen Tranck lege er ein gute hand-  
vol Gamanderle blumen mit dem Kraut  
tag vnd nacht/ vnd trincke desselben ge-  
nug vberm essen/ aber des Trancks soll  
er für vnd für neñen/ so wirt der fluß mit  
gewalt vnter sich gezogen/ Vnd im mund  
gurgele er hefftig mit dem reinen Brun-  
nenwasser / darinnen die Krebs zerstoß-  
sen sein/ wie vor gemeldt ist/ der Tranck  
wirt ihn zimlich purgieren/ das muß vor  
allen dingen sein/ vnd die Gall wider zu-  
ruck ziehen. Das Gamanderle aber wirt  
das falsch salt/ welches sich durch die ent-  
zündung

zündung der Gall allenthalben in den Arterien vnd dem Geäder angelegt hat/ auffblast/ vnd zuruck ausspurgieren/ wie dann das sein subtile durchringendes Salt mit seiner subtilitet auffblaset/ vnd ausspurgieret / wie dann dasselbige offft gesagt ist.

## Das X. Capitel.

**S**Er Erbgrindt ist auch ein gefalscher Schad/ doch eusserlich/ vnd ist nichts anders dann ein aufgediggen Salswasserstein / kompt nicht von innen herauf/ sonder von aussen/ ligt allein in der haut. Darumb seind es Schindler vnd Leuth marterer/ welche diesen armen Leuthen die Haar aufrauffen/ Beschen fräns auffschlagen/ schmieren vnd dergleichen/ Sondern ihnen also zuhelfen ist/ eusserlichen gar natürlich. Dem thue also: Nimb Ephewholz mit aller Substanz/ brenn es zu äschen/ vnd der genugsam/ gies frisch Brunnenwasser/ das auß ein Stein heraussert fleußt/ dadurch mache ein gute scharpffe Laugen darauß/



Von offenen Schäden. 145

darauff/damit zwag ihm ganz starck vnd lang/doch nit zu heis/bis aller Grind hinweg geht/darnach truckne ihm den Kopff mit alten leinen Tüchern/das haar muß aber vorhin kurz gekolbet sein/darnach so das Haupt trucken ist/ so nimb Braunwurz kraut oder wurzel safft/ fein sauber gemacht/ darinnen nehe Tücher/ vnnnd wäsche ihme das Haupt damit wol/ als dann bind ihm das Haupt warm zu/ das es in der wärme fein trucken werde/ das thu alle tag zweymal/ es hilfft geschwint/ vnnnd von grunde heraussert/ hat er das Braunwurz kraut nit/ so nemme er klein Klettenkraut vnd wurzel safft/ senhe es durch ein Tuch/ einmal so viel er brauchen wil/ vnd dasthue bis er gesundt ist/ es geschicht baldt.

Das XI. Capitel.

**E**S werden den Wunden auch gewaltige grosse Schäden im Angesicht/ vnd am ganzen Leib/ also: Es wirt zum ersten ein kleines graues Wärslein neben dem Auge/ oder auff dem Leffen  
B am

am Munde/ oder am Hals/ auff den Ar-  
 men/ auff den Achseln/ oder sonst anders-  
 wo/ vnd die Warz wächst vber sich/ vnd  
 leßt nicht nach/ doch algemächlich/ letst-  
 lich so es beginnet groß zu werden/ so hebe  
 sie an eine feuchte zu haben/ oben an der  
 spize/ vnd wässert für vnd für/ Als dann  
 berufft man Doctor darzu/ vnd Barbier-  
 rer die solches gar nicht wissen/ oder ver-  
 stehen/ halten Consilia darüber/ In dem  
 sagt einer er wils brennen/ der ander sagt/  
 er habe die Frankosen gehabt / der dritt  
 sagt es sey ein halb Feigwarz/ der fenz-  
 nets gar wol/ er wolle es schneiden/ der  
 viert sagt nein/ es sey ein Warz/ vnd hab  
 drey wurzeln/ darumb müß man sie mit  
 Ross-haar abschneiden/ oder ein Erwas-  
 ser darauff legen/ damit der grund heraus  
 komme/ vnd ist alles erlogen/ was die Hu-  
 renkind sagen: Sondern es ist ein Warz  
 von grobem schwebelichem salzdampff/  
 hat ein trieb hinder ihr/ von ensündung  
 vnreines bluts/ wirt also durch die Arte-  
 rien hinauß getrieben in das Angesicht/  
 oder

Von offnen Schäden. 147

oder an einem andern ort / wo dann eine  
grosse Arterien hintreibt / da wirdt ein  
grosser brauner Schaden darauff/ vnd ist  
ein warhafftiger Wolff. Ein solche scha-  
den hat gehabt / Herz Gabriel Heckherz  
zu Hagenaw 27. Jahr/ welchen ich jeso  
10. Jahr Curirt hab/ wie volgen wirdt/  
Dem ist auch ein solche Warz gewachs-  
sen wol drey oder 4. jahr/hat jm aber nie-  
mandt helfen können/ Letztlich ist ein  
Weib komen/wie ihr brauch ist/hat ihme  
geben ein grün Ehrenpreisskraut/hat ihn  
geheissen dasselbig safftig zerstoßen / vnd  
also auff die Warze legen / so werde ihm  
die Warz hinweg fallen / vnd also fore  
an darauff geschlagen / das loch geheilet  
werden / Welches aber nicht geschehen/  
sonder ist ihe lenger ihe grösser der Schad  
worden/vnd ist letztlich so groß worden/  
das es ihm das lincke Aug/die Nase halb/  
das maul auch halb/ vnd den Rifel/hin-  
der den Ohren/gar hinweg gefressen hat/  
wirfft den Ranfft nicht vber sich wie der  
Krebs/hat vil Doctor/ Barbierer/ Kün-

B ij felter

steler/Landfahrer/ 2c. vber sich gehabt in  
27. Jaren/ das der Schad offen gewesen  
ist. Den hab ich genommen auff S. Elias  
tag/ im Brachmonat/ im 55. Jahr/ dem  
hab ich nichts anders darzu gebraucht/  
dann das er in allem seinem Trinckge-  
schirz hat müssen von Braunwurz trins-  
cken/wie zuvor oft gesagt ist/ vnder allen  
seinen speisen klein Kletten/ wurzel vnd  
kraut pülfern/ vnd dasselb in allen speisen  
hat essen müssen / vnd kochen lassen bis zu  
ende der Heylung / welches bis in die sie-  
benzehend wochen gewehret hat. Dann  
dieser schad ist grausam gewesen/ mein  
lebenlang auch solchen grausamen schad-  
den nit gesehen am Gesicht/ hab ihn etli-  
che mal purgiert mit dieser Purgation/  
darzu nam ich Cardobenedicten Pulver/  
dann der mangel war von den Arterien/  
vnd gefalsner feuchtigkeit/wie ein Wolff  
pfllegt / grün/dick/braun wasser flos mit  
hauffen darauß/ schmäckt nit sonderlich  
hart / wie ein altes gefalzenes Kinderes  
fleisch/ das alt ist vnd stinckt/ anderthalb  
quint

Von offnen Schäden. 149.

quint Senecbletter / j. lot langen Pfeffer/  
weissen Ingwer jedes j. quint / davon gab  
ich ihme zu Nachts ein quint / des Mor-  
gens frühe 4. Scrupel / das thet ich drey  
abendt vnd morgen nach einander / so ers  
erleyden konte / dann er war sehr schwach/  
vnd der Sommer gar heiß / vnd wusch  
ihme den schaden sauber auß mit Brauns-  
wurzkrautwasser / Cardobenedictenwas-  
ser / rohete Bachmünkwasser / alle abende  
vnd morgen jedes zugleich viel / Darnach  
nam ich Birckene Rinde / die brennet ich  
auß in zweyen Häfen vnder sich / nam das  
öl vnd behielts in einem Glas zur nacht /  
darnach nam ich Cardobenedicten wasser  
ein maß / gut frisch Honig ein achten theil  
einer maß / ließe es also mit einander ein-  
sieden vnd verfeimbt das Honig / bis nit  
mehr dann etwan ein nöffel bleib / behielt  
dasselbig auch inn einem Glas wol ver-  
macht / vnd so oft ich den Schaden ge-  
säubert hatte / so nam ich auß beyden glä-  
sern zugleich viel / so viel als ich brauchen  
wolt zu einem mal / nehet Tücher darin

B iij neu

nen vnd legt allenthalben den Schaden  
 vol/ vnd so bald ich das Federkraut vber-  
 kame von Islingē/ da es dañ gar gemein  
 vnd vil ist/ vnnnd heist auch alda Feder-  
 kraut/ daher mir der nam kommen ist/  
 Auch bey Kenzingen im Preißgaw/ vnd  
 heissen es mit etlicherley Namen/ da pul-  
 vert ichs/ machts ein wenig feucht/ vnd  
 zettels in die grossen löcher des Schadens/  
 vnnnd Tüchlein darüber durchauß. Der  
 Fluß wolte zum ersten in vier wochen nit  
 stehen/ vnd darzwischen wolte der Scha-  
 den durchauß nit heilen/ aber so bald der  
 Fluß hinweg war/ so heilet der Schade  
 mit gewalt/ doch hab ichs nicht gar zuge-  
 heilet/ sondern ein löchlin eines Pfens-  
 nings breit gelassen/ dann ich dorfft mir  
 nicht so vil vertrauen/ Hab auch andere  
 mehr an solchen Schäden gehabt.

Es ist mir auch widerfahren vor an-  
 derthalb Jaren/ dz ein junges Weib von  
 26. Jahren/ eines Freyherrn haußfraw  
 von Sternberg/ Rüttger genant/ vnnnd  
 sie ist Herr Lur Becklin/ Herrn zu Fridam  
 dochter/

dochter / zukommen zu Lins / welcher solche  
 Warz gewachsen ist / zwischen der Nas  
 sen vnd dem Lincken Aug / schier eines  
 glieds lang / hat angefangen eines halben  
 jars zu wässeren / wie des Wolffs brauch  
 ist / welcher Frauen ich nichts anders ge  
 ben hab / dann diß Pulver: Klein Kletten  
 wurzel 4. lot / Fenchel ein lot / daß sie war  
 schwanger / vnd hab sie alle tag den schaz  
 den lassen wäschen mit jungem Hunds  
 bruns / bis die Warz hinweg ist gangen /  
 vnd zerfallen / vnd Sophienkraut blets  
 lin darauff gelegt / welches gar gemein  
 in Ober Osterreich / vnd diß bald geheilet.

Hab auch ein Edel Jungfrau von 17.  
 Jahren geheilet / hinden auff den hüff  
 ten / an solchem schaden vor 2. jaren. Sie  
 ist aber gar flüßig gewesen. Darumb ich  
 Eppaunholts äsch / mit Sophienkraut  
 Pulver jedes zualeich viel darein geze  
 telt / vnd mit Cardobenedicten wasser /  
 vnd Ehrenpreis wasser aufgereiniget  
 den schaden / habe dergleichen sonst viel  
 gehabt / dann diese Cura thuts.

B iij Das

**S**aber ein Mensch solchen Schaden an Schenckeln hat/ so siehe darauff/ dann er wirt an den ränfften wie ein Warz/ hart/ widerspänstig/ an dem Kauffte kalt/ vnnnd durchauß mit grosser kälte am griff/ aber er befindt hitz darinn/ der da leydet/ ist braun an Kaufften/ widerglisicht/ grawlicht/ vñ so man jm ein frisch fleisch darauff bindt/ so wirt es als wann es erstickt were durchauß/ vnd graw Refersfarbig. Disen Leuthen thut nichts ärger dann das nagen vnd beißen/ vnnnd sonderlich gegen Nacht/ zwischen 7. vnd 11. aber von 4. bis 10. ist keine rhu nicht. Diesen Leuthen hilfft man also: Numb ding die da weichen den Schaden/ vnnnd lindern/ doch das sie bey Leib vnder dem Geist Jovis nit stehen/ allein die so grobe Materia in ihrem Radicali haben/ vnd seind durch den geist Jovis gekocht/ als Braunwurz/ vñ was graw schwarzlichter Farben ist/ Federkraut/ sonst auß seiner engener Substanz/ als von jungen Eichen



Eichen Bäumen / die Kind zu Pulser gebrand / vnd darein gezettelt / ist ein treffliche Arzney / doch zuvor den Schaden milt vnnnd natürlich zumachen / vnd die Wölffische giftige arth zu tödten / in das Raufften / vnd mitten im Schaden / darinnen kein Gift der gefalzenen Melancholischen Fluß stecken bleibt / sonst würde der letzte Schad ärger dann der erste.

Soll sich auch vor allen dingen hüten / das nichts zur linderung gebraucht werde / was vnder dem Jove steht / vnnnd seiner ganzen Materi / allein was gesagt ist / Als da sein Federkraut / Braumwurk / Kreuzwurk / Sophien kraut / vnd bereit Honig / wie das hieher gehört / zubereiten. Darzu nim lang Osterlucen wasser / Cardobenedicten wasser / jedes anderhalb Kandel / anderthhalb nöffel Honig / misch es vndereinander in ein kleines Kesselin / oder Topfflin / das glasurt ist / laß es offen sieden / das nicht mehr bleibt dann anderhalb nöffel / von diesem anderhalb nöffel / nim ein halb nöffel / Scorpion öl auch ein  
 B v halb

halb Nöffel/ Braunwursel klein gerieben  
 zum Pulver auch ein halb Nöffel/ sied es  
 wol durch einander/ das es wirt wie ein  
 dicke Salbe/ diese Salb streich auff ein  
 Tuch/ leg es in vñ vmb den Schaden her/  
 vñnd des tags vñnd nachts drey mal/  
 bis der schade schön natürlicher farb wirt/  
 als dann nimb Braunwursel kraut vñnd  
 wursel/ Cardobenedicten kraut / jedes  
 zugleich zwo guter handvol/ alten roten  
 Wein vñnd wasser jedes zwo kandel/ laß  
 es gar wohl sieden/ zugedeckt / darnach  
 nimb es herauf/ mit diesem wasser wäsche  
 den Schenckel von oben herab gar hart/  
 vñnd streich den dappfer/ vñnd dasselbige  
 zimlich lang/ darnach so warm dz Braun-  
 wurselkraut mit der wursel fein weich zer-  
 stossen/ warm mit dem Cardobenedicten-  
 kraut auffgelegt/ ein stund 2. oder 3. dar-  
 nach Federkrautpulver 4. lot/ oder Faul-  
 bäumen rinden pulfer 4. lot/ oder Braun-  
 wurselkraut pulver 4. lot/ von jungen  
 Eichen die rinden bey der Erden pulver  
 6. loht/ Maulwerff mit aller substans zu  
 pulver

puluer gebrent 2. lot/ diß Pulver zette im  
 darcin/ aber allezeit müßt ihr mit der brüe  
 den schaden zuvor wol seubern/ vnd wäs  
 schen / vnd darnach austrücknen/ vnd dz  
 Pulver/ wie gemelt/ drein zettlen/ vnd alle  
 zeit vmb die Rauffte außwendig an dem  
 schenckel geschmiert mit dem vorgehen  
 den Sälblin/ so mit Honig vnd Scors  
 pion öl gemacht/ biß der Schad gar zum  
 ende kompt/ vnd gebt ihm anders nichts  
 zu essen in aller speiß/ welches die gefals  
 chene Flüsß verzehret/ vnd das Blut reines  
 get/ vnd die Arterien in reinem Herzluffte  
 behaltet. Solches ist diß Pulver/ darzu  
 nimb Braunnurz 6. lot/ klein Klettens  
 wurz 9. lot/ Cardobenedicten samen drey  
 lot/ Hirschzungen/ wilde Salbey blüet/  
 Dermenigkraut jedes 2. handvol/ ma  
 che es alles zu pulver/ davon esse er in als  
 ler speiß abends vñ morgens/ auff einmal  
 ein quint / oder mehr / mit auffgebähtem  
 Brodt in wein gedunckt/ Die cristen drey  
 stuck in disem Pulver/ trücknen die Flüsß  
 auß/ machen dz Blut rein/ vnd verzehren  
 die

Das dritte Buch/  
 die gefalsene Flüsse/ durch den ganzen  
 Leib/ lassen der Milk vnd Arterien nichts  
 widerfahren. Die andern drey Kräutter  
 lassen dem Gehernck/ Lungen/ Leber/ vnd  
 Diaphragma nicht schaden/ mehrn kein  
 gefalsene Flüss. So aber einer sonst vn-  
 rein am Leib were/ so müste man diesen  
 Trancck darzu machen. Darzu nimb  
 Braunwurck 4. loth/ Scabiosen wurck 6.  
 loth/ rot Tostn blüet/ Wüngen/ jedes ein  
 halbe handvol/ Wein vnd Wasser/ jedes  
 zwey handeln/ laß es halb einsieden/ dar-  
 von trinck er täglich drey Tränck/ vnnd  
 esse nicht viel gemein Rühfleisch/ vnd ge-  
 diegen fleisch. Disz were die ganze Cura  
 des Wolffs/ vnd Melancholischen schä-  
 den/ vnnd da solcher gleichen Schäden  
 gesehen werden/ so mag man sie auß di-  
 sem bericht haben.

Das XIII. Capitel.

**E** Skompt auch bisweilen/ daß den  
 Kindern/ Wägdlin oder Knäblin  
 ein stoß wirdt vnder die Rippen/  
 oder von einem Fall/ auch vnderweilen  
 am

Von offenen Schäden. 157

am Ruckgrad die musculi oder ein mem-  
brana musculosa, ein stoß oder Scissur  
kompt/ vmb der Simpathia willen/ mu-  
sculosaq; carne, ein flüßlin von einer ges-  
salzenen Feuchtigkeit darzu schlägt/ vnd  
wirt nachmals ein Fluß darauß/ welcher  
einen offenen schaden macht/ vnd so lang  
dieser innerliche Grind nit geheilet wirt/  
so besteht diser Fluß nicht/ vnd ist kein be-  
standt daran/ Darumb muß man zum  
ersten die Arterien subtilieren ein wochen  
oder vier / darnach einen Tranck machen  
auß Salzkräuttern/ welche solche schä-  
den durchtringen vnd heilen.

Es ist auch gemeinniglich ein innerli-  
che hitz darbey/ in carne musculosa, da-  
rumb es sich dann begibt / vnd soll eusser-  
lich kein Pflaster darzu. Solche schäden  
hat gehabt deß alten Herren P. zu Prag  
Schwester Sohn / den kan man also hei-  
len: Nimb Braunwurck kraut / Stieff-  
mütterlein blumen / jedes eine handvol  
Scabiosen wurck grünc. lot/ Wein vnd  
wasser/ jedes anderthalb kandel vol/ laß es  
mit

mit einander einsieden / bis vbers halb/  
 gib ihm anders nichts zutrinken / dann  
 von diesem Tranc / vnd so es auß ist/  
 mach ihm ein frisches vier ganser woche/  
 vnd gibe ihm in aller Speisen diß Pul-  
 vers / darzu nimb roth Hünerdarm sechs  
 quint / Sinnawkraut / Odermenigwurts  
 vier quint / vber essens in sein Tranc le-  
 gen Scabiosenwurts / vnd Braunwurts/  
 jedes zwey loth / grün / vier ganser wo-  
 chen / nach den vier woche so fahre mit  
 der Arzney forth / allein den Tranc gib  
 ihm nicht / vnd mach ihm disen Tranc/  
 darzu nimb Lindenblü ein halbe hand-  
 vol / Braunwurtskraut ein ganze hand-  
 vol / schwarze Bachmünsen anderthalb  
 handvol / wein vnd wasser / jedes anders-  
 halb landel / laß es vbers halb einsieden/  
 darvon trincke er für vnd für / des tags  
 vier oder fünff mahl / bis er gesundt ist/  
 Der Herzwurts soll er essen geschelt / auff  
 das keine Hitz darzu schlägt.

Das XIII. Capitel.

Auch

**N**och kommen solche Schäden von  
 gefalsener Feuchtigkeit/ vnd die-  
 selbige in form einer Gabelen zu-  
 zeiten/ vnd hat doch gemeintlich nit mehr  
 dann ein loch/ aber zwen einflus/ ge-  
 schwilt nichts/ oder gar selten/ gleich wie  
 der jung Herz Heil gehabt etlich Jahr/  
 vnd wie der Kön: May: Edeler Knab  
 gewesen ist/ so ist's ihm an ein sprung wi-  
 derfahren/ wie er vermeint/welches dann  
 ein gewaltiger schad worden/ vnd derselb  
 etlich Jahr geweret/ hab ich erst bey drit-  
 halb Jahren geheilt/ Dem hab ich geben  
 den ersten Tranck hievor verzeichnet/  
 6. ganser wochen/ darnach in allen sei-  
 nen Tranck Braunnwurz gehackt klein/  
 vnd Braunnwurz essen lassen zu der speis  
 auch/ Darnach hab ich ihme diß Tranck  
 geben/ nach den 6. wochen. Darzu nam  
 ich Braunnwurz kraut anderthalb gute  
 handvol/ schwarz Bachmüß ein hand-  
 vol/ wein vnd wasser jedes dritthalb kan-  
 del/ da hab ich ihm zutrincken geben zu  
 mittag 3. starcker trünck/ vnd den schaden  
 von

von innen heraussert gesprüht / vnd faul-  
ber gehalten/ vnd Bircken wasser öl/ vnd  
roth Bachmünz wasser. Es kompt gern  
ein Feigwarz/ ist geil fleisch inwendig in  
den schäden/darzu muß man diß öl darein  
thun/ dann es beissets weg/ vnd leidet es  
nicht. Auch vnderweilen ligt ein feistes  
darin/darzu man diß rein Birckenöl von  
der Rinden vnter sich gebrandt / wie man  
das Beckholder holtz öl brenndt/sprühen/  
vnd tüchlin darein nesen/ vnd darein ges-  
steckt/ das Resolvierts/ vnd treibts alles  
heraus/ bis es heil ist. So es aber zu  
scharpff were das öl/ so muß mans mit  
Braunwursel wasser mildern. Also ge-  
nugsam von disen Schäden.

## Pflegmatische Schäden/ von wässeriger Feuchtigkeit.

### Das I. Capitel.

**S**iese Schäden seind anders nichts/  
dann ein faules ersticketes Wasser/  
Darzu dann gemeiniglich in der  
erstis



erstickung zwischen Fell vnd Fleisch/ eine  
 Salsedische arth von den Musculen/  
 vnd vnderweilen auch von den Arterien  
 ein gesalzenes flüßlin sich mit einmischet/  
 Auch so kompts oft das solche wässerige  
 feuchtigkeit eine feiste arth an sich nim-  
 met/ welche gar böß zu heilen seind/ vnd  
 welcher die Resolution nit weiß der feis-  
 ten/ von seiner ersten generation/ der kan  
 ihm nit helffen/ auch so kompts vnderwei-  
 len/ das einer feiste mastige Schenckel  
 hat/ vnd von den musculis ein giftiges  
 Sälzlein darzu kompt/ vnnd das gibt ein  
 beissen in dem eussersten der Haut/ vnd  
 wann sie es also jucket/ so krazen sie es/  
 vnd wirt also ein offener Schad darauß.

Auch so kömen solche schäden zu wei-  
 len/ wañ eins sich stößt/ gefähr oder vn-  
 gefähr/ vnd die Balbierer legen Pflaster  
 darauff die zu hitzig sein/ welche Pflaster  
 safft an sich ziehen/ vnd feuchtigkeit/ wie  
 das dann der Gallfüchtigen brauch ist/  
 dann solche Substanz zeucht wässerige  
 feuchtigkeit an sich/ welche es haben muß.

X Auch

Auch kompts bisweilen / das die vns  
 gelehrte Tölpel/ die feiste des schadens  
 nicht verstehen / vnnnd die mastigkeit der  
 feuchtigkeit / vnd legen Pflaster von feis-  
 tem darauff / vergiften also mit der feis-  
 tigkeit das Fleisch vnd den Fluß/ daß sol-  
 che wässerige schäden seind von ihnen sel-  
 ber nicht / sonder von einer Jovinischen  
 flüssigen / warmlichten feuchtigkeit / wel-  
 che allezeit eine Mastigkeit inn sich hat.  
 Darnach heben sie an vnnnd essen/wöllen  
 das geil Fleisch auß essen / brauchen hitzige  
 Corrosiven / vnnnd essen die ding / welche  
 Gallfüchtig sein / mit einem scharpffen  
 fressenden Salz/ enkünden also das ge-  
 äder/ auch vnderweilen dz Blut/vnd ma-  
 chen ein bösen / Gallfüchtigen / giftigen  
 schaden. Die andern schäden aber die da  
 kalt sein/ eine grüne in sich haben/ vñ in-  
 nerlich kalt seind / auch die Kanffte auß-  
 wendig hierumb / die gehören alle zu dem  
 Wolff / zu den Melancholischen Schä-  
 den.

Das

## Das 11. Capitel.

**Z**u diesen Schäden aber muß man anders nichts brauchen / dann Simplicia Mercurialia, dieselben sein in der Substanz / oder in der Form / oder in allen beiden / in der ersten Materien seind sie am besten vnd edelsten / dann sie helfen gewaltiglich / vnnnd von grund auß / vnd ist ein schlechter weg / vñ sein schlechte Curen / welche von jederman veracht werden. Hieher gehören diese Simplicia, Maurpfaffer zu äschen gebrandt / vnd da rein gezettelt / heilet gar geschwindt die neuen vnd frischen Wunden vnd Schäden der Schenckel / solches thut auch Haußwursel zu pulver gebrendt vnd darein gezettelt / aber die Kleine Haußwursel gehet für sie alle / die auff den Dächern wächst / vnnnd gelbe blüet hat / Man soll dise Simplicia mit Colligieren / allein wann Sont vnd Mond im Krebs ist / im Brachmonat / so sie in ihrer höchsten Blüet ist. So aber solche Kräutтер bitter sein / so sind sie fürtrefflich / vnd ist nichts ober sie / Als

X ij die

die kleine Hauswurzel/ vnd Krebs kraut/  
 auch der Nasen König zu puluer gebren-  
 net/ gehört auch hieher: Auch alle Fisch-  
 bein/ auß genommen Hechtenbein/ gehö-  
 ren zu dem Wils vnnnd Salz im dritten  
 grad des Krebs/ diese ding alle gehören  
 in den driten grad des Krebs/ oder Mer-  
 curij/ Aber die Bittern/ als Krebskraut/  
 klein Hauswurzel/ gehören alle in den  
 vierten grad/ volkommenlich/ auch der Na-  
 sen König/ Dann diese im vierten grad  
 heilen alle Fisteln/ sie seyen an Schen-  
 ckeln/ Kopff/ Maul vñ Hals/ wo sie wöl-  
 len. Hieher gehören auch die Eißvögel  
 zu Puluer gbrent/ im vierten grad/ aber  
 der Kenger gehört in den dritten grad des  
 Krebs/ zu puluer gebrendt/ mit aller sub-  
 stanz. Diese Puluer muß man alle ganz  
 trucken halten/ Dann so bald die feuchte  
 sein/ so sterben sie ab/ vnnnd/ thun nichts  
 mehr. Zu diesen Kräutern gehören auch  
 die Holderschwammen/ die hochlöbliche  
 Mistel der Feichtenbaum/ welche doch  
 zusehnlich/ zu puluer gemacht/ solche schä-  
 den hey-

## Von offnen Schäden.

165

den heylet / vnd wann man auß disen Mi-  
speln / mit Keygerschmalz wol außge-  
sotten / ein Balsam eingesezt / wann die  
Sonn im Merken in Wider gehet / vnd  
lasset es also stehn in einem feuchten ort /  
bis die Sonn in Krebs geht / stellers als-  
dann hinauß an die Sonne / lassets also  
stehn 9. wochen / darnach behalten diß /  
vnd streichen diesen Balsam in den scha-  
den / oder wem solches widerfähret / auß-  
wendig vmb den schaden herumb / Doch  
nicht in schaden / vnd sonderlich ober den  
schaden hinauff einer spannen weit auff  
die Adern die inflammiert sein / Es leschet  
das Geäder vnd dämpff / darauß daß der  
Fluß kompt / dann dieser Dampff kompt  
von einer Gallensündung / vnd solche  
schäden sein anders nit / dann ein ensün-  
dung einer falschen Gall / in der Mercu-  
rialischen Substanz.

### Das 111. Capittel.

**S**ie muß ich E. Churf. G. ein vn-  
derriecht geben vnd Regel / die war-  
hafftig sein / auß der Natur / Sub-  
stanz

X iij

stanz

stanz vnd arth/ vnd welcher mit solchen  
dingen wil vmbgehn/ der muß das vor-  
hin wissen/ ab einem nagel/ wie dz sprich-  
wort ist/ad vnguem leire, sonst ist nichts  
falscher grausamer/ Mordischer/in allen  
Kranckheiten/ das nicht zu wissen/ Vnd  
seind also 4. Regel/wie die erzehlt sein in  
dem Büchlein von den 4. Materien/vnd  
diß ist der warhafftige grund/ der nicht  
irren kan.

Vnd seind also/das das Gehirn/Lun-  
gen/ Nerven/ vnd alles weiße geäder/  
Sennader/ vnd was der gleichen ist/die  
ihren vrsprung haben von dem Hirn/  
Lungen/ oder geäder/ Flecht/ oder was  
dergleichen ist/ die gehören alle vnder den  
Geist des Krebs. Auch die weiße mem-  
bra des Magens/ auch zum theil die  
Lung/vnder die ander Materi des Krebs/  
als vnder dem Scorpion. Die kleine ge-  
därm aber/ die Phlegmatischer Sub-  
stanz sein/ Blaas/ Intestinum flatulen-  
tum, gehören alle vnder die dritte materi  
deß Fisches. Diese ding haben ihren vrs-  
prung

Sprung alle vom Hirn/Geäder/Lungen/  
vnd könten nicht verfelscht werden/dann  
allein durch seine gegen Erbfeind/der  
schwebelischen feuchtigkeit vnnnd materi/  
als da ist die Gall/vnd was von jr kompt/  
wie das gesagt wirt werden in dem Buch  
de Tartaro, Calculo, & Calce vrenti. vñ  
also eine materi wider die ander/Als die  
erste materi des Schüzens/wider die er-  
ste materi des Krebs/ die ander materi  
des Widers/wider die Materi des Scor-  
pions/Die dritte materi des Lewens/wi-  
der die dritte materi des Fisches. Et econ-  
tra, werden die schäden des Fisches gefärs-  
bet wie ein Berill/die schäden des Scor-  
pions wie ein Schmaragk grüntlich/ die  
schäden des Krbes wie ein Ametist/vnnnd  
widerumb/ des Schüzens wie ein Chris-  
solidus/die schäden des Widers/wie ein  
Hiacinct/die schäden des Lewen/wie ein  
Calcidonier/vnd diß ist ein ewiger freit.

Das IV. Capitel.

**S** Ergleichen kan nichts widerfah-  
ren der Leber/ Holader/vnd allen  
K iiii Bluts

Blutadern des ganzen Leibs. Dann die Leber ist vnder dem zeichen der Wag/ in dem Geist Jovis/ im höchsten grad. Die Holader mit allen ihren ästen durch den ganzen Leib/ ist vnder dem Wasserman in der anderen materien/ Die Nuckader/ Nofader seind vnder dem Zwilling/ vnd dardurch das Menstruum geführet wirt/ gehören all vnder die dritte materi des Zwillings/ vnd können solche geäder nit verfälschet werden/ allein von der Saturnischen giftigen arth / was vnder der Wagen ist/ von dem Stier vnd seinem falsche geist/ als die Leber/ was vor falscheheit geschicht in der Holader vnd Blutader durch der Jungfrauen falschen geist vnnnd materi/ vnd Nuckadern/ Menstruum, vnd was der gleichen ist / durch den Steinbock/ vñ solche krankheit auß dem Steinbock gewinnet ein grüne röliche Materi in dem geäder/ ein gülb vnd gelsucht/ in der Leber selblicht vnnnd dergleichen/ Vnd econtra. So der Stier vergiffet wirt/ der Herksufft vñ Arterien/ so wirt



wirt der Mensch grüenschwarz / wie ein Sardinus in den Schäden / vnd Ruckgrad / vnd milch / blaw / weiß / bleich vñ schwarzlicht / in dem Milk äschenfarbig. Dann das Herz / mit allen seinen Arterien durch den ganzen Leib auß / gehören alle vnder den Stier / vñnd sonderlich die Arteria / welche auß dem Herzen geht / vnter dem Magen / zu mitten inn dem schoß der Leber / gippum hepatis genant / die gehören vor allen dingen hieher / durch welche primus motus radices gibt sanguini, davon jetzt hie nicht zu reden ist / sondern in den Büchern Microcosmi cum Microcosmo, & ecōtra arteria magna in pulmone & aspera, vnd was zu den Elementen gehört / die gehören alle vnder secundam materiam Virginis, die Milk Arterien / vñ was hinauß zu der digestion hilfft / gehört vnter die drit materi des Steinbocks vnd auch die Nieren zum theil. Darumb muß man wissen / das E. Churf. G. rechte bericht wirt / zum ersten das ort oder glied das da leidet / ist am Schienbein / welches

X v vnder

vnter dem Wasserman ist / vnnnd ist ein wässeriger schad / so gedencck nicht anders / als das ein giftig Sulphurisch / schwefelhaftige / salzige feuchtigkeit ist darzu geschlagen / vnd diß darumb / die wässerige feuchtigkeit die sich dahin gesezt hat / die gibt von ihr selbs kein schaden / sie werde dan durch eusserliche ding darzu gezwungen / als durch wullen Tuch / vnd hitzige Pflaster / die da Gallsuchtige materi in ihnen haben / entzünden den schaden / vnd das vmb der Gallsucht willen / dann sie ist diser feuchtigkeit ganz vnd gar giftig vñ auffsezig / dadurch dieser schad flüßig wirt / vnd volgt. Also vil von disem schaden.

Vnd diß geschicht durch den falschen Geist des Widers / welches wol zu heilen ist durch das Sympatistischraut Mercurialisch / so mans darauff legt / oder mit geringem Wein vnd wasser seind gewaschen / vnd darnach darauff geschlagen / zum tag zweymal es heilet in einem huy hinweg / Dann der schad vnnnd Materi seind auß einer andern Materi des Widers

ders

ders vnd Scorpions/ Aber solchs ist nicht  
genug zu wissen/ Sonder man muß auch  
wissen/ daß das Sympatische zeichen des  
Wassermans / als ein Himlisch Zeichen/  
das Schinbein regiert / darumb daß es  
vnder dem Wasserman ist/ vnnnd vnder  
dem Geist Jovis/ So setze ihm den fals-  
schen Geist vnd materi Viciatoris. vnder  
der Jungfrawen / vmb des Jovis Geist  
vnnnd materi willen/darumb man gesund  
muß auffsehen/ das kein alter brand dar-  
zuschlage / daß die his in solchen schäden  
gern in die trückne schlägt/ dann wo der  
Saturnus mit seinem Geist vñ materien  
den Geist Jovis verfelschen kan / thut  
ers mit krafft vnd macht / vnd reißt sie an  
sich mit gewalt

Derohalben muß man die Arzney also  
setzen/ der Schad sey so groß als er wöll/  
So nimb auß der andern Materi des  
Wassermans vnd Scorpions die Arz-  
ney/ daß das eine das Glied behüt/ vnd er-  
halte / daß vnder dem zeichen geboren sey/  
darvnder das glied ist. Solches ist Alant-  
wursel

wurzel vnd kraut/ Auch Pappellen vnd  
 Sygmarskraut / wie dann in der andern  
 Materi Jovis verzeichnet ist. Dieser  
 eins nimme zwey theil/ Mercurius oder  
 Bingelkraut drey theil/ als 3. handvoll/  
 geringen weissen Wein 4. Kandel/ frisch  
 Brunnwasser 6. kandel/ las es zugedeckt/  
 langsam vnd wol sieden/ darnach las ihm  
 die Schenckel von oben herab streichen/  
 vnd wäschen mit diesem Wasser trefflich  
 wol/ vnd darnach das Bingelkraut warm  
 darauff geschlagen/ allenthalben vber den  
 schaden 2. theil/ vnd der Alantwurzel ein  
 theil/ oder der andern Kräuter eins/ wel-  
 ches jr darzu genommen het / auß dem geist  
 Jovis der andern Materi/ das thut alle  
 tag zweymal/ abends vnd morgens/ vnd  
 allemahl warme Tücher darüber gebun-  
 den/ bis er heylt ist / vnd noch drüber/ aber  
 starcke Wein soll er meiden/ vnd was sol-  
 che flüß macht. Ich hab aber vor zweyen  
 Jaren dem Herrn Schoram Janassam  
 37. offene schäden an einem Schenckel/  
 welche er lange zeit gehabt/ geheylet/ wie-  
 wol

Von offnen Schäden. 173

wol er sich gar nichts gehalten hat/sonder die starcke Vngerische Wein getruncken/Melonen gessen / vnd durchauß gethan/was der Natur vnd Kranckheit zuwider ist/in Hundstagen/ist in vier wochen heil worden von grund auß. Dis wasser also bereyt / thut wunderbarliche ding / Doch wer es gut wol halten zur Beständigkeit/ vnd so den Weibern vnd Mannen solche schäden auff führen an Schienbeinen/so mögen sie es mit heilen. Ist aber ein Fistel darbey / so muß man Fischbein / gebrandt zu Pulver/ darein zettelen / oder Krebschalen zu Pulver brennen / oder Krebskraut / wie das zuvor gesagt / vnd was dergleichen ist/auch das Ringelkraut zu Pulver gebrandt/ vnd die Aschen darein gezettelt / auch die Wasserchwammen zu Pulver gebrandt/ vnd darein gezettelt nach dem weichen/wann das kraut ein stund darauff gewesen ist/auch Rohrwurzel pulver/ vñ was dergleichen ist/die fürnehmsten aber vnder diesen allen / ist das Krebskraut Pulver / NasenKönig pulver/

## Das V. Capitel.

**N** ist zu wissen/ das ettwan ein  
Schad in die Zehen oder Füß fällt/  
vnd ensünd einen gar/ dz er meinet  
er müsse von sinnen kómen/ solche schás  
den gehören vnder den Cineratorem in  
den dritten Grad/ Sie fahen gemächlich  
an/ thun je länger je würscher/ verbren-  
nen den Nagel hinweg/ ist gar ein jäm-  
merlicher grausamer Schmers/ thut so  
wehe/ das ihn gar toll macht/ vnd kompt  
geru das Wilde Feuer auß sollichen  
Schäden/ Ist ein Hurenkindt des Le-  
wens in der dritten Materi/ dem muß  
mann auch auß der dritten Materien  
helffen/ des Fisches/ vmb der einführung  
willen aber/ so müßt ihr Honig/ das wol  
mit Wasser versotten ist/ vnd gereiniget/  
vnd Stieffmütterlin wasser/ oder Haus-  
wurk wasser/ oder Bingelkraut wasser/  
vnd was dergleichen ist/ nemmet zween  
theil/ Honig ein Rüssel/ des Wassers  
zwen/ Scheißmaldien kraut/ oder ein  
anders/

anders/das in der dritten Materien stehe  
des Krebs/ oder Mercurij / anderthalb  
handtvoll / ihe grüner ihe besser / laß es  
weich sieden/ darnach wider abfühlen/  
vnnnd streiche es auff ein Pflaster / das  
schlage vmb den Schaden/ so wirdt es  
geschwindt besser / Man muß aber dar-  
ob wol acht haben/welches zum höchsten  
nothwendig ist zuwissen / vmb auff die  
Rechte seith zu zählen / nach dem rech-  
ten Proceß / Als wann es ein sollicher  
schad ist/da die Substanz vnd Kranck-  
heyt bey'e vnter einem Zeichen sein/vnd  
angegriffen werden / durch ihren Erb-  
feindt / als von der Gall/ das man des  
Geists / der ihme geneygt ist/ natur an  
sich ziehe / vnnnd das nach der Rechten  
handt auff die Lincke handt/ gibt es von  
sich selbst/ vnd kan ihr nicht so viel schad-  
den/ als der auff der Rechten handt/  
das man darauff ein Kraut nimbt / oder  
ein Simplex, wie das Honig ist / vnnnd  
bereit das mit einem Mercurialischem  
Wasser/ das seine Hitze vnd Grobheit  
der

der Substanz ihme genommen werde. Also wirt es kräfttig dieses Erbfeindes Natur auff sich nemmen/ also wirdt der sachen allezeit trefflich wol geholffen vnd gerahen.

Auch ist ein seltsames mittel hierzu zu brauchen/ gegen der Lincken Handt/ vnd solche schäden/ wann sie flüssig seind/ das man ihre eygene Substanz / die kalt vnd feucht ist/ in ein truckene treibet/ Als da seindt alle Wispeln von Aepffelbäumen/ Fichtenbäumen / auch solche R. ratter in sich selbst zu Pulver brennt/ in die schäden gezettelt / es nimmet alle gegenwertige Fluß vnd Feuchtigkeit an sich / vnd hilffe seinem Mitbruder / vnd also werden die schäden geheylt vnd aufgetrückt.

### Das VI. Capitel.

**S**olche Fisteln weren in einem Knie/ so müste man diese zwey zusammen setzen / als zwey theil von Krebskraut pulver / vnd ein theil vom Steinbock/ als da seind Eychen Rinden/ Maul-



Maulwerff Pulver / oder Spinnweben/  
 oder eichen Mispeln ein theil / oder Feder-  
 kraut / vnnnd was dergleichen ist / wie im  
 Buch von der Materien gesetzt ist / vnder  
 dem Steinbock oder Stier / vnnnd neme  
 met diß Wasser / Darzu nembt Bingel-  
 kraut / oder was der gleichen ist in dem  
 Mercurio drey theil / Himmelbrandt des  
 schwarzen zwey theil / sied es auch in sechs  
 Kandeln wasser / vnd vier Kandeln weissen  
 ringen Wein / wäsche es / vnd reynige es  
 trefflich / darnach die Kräuter darauff  
 geschlagen so warm / vnnnd darob ertrück-  
 nen lassen / darnach das Pulver darcin ge-  
 zettelt : Als da ist sichten Mispeln 3. loth /  
 Eichen Mispeln zwey loth / es wirdt bald  
 heylen.

Es ist auch zuwissen / das man diese  
 ding nicht muß gar zu äschen verbrennen /  
 sondern fein groblicht / das ihre Substantz  
 nicht gar Corrupt wirdt / Dann also  
 seind sie viel kräftiger vnd artiger gepul-  
 vert / vnnnd darcin gezettelt : Inn solche  
 Schäden der Knie ist fürtrefflich Teuffels

¶ Abiſs

Abißkraut / für das Himmelbrandt kraut  
 gesotten / Auch so muß man mercken / so  
 solche schäden in den Juncturen seind / daß  
 kein Gliedwasser oder Marekwasser her-  
 auß fließe / darumb muß man das Abiß-  
 kraut darzu brauchen / oder Schleen most  
 gepulvert / vnd auch darein gezettelt.

Das VII. Capitel.

**S**D aber solche Fistelen weren am  
 dicken / zwischen dem Leib vnd dem  
 Knie / So muß man nemen ein  
 Kraut / daß mit dem Geschmact vnter dem  
 Schützen sey / aber mit der Materi vnder  
 dem Scorpion: Als da ist Sterckkraut /  
 Critantomus genant / diese Kräuter seind  
 am Kraut / vnd in allem gleich den Cami-  
 len / die Blumen seind auch wie Cami-  
 len / aber etwas grösser / vnd so geel als das  
 aller edelste Goldt / schmæcken gar lieblich  
 vnd wol / Des muß man einen theil nem-  
 men zu zweyen theilen Bingelkraut / oder  
 dergleichen eins / vnd das laß sieden mit  
 Wasser vnd Wein / jedes gleichviel / fünff  
 Kandeln /

Randeln / darnach Krebskraut drey theil/  
 Birckebäumen Nispeln anderthalb theil/  
 gepulvert / vnd darcin gezettelt / nach dem  
 wäschen vnd säubern / vnd also hinauff  
 durch den gansen Leib / von zeichen zu zeich-  
 en / Dann ein jedes zeichen seine Kräut-  
 ter hat / nach eines jeden Materi.

So aber einem ein Fistel an dem Hals  
 käme / dem were es trefflich / köstlich vnd  
 gut / den Nasenkönig gepulvert / darcin  
 gezettelt / auch Aspen Nispeln gepulvert /  
 vnd dar ~~mit~~ gezettelt / vnd voraus ist treff-  
 lich gut durch Eichen Nispeln / vnd vmb  
 den Schaden geseubert mit Braunwurz  
 wasser / vnd Krebskraut wasser / auch des  
 Krebskraut pulver mag man für des Nas-  
 kenkönigs Pulver nehmen / so man es nit  
 haben kan. Vnd also heile es bis zum end.

Das VIII. Capitel.

**E**S kompt auch zu zeiten / das durch  
 fahrlässigkeit der Barbierer / einer  
 in den vndern Lessen des Munds  
 geschnitten wirdt / vnd hat einen bösen ge-  
 schmack

ij falschen

falschen speichel/ von einer hüzige gallen/  
welcher so er einem in den schaden kompt/  
laßt er ihn nicht heilen/ sondern macht ihn  
frattig/ frist es für vnd für hinweg/ vnd  
wird eine gewaltige Fistel darauß/ wirffe  
die rauffte nicht vbersich wie der Krebs/  
beisset aber zu zeiten/ nicht allwegen/ ist eis  
sen vnd äschen farb.

Dise Fistel ist ein gefalsene Fistel/ vnd  
wirt mehr zu dem Wolff gerechnet: Dañ  
die Gall ist ein vrsach dieses Schadens/  
aber hat keine Krafft darinnen. It/ sons  
der oben im Haupt/ da der flus herkompt/  
darumb ihme der Hals geiferig wirdt/ hat  
auch einen stinckenden Speichel/ von der  
Lungen vnd Magen dampff / von vnden  
hinauff/ vnd oben herab/ Wann solchen  
Lehnten schon das Fleisch gar hinweg ist/  
vnd der ganz Leffsen/ so kan man ihnen  
noch helfen/ vnd den Schaden ganz vnd  
gar tödten.

Doch muß man den Speichel zwingen  
daß er in die Tücher lauff/ mit den ligens  
den Tüchlein/ vnd das muß er Tag vnd  
Nacht

Von offnen Schäden. 81

Nacht verhüten/vnnd das Pflaster / das  
vber das gemeldt Pulver ligt / oben mit  
Wachs verhüten/vnd das es vbers Pfla-  
ster hinauß / vnd nichts in den Schaden  
mehr fliesse/wie ich den Hansen Schweiz-  
nens von Mosmünster / vnnd Caspar  
Quittner zu Straßburg geholffen hab.  
Diese seind beyde also verwarlost worden  
mit dem Schnidt im Barbieren/ Denen  
hab ich zum ersten den Schaden reynigen  
lassen/ darnach das Birckenöhl von der  
Runder brennt vnder sich/wie man das  
Weckhe oder Holzöhl brennt / lauter her-  
auß genommen: Vnd in ein Straßburger  
Seydel oder Nößel voll dises öhls hab ich  
Kexger pulver/ ein gute grosse handtvoll  
geworffen/vnnd das zweymal/vnnd das  
Kexger pulver weg geworffen/damit ich  
dem öhl sein schwebelische art genommen  
hab / vnd Krebskraut/ auch das Biene-  
hauß genommen/ gepulvert/ vnd mit die-  
sem öhl den Schaden aufgewaschen/dar-  
nach ein Tüchlein darein genetzt/ vnd da-  
rauff gelegt/ mit dem Federkraut pulver/

das der Schad durchaus gedeckt were mit den Tüchlin/darnach wie der Fluß durch auß getödt/vnd hinweg gewest/ so hab ich Krebskraut pulver/ vnd Federkraut pulver zugleich/ in den schaden gezettelt/ aller voll/vnd darnach ein Tuch in dis öl gesezt/vnnd darüber gelegt/ Darnach ein Pflaster gemacht von Fichten Nispelen pulver/ vnd Fichten Rosenpulver/ jedes vier loth/ Trachenblut pulver zwey loth/ Calophonia/ Terpertin/vnnd Harz zerlassen/das genug war/gar saff. ich zerlassen/vnnd vermischet/ darnach auff ein Barchet gestrichen/ vnd darüber gelegt/ wie ein Teckel/ vnd oben bey dem Munde fest vermacht mit Wachs/das mir nichts in den schaden geflossen ist.

Auch so hab ich ihu geben für vnd für solches Pulver zu essen/damit der schleim vnnd der gesalzene Fluß verzehrt möche werden/ Darzu name ich Seydenkraut/ von den brennenden Nesseln/ drey loth/ kein Kletten wurkel neun loth/ Brauns wurkel sechs loth/ rein gepulvert. Des hat er alle

er alle tag 2. lot müssen essen zu der speiß/ morgens ein halb lot/ ein quint vor/ vnd ein quint tel nach/ vnd des nachts gleich zum nacht essen/ vnd des morgens/ wenn er auffstund/ ein halb lot/ mit gebährem brodt/ vnd des nachts wenn er schlaffen gieng/ hab ich ihn alle fünff tag ein mal purgieret zum anfang/ Darzu nam ich Cardobenedictensamen zwey lot/ Senitbletter 4. loht/ Soldanellenkraut ein halb loht/ Zalun der Körner anderthalb loht/ Diß zu pulver gemacht/ deß hab ich ihm ein quintlin auffein mal mit gebährem Brodt/ vnd ein drittheil eines quintlins weissen Weinstein darzu. diß hab ich ihm oft gegen nacht geben/ wann der Fluß so gar heß hat wollen gehn/ bißes gar auß gesdörret worden/ aber den Weinstein hab ich nie außgelassen/ hab allemal frischen Weinstein genommen/ dann er soll nicht/ wenn er alt wirt/ gepulvert werden/ sondern er resoluiert sich. Also vil von den Schäden..

Es seind noch mehr Schäden/ wie dann mit einer vor ein Jar begegnet ist/ die von faulent geronnenem Blut kommen/ welches nachmals wässerig wirdt vnd ersticket / gehören zu dem Krebs.

Es kommen auch grosse Schäden/ so ein Mensch durchaus erkaltet an Händ vnd Füßen/ oder an Füßen allein / so dringet es alle hitz hinein/ vnd erstickt sie inwendig / als wann einer gar erfreurt an einem schenckel/ vnd dar nach fallen ihm die schenckel auß vnd werden  
**Schäden**

Schädend darauff / vnd das fleisch erstickt / vnd  
 alsd erstickt so man ihm dingdazu thut die  
 hitzig sein / ensserlich / Dann sie wissen dieses  
 dings keinen grundt nicht. Diesen muß man  
 also helfen: Nimb Kuben / die in der dritten  
 Materten stehn des Vishes / vnd siede sie treff-  
 lich wol in wasser / doch müssen ihr auch viel  
 sein / vnd fünffzehnen massen Wasser / vier mass  
 Wein / darüber halt er die Schenckel / das ihm  
 der Dampf gemächlich wärm hinzu gehet /  
 doch nit gar zu warm / vnd lezlich gar hinein  
 gesetzt / auch die Kuben gar vmbgeschlagen /  
 vnd das offtermals / biß er die schenckel wider  
 empfindet. Darnach nimb zu drey pfundt Kus-  
 bea vier handvol Bingelkraut / vñ wo hand-  
 vol wintergrün / drey theil Wasser / vnd ein  
 theil Weins / laß es wol sieden / darinnen bade  
 er wie vor / Vnd so ein Schade darein fellt / den  
 reinige ihm mit Eichenlaubwasser / vnd rocken  
 zupulser gebrent in einem töpfflein / vnd dar-  
 rein gesetztelt / auch rocken meel / mit zwey theil  
 wasser / vnd einem theil weissen Wein wol ges-  
 ortten / zu einem pflaster auffgestrichen /  
 vñ vmbgeschlagen / es hilfft  
 vñd heilet.

E N D E.





